




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.35





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.35



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.35



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.35

Ab. 2/2





Ex Libris Joannis Nencini
1874

CENTRALE
FIRENZE
5
NE

Gi. Venerini
1861








M. TVLLII CICERONIS
DE PHILOSOPHIA,
PRIMA PARS,

*Academicarum quaestionum editionis primæ liber
secundus, editionis secundæ liber primus,
De finibus bonorum & malorum libri v.
Tusculanarum quaestionum libri v.*

Cum scholiis Pauli Manutii.

INDEX RERVVM, ET VERBORVM.




VENETIIS, M. D. LX.

M. TULLII CICERO
DE PHILOSOPHIA
PRIMA PARTE

De finibus bonorum & malorum
De officiis
De senectute
De tranquillitate animi
De brevitate vite
De divitiis
De gloria
De morte

Secundum scholiam Pauli Manutii
INDEX RECTORUM ET VERBORUM



VENETIIS, M. D. LX.

AD
DE

& eius
in

S

nem, m
dinalat
cidit, co
ijs de re
trunq.
summa
cum Al
quidem
ret, net
am ante
dem, in
tibi mi
rum ex
linguan
cum la
usu ene
atatem

AD DIEGV M HVRTADV M
DE MENDOZA, CAROLI
CAESARIS A CONSILIO,

& eiusdem apud Venetam rep. oratorē,
in philosophiæ Ciceronis partem I.

Pauli Manutii præfatio.

SUPERIORIBVS diebus, cum
domum tuam uenissē, ut Benedictum
Accoltum, qui apud te diuersabatur,
honoris causa uisērem; quem ego homi-
nem, non tam quia Cardinalis est, quā quia Car-
dinalatu dignissimus, uehementer obseruo: casu ac-
cidit, cum ego adessē, ut inter uos sermo oriretur
ijs de rebus, quæ ab antiquis ignoratæ, nostra pa-
trumq. memoria non solum inuentæ sunt, sed ad
summam etiam elegantiam perpolitæ. cuius generis
cum Accoltus ita multa commemorasset, ut mihi
quidem, credo item alijs qui aderant, facile proba-
ret, ueterum solertiæ nostrorum hominum industri-
am antecellere: suggessisti tu, ne de philosophia qui-
dem, in qua tantopere antiquitatem admiraremur,
tibi uideri esse dubitandum, quin ea posset etiam-
rum expoliri, atque ornari; si modo, quam quisque
linguam a parentibus, atque a nutricibus traditam
cum lacte simul hausisset, in ea uellet scribere: nunc
usu euenire, ut externo sermone addiscendo totam
ætatem consumamus: quod si nos a pueritia discipli-
narum

narum cognitioni totos dederemus; non esse desperandum, quin & Platonēs, & Aristoteles aliquando possent existere: non enim & calum hoc, unde spiritum ducimus, idem est, quod olim fuit; & hominum ingenia non eadem esse possunt. praua consuetudo naturam peruertit. quæ tanquam ager si colitur, fructus edit uberrimos: si negligitur, exarescit. annos triginta ponimus in uerbis percipiendis: quantulum spatij restat, ut res ipsas consideremus? Licet ad antiquitatē animū referre. num aut Græci illi philosophi, quorum nomen celeberrimum est, ea, quæ ab Aegyptijs acceperant, Aegyptio potius, quàm patrio sermone scripta reliquerunt: aut nostri aliena lingua, non domestica sunt usi, cum ea, quæ uel de Græcis sumpserant, uel ipsi pepererant, in usum posteritatis explicarent? constat, apud omnes gentes, qui suas cogitationes litteris mandare uoluerunt, eos fere ijs esse uerbis usos, quorum significationem matris in gremio cognouissent. quod item nostra ætate si fieret; facile contingeret, quod tu opinaris Hurtade clarissime, ut in philosophia ueterum inuentis non nihil, uel etiam non parum addi posset. neque enim eos, qui fuerunt, usque eò cogitatione ingenioq. processisse existimandum est, ut ijs, qui futuri sunt, quod præterea cognoscerent, nihil reliquerint. multa latent adhuc, retrusa, atque abdita in immensitate naturæ: quæ eliciet, & euocabit in lucem, si quis inuestigandis rationibus, & perscrutandis rerum causis ab ineunte ætate suum
stu-

studium dederit. quod ab ijs fieri commode non potest, uel potius nullo modo potest, quibus non ea lingua, in qua alti educatiq. sunt, sed ea, qua ueteres utebantur, scribere consilium est. quorum tu si probares institutum, quotusquisque tecum esset in eo laudis genere conferendus? tenes enim perfecte Latinam linguam, tenes Græcam, Arabicam, alias præterea: scribis tamen ut in patria tua loquuntur. in quo uideo quid spectes. quod pater tuus egit, ut optime de Hispania mereretur; id tu alia quadâ ratione consequi uis. ille enim, cum annum ageret uixdum quintum & decimum, qua ætate milites in exercitu pauci solent esse, omnium approbatione, qui exercitus regeret, electus, Bethicæ regem, bis acie fusum, regno exiit, & quacunque in eius ditione fuerant, Catholici Regis imperio potestatiq. subiecit. Aliam tu ornandæ, atque amplificandæ patriæ tuæ rationem inisti. profers enim, quantum in te est, Hispanica linguæ terminos; & ut ea non solum uerbis, & nominibus, sed etiam rebus, et scientijs per te locupletata ab exteris nationibus appetatur, ingenio doctrinaq. consequeris. quod nescio an omnibus patris tui uictorijs, atque triumphis sit anteponendum. nam etsi, populos bello superare, & imperium augere, præclarum est: tamen mihi cum animo meo consideranti multo melior uidetur esse conditio litterarum, quàm regnorum. hæc enim in unius hominis fortuna posita sunt, et unius sæpe culpa extinguuntur: illæ uiuunt, & uigent quotidie

magis, neque ulla temporis circumscriptione terminantur. itaque magni & excellentes uiri, qui bellica laudis gloria florerent, cum earum rerum, quas gessissent, memoriam non satis fore diuturnam sperarent, nisi ab hominibus ingenio præditis celebrarentur; eos, qui id præstare possent, non uulgari-
bus præmijs affectos, in honore summo, atque etiam in amore semper habuerunt. Quo mihi illorum laus uidetur esse illustrior, qui & res præclaras manu gerere, & quæ gesserint, litteris custodire ipsi possunt. quo in numero fuit soror illa tua, præstantissima femina: cuius militaria facinora cum audimus, cuius eam nostræ ætatis uiro animi magnitudine comparamus: cum autem ea, quæ scripsit, legimus, uel antiquis scriptoribus ingenij præstantia simillimam iudicamus. Huiusmodi cum in tua familia mulieres existant, de uiris quæ sunt speranda? quanquam fratres omnes tui, tuq. in primis, ea, quæ sperabantur, iam præstitistis. itaque Carolus Imperator uestra potissimum uirtute, uestraq. fide nititur. nam fratrem tuum, Marchionem de Mondesar, qui ceteros ætate anteit, cum alijs in rebus, tum in uictoria Tunetana, equitibus leuis armaturæ & classi maximæ præpositum, magno suis rebus sensit esse adiumento: alterum autem, episcopatu Iacensi ornatum, summe propter eruditionem, et prudentiam diligit: tertium Indicis provincijs pro Rege, quartum Hispanicis triremibus præfecit: te primum sibi uoluit esse in consilio; deinde, cum difficul-
tatem

tatem quandam temporum pene fatalē impendere,
et ea, quæ cogitabat, sine summa prudentia non esse
tractanda intelligeret, unum e maximo numero de-
legit, qui apud Venetam remp. id muneris orator
sustineres. quo quidem in munere clarior in dies si-
gnificatio tuæ uirtutis elucet. nam ad usum rerum,
quo uales plurimum, addis doctrinæ cognitionem:
quam a libris petitam, grauiore in causâ consilium
capere si uis, explicas; ut, proposito præteritarum
rerum exitu, cautior præsentium sit deliberatio.
quod quoniam maxime præstant historia, & philo-
sophia: tu quidem uehementer utriusque studio te-
neris; sed nescio quo pacto magis te philosophia de-
lectat; credo, quod pluris apud te est, excogitare
quæ nemo uiderit, quàm imitari quæ alij fecerint.
Quo in genere cum omnino nullius ope uidearis in-
digere, quippe qui ita abundes ingenio, ut, quocun-
que te applicueris, excellas: tamen uide, quid ege-
rim: excogitaui rationem, ut inuare te possem.
nam hos Ciceronis de philosophia libros cum uetu-
stis exemplaribus contuli, & emendatos ad te misi;
ut tibi, si quando eos in manus sumeres, quasi faci-
lior & expeditior legendi cursus esset. sæpe enim te
audiui, cum diceres, antiquorum in scriptis ita mul-
ta esse corrupta, ut in eorum, qui legerent, animos
permixte falsa cum ueris influerent: cui malo si quis
mederetur, eum te existimare a studiosis omnibus,
sed a te ipso certe maximam esse gratiam initurum.
quæ me uox non cohortata est, sed impulit, ut id fa-

cerem, quod fecisse me uides. Ac fieri tamen po-
test, ut meo te studio & diligentia nihil inuenerim; et
ea, quæ ego nunc, in his libris restituta, in tuo nomi-
ne emitto, iam pridem ipse habeas omnia, domi tuæ
nata, & a te ipso quæsitæ: sed ego ita sum ratioci-
natus; cum tu a philosophis didiceris, non in Reges
solum, & Principes, qui summam inuandi faculta-
tem habeant, sed in tenuiores etiam liberalitatis no-
men posse cadere; quòd bene mereri, etiam si non
possunt, tamen & cupiant, & præclarum existi-
ment; eadem ratione fore, ut, quòd ego te inua-
re uoluerim, pro eo id accipias, quasi maxime
inuenerim.

M. TVLLII CICERONIS
ACADEMICARVM QVAE-
STIONVM, EDITIONIS
PRIMAE, LIBER II.
QVI INSCRIBITVR
LVCVLLVS.

MAGNUM ingenium L. Luculli, magnūq. optimarum artium studium, tum omnis liberalis, & digna homine nobili ab eo percepta doctrina, quibus temporibus florere in foro maxime potuit, caruit omnino rebus urbanis. ut enim admodum adolescens cum fratre, pari pietate, & industria praedito, paternas inimicitias magna cum gloria est persecutus; in Asiam quaestor profectus, ibi per multos annos admirabili quadam laude prouinciae praefuit. deinde, absens factus edilis, continuo praetor, (licebat enim celerius legis praemio) post in Africam, inde ad consulatum: quem ita gessit, ut diligentiam admirarentur omnes, ingenium agnoscerent. post ad Mithridaticum bellum missus a senatu, non modo opinionem uicit omnium, quae de uirtute eius erat, sed etiā gloriam superiorum. idq. eo fuit mirabilius, quod ab eo laus imperatoria non admodum expectabatur, qui adolescentiam in forensi opera, quaesturae diuturnum tempus, Murena bellum in Ponto gerente, in Asiae pace consumpserat. sed incredibilis quaedam ingenij magnitudo non deside-

ACADEM. QVAEST.

siderauit indocilem usus disciplinam. itaque, cum totum iter, & nauigationem consumpsisset partim in percunetando a peritis, partim rebus gestis legendis, in Asiam factus imperator uenit, cum esset Roma profectus rei militaris rudis. habuit enim diuinam quandam memoriam rerum, uerborum maiorem Hortensius. sed, quo plus in negotijs gerendis res, quam uerba, prosunt; hoc erat memoria illa praestantior: quam fuisse in Themistocle, quem facile Graeciae principem ponimus, singularem ferunt. qui quidem etiam pollicenti cuidam, se artem ei memoriae, quae tum primum proferebatur, traditurum, respondisse dicitur, obliuisci, se malle discere; credo, quod haerebant in memoria, quaecumque audierat, aut uiderat. Tali ingenio praeditus Lucullus adiunxerat et illam, quam Themistocles spreuerat, disciplinam. itaque, ut litteris consignamus, quae monumentis mandare uolumus: sic ille in animo res insculptas habebat. Tantus ergo imperator in omni genere belli fuit, praелиjs, oppugnationibus, naualibus pugnis, totiusque belli instrumento, & apparatu, ut ille rex post Alexandrum maximus hunc a se maiorem ducem cognitum, quam quenquam eorum, quos legisset, fateretur. In eodem tanta prudentia fuit in constituendis, temperandisque ciuitatibus, tanta aequitas, ut hodie stet Asia Luculli institutis seruandis, & quasi uestigijs persequendis. Sed, etsi magna cum utilitate reip. tamen diutius, quam uellem, tanta uis uirtutis, atque ingenij peregrini-

reginata abfuit ab oculis & fori, & curiæ. quin-
etiam, cum uictor a Mithridatico bello reuertisset,
inimicorum calumnia triennio tardius, quàm de-
buerat, triumphauit. nos enim consules introduxi-
mus pæne in urbem currum clarissimi uiri. cuius mi-
hi consilium, et auctoritas quid tum in maximis re-
bus profuisset, dicerem, nisi de me ipso dicendum
esset: quod hoc tempore non est necesse. itaque pri-
uabo illum potius debito testimonio, quàm id cum
mea laude communicem. Sed, quæ populari glo-
ria decorari in Lucullo debuerunt, ea fere sunt &
græcis litteris, & latinis celebrata: nos autem illa
exteriora cum multis, hæc interiora cum paucis ex
ipso sæpe cognouimus. maiore enim studio Lucullus
cum omni litterarum generi, tum philosophiæ dedi-
tus fuit, quàm, qui illum ignorabant, arbitran-
tur: nec uero ineunte ætate solum, sed & pro quæ-
store aliquot annos, & in ipso bello: in quo ita ma-
gna rei militaris esse occupatio solet, ut non multum
imperatoris sub ipsis pellibus otij relinquatur. Cum
autem e philosophis ingenio, scientiaq. putaretur
Antiochus, Philonis auditor, excellere; eum secum
& quæstor habuit, et post aliquot annos imperator.
cumq. esset ea memoria, quam ante dixi; ea sæpe
audiendo facile cognouit, quæ uel semel audita me-
minisse potuisset. delectabatur autem mirifice le-
ctione librorum, de quibus audiebat. Ac uereor in-
terdum, ne talium personarum, cum amplificare
uelim, imminuam etiam gloriam. sunt enim multi,
qui

qui omnino græcas non ament litteras; plures, qui philosophiam; reliqui, qui, etiam si hæc non impro-
bent, tamen earum rerum disputationem principi-
bus ciuitatis non ita decoram putent. Ego autem,
cum græcas litteras M. Catonē in senectute didicisse
acceperim; Publij autem Africani, historiæ loquan-
tur, in legatione illa nobili, quam ante censuram o-
bijt, Panetium unum omnino comitem fuisse; nec
litterarum græcarum, nec philosophiæ iam ullum
auctorem requiro. Restat, ut ijs respondeam, qui
sermonibus eiusmodi nolint personas tam graues il-
ligari. Quasi uero clarorum uirorum aut tacitos con-
gressus esse oporteat, aut ludicros sermones, aut re-
rum colloquia leuiorum. etenim, si quodam in libro
uere est a nobis philosophia laudata: profecto eius
tractatio optimo atque amplissimo quoque dignissi-
ma est: nec quicquam aliud uidendum est nobis,
quos populus R. hoc in gradu collocauit, nisi ne quid
priuatis studijs de opera publica detrahamus. quod
si, cum fungi munere debeamus, non modo operam
nostram nunquam a populari cœtu remouemus, sed
ne litteram quidem ullam facimus, nisi forensē:
quis reprehendet nostrum otium? qui in eo non mo-
do nosmet ipsos hebescere, & languere nolumus;
sed etiam, ut plurimis prosimus, enitimur. Gloriam
uero non modo non minui, sed etiam augeri arbitra-
mur eorum, quorum ad populares, illustresq. lau-
des, has etiam, minus notas, minusq. peruulgatas,
adiungimus. Sunt etiam, qui negent in ijs, qui in
nostris

nostris libris, disputent, fuisse earum rerum, de quibus disputatur, scientiam. Qui mihi videntur non solum uiuis, sed etiam mortuis inuidere. Restat unum genus reprehensorum; quibus Academia ratio non probatur. quod grauius ferremus, si quisquam ullam disciplinam philosophiae probaret, praeter eam, quam ipse sequeretur. nos autem, quoniam contra omnes dicere, qui scire sibi videntur, solemus, non possumus, quin alij a nobis dissentiant, recusare. Quanquam nostra quidem causa faciliior est, qui uerum inuenire sine ulla contentione uolumus, idque summa cura, studioque conquirimus. etsi enim omnis cognitio multis est obstructa difficultatibus; eaque est & in ipsis rebus obscuritas, & in iudicijs nostris infirmitas, ut non sine causa & doctissimi, et antiquissimi inuenire se posse, quod cuperent, diffisi sint: tamen nec illi defecerunt; neque nos studiū exquirendi defatigati relinquemus; neque nostrae disputationes quicquam aliud agunt, nisi ut, in utranque partem dicendo, & audiendo, eliciant, & tanquam exprimant aliquid, quod aut uerum sit, aut ad id quamproxime accedat. neque inter nos, et eos, qui se scire arbitrantur, quicquam interest, nisi quod illi non dubitant, quin ea uera sint, quae defendunt; nos probabilia multa habemus, quae sequi facile, affirmare uix possumus. Hoc autem liberiores, & solutiores sumus, quod integra nobis est iudicandi potestas; neque, ut omnia, quae praescripta, & quasi imperata sint, defendamus, necessitate ulla cogimur.

nam

ACADEM. QVAEST.

nam ceteri primum ante tenentur adstricti, quàm,
quid esset optimum, iudicare potuerunt: deinde in-
firmissimo tempore ætatis aut obsecuti amico cui-
dam, aut una alicuius, quem primum audierunt,
oratione capti, de rebus incognitis iudicant, & ad
quancunque sunt disciplinam quasi tempestate dela-
ti, ad eam, tanquam ad saxum, adhærescunt. Nam,
quod dicunt omnia se credere ei, quem iudicent fuisse
sapientem: probarem, si id ipsum rudes & indo-
cti iudicare potuissent. Statuere enim, quid sit sa-
piens, uel maxime uidetur esse sapientis. sed ut po-
tuerunt, omnibus rebus auditis, cognitis etiam re-
liquorum sententijs, iudicauerunt: aut, re semel au-
dita, ad unius se auctoritatem contulerunt. sed ne-
scio quo modo plerique errare malunt, eamq. sen-
tentiam, quam adamanerunt, pugnacissime defen-
dere, quàm sine pertinacia, quid constantissime di-
catur, exquirere. Quibus de rebus & alias saepe
nobis multa quæsitæ, & disputatæ sunt, & quon-
dam in Hortensij uilla, quæ est ad Baulos; cum eò
Catulus, & Lucullus, nosq. ipsi postridie uenisse-
mus, quàm apud Catulum fuisset. quo quidem
etiam maturius uenimus, quòd erat constitutum, si
uentus esset, Lucullo in Neapolitanum, mihi in
Pompeianum nauigare. Cum igitur pauca in xysto
locuti essemus, tum eodem in spatio consedimus. hic
Catulus, Etsi heri, inquit, id, quod quærebatur, pæ-
ne explicatum est, ut tota fere quæstio tractata ui-
deatur; tamen expecto ea, quæ te pollicitus es, Lu-
culle,

culle, ab A
quit Horten
rem Lucullo
tasse seruata
dicta sunt:
Tum ille, N
expectatio
tam aduerfa
ea, quæ dicit
dicam enim
runt, non in
cule, ut quid
sermone lab
rissima. ag
enim mihi r
bam, & ma
ut etiam ma
modo fecit E
diendum am
dria pro qua
mecum. et
ris Antioch
chum multo
sane in ista
uocatur, pr
chum saepe
inter. et q
heri dictum
driam, tu

culle, ab Antiocho audita dicturum. Equidem, inquit Hortensius, feci plus, quam uellem: tota enim rem Lucullo integram seruari oportuit. et tamen fortasse seruata est. a me enim, quae in promptu erant, dicta sunt: a Lucullo autem reconditura desidero. Tum ille, Non sane, inquit, Hortensi, conturbat me expectatio tua: etsi nihil est ijs, qui placere uolunt, tam aduersarium: sed quia non laboro, quam ualde ea, quae dico, probaturus sim, eo minus conturbor. dicam enim nec mea, nec ea, in quibus, si non fuerint, non uinci me malim, quam uincere. sed mehercule, ut quidem se nunc causa habet, etsi hesterni sermone labefactata est, mihi tamen uidetur esse uerissima. agam igitur, sicut Antiochus agebat. nota enim mihi res est. nam & uacuo animo illum audiebam, & magno studio, eadem de re etiam saepius: ut etiam maiorem expectationem mei faciam, quam modo fecit Hortensius. Cum ita esset exorsus, ad audiendum animos ereximus. At ille, Cum Alexandria pro quaestore, inquit, essem, fuit Antiochus mecum. et erat iam antea Alexandria, familiaris Antiochi, Heraclitus Tyrius, qui & Clitomachum multos annos, & Philonem audierat, homo sane in ista philosophia, quae nunc prope dimissa reuocatur, probatus, & nobilis: cum quo & Antiochum saepe disputantem audiebam, sed utrunque leniter. et quidem isti libri duo Philonis, de quibus heri dictum a Catulo est, tum erant allati Alexandriam, tumque primum in Antiochi manus uenerant.

rant . et homo natura lenissimus (nihil enim poterat fieri illo mitius) stomachari tamen cœpit . mirabar : neque enim unquam antea uideram . at ille , Heracliti memoriam implorans , quærere ex eo , uiderentur ne illa Philonis , aut ea num uel e Philone , uel ex ullo Academico audiuiſſet aliquando ? negabat : Philonis tamen scriptum agnoscebat . nec id quidem dubitari poterat . nam aderant , mei familiares , & docti homines , P. & C. Selij , & Tetrilius Rogus , qui se illa audisse Romæ de Philone , & ab eo ipso illos duos libros dicerent descripsisse . Tum & illa dixit Antiochus , quæ heri Catulus commemorauit a patre suo dicta Philoni ; & alia plura : nec se tenuit , quin contra suum doctorem librum etiam ederet , qui Sosus inscribitur . Tum igitur & cum Heraclitum studiose audirem contra Antiochum differentem , et item Antiochum contra Academicos , dedi Antiocho operam diligentius , ut causam ex eo totam cognoscerem . itaque cōplures dies , adhibito Heraclito , doctisq. cōpluribus , et in his Antiochi fratre Aristo , & præterea Aristone , et Dione , quibus ille , secundum fratrem , plurimum tribuebat , multum temporis in ista una disputatione consumpsimus . sed ea pars , quæ contra Philonem erat , prætermittenda est . minus enim acer est aduersarius is , qui ista , quæ sunt heri defensa , negat Academicos omnino dicere . etsi enim mentitur , tamen est aduersarius lenior . ad Arcesilam , Carneademq. ueniamus . Quæ cum dixisset , sic rursus exorsus est.

est. Prim
appellabat
re idem , q
antiquis cl
populares
petunt iam
mo anno co
ges popula
sules essent
legem agra
cum bellum
stea bis con
ium . illi q
eundem nu
et clarissim
aiunt Ti. G
quidem , n
mur , obſer
quidem nū
rorum , atq
tutum sequ
ut illi remp
tam , ueluti
critum , P
etiam , &
nus (ut no
simile quid
cesile calu
cundia . et

est. Primum mihi uidemini, (me autem nomine appellabat) cum ueteres physicos nominatis, facere idem, quod seditiosi ciues solent, cum aliquos ex antiquis claros uiros proferunt, quos dicant fuisse populares, ut eorum ipsi similes esse uideantur. repetunt iam P. Valerium, qui, exactis regibus, primo anno consul fuit. commemorant reliquos, qui leges populares de prouocationibus tulerint, cum consules essent: tum ad hos notiores, C. Flaminius, qui legem agrariam aliquot annis ante secundum Punicum bellum tribunus pl. tulerit inuito senatu, & postea bis consul factus sit; L. Cassium, Q. Pompeium. illi quidem etiam P. Africanum referre in eundem numerum solent. duos uero sapientissimos, et clarissimos fratres, P. Crassum, et P. Scæuolam aiunt Ti. Graccho auctores legum fuisse, alterum quidem, ut uidemus, palam, alterum, ut suspicamur, obscurius. addunt etiam C. Marium. et de hoc quidem nihil mentiuntur. Horum nominibus, tot uirorum, atque tantorum, expositis, eorum se institutum sequi dicunt. Similiter uos, cum perturbare, ut illi remp. sic uos philosophiam, bene iam constitutam, uelitis, Empedoclem, Anaxagoram, Democritum, Parmenidem, Xenophanem, Platonem etiam, & Socratem profertis. Sed neque Saturninus (ut nostrum inimicum potissimum nomen) simile quidquam habuit ueterum illorum: nec Arcefila calumnia cōferenda est cum Democriti uerecundia. et tamen isti physici raro admodum, cum

b

hærent

ACADEM. QVAEST.

hærent aliquo loco, exclamant, quasi mente incitati, Empedocles quidem, ut interdum mihi furere uideatur, abstrusa esse omnia, nihil nos sentire, nihil cernere, nihil omnino, quale sit, posse reperire. Maiorem autem partem mihi quidem omnes isti uidentur nimis etiam quædam affirmare, plusq. profiteri se scire, quàm sciant. quòd si illi tum in nouis rebus, quasi modo nascentes, hæsitauerunt: nihil ne tot sæculis, summis ingenijs, maximis studijs explicatum putamus? non ne, cum iam philosophorum disciplinæ grauissimæ constitissent, tum exortus est, ut in optima rep. Ti. Gracchus, qui otium perturbaret, sic Arcesilas, qui constitutam philosophiam euerteret, & in eorum auctoritate delitesceret, qui negassent, quidquam sciri, aut percipi posse? quorū e numero tollendus est Plato, et Socrates; alter, quia reliquit perfectissimam disciplinam, Peripateticos, et Academicos, nominibus differentes, re congruentes; a quibus Stoici ipsi uerbis magis, quàm sententijs, dissenserunt: Socrates autem, de se ipse detrahens, in disputatione plus tribuebat ijs, quos uolebat refellere. ita, cum aliud diceret, atque sentiret, libèter uti solitus est ea dissimulatione, quam Græci εἰσφορέαν uocant: quam ait etiam in Africano fuisse Fannius; idq. propterea uitiosum in illo non putandum, quòd idem fuerit in Socrate. Sed fuerint illa uetera, si uultis, incognita: nihil ne est ergo actum, quòd inuestigata sunt, postea quàm Arcesilas, Zenoni, ut putatur, obtrectans, nihil noui reperiendi, sed

sed emenda
dum huius
clarissimis
non admo
tum acumi
re dicendi
autem con
cessila: aud
dierat, La
des fuisse
naginta uir
dum floru
Clitomach
genij non
tie, in Me
nosse Carn
tur. iam C
annos ded
demia non
dimur, ut
dam e phil
ciendum or
rationem,
Antipatru
reprehend
quid esset
uerbo uol
illi uocant
quid, quon

sed emendanti superiores immutatione uerborum, dum huius definitiones labefactare uult, conatus est clarissimis rebus tenebras obducere? cuius primo non admodum probata ratio, (quanquam floruit tum acumine ingenij, tum admirabili quodam lepore dicendi) proxime a Lacyde solo retenta est, post autem confecta a Carneade, qui est quartus ab Arcesila: audiuit enim Egesinum, qui Euandrum audierat, Lacydis discipulum, cum Arcesila Lacydes fuisset. sed ipse Carneades diu tenuit: nam nonaginta uixit annos: & qui illum audierant, admodum floruerunt. e quibus industriæ plurimum in Clitomacho fuit. declarat multitudo librorum ingenij non minus in hoc, quam in Carneade eloquentiæ, in Melonthio Rhodio suauitatis. bene autem nosse Carneadem Stratoniceus Metrodorus putabatur. iam Clitomacho Philo uester operam multos annos dedit. Philone autem uiuo, patrocinium Academicæ non defuit. Sed, quod nos facere nunc ingredimur, ut contra Academicos differamus; id quidam e philosophis, & ij quidem non mediocres, faciendum omnino non putabant: nec uero esse ullam rationem, disputare cum ijs, qui nihil probarent: Antipatrumq. Stoicum, qui multus in eo fuisset, reprehendebant: nec definiri aiebant necesse esse, quid esset cognitio, aut perceptio, aut, si uerbum e uerbo uolumus, comprehensio, quam κατάνησις illi uocant: eosq., qui persuadere uellent, esse aliquid, quod comprehendendi, & percipi posset, inscien-

ACADEM. QVAEST.

ter facere dicebant: propterea quòd nihil esset clari-
 rius ἐναργεῖα, ut Græci; perspicuitatem, aut eui-
 dentiam nos, si placet, nominemus; fabricemurq.,
 si opus erit, uerba; ne hic sibi (me appellabat io-
 cans) hoc licere soli putet. sed tamen orationem
 nullam putabant illustriorem ipsa euidencia reperi-
 ri posse; nec ea, quæ tam clara essent, definienda
 censebant. Alij autem negabant se pro hac euiden-
 tia quidquam priores fuisse dicturos; sed ad ea, quæ
 contra dicerentur, dici oportere putabant, ne qui
 fallerentur. Plerique tamen et definitiones ipsarum
 etiam euidentium rerum non improbant: & rem
 idoneam, de qua quærat, & homines dignos,
 quibuscum differatur, putant. Philo autem, dum
 noua quædam commouet, quòd ea sustinere uix po-
 terat, quæ contra Academicorum pertinaciam di-
 cebantur, & aperte mentitur, ut est reprehensus a
 patre Catulo; et, ut docuit Antiochus, in id ipsum
 se induit, quod timebat. Cū enim ita negaret quid-
 quam esse, quod comprehendi posset, (id enim uo-
 lumus esse κατὰληπτόν) si illud esset, sicut Zeno de-
 finiret, tale uisum; (iam enim hoc pro παντασία
 uerbum satis hesternò sermone triuimus) uisum igitur
 impressum, effectumq. ex eo, unde esset, quale
 esse non posset ex eo, unde non esset; id nos a Zeno-
 ne definitum rectissime dicimus. qui enim potest
 quidquam ita comprehendi, ut plane confidas id
 perceptum cognitumq. esse, quod est tale, quale uel
 falsum esse possit? hoc cum infirmat, tollitq. Philo,
 iudi-

iudicium t
 tur, nihil p
 minime m
 tra Acade
 eam defini
 quam nisi o
 Ordiamur
 cia, & cert
 & ab ea de
 integris, in
 aliquid, no
 uero hoc lo
 xo, aut de
 sum, qui,
 uideatur.
 autem indi
 sani sunt,
 obstant, &
 uolumus,
 & interna
 taq. facim
 ciat sui indi
 in sapore: n
 cuiusque g
 uero exero
 tur, aures
 nis est in
 imbris, &
 Quam ma

iudicium tollit incogniti, & cogniti: ex quo effici-
tur, nihil posse comprehendi. ita imprudens eò, quò
minime uult, reuoluitur. Quare omnis oratio con-
tra Academiam suscipitur a nobis, ut retineamus
eam definitionem, quam Philo uoluit euertere:
quam nisi obtinemus, percipi nihil posse cōcedimus.
Ordiamur igitur a sensibus. quorum ita clara iudi-
cia, & certa sunt, ut, si optio naturæ nostræ detur,
& ab ea deus aliquis requirat, contenta ne sit suis
integris, incorruptisq. sensibus, an postulet melius
aliquid, non uideam quid quærat amplius. Neque
uero hoc loco expectandum est, dum de remo infle-
xo, aut de collo columbæ respondeam. non enim is
sum, qui, quidquid uidetur, tale dicam esse, quale
uideatur. Epicurus hoc uiderit, et multa alia. meo
autem iudicio ita est maxima in sensibus ueritas, si
sani sunt, ac ualentes, & omnia remouentur, quæ
obstant, & impediunt. itaque et lumen mutari sæpe
uolumus, & situs earum rerum, quas intuemur;
& interualla aut contrahimus, aut diducimus; mul-
taq. facimus usque eò, dum aspectus ipse fidem fa-
ciat sui iudicij. quod idem fit in uocibus, in odore,
in sapore: ut nemo sit nostrum, qui non in sensibus sui
cuiusque generis iudicium requirat acrius. adhibita
uero exercitatione, et arte, ut oculi pictura tenean-
tur, aures cantibus; quis est, quin cernat, quanta
uis est in sensibus? Quàm multa uident pictores in
umbris, & in eminentia, quæ nos non uidemus?
Quàm multa, quæ nos fugiunt in cantu, exadiunt

ACADEM. QVAEST.

in eo genere exercitati? qui primo inflatu tibicinis
Antiopam esse aiunt, aut *Andromacham*; cum id
 nos ne suspicemur quidem. Nihil necesse est de gu-
 statu, et odoratu loqui: in quibus intelligentia, etsi
 vitiosa, est quaedam tamen. Quid de tactu, & eo
 quidem, quem philosophi interiorem uocant, aut
 doloris, aut uoluptatis? in quo *Cyrenaici* solo pu-
 tant ueri esse iudicium, quia sentiatur. Potest ne igi-
 tur quisquam dicere, inter eum, qui doleat, & in-
 ter eum, qui in uoluptate sit, nihil interesse? aut, ita
 qui sentiat, non apertissime insaniat? atqui, qualia
 sunt haec, quae sensibus percipi dicimus; talia sequun-
 tur ea, quae non sensibus ipsis percipi dicuntur, sed
 quodam modo sensibus: ut haec: illud est album, hoc
 dulce, canorum illud, hoc bene olens, hoc asperum.
 animo iam haec tenemus comprehensa, non sensi-
 bus: ille deinceps equus est, ille canis. cetera series
 deinde sequitur maiora nectens, ut haec, quae quasi
 expletam rerum comprehensionem amplectuntur:
 si homo est, animal est, mortale, rationis particeps.
 quo e genere nobis notitiae rerum imprimuntur: si-
 ne quibus neque intelligi quidquam, neque quæri,
 disputari ne potest. Quod si essent falsae notitiae; (er-
 rores enim notitias appellare tu uidebare) si igitur
 essent haec falsae, aut eiusmodi uisis impressae, qualia
 uisa a falsis discerni non possent: quo tandem his mo-
 do uteremur? quo modo autem, quid cuique rei con-
 sentaneum esset, quid repugnaret, uideremus? Me-
 moriae quidem certe, quae non modo philosophiam,
 sed

sed omnis
 continet,
 enim esse
 meminit,
 Ars uero
 ex duobus
 stat? quan-
 ab infio?
 esse, illum
 et compre-
 Cumq. ar-
 modo an-
 & faciat
 test, quae
 possunt;
 ros, et con-
 que artib.
 ciendo, a-
 fici possit.
 perit? M-
 percipi, e-
 lis inesse
 prehensi-
 atque im-
 tiam, ar-
 tiam. ea
 & cogn-
 Quæro
 cruciat-

sed omnis uitæ usum, omnesq. artes una maxime
continet, nihil omnino loci relinquitur. quæ potest
enim esse memoria falsorum? aut quid quisquam
meminit, quod non animo comprehendit, et tenet?
Ars uero quæ potest esse, nisi quæ non ex una, aut
ex duabus, sed ex multis animi perceptionibus con-
stat? quam si subtraxeris; qui distingues artificem
ab inscio? non enim fortuito hunc artificem dicemus
esse, illum negabimus, sed cum alterum percepta,
et comprehensa tenere uidemus, alterum non item.
Cumq. artium aliud eiusmodi genus sit, ut tantum
modo animo rem cernat; aliud, ut moliatur aliquid,
& faciat: quo modo aut geometres cernere ea po-
test, quæ aut nulla sunt, aut internosci a falsis non
possunt; aut is, qui fidibus utitur, explere nume-
ros, et conficere uersus? quod idem in similibus quo-
que artibus continget; quarum omne opus est in fa-
ciendo, atque agendo. quid enim est, quod arte ef-
fici possit, nisi is, qui artem tractabit, multa perce-
perit? Maxime uero uirtutum cognitio confirmat,
percipi, & comprehendere multa posse: in quibus so-
lis inesse etiam scientiâ dicimus; quam nos non com-
prehensionem modo rerum, sed etiam stabilem,
atque immutabilem esse censemus: itemq. sapien-
tiam, artē uiuendi, quæ ipsa ex sese habeat constan-
tiam. ea autem constantia si nihil habeat percepti,
& cogniti; quæro, unde nata sit, aut quo modo?
Quæro etiam, ille uir bonus, qui statuit omnem
cruciatum perferre, intolerabili dolore lacerari po-
tius.

tius, quàm aut officium prodat, aut fidem, cur has igitur sibi tam graues leges imposuerit, cum, quâ obrem ita oporteret, nihil haberet comprehensi, percepti, cogniti, constituti? nullo igitur modo fieri potest, ut quisquam tanti aestimet equitatem, & fidem, ut, eius conseruandæ causâ, nullum supplicium recuset, nisi ijs rebus assensus sit, quæ falsæ esse non possunt. Ipsa uero sapientia, si se ignorabit, sapientia sit, nec ne, quo modo primum obtinebit nomen sapientiæ; deinde, quo modo suscipere aliquam rem, aut agere fidenter audebit, cum certi nihil erit, quod sequatur? cum uero dubitabit, quid sit extremum, et ultimum bonorum, ignorans quò omnia referantur, qui poterit esse sapientia? at que etiam illud perspicuum est, constitui necesse esse initium, quod sapientia, cum quid agere incipiat, sequatur: idq. initium esse naturæ accommodatum. nam aliter appetitio, (eam enim esse uolumus op-
 μιν) qua ad agendum impellimur, & id appetimus, quod est uisum, moueri non potest. illud autem, quod mouet, prius oportet uideri, eiq. credi: quod fieri non potest, si id, quod uisum erit, discerni non poterit a falso. Quo modo autem moueri animus ad appetendum potest, si id, quod uidetur, non percipitur, accommodatum ne naturæ sit, an alienum? itemq. si, quid officij sui sit, non occurrit animo, nihil unquam omnino aget, ad nullam rem unquam impelletur, nunquam movebitur. quòd si aliquid aliquando acturus est; necesse est, id ei uerum, quod

quod occu-
 ratio omni-
 nita? tam
 querendi
 tem, cum
 stio autem
 nis inueni-
 certa per-
 qua quaj
 uenta dici
 percipien-
 menti co-
 finitur, r-
 non per-
 modi effi-
 possent,
 modo qu-
 se diceren-
 des? Ipsa
 gredi deb-
 ro quid f-
 debet, n-
 cant de
 di poteri
 rectiq.
 ditiones
 potest ig-
 possit e-
 sed etia

quod occurrit, uideri. Quid, quòd, si ista uera sunt, ratio omnis tollitur, quasi quædam lux, lumenq. uitæ? tamen ne in ista prauitate perstabitis? nam quærendi initium ratio attulit: quæ perfecit uirtutem, cum esset ipsa ratio confirmata quærendo. quæstio autem est appetitio cognitionis, quæstionisq. finis inuentio. at nemo inuenit falsa: nec ea, quæ incerta permanent, inuenta esse possunt; sed, cum ea, quæ quasi inuoluta fuerunt, aperta sunt, tum inuenta dicuntur: sic & initium quærendi, & exitus percipiendi, et comprehendendi tenet: itaque argumenti conclusio, quæ est græce ἀπόδειξις, ita definitur, ratio, quæ ex rebus perceptis ad id, quod non percipiebatur, adducit. quòd si omnia uisa eiusmodi essent, qualia isti dicunt, ut ea uel falsa esse possent, neque ea posset ulla notio discernere: quomodo quempiam aut conclusisse aliquid, aut inuenisse diceremus? aut quæ esset conclusi argumenti fides? Ipsa autem philosophia, quæ rationibus progredi debet, quem habebit exitum? Sapientiæ uero quid futurum est? quæ neque de se ipsa dubitare debet, neque de suis decretis, quæ philosophi uocant δόγματα: quorum nullum sine scelere prodire poterit. cum enim decretum proditur, lex ueri, rectiq. proditur. quo e uitio & amicitiarum prodictiones, & rerum publicarum nasci solent. Non potest igitur dubitari, quin decretum nullum falsum possit esse, sapientiæq. satis non sit non esse falsum; sed etiam stabile, fixum, ratum esse debeat, quod mouere

ACADEM. QVAEST.

mouere nulla ratio queat. talia autē neque esse, neque uideri possunt eorum ratione, qui illa uisa, e quibus omnia decreta sunt nata, negant quidquam a falsis interesse. Ex hoc illud est natum, quod postulabat Hortensius, ut id ipsum saltem perceptum a sapiente diceretis, nihil posse percipi. Sed Antipatro, hoc idē postulanti, cum diceret, ei, qui affirmaret nihil posse percipi, consentaneum esse, unum tamen illud, dicere, percipi posse, ut alia non possent, Carneades acutius resistebat. nam tantum abesse dicebat, ut id consentaneum esset, ut maxime etiam repugnaret: qui enim negaret quidquam esse, quod perciperetur, et nihil excipere: ita necesse esse, ne id ipsum quidem, quod exceptum non esset, comprehendi, & percipi ullo modo posse. Antiochus ad istum locum pressius uidebatur accedere: quoniam enim id haberent Academicum decretum, (sentitis enim iam hoc me δόγμα dicere) nihil posse percipi, non debere eos in suo decreto, sicut in ceteris rebus, fluctuare, praesertim cum in eo summa consisteret: hanc enim esse regulam totius philosophiae, constitutionem ueri, falsi; cogniti, incogniti: quam rationem quoniam susciperent, docereq. uellent, quae a quouis accipi oporteret, et quae repudiari; certe hoc ipsum, ex quo omne ueri falsiq. iudicium esset, percipere eos debuisse: etenim duo esse hac maxima in philosophia, iudiciū ueri, & finem bonorum: nec sapientem posse esse, qui aut cognoscendi esse initium ignoret, aut extremum expetendi; ut, aut unde profisciscatur, aut quā

uerue-

perueniendum sit, nesciat: hæc autem habere dubia, neque his ita confidere, ut moueri non possint, abhorrere a sapientia plurimum. Hoc igitur modo potius erat ab his postulandum, ut hoc unum saltē, percipi nihil posse, perceptum esse dicerent. Sed de inconstantia totius illorum sententiæ, si ulla sententia cuiusquam esse potest nihil approbantis, sit, ut opinor, dictum satis. Sequitur disputatio, copiosa illa quidem, sed paullo abstrusior: habet enim aliquantum a physicis: ut uerear, ne maiorem largiar ei, qui contra dicturus est, libertatem, & licentiam. nam quid eum facturum putem de abditis rebus, et obscuris, qui lucem eripere conetur? sed disputari poterat subtiliter, quanto quasi artificio natura fabricata esset primum animal omne, deinde hominem maxime: quæ uis esset in sensibus: quemadmodum prima uisa nos pellerent, deinde appetitio ab his pulsa sequeretur: tum, ut sensus ad res percipiendas intenderemus. mens enim ipsa, quæ sensuum fons est, atque etiam ipsa sensus est, naturalem uim habet, quam intendit ad ea, quibus mouetur: itaque alia uisa sic arripit, ut his statim utatur; aliqua sic recondit, e quibus memoria oritur: cetera autem similitudinibus constituit: ex quibus efficiuntur notitiæ rerum; quas Græci tum ἐννοίας, tum ποσώνεις uocant. eo cum accessit ratio, argumentiq. conclusio, rerumq. innumerabilium multitudo; tum et perceptio eorum omnium apparet; & eadem ratio, profecta his gradibus, ad sapientiam peruenit.

Ad

ACADEM. QVAEST.

Ad rerum igitur scientiam, uitaq. constantiam aptissima cum sit mens hominis, amplectitur maxime cognitionem, & istam κατάληψιν, quam, ut dixi, uerbum e uerbo exprimentes, comprehensionem dicemus, cum ipsam per se amat, (nihil est enim ei ueritatis luce dulcius) tum etiam propter usum. quocirca & sensibus utitur; & artes efficit, quasi sensus alteros; & usque eò philosophiam ipsam corroborat, ut uirtutem efficiat, ex qua re una uita omnis apta sit. Ergo ij, qui negant quidquam posse comprehendere, hac ipsa eripiunt uel instrumenta, uel ornamenta uitae, uel potius etiam totam uitam euertunt funditus, ipsumq. animal orbant animo: ut difficile sit, de temeritate eorum, perinde ut causa postulat, dicere. Nec uero satis constituere possum, quod sit eorum consilium, aut quid uelint. interdum enim, cum adhibemus ad eos orationem huiusmodi; si ea, quae disputent, uera non sint, tum omnia fore incerta; respondent, quid ergo istud ad nos? num nostra culpa est? naturam accusa, quae in profundo ueritatem, ut ait Democritus, penitus abstruserit. alij autem elegantius: qui etiam queruntur, quod eos insimulemus omnia incerta dicere: quantumq. intersit inter incertum, & id, quod percipi non possit, docere conantur, eaq. distinguere. cum his igitur agamus, qui hac distinguunt: illos, qui omnia sic incerta dicunt, ut, stellarum numerus par, an impar, nesciatur, quasi desperatos aliquos relinquamus. uolunt enim, (et hoc quidem uel

uel maxim
bile aliqu
gula & in
do, quae i
ri & fals
sci, nullu
portet, m
rim, &
nec potest
lum habe
notam.
quidquam
do falsum
cedere: fi
tur, sub
quem ocn
non se ei
scuntur,
mini uer
bilem in
impediat
proferes
mus, tib
munitas
primum c
communi
quero,
sit idem
cum con

uel maxime animaduvertebam uos moueri) probabile aliquid esse, & quasi uerisimile; eaq. se uti regula & in agenda uita, & in querendo, ac differendo. quæ ista regula est ueri & falsi, si notionem ueri & falsi, propterea quod ea non possunt internosci, nullam habemus? nam si habemus; interesse oportet, ut inter rectum, & prauum, sic inter uerum, & falsum. si nihil interest; nulla regula est; nec potest is, cui est uisio ueri falsiq. communis, ullum habere iudicium, aut ullam omnino ueritatis notam. Nam cum dicunt hoc se unum tollere, ut quidquam uerum possit ita uideri, ut non eodem modo falsum etiam possit ita uideri; cetera autem concedere: faciunt pueriliter. quo enim omnia iudicantur, sublato, reliqua se negant tollere: ut, si quis quem oculis priuauerit, dicat ea, quæ cerni possent, non se ei ademisse. ut enim illa oculis modo cognoscuntur, sic reliqua uis, sed propria ueri, non communi ueri & falsi nota. quamobrem siue tu probabilem uisionem, siue improbabilem, & quæ non impediatur, ut Carneades uolebat, siue aliud quid proferes, quod sequare: ad uisum illud, de quo agimus, tibi erit reuertendum. in eo autem, si erit communitas cum falso, nullum erit iudicium: quia proprium communi signo notari non potest. sin autem commune nihil erit; habeo, quod uolo. id enim quero, quod ita mihi uideatur uerum, ut non possit idem falsum uideri. Simili in errore uersantur, cum conuicti, ac ui ueritatis coacti, perspicua a perceptis

ACADEM. QVAEST.

ceptis uolunt distinguere, & conantur ostendere, esse aliquid perspicui; uerum illud quidem impressum in animo, atque mente; neque id tamen percipi ac comprehendi posse. quo enim modo, perspicue, dixeris, album esse aliquid; cum possit accidere, ut id, quod nigrum sit, album esse uideatur? aut quo modo ista aut perspicua dicemus, aut impressa subtiliter; cum sit incertum, uere, inaniter ne animus moueatur? ita neque color, neque corpus, neque ueritas, neque argumentum, neque sensus, neque perspicuum ullum relinquitur. Ex hoc illud his usu uenire solet, ut, quidquid dixerint, a quibusdam interrogentur: ergo istuc quidem percipis? sed, qui ita interrogant, ab ijs irriidentur. non enim urgent, ut coarguant neminem ulla de re posse contendere, neque asseuerare sine aliqua eius rei, quam sibi quisque placere dicit, certa & propria nota. Quod est igitur istuc uestrum probabile? nam si, quod cuique occurrit, & primo quasi aspectu probabile uidetur, id confirmatur: quid eo leuius? sin ex circumspectione aliqua, & accurata consideratione, quod uisum sit, id se dicent sequi: tamen exitum non habebunt: primum, quia his uisis, inter quæ nihil interest, æqualiter omnibus abrogatur fides: deinde, cum dicant posse accidere sapienti, ut, cum omnia fecerit, diligentissimeque circumspexerit, existat aliquid, quod & uerisimile uideatur, & absit longissime a uero; quo modo, si magna parte quidem, ut solent dicere, ad uerum ipsum,

sum, aut
terunt?
insigne ue
dem ueru
tam obse
Est hoc q
& eare
ficatur,
perceptio
sunt, lab
bis, uer
iam expl
batione,
ca dicem
ante iact
set in sen
tur, com
feri sine
inanimu
inanimu
nim agen
ei sensus
ta potest
dam mo
assentiri
bra, po
perspicu
illum n
turam

sum, aut quamproxime accedant, confidere sibi poterunt? ut enim confidant, notum his esse debet insigne ueri. quo obscuro, & oppresso, quod tandem uerum sibi uidebuntur attingere? quid autem tam obscurum dici potest, quam cum ita loquuntur? Est hoc quidem rei illius signum, aut argumentum; & ea re id sequor: sed fieri potest, ut id, quod significatur, aut falsum sit, aut nihil sit omnino. Sed de perceptione haecenus. si quis enim ea, quæ dicta sunt, labefactare uolet; facile, etiam absentibus nobis, ueritas se ipsa defendet. His satis cognitis, quæ iam explicata sunt, nunc de assensione, atque approbatione, quam Græci συγκατάδεσιν uocant, pauca dicemus: non quo non latus locus sit: sed paullo ante iacta sunt fundamenta. nam cum uim, quæ esset in sensibus, explicabamus, simul illud aperiebatur, comprehendi multa & percipi sensibus: quod fieri sine assensione non potest. deinde, cum inter inanimum, & animal hoc maxime intersit, quod inanimum nihil agit, animal agit aliquid: (nihil enim agens ne cogitari quidem potest quale sit) aut ei sensus adimendus est; aut ea, quæ est in nostra sita potestate, reddenda assensio. at uero animus quodam modo eripitur ijs, quos neque sentire, neque assentiri uolunt. etenim necesse est, ut lancem in libra, ponderibus impositis, deprimi, sic animum perspicuis cedere. nam quo modo non potest animal ullum non appetere id, quod accommodatum ad naturam appareat: (Græci id οἰκείον appellant) sic

non

non potest obiectam rem perspicuam non approbare. Quanquam, si illa, de quibus disputatum est, vera sunt; nihil attinet de assensione omnino loqui. qui enim quid percipit, assentitur statim. Sed hæc etiam sequuntur, nec memoriam sine assensione posse constare, neque notitias rerum, nec artes: idq., quod maximum est, ut sit aliquid in nostra potestate, in eo, qui rei nulli assentietur, non erit. ubi igitur uirtus, si nihil situm est in ipsis nobis? Maxime autem absurdum, uitia in ipsorum esse potestate, neque peccare quenquam, nisi assensione; hoc idem in uirtute non esse; cuius omnis constantia & firmitas ex ijs rebus constat, quibus assensa est, & quas approbavit: omninoq. ante uideri aliquid, quàm agamus, necesse est, eiq., quod uisum sit, assentiamur. Quare qui aut uisum, aut assensum tollit, is omnem actionem tollit e uita. Nunc ea uideamus, quæ contra ab his disputari solent. sed prius potestis totius eorum rationis quasi fundamenta cognoscere. Componunt igitur primum artem quandam de ijs, quæ uisa dicimus; eorumq. & uim, & genera definiunt; in his quale sit id, quod percipi, & comprehendendi possit, totidem uerbis, quot Stoici: deinde illa exponunt duo, quæ quasi contineant omnem hanc quæstionem: quæ ita uideantur, ut etiam alia multa eodem modo uideri possint, neque in his quidquam intersit, non posse eorum alia percipi, alia non percipi: nihil interesse autem, non modo si ex omni parte eiusdem modi sint, sed etiam si discern

non

non possim
sione tota
autem ea
alia uera
percipi no
omne tale
uideri. et
terst; no
possint, a
quod pere
dant id, e
di. neque
que uisa
rum, int
alia talia
sint. Red
dunt: qu
deantur,
uisum, q
so possit.
ita dilata
diligentia
dem mag
ducuntur
obscurari
ut ne rat
possit. H
tius. ut
item fac

non possint . quibus positis , unius argumenti conclu-
sione tota ab his caussa comprehenditur . composita
autem ea conclusio sic est . Eorum , quæ uidentur ,
alia uera sunt , alia falsa : & , quod falsum est , id
percipi non potest : quod autem uerum uisum est , id
omne tale est , ut eiusdem modi falsum etiam possit
uideri . et quæ uisa sunt eiusmodi , ut in ijs nihil in-
tersit ; non potest accidere , ut eorum alia percipi
possint , alia non possint . nullum igitur est uisum ,
quod percipi possit . Quæ autem sumunt , ut conclu-
dant id , quod uolunt , ex his duo sibi putant conce-
di . neque enim quisquam repugnat . ea sunt hæc :
quæ uisa falsa sint , percipi ea non posse : & alte-
rum ; inter quæ uisa nihil intersit , ex his non posse
alia talia esse , ut percipi possint , alia , ut non pos-
sint . Reliqua uero multa & uaria oratione defen-
dunt : quæ sunt item duo : unum ; eorum , quæ ui-
deantur , alia uera esse , alia falsa : alterum ; omne
uisum , quod sit a uero , tale esse , quale etiam a fal-
so possit . hæc duo ; proposita non præteruolant , sed
ita dilatant , ut non mediocrem curam adhibeant , et
diligentiam . diuidunt enim in partes , & eas qui-
dem magnas , primum in sensus , deinde in ea , quæ
ducuntur a sensibus , et ab omni consuetudine , quam
obscurari uolunt . tum perueniunt ad eam partem ,
ut ne ratione quidem & coniectura ulla res percipi
possit . Hæc autem uniuersa concidunt etiam minu-
tius . ut enim de sensibus hesterno sermone uidistis ,
item faciunt de reliquis . in singulisq. rebus , quas

c in

ACADEM. QVAEST.

in minima dispertiunt, uolunt efficere, ijs omnibus, quæ uisa sint, ueris adiuncta esse falsa, quæ a ueris nihil differant: ea cum talia sint, nihil posse comprehendi. Hanc ego subtilitatem philosophia quidem dignissimam iudico, sed ab eorum causa, qui ita differunt, remotissimam. definitiones enim, & partitiones, & horum luminibus utens oratio, tum similitudines, dissimilitudinesq., & earum tenuis & acuta distinctio, fidentium est hominum illa uera, & firma, & certa esse, quæ putentur; non eorum, qui clament, nihilo magis uera illa esse, quàm falsa. quid enim agant, si, cum aliquid definiuerint, roget eos quispiam, num illa definitio possit in aliam rem transferri quamlibet? si posse dixerint: quid enim dicere habeant, cur illa uera definitio sit? si negauerint: fatendum sit, quoniam uel illa uera definitio transferri non possit in falsum, quod ea definitione explicetur, id percipi posse. quod minime illi uolunt. Eadem dici poterunt in omnibus partibus. si enim dicent, ea, de quibus differant, se dilucide perspicere, nec ulla communione uisorum impediri: comprehendere ea se posse fatebuntur. sin autem negabunt uera uisa a falsis posse distinguui: qui poterunt longius progredi? occurret enim, sicut occursum est. nam concludi argumentum non potest, nisi ijs, quæ ad concludendum sumpta erunt, ita probatis, ut falsa eiusdem modi nulla possint esse. Ergo, si rebus comprehensis, et perceptis uisa, & progressa ratio hoc efficiet, nihil posse

se compre
sibi repug
orationis
quod non
adhibetur
qualis est
quàm uia
cum hac d
menter re
uisa; quo
ra: deinde
teresse. a
ita priori
Sed progi
nobis affe
tur, sic p
quamus.
ximus, sa
quæ sint,
maie ma
iore quad
ijs, quæ c
busdam,
subuenire
conturba
opinionem
fius enim
quamobi
tibus re

se comprehendi : quid potest reperiri , quod ipsum sibi repugnet magis ? cumq. ipsa natura accuratè orationis hoc profiteatur , se aliquid patefacturam , quod non appareat , & , quo id facilius assequatur , adhibituram & sensus , & ea , quæ perspicua sint : qualis est istorum oratio , qui omnia non tam esse , quàm uideri uolunt ? Maxime autem cōuincuntur , cum hæc duo pro congruentibus sumunt tam uehementer repugnantia : primum , esse quædam falsa uisa ; quod cum uolunt , declarant quædam esse uera : deinde ibidem , inter falsa uisa , & uera nihil interesse . at primum sumpseras , tanquam interesset . ita priori posterius , posteriori superius nō iungitur . Sed progrediamur longius ; & ita agamus , ut nihil nobis assentati esse uideamur ; quæq. ab his dicuntur , sic persequamur , ut nihil in præteritis relinquamus . Primum igitur perspicuitas illa , quam diximus , satis magnam habet uim , ut ipsa per sese ea , quæ sint , nobis , ita ut sint , indicet : sed tamen , ut maneamus in perspicuis firmitus & constantius , maiore quadam opus est uel arte , uel diligentia ; ne ab ijs , quæ clara sint ipsa per sese , quasi præstigijs quibusdam , & captionibus depellamur . nā , qui uoluit subuenire erroribus , Epicurus , ijs , qui uidentur conturbare ueri cognitionem ; dixitq. sapientis esse , opinionem a perspicuitate seiungere ; nihil fecit . ipsius enim opinionis errorem nullo modo sustulit . quamobrem , cum duæ causæ perspicuis , & euidentibus rebus aduersentur : auxilia totidem sunt con-

tra comparanda. aduersatur enim primum, quod parum desigunt animos, & intendunt in ea, quae perspicua sunt, ut, quanta luce ea circumfusa sunt, possint agnoscere: alterum est, quod fallacibus, & captiosis interrogationibus circumscripti, atque decepti quidam, cum eas dissoluere non possunt, desciunt a ueritate. oportet igitur & ea, quae pro perspicuitate responderi possunt, in promptu habere, de quibus iam diximus; et esse armatos, ut occurrere possimus interrogationibus eorum, captionesq. discutere: quod deinceps facere constitui. Exponam igitur generatim argumenta eorum; quoniam ipsi etiam illa solent non confuse loqui. Primum conantur ostendere, multa posse uideri esse, quae omnino nulla sunt, cum animi inaniter moueantur eodem modo rebus ijs, quae nullae sint, ut ijs, quae sint. nam cum dicatis, inquit, uisa quaedam mitti a deo, uelut ea, quae in somnijs uideantur, quaeq. oraculis, auspicijs, extis declarentur; (haec enim aiunt probari a Stoicis, quos contra disputant) quaerunt, quonam modo, falsa uisa quae sint, ea deus efficere possit probabilia; quae autem plane proxime ad uerum accedunt, efficere non possit? aut, si ea quoque possit, cur illa non possit, quae perdifficiliter, internoscantur tamen? et si haec, cur non inter quae nihil sit omnino? Deinde, cum mens moueatur ipsa per sese, ut et ea declarant, quae cogitatione depingimus, & ea, quae uel furiosis, uel dormientibus uidentur: non ne, inquit, uerisimile sit

sit, sic et
ternoscat
his nihil in
exalbesce
obiectate
distinguer
quam inte
stremo, si
aliaratio
facile inte
sit? prae
sustinere,
sinctio ap
Antiocha
de hac uer
idem faci
primum
sissimo ge
minime in
tatum et
uocant, q
tiosum sa
si tale ius
bile sit; c
inde, non
ut ne inte
hoc et ill
mum qu
ipse tua

sit, sic etiam mentem moueri, ut non modo non in-
 ternoscat, uera illa uisa sint, an ne falsa, sed ut in
 his nihil intersit omnino? ut, si qui tremarent, &
 exalbescerent uel ipsi per se motu mentis aliquo, uel
 obiecta terribili re extrinsecus, nihil interesset, qui
 distingueretur tremor ille, et pallor, neque ut quid-
 quam interesset inter intestinum, & oblatum. Po-
 stremo, si nulla uisa sint probabilia, quæ falsa sint:
 alia ratio est. sin autem sunt: cur non etiam quæ non
 facile internoscantur? cur non ut plane nihil inter-
 sit? præsertim cum ipsi dicatis, sapientem in furore
 sustinere se ab omni assensu; quia nulla in uisis di-
 stinctio appareat. Ad has omnes uisiones inanes
 Antiochus quidem & permulta dicebat, & erat
 de hac una re unius diei disputatio: mihi autem non
 idem faciundum puto, sed ipsa capita dicenda: &
 primum quidem hoc reprehendendum, quòd captio-
 sissimo genere interrogationis utuntur: quod genus
 minime in philosophia probari solet, cū aliquid minu-
 tatim et gradatim additur, aut demitur. Soritas hos
 uocant, qui aceruum efficiunt uno addito grano. ui-
 tiosum sane, et captiosum genus. sic enim ascenditis:
 si tale uisum obiectum est a deo dormienti, ut proba-
 bile sit; cur non etiam, ut ualde uerisimile? cur de-
 inde, non ut difficiliter a uero internoscatur? deinde,
 ut ne internoscatur quidē? postremo, ut nihil inter
 hoc et illud intersit? huc si perueneris, me tibi pri-
 mum quidque concedente; meum uitium fuerit: sin
 ipse tua spōte processeris; tuum. quis enim tibi dede-

ACADEM. QVAEST.

rit, aut omnia deum posse; aut ita facturum esse, si possit? quo modo autem sumis, ut, si quid cui simile esse possit, sequatur, ut etiam internosci difficiliter possit? deinde, ut ne uix internosci quidem? postremo, ut idem sit? ut, si lupi canibus similes, eosdem dices ad extremum. et quidem honestis similia sunt quaedam non honesta, et bonis non bona, & artificiosis minime artificiosa. quid dubitamus igitur affirmare, nihil inter hæc interesse? Ne repugnantia quidem uidemus? nihil est enim, quod de suo genere in aliud genus transferri possit. at, si efficeretur, ut inter uisa differentium generum nihil interesset: reperirentur, quæ & in suo genere essent, & in alieno. quod fieri qui potest? Omnium deinde inanum uisorum una depulsio est, siue illa cogitatione informantur, quod fieri solere concedimus, siue in quiete, siue per uinum, siue per insaniam. nam ab omnibus eiusdem modi uisis perspicuitatem, quam mordicus tenere debemus, abesse dicemus. quis enim, cum sibi fingit aliquid, & cogitatione depingit, non, simulac se ipse commouit, atque ad se reuocauit, sentit, quid intersit inter perspicua, & inania? Eadem ratio est somniorum. num censes Ennium, cum in hortis cum Ser. Galba, uicino suo, ambulasset, dixisse; uisus sum mihi cum Galba ambulare? at, cum somniauit, ita narrauit; Visus Homerus adesse poeta. idemq. in Epicharmo; Nam uidebar somniare me ego esse mortuum.

itaque

itaque, simul experrecti sumus, uisa illa contemni-
 mus, neque ita habemus, ut ea, quæ in foro gessi-
 mus. At enim, dum uidentur, eadem est in somnijs
 species eorum, quæ uigilantes uidemus. Primum
 interest: sed id omittamus: illud enim dicimus, non
 eandem esse uim, neque integritatem dormienti-
 um, & uigilantium, nec mente, nec sensu. Ne ui-
 nolenti quidem, quæ faciunt, eadem approbatione
 faciunt, qua sobrij: dubitant, hæsitant, reuocant
 se interdum, usq., quæ uidentur, imbecillius as-
 sentiantur; cumq. edormiuerunt, illa uisa quàm le-
 uia fuerint, intelligunt. Quod idem contingit insa-
 nis; ut & incipientes furere sentiant; et dicant ali-
 quid, quod non sit, id uideri sibi; & cum relaxen-
 tur, sentiant, atque illa dicant Alcmaeonis,
 Sed mihi neutiquā cor consentit cū oculorū aspectu.
 At enim ipse sapiens sustinet se in furore, ne appro-
 bet falsa pro ueris; & alias quidem sepe, si aut in
 sensibus ipsius est aliqua forte grauitas, aut tardi-
 tas; aut obscuriora sunt, quæ uidentur; aut a per-
 spiciendo temporis breuitate excluditur. quanquam
 totum hoc, sapientem aliquando sustinere assensio-
 nem, contra uos est. si enim inter uisa nihil interes-
 set; aut semper sustineret, aut nunquam. Sed ex
 hoc genere toto perspicui potest leuitas orationis eo-
 rum, qui omnia cupiunt confundere. quærimus gra-
 uitatis, constantiæ, firmitatis, sapientiæ iudicium;
 utimur exemplis somniantium, furiosorum, ebrio-
 rum. illud attendamus, in hoc omni genere quàm

inconstanter loquamur. non enim proferremus ui-
no, aut somno oppressos, aut mente captos, tam
absurde, ut tum diceremus interesse inter uigilan-
tium uisa, & sobriorum, & sanorum, & eorum,
qui essent aliter affecti, tum nihil interesse. Ne hoc
quidem cernunt, omnia se reddere incerta: quod uo-
lunt. ea dico incerta, quæ ἀδύνα Græci. si enim res
se ita habeant, ut nihil intersit, utrum ita cui ui-
deatur, ut insano, an sano: cui possit exploratum
esse de sua sanitate? quod uelle efficere, non medio-
cris insania est. Similitudines uero aut geminorum,
aut signorum annulis impressorum pueriliter conse-
ctantur. quis enim nostrum similitudines negat ef-
se, cum eæ plurimis in rebus appareant? sed, si satis
est ad tollendam cognitionem, similia esse multa
multorum: cur eo non estis contenti, præsertim con-
cedentibus nobis? et cur potius id contenditis, quod
rerum natura non patitur, ut non suo quidque gene-
re sit tale, quale est? nec sit in duobus, aut pluri-
bus nulla re differens ulla communitas? ut sibi sint
& oua ouorum, & apes apum simillimæ. Quid
pugnas igitur? aut quid tibi uis in geminis? concedi-
tur enim similes esse: quo contentus esse potueras.
tu autem uis eosdem esse plane, non similes: quod
fieri nullo modo potest. Deinde confugis ad physi-
cos, eos, qui maxime in Academia irridentur: a
quibus ne tu quidem iam te abstinebis: & ais De-
mocritum dicere, innumerabiles esse mundos, &
quidem sic quosdam inter sese non solum similes,
sed

sed undiq
* eos nihil p
biles: iten
dus ita sit
mum qua
quoque n
nihil diff
ex illis in
firmat, in
rabilibus
modo po
do Catula
me ad De
refellam
tioribus
prietate
gemini f
censes et
vis; at d
mus hoc
a nobis i
tam faci
dem sim
repugna
pientem
miles o
turum
nisi quo
sed ad e

sed undique, perfecte, et absolute ita pares, ut inter
 * eos nihil prorsus intersit, & eo quidem innumera-
 biles: itemq. homines. deinde postulas, ut, si mun-
 dus ita sit par alteri mundo, ut inter eos ne mini-
 mum quidem intersit, concedatur tibi, ut in hoc
 quoque nostro mundo aliquid alicui sic par sit, ut
 nihil differat, nihil intersit. cur enim, inquires, cum
 ex illis indiuiduis, unde omnia Democritus gigni af-
 firmat, in reliquis mundis, & his quidem innume-
 rabilibus, innumerabiles Q. Lutatij Catuli non
 modo possint esse, sed etiam sint; in hoc tanto mun-
 do Catulus alter non possit effici? primum quidem
 me ad Democritum uocas. cui non assentior: potius
 refellam, propter id, quod dilucide docetur a poli-
 tioribus physicis, singularum rerum singulas pro-
 prietates esse. fac enim antiquos illos Seruilius, qui
 gemini fuerunt, tam similes, quam dicuntur: num
 censes etiam eosdem fuisse? non cognoscebantur fo-
 ris; at domi: non ab alienis; at a suis. an non uide-
 mus hoc usu uenire, ut, quos nunquam putassemus
 a nobis internosci posse, eos, consuetudine adhibita,
 tam facile internosceremus, uti ne minimum qui-
 dem similes esse uiderentur? Hic pugnent licet, non
 repugnabo: quin etiam concedam, illum ipsum sa-
 pientem, de quo omnis hic sermo est, cum ei res si-
 miles occurrent, quas non habeat denotatas, reten-
 turum assensum, nec unquam ulli uiso assensurum,
 nisi quod tale fuerit, quale falsum esse non possit.
 sed ad ceteras res habet quandam artem, qua uera
 a falsis

a falsis possit distinguere: & ad similitudines istas
 usus adhibendus est. ut mater geminos internoscit
 consuetudine oculorum; sic tu internoscet, si assue-
 ueris. uides ne, ut in prouerbio sit ouorum inter se
 similitudo? tamen hoc accepimus, Deli fuisse com-
 plures, saluis rebus illis, qui gallinas alere permul-
 tas quaestus causa solerent. hi cum ouum inspexe-
 rant; quæ id gallina peperisset, dicere solebant. ne-
 que id est contra nos. nam nobis satis est, oua illa
 internoscere. nihil enim magis assentiri potest, hoc
 illud esse, quàm si inter illa omnino nihil interesset.
 habeo enim regulam, ut talia uisa uera iudicem,
 qualia falsa esse non possint. ab hac mihi non licet
 transuersum, ut aiunt, digitum discedere; ne con-
 fundam omnia. ueri enim & falsi non modo cogni-
 tio, sed et natura tolletur, si nihil erit, quod inter-
 sit. ut etiam illud absurdum sit, quod interdum so-
 letis dicere; cum uisa in animos imprimantur, non
 uos id dicere, inter ipsas impressiones nihil interesse,
 sed inter species, & quasdam formas eorum. quasi
 uero non specie uisa iudicentur; quæ fidem nullam
 habebunt, sublata ueri, & falsi nota. Illud uero
 perabsurdum, quod dicitis probabilia uos sequi, si
 re nulla impediamini. Primum, qui potestis non
 impediri, cum a ueris falsa non distent? deinde,
 quod iudicium est ueri, cum sit commune falsi? ex
 his illa necessario nata est ἐποχή, id est assensionis
 retentio: in qua melius sibi constitit Arcesilas; si
 uera sunt, quæ de Carneade non nulli existimant. si
 enim

enim per
 lendus aff
 quidquam
 autē etiam
 terdum ut
 esse sapie
 se aliquid
 etiam diu
 id est non
 Restat illi
 tra omni
 tur uideri
 ostendere
 celatis,
 Ut qui a
 etoritate
 est? immo
 percipi p
 quidem n
 aperte p
 set, nisi
 Carnead
 Hæc A
 tis annu
 cum esse
 Sed iam
 (me an
 natu, r
 laudib

enim percipi nihil potest; quod utrique uisum est: tollendus assensus est. quid enim est tam futile, quam quidquam approbare non cognitum? Carneadem autem etiam heri audiebamus solitum esse delabi interdum ut diceret, opinaturum, id est peccaturum esse sapientem. mihi porro non tam certum est, esse aliquid, quod comprehendi possit; de quo nimium etiam diu disputo; quam sapientem nihil opinari, id est nunquam assentiri rei uel falsæ, uel incognitæ. Restat illud, quod dicunt, ueri inueniendi causa contra omnia dici oportere, & pro omnibus. uolo igitur uidere, quid inuenerint. Non solemus, inquit, ostendere. Quæ sunt tandem ista mysteria? aut cur celatis, quasi turpe aliquid, sententiam uestram? Ut qui audient, inquit, ratione potius, quam auctoritate, ducantur. Quid si utrumque? num peius est? unum tamen illud non celant; nihil esse, quod percipi possit. an in eo auctoritas nihil obest? mihi quidem uidetur uel plurimum: quis enim ista tam aperte perspicueq. & peruersa, & falsa secutus esset, nisi tanta in Arcesila, multo etiam maior in Carneade & copia rerum, & dicendi uis fuisset? Hæc Antiochus fere & Alexandria tum, & multis annis post multo etiam assenerantius in Syria, cum esset mecum, paullo ante quam esset mortuus. Sed iam confirmata causa, te, hominem amicissimum, (me autem appellabat) & aliquot annis minorem natu, non dubitabo monere. Tu ne, cum tantis laudibus philosophiam extuleris, Hortensiumq. nostrum

ACADEM. QVAEST.

strum dissentientem cōmoueris ; eam philosophiam
sequere , quæ confundit uera cum falsis , spoliat nos
iudicio , priuat approbatione , omnibus orbat sensi-
bus ? et Cimmerijs quidem , quibus aspectum solis
siue deus aliquis , siue natura ademerat , siue eius
loci , quem incolebant , situs , ignes tamen aderant ,
quorum illis uti lumine licebat : isti autem , quos tu
probas , tantis offusis tenebris , ne scintillam qui-
dem ullam nobis ad aspiciendum reliquerunt . quos
si sequamur , ijs uinculis simus astricti , ut nos com-
mouere nequeamus . sublata enim assensione , om-
nem & motum animorum , & actionem rerum su-
stulerunt . quod non modo recte fieri , sed omnino
fieri non potest . Prouide etiam , ne uni tibi istam
sententiam minime liceat defendere . An tu , cum
res occultissimas aperueris , in lucemq. protuleris ;
iuratusq. dixeris , ea te comperisse ; quod mihi quo-
que licebat , qui ex te illa cognoueram ; negabis esse
rem ullam , quæ cognosci , comprehendi , percipi
possit ? uide , quæso , etiam atque etiam , ne illa-
rum quoque rerum pulcherrimarum a te ipso mi-
nuatur auctoritas . Quæ cum dixisset ille , finem fe-
cit . Hortensius autem uehementer admirans , quod
quidem perpetuo , Lucullo loquente , fecerat , ut etiā
manus sepe tolleret , (nec mirum : nam nunquam
arbitror contra Academiam dictum esse subtilius)
me quoque , iocans ne , an ita sentiens , (non enim
satis intelligebam) cæpit hortari , ut sententia desi-
sterem . Tum mihi Catulus , Si te , inquit , Luculli
ora-

oratio flexi
prose , tace
tur , senten
nero non ce
tantū enim
res , ne quis
ta copia sen
queret ,
quam certi
ses . hoc , q
lim quiden
gnopere m
cum amos
sententia d
omnes int
quā sole
oratione si
de ipsa re
parati , et
sa dici poss
fiderem . a
nisi tu opp
tur , si pa
enim si , a
certandi ,
plicam , n
res , & n
nimis in
nia etia

oratio flexit, quæ est habita memoriter, accurate, copiose, taceo; neque te, quo minus, si tibi ita uideatur, sententiam mutes, deterrendum puto: illud uero non censuerim, ut eius auctoritate moueare. tantum enim te non monuit, inquit arridens, ut caueres, ne quis improbus tribunus pl. quorum uides quanta copia semper futura sit, arriperet te, et in concione quæreret, qui tibi constares, cum idem negares quidquam certi posse reperiri, idem te comperisse dixisses. hoc, quæso, ne te terreat. de causa autem ipsa malim quidem te ab hoc dissentire: sin cesseris, non magnopere mirabor. memini enim Antiochum ipsum, cum annos multos talia sensisset, simulac uisum sit, sententia destitisse. Hæc cum dixisset Catulus, me omnes intueri. Tum ego, non minus commotus, quam soleo in causis maioribus, huiusmodi quadam oratione sum exorsus. Me, Catule, oratio Luculli de ipsa re ita mouit, ut docti hominis, et copiosi, et parati, et nihil prætereuntis eorum, quæ pro illa causa dici possent; non tamen, ut ei respondere posse diffiderem. auctoritas autem tanta plane me mouebat, nisi tu opposuisses non minorem tuam. aggrediar igitur, si pauca ante quasi de fama mea dixero. Ego enim si, aut ostentatione aliqua adductus, aut studio certandi, ad hanc potissimum philosophiam me applicavi, non modo stultitiam meam, sed etiam mores, & naturam condemnandam puto. nam si minimis in rebus pertinacia reprehenditur, calumniæ etiam coercetur: ego de omni statu, consilioque

totius

ACADEM. QVAEST.

totius uitæ aut certare cum alijs pugnaciter, aut
frustrari cum alijs, tum etiam me ipsum uelim? ita-
que, nisi ineptum putarem, in tali disputatione id
facere, quod, cum de rep. disceptatur, fieri inter-
dum solet; iurarem per Iouem, deosq. penates, me
& ardere studio ueri reperiendi, & ea sentire,
quæ dicerem. qui enim possum non cupere uerum
inuenire, cum gaudeam, si simile ueri quid inuene-
rim? sed, ut hoc pulcherrimum esse iudicem, uera
uidere: sic, pro ueris probare falsa, turpissimum
est. nec tamen ego is sum, qui nihil unquam falsi
approbem, qui nunquam assentiar, qui nihil opinor:
sed quærimus de sapiente. ego uero ipse & magnus
quidam sum opinator; (non enim sum sapiens) &
meas cogitationes sic dirigo, non ad illam paruulam
Cynosuram,

Qua fidunt duce nocturna Phænices in alto,
ut ait Aratus; eoq.ue directius gubernant, quod
eam tenent,

Quæ cursu interiore breui conuertitur orbe;
sed ad Elicen, & clarissimos septentriones, id est
rationes has, latiore specie, non ad tenue eliminatas.
eo fit, ut errem, & uager latius. sed non de me,
ut dixi, sed de sapiente quæritur. uisa enim ista cum
acriter mentem, sensum ue pepulerunt, accipio,
hisq. interdum assentior, nec percipio tamen: nihil
enim arbitror posse percipi. nō sum sapiens: itaque
uisis cedo, neque possum resistere. sapientis autem
hanc censet Arcesilas uim esse maximam, Zenoni
assen-

assentiens, &
nihil est enim
gravitate sa-
disiunctius.
tis? quem q.
concedis. q.
sere tecum.
hac primū
Si ulli rei sa-
etiam opina-
ligitur rei.
las probat:
Carneades n.
sentiri aliquid
quod tu non
lud primū
opinaturum
ad stipulator
ris, & quæ
distingueret.
percipi possi-
riculosa esse
tam uitiōsu-
falsum, aut
nis assensio-
enim finiti-
possunt, (I-
bimus) ut
se sapiens

assentiens, cauere ne capiatur, ne fallatur uidere. nihil est enim ab ea cogitatione, quam habemus de grauitate sapientis, errore, leuitate, temeritate disiunctius. Quid igitur loquar de firmitate sapientis? quem quidem nihil opinari tu quoque, Luculle, concedis. quod quoniam a te probatur, (ut prapostere tecum agam: mox referam me ad ordinem) hac primum conclusio quam habeat uim, considera. Si ulli rei sapiens assentietur unquam; aliquando etiam opinabitur: nunquam autem opinabitur; nulli igitur rei assentietur. hanc conclusionem Arcefilas probat: confirmat enim primum, et secundum. Carneades non nunquam secundum illud dabat, assentiri aliquando. ita sequebatur, etiam opinari. quod tu non uis, & recte, ut mihi uideris. Sed illud primum, sapientem, si assensurus esset, etiam opinaturum, falsum esse & Stoici dicunt, et eorum adstipulator Antiochus: posse enim eum falsa a ueris, & quæ non possint pereipi, ab ijs, quæ possint, distinguere. Nobis autem primum, etiam si quid percipi possit, tamen ipsa consuetudo assentiendi periculosa esse uidetur, & lubrica. quamobrem, cum tam uitiosum esse constet, assentiri quidquam aut falsum, aut incognitum; sustinenda est potius omnis assensio, ne præcipitet, si temere processerit. ita enim finitima sunt falsa ueris, eaq., quæ percipi possunt, (si modo ea sunt quædam: iam enim uidebimus) ut tamen in præcipitem locum non debeat se sapiens committere. sin autem, omnino nihil esse,

ACADEM. QVAEST.

se, quod percipi possit, a me sumpsit, & quod tu mihi das, accepero, sapientem nihil opinari: effectum illud erit, sapientem assensus omnes cohibiturum. ut tibi uidendum sit, id ne malis, an aliquid opinaturum esse sapientem. neutrum, inquit, illorum. nitamur igitur, nihil posse percipi. etenim de eo omnis est controuersia. sed prius pauca cum Antiocho: qui hac ipsa, quae a me defenduntur, & didicit apud Philonem tam diu, ut constaret diutius didicisse neminem; & scripsit de his rebus acutissime; & idem hac non acrius accusauit in senectute, quam antea defensitauerat. quamuis igitur fuerit acutus, ut fuit: tamen inconstantia leuatur auctoritas. quis, inquam, enim iste dies illuxerit, quaro, qui illi ostenderit eam, quam multos annos esse negauisset, ueri & falsi notam. Excogitauit aliquid. eadem dicit, quae Stoici. Penituit eum illa sensisse. cur non se transtulit ad alios, & maxime ad Stoicos? eorum enim erat propria ista defensio. quid eum Mnesarchi penitebat? quid Dardani? qui erant Athenis tum principes Stoicorum. nunquam a Philone discessit, nisi postea quam ipse coepit, qui se audirent, habere. Vnde autem subito uetus Academia renouata est? nominis dignitatem uidetur, cum a re ipsa descisceret, retinere uoluisse: quod erant, qui illum gloriae causa facerent sperare, etiam fore, ut ij, qui sequerentur, Antiochij uocarentur. mihi autem magis uidetur non potuisse sustinere concursus omnium philosophorum. etenim
de

de ceteris
Academia
rum philo
enim ij, q
cum astua
demicorum
argumento
pi; cum qu
comprehen
oportere,
Zenoniq.
set, id bona
tauisset, bo
sumum b
tia docere
uero posse,
curant, q
set, ex eo c
plura; num
primum, q
militer a no
rari, atque
men popul
bonas tract
autem dicit
bilissimis p
goras nunc
idem dicer
est hic? na

de ceteris sunt inter illos non nulla communia; hæc Academicorum est una sententia, quam reliquorum philosophorum nemo probet. itaque cessit. ut enim ij, qui sub nube solem non ferunt: item ille, cum æstualet, ueterum, ut Menianorum, sic Academicorum umbram secutus est. quoq. solebat uti argumento tum, cum ei placebat nihil posse percipi; cum quæreret Dionysius ille Heracleotes utrum comprehendisset certa illa nota, qua assentiri dicitis oportere, illud ne, quod multos annos tenuisset, Zenoniq. magistro credidisset; honestum quod esset, id bonum solum esse; an, quod postea defensitauisset, honesti inane nomen esse, uoluptatem esse summum bonum; qui ex illius commutata sententia docere uellet, nihil ita signari in animis nostris a uero posse, quod non eodem modo possit a falso; is curauit, quod argumentū ex Dionysio ipse sumpsisset, ex eo ceterisumerent. Sed cum hæc alio loco plura; nunc ad ea, quæ a te, Luculle, dicta sunt. et primum, quod initio dixisti, uideamus quale sit: similiter a nobis de antiquis philosophis commemorari, atque seditiosi solerent claros uiros, sed tamen populares, aliquos nominare. illi, cum res non bonas tractent, similes bonorum uideri uolunt: nos autem dicimus, ea nobis uideri, quæ uosmet ipsi nobilissimis philosophis placuisse conceditis. Anaxagoras niuem nigram dixit esse. ferres me, si ego idem dicerem? tu, ne si dubitarem quidem. at quis est hic? num Sophistes? sic enim appellantur ij, qui
d osten-

ACADEM. QVAEST.

ostentationis, aut quæstus caussa philosophantur. maxima fuit & grauitatis, & ingenij gloria. Quid loquar de Democrito? quem cum eo conferre possimus non modo ingenij magnitudine, sed etiam animi? qui ita sit ausus ordiri: Hæc loquor de uniuersis. nihil excipit, de quo non profiteatur. quid enim esse potest extra uniuersa? quis hunc philosophum non anteposit Cleanthi, Chrysippo, reliquisq. inferioris ætatis? qui mihi, cū illo collocati, quintæ classis uidentur. atque is non hoc dicit, quod nos, qui ueri esse aliquid non negamus, percipi posse negamus. ille uerū esse plane negat: esse sensus quidē nec obscuros dicit, nec tenebricosos. sic enim appellat eos is, qui hunc maxime est admiratus, Chius Metrodorus initio libri, qui est de natura. Nego inquit, scire nos, sciamus ne aliquid, an nihil sciamus; ne id ipsum quidem nescire, aut scire, scire nos; nec, omnino sit ne aliquid, an nihil sit. Furere tibi Empedocles uidetur: at mihi dignissimum rebus ijs, de quibus loquitur, sonum fundere. num ergo is excæcat nos, aut orbat sensibus, si parum magnam uim censet in ijs esse ad ea, quæ sub eos subiecta sunt, iudicanda? Parmenides, Xenophanes, minus bonis quāquam uersibus, sed tamen illis uersibus, increpant eorum arrogantiam quasi irati, qui, cum sciri nihil possit, audeant se scire dicere. Et ab his aiebat remouendum Socratem, & Platonem: cur? an de ullis certius possum dicere? uixisse cum his equidem uideor: ita multi sermones perscripti sunt, e quibus dubitari

tari non po
posse. exce
nihil ampli
tam multis
bauisset. in
sertim, na
non ut Sata
nes, sed et
nobilem? a
tos, Stilbon
sunt contort
enim appell
eos colligam
re putatur
contra sensu
consuetudin
dem non ui
multa non ex
te magna,
Quid Cyren
phi? qui neg
extrinsecus
sentiant, ut
quo quid col
sentire affici
ribus. quam
rem, post il
potuisse, tot
quid inuenti

tari non possit, quin Socrati, nihil, sit visum, sciri posse. excepit unum tantum, scire se, nihil se scire: nihil amplius. Quid dicam de Platone? qui certe tam multis libris hæc persecutus non esset, nisi probauisset. ironiam enim alterius, perpetuam præsertim, nulla fuit ratio persequi. Videor ne tibi, non ut Saturninus, nominare modo illustres homines, sed etiam imitari nunquam nisi clarum, nisi nobilem? atque habebam molestos uobis, sed minus, Stilbonem, Diodorum, Alexinum: quorum sunt contorta, & aculeata quedam sophismata: sic enim appellantur fallaces conclusiunculae. Sed quid eos colligam, cum habeam Chrysippum, qui fulcire putatur porticum Stoicorum? quàm multa ille contra sensus, quàm multa contra omnia, quæ in consuetudine probantur? dissoluit idem. mihi quidem non uidetur: sed dissoluerit sane: certe tam multa non collegisset, quæ nos fallerent probabilitate magna, nisi uideret ijs resisti non facile posse. Quid Cyrenei uidentur, minime contempti philosophi? qui negant esse quidquam, quod percipi possit extrinsecus: ea se sola percipere, quæ tactu intimo sentiant, ut dolorem, & uoluptatem; neque se, quo quid colore, aut quo sono sit, scire, sed tantum sentire affici se quodam modo. Satis multa de aucto-ribus. quanquam ex me quæsieras, non ne putarem, post illos ueteres, tot sæculis inueniri uerum potuisse, tot ingenijs, tantisq. studijs quærentibus. quid inuentum sit, paullo post uidero, te ipso qui-

d 2 dem

ACADEM. QVAEST.

dem iudice. Arcesilam uero non obtreectandi caussa cum Zenone pugnauisse, sed uerum inuenire uoluisset, sic intelligitur. Nemo unquam superiorum non modo expresserat, sed ne dixerat quidem, posse hominem nihil opinari; nec solum posse, sed ita necesse esse sapienti. uisa est Arcesilæ cum uera sententia, tum honesta, & digna sapiente. quæsiuit de Zenone fortasse, quid futurum esset, si nec percipere quidquam posset sapiens, nec, opinari, sapientis esset. Ille, credo: nihil opinatur; quoniam esset quod percipi posset. Quid ergo esset id? uisum, credo. Quale igitur uisum? tum illum ita definiuisse: ex eo quod esset, sicut esset impressum, et signatum, & effectum. Post requisitum, etiam ne, si eiusmodi esset uisum uerum, quale falsum? hic Zenonem uidisse acute, nullum esse uisum, quod percipi posset; si id tale esset ab eo, quod est, ut eiusmodi ab eo, quod non est, posset esse. recte. consensit Arcesilas. ad definitionem additum: neque enim falsum percipi posse, neque uerum, si esset tale, quale uel falsum. Incubuit autem in eas disputationes, ut doceret, nullum tale esse uisum a uero, ut non eiusdem modi etiam a falso possit esse. Hæc autem est una contentio, quæ adhuc permanserit. Nam illud, nulli rei assensurum esse sapientem, nihil ad hanc controuersiam pertinebat. licebat enim nihil percipere, & tamen opinari: quod a Carneade dicitur probatum. equidem, Clitomacho plus, quàm Philoni, aut Metrodoro, credens, hoc magis ab eo disputatum.

sputat
mus. illu
lata, sequ
ostendero
assensurum
ne sensus
communi
circo heri
multa dix
neque col
nam & in
& in colu
mo. de
* illa omnia
esse dicit.
qui magno
dimittit E
titus sit, n
rum esse,
sistere. ita
quam, cum
mulas esse
non oculor
uideatur.
ro, qui ui
qui ea dist
cis. domi
roget, san
plus quid

sputatum, quàm probatum, puto. sed id omittamus. Illud certe, opinatione, & perceptione sublata, sequitur omnium assensionum retentio: ut, si ostendero nihil posse percipi, tu concedas nunquam assensurum esse. quid ergo est, quod percipi possit, si ne sensus quidem uera nuntiant? quos tu, Luculle, communi loco defendis. quod ne id facere posses, iccirco heri, non necessario loco, contra sensus tam multa dixeram. Tu autem te negas infracto remo, neque columbæ collo commoueri. primum, cur? nam & in remo sentio non esse id, quod uideatur; & in columba plures uideri colores, nec esse plus uno. deinde, nihil ne præterea diximus? maneant * illa omnia. lacerat ista caussa: ueraces suos sensus esse dicit. igitur semper auctorem habes, & eum, qui magno suo periculo caussam agat. eò enim rem dimittit Epicurus; si unus sensus semel in uita mentitus sit, nulli unquam esse credendum. hoc est uerum esse, confidere suis testibus, et importune insistere. itaque Timagoras Epicureus negat sibi unquam, cum oculum torsisset, duas ex lucerna flammulas esse uisas: opinionis enim esse mendacium, non oculorum. quasi quærat, quid sit, non quid uideatur. Sed hic quidem maiorum similis. tu uero, qui uisa sensibus alia uera dicas esse, alia falsa, qui ea distinguis? desine, quæso, communibus locis. domi nobis ista nascuntur. Si quis deus te interroget, sanis modo, & integris sensibus, num amplius quid desideras? quid respondeas? Vtinam qui-

ACADEM. QVAEST.

dem roget . audiat , quàm nobiscum male agatur .
 ut enim uera uideamus , quàm longe uidebimus ?
 ego Catuli Cumanam ex hoc loco regionem uideo ,
 Pompeianum non cerno : neque quidquam interie-
 ctum est , quod obstet : sed intendi longius acies non
 potest . o praclarum prospectum : Puteolos uide-
 mus : at familiarem nostrum Auianum , fortasse in
 porticu Neptuni ambulantiem , non uidemus . at il-
 le nescio qui , qui in scholis nominari solet , mille &
 octingenta stadia quod abesset , uidebat : quaedam
 uolucres longius . Responderem igitur audacter isti
 uestro deo , me plane his oculis non esse contentum .
 Dicit me acrius uidere . quàm ullos pisces fortasse :
 qui neque uidentur a nobis , & nunc quidem sub
 oculis sunt : neque ipsi nos suspicere possunt . ergo ,
 ut illis aqua , sic nobis aer crassus offunditur . At
 amplius non desideramus . quid talpam ? num desi-
 derare lumē putas ? Neque tam quererem cum deo ,
 quòd parum longe , quàm quòd falsum uiderem .
 Vides ne nauem illam ? stare nobis uidetur : at ijs ,
 qui in naui sunt , moueri haec uilla . quære rationem ,
 cur ita uideatur : quam ut maxime inueneris ; quod
 haud scio an non possis ; non tu uerum testem habe-
 re , sed eum non sine caussa falsum testimonium di-
 cere ostenderis . Quid ego de naui ? uidi enim a te re-
 mum contemni . maiora fortasse quæris . quid po-
 test esse sole maius ? quem mathematici amplius
 duo de uiginti partibus confirmant maiorem esse ,
 quàm terram . quantulus nobis uidetur ? mihi qui-
 dem

dem quasi
 minorem e
 ne maioren
 esse , quan
 tur , aut no
 est semel ?
 mentiri pu
 cum ille sol
 tas eius qu
 men nobis
 uersam ;
 Quatuor
 quod nosci
 tota quæst
 uisum falsu
 tium , inter
 ut eorum a
 tum , nullu
 cui non app
 interst , qu
 capitum se
 primum E
 id quoque
 Qui igitur
 Quinctum
 di uisum ,
 uerum a f
 lata , quan
 consul fui

dem quasi pedalis. Epicurus autē posse putat etiam
 minorem esse eum, quā uideatur, sed non multo :
 ne maiorem quidem multo putat esse ; uel tantum
 esse, quantus uideatur : ut oculi aut nihil mentian-
 tur, aut non multum mentiantur. ubi igitur illud
 est semel ? sed ab hoc credulo, qui nunquam sensus
 mentiri putat, discedamus, qui ne nunc quidem,
 cum ille sol, qui tanta incitatione fertur, ut, celeri-
 tas eius quanta sit, ne cogitari quidem possit, ta-
 men nobis stare uideatur. Sed, ut minuam contro-
 uersiam ; uidete, quāso, quā in paruulis sitis.
 Quattuor sunt capita, quæ concludunt nihil esse,
 quod nosci, percipi, comprehendi possit : de quo hæc
 tota quæstio est. e quibus primum est, esse aliquod
 uisum falsum : secundum, non posse id percipi : ter-
 tium, inter quæ uisa nihil intersit, fieri non posse,
 ut eorum alia percipi possint, alia non possint : quar-
 tum, nullum esse uisum uerum a sensu profectum,
 cui non appositum sit uisum aliud, quod ab eo nihil
 intersit, quodq. percipi non possit. Horum quattuor
 capitum secundum, & tertium omnes concedunt,
 primum Epicurus non dat : uos, quibuscum res est,
 id quoque conceditis. omnis pugna de quarto est.
 Qui igitur P. Seruiliū Geminum uidebat, si
 Quintum se uidere putabat, incidebat in eiusmodi
 uisum, quod percipi non posset ; quia nulla nota
 uerum a falso distinguebatur. qua distinctione sub-
 lata, quam haberet M. Cotta, qui bis cum Geminio
 consul fuit, agnoscendo eiusmodi notam, quæ falsa
 d 4 esse

ACADEM. QVAEST.

esse non possit? Negas tantam similitudinem in rerum natura esse. pugnas omnino, sed cum aduersario facili. ne sit sane: uideri certe potest: fallit igitur sensum: & si una sefellerit similitudo, dubia omnia reddiderit. sublato enim iudicio illo, quo oportet agnosci; etiam si ipse erit quem, uideris, qui tibi uidebitur, tamen non ea nota iudicabis, qua dicis oportere, ut non possit esse eiusdem modi falsa. quando igitur potest tibi P. Geminus, Quinctus uideri; quid habes explorati, cur non possit tibi Cotta uideri, qui non sit; quoniam aliquid uidetur esse, quod non est? Omnia dicis sui generis esse; nihil esse idem, quod sit aliud. Stoicum est quidem, nec admodum credibile, nullum esse pilum omnibus rebus talem, qualis sit pilus alius, nullum granum. haec refelli possunt: sed pugnare nolo: ad id enim, quod agitur, nihil interest, omnibus ne partibus uisa res nihil differat, an internosci non possit, etiam si differat. sed si hominum similitudo tanta esse non potest, ne signorum quidem? Dic mihi, Lysippus eodem aere, eadem temperatione, eodem caelo, aqua, ceteris omnibus, centum Alexandros eiusdem modi facere non possit? qua igitur notione discerneres? Quid, si in eiusmodi cera centum sigilla hoc annulo impressero, ecquae poterit in agnoscendo esse distinctio? an tibi erit querendus annularius aliquis? quoniam gallinarum inuenisti Deliacum illum, qui oua cognosceret. Sed adhibes artem aduocatam etiam sensibus. Pictor uidet, quae nos non uidemus:

&

& simul in
tur. Quid
sine magni
stri quidem
dire possunt
esset sensus
tionem bo
scam opina
re potes, I
tia, & con
uerbo utar
fabrica est
do? tractan
ganter. di
modo. Sed
sam, ne tu
ris, uidear
sunt, ueni
quibus uol
sed etiam a
dum studio
perspicuita
contraq. r
riore fuisse
ea sunt ei
sunt. Dori
rum uisa n
um, sicco
experret

Et simul inflauit tibicen, a perito carmen agnosci-
tur. Quid hoc? non ne uidetur contra te ualere; si
sine magnis artificijs, ad quæ pauci accedunt, no-
stri quidem generis admodum, nec uidere, nec au-
dire possumus? Iam illa præclara, quanto artificio
esset sensus nostros, mentemq., & totam constru-
ctionem hominis fabricata natura. Cur non extime-
scam opinandi temeritatem? etiam ne hoc affirma-
re potes, Luculle, esse aliquam uim, cum pruden-
tia, & consilio scilicet, quæ finxerit, uel, ut tuo
uerbo utar, quæ fabricata sit hominem? qualis ista
fabrica est? ubi adhibita est? quando? cur? quo mo-
do? tractantur ista ingeniose, disputantur etiam ele-
ganter. denique, uideantur sane, ne affirmentur
modo. Sed de physicis mox, et quidem ob eam caus-
sam, ne tu, qui idem me facturum paullo ante dixe-
ris, uideare mentitus. sed, ut ad ea, quæ clariora
sunt, ueniam; res iam uniuersas profundam; de
quibus uolumina impleta sunt non a nostris solum,
sed etiam a Chrysippo: de quo queri solent Stoici,
dum studiosè omnia conquiescit contra sensus, &
perspicuitatem, contraq. omnem consuetudinem,
contraq. rationem, ipsum sibi respondentem infe-
riore fuisse: itaque ab eo armatum esse Carneadem.
ea sunt eiusmodi, quæ a te diligentissime tractata
sunt. Dormientium, & uinolentorum, & furioso-
rum uisa imbecilliora esse dicebas, quàm uigilanti-
um, siccorum, sanorum. quo modo? quia, cum
experrectus esset Ennius, non diceret, se uidisse

Ho-

Homerum, sed uisum esse: Alcmaeo autem,
Sed mihi neutiquam cor consentit.

similia de uiolentis. Quasi quisquam neget, &
qui experrectus sit, eum non somniare; & cuius
furor consederit, putare non fuisse ea uera, quæ ef-
sent sibi uisa in furore. sed non id agitur: tum, cum
uideantur, quo modo uidentur, id quæritur. nisi
uero Ennium nō putamus ita totum illud audiuisse,
O pietas animi,

(si modo id somniauit) ut si uigilans audiret. ex-
perrectus enim potuit illa uisa putare, ut erant, &
somnia: dormienti uero æque, ac uigilanti, proban-
tur. Quid Iliona somno illo?

Mater te appello.

non ne illa credit filium locutum, ut experrecta
etiam crederet? unde enim illa?

Age adsta: mane: audi: itera dum eadē istæc mihi.
num uidetur minorem habere uisis, quàm uigi-
lantes fidem? Quid loquar de insanis? qualis tan-
dem fuit affinis tuus, Catule, Tuditanus? quisquam
sanissimus tam certa putat, quæ uidet, quàm is pu-
tabat, quæ uidebantur? Quid ille, qui,

Video, uideo te uiuum, Ulixes, dum licet?

non ne etiam bis exclamauit se uidere, cum omni-
no non uideret? Quid apud Euripidem Hercules,
cum, ut Eurysthei filios, ita suos configebat sagit-
tis? cum uxore interimebat? cum conabatur etiam
patrem? non perinde mouebatur falsis, ut ueris
moueretur? Quid ipse Alcmaeo tuus, qui negat
cor

cor sibi cū
to furore?
Vnde hæc
& illa de
Incende, in
quid, cum
Fermi aux
Flammifer
Carulea in
Circumstan
num dubita
cetera:
Intendit cri
Arcum an
Diana face
qui magis h
quia uideba
consentire.
lud efficiat
sa uera, &
uos autem
rum, uel
fellitis. no
ri soleat eo
qui furere
rentium, a
tur. Sed ad
cipi possit
& falsi q

cor sibi cum oculis consentire? non ne ibidem incitato furore?

Vnde hæc flamma oritur?

Et illa deinceps:

Incende, incende: adsunt, adsunt: me, me expetūt.

quid, cum uirginis fidem implorat?

Fer mi auxilium: pestem abige a me:

Flammiferam hanc uim, quæ me excruciat,

Cæruleæ incinctæ igni incendunt:

Circumstant cum ardentibus tædis.

num dubitas, quin sibi hæc uidere uideatur? itemque cetera:

Intendit crinitus Apollo

Arcum auratum, Luna innixus.

Diana facem iacit a læua.

qui magis hæc crederet, si essent, quàm credebat, quia uidebantur? apparet enim iam cor cum oculis consentire. Omnia autem hæc proferuntur, ut illud efficiatur, quo certius nihil potest esse, inter uisa uera, & falsa ad animi assensum nihil interesse. uos autem nihil agitis, cum falsa illa uel furiosorum, uel somniantium, recordatione ipsorum refellitis. non enim id queritur, qualis recordatio fieri soleat eorum, qui experrecti sunt; aut eorum, qui furere destiterint; sed qualis uisio fuerit aut furentium, aut somniantium tum, cum commouebantur. Sed ab eo a sensibus: quid est, quod ratione percipi possit? Dialecticam inuentam esse dicitis, ueri, & falsi quasi disceptatricem, & iudicem. cuius ueri

ACADEM. QVAEST.

ueri & falsi? & in qua re? in geometria ne, quid sit uerum, uel falsum, dialecticus iudicabit, an in litteris, an in musicis? at ea non nouit. in philosophia igitur sol quantus sit, quid ad illum? quod sit summum bonum, quid habet, ut queat iudicare? quid igitur iudicabit, quæ coniunctio, quæ disiunctio uera sit, quid ambigue dictum sit, quid sequatur quanque rem, quid repugnet? si hæc, et horum similia iudicat, de se ipsa iudicat. plus autem pollicebatur. nam hæc quidem iudicare, ad ceteras res, quæ sunt in philosophia multæ, atque magnæ, non est satis. sed quoniam in ea arte tantum ponitis: uidete, ne contra uos tota nata sit. quæ primo progressu festiue tradit elementa loquendi, & ambiguum intelligentiam, concludendiq. rationem: tum, paucis additis, uenit ad soritas, lubricum sane, & periculosum locum: quod tu modo dicebas esse uitiosum interrogandi genus. quid ergo, istius uitij num nostra culpa est? rerum natura nullam nobis dedit cognitionem finium, ut ulla in re statuere possimus quatenus. nec hoc in aceruo tritici solum, unde nomen est, sed ulla omnino in re minutatim interroganti; diues, pauper; clarus, obscurus sit; multa, pauca; magna, parua; longa, breuia; lata, angusta; quanto aut addito aut dempto, certum respondeamus, non habemus. At uitiosi sunt soritæ. Frangite igitur eos, si potestis; ne molesti sint: erunt enim, nisi caueatis. Cautum est, inquit. placet enim Chrysippo, cum gradatim inter-

rogetur,

rogetur, (ta) aliquan
quiescere, i
me uel ster
quiescas. se
sonno excit
numero com
dero, multa
uidebitur. c
timum te pa
spondere po
non uideam
dit, inquit.
quam ad fin
gis, si locus
me, inquit.
terroganti
que responsa
perspicis. si
usque ad o
insistis. si i
ris. quid en
tem irretia
uem, uerbi
esse, in dec
cobibes aff
sinis. Nihil
que nec a
sit, aut po

rogetur, (uerbi causa, tria pauca sint, an ne multa) aliquanto prius, quam ad multa perueniat, quiescere, id est, quod ab ijs dicitur, ἡσυχάζειν. Per me uel stertas licet, inquit Carneades, non modo quiescas. sed quid proficit? sequitur enim qui te ex somno excitet, & eodem modo interroget: Quo in numero conticuiisti; si ad eum numerum unum addidero, multa ne erunt? progrediare rursus, quoad uidebitur. quid plura? hoc enim fateris, neque ultimum te paucorum, neque primum multorum respondere posse. cuius generis error ita manat, ut non uideam quò non possit accedere. Nihil me laedit, inquit. ego enim, ut agitator callidus, prius quam ad finem ueniam, equos sustinebo, eoq. magis, si locus is, quò ferentur equi, præceptus erit. sic me, inquit, ante sustinebo, nec diutius captiose interroganti respondebo. Si habes, quod liqueat, neque respondes: superbe. si non habes: ne tu quidem perspicis. si, quia obscura: concedo: sed negas te usque ad obscura progredi: illustribus igitur rebus insistis. si id tantummodo, ut taceas: nihil assequeris. quid enim ad illū, qui captare uult, utrum tacentem irretiat te, an loquentē? sin autem usque ad nouem, uerbi gratia, sine dubitatione respondes, pauca esse, in decimo insistis: etiam a certis et illustrioribus cohibes assensum; hoc idem me in obscuris facere nō sinis. Nihil igitur te contra soritas ars ista adiuuat, quæ nec augendi, nec minuendi quid aut primum sit, aut postremum, docet. Quid, quòd eadē illa ars, quasi

ACADEM. QVAEST.

quasi Penelope telam retexens, tollit ad extremum superiora? utrum ea uestra, an nostra culpa est? nempe fundamentum dialecticæ est, quidquid enuntietur, (id autem appellatur ἀξιωμα: quod est quasi effatum) aut uerum esse, aut falsum. quid igitur? hæc uera, an falsa sunt? si te mentiri dicis, id quod uerum dicis: mentiri uerum dicis. hæc scilicet inexplicabilia esse dicitis. quod est odiosius, quam illa, quæ nos non comprehensa, & non percepta dicimus. Sed hæc omitto: illud quæro: si ista explicari non possunt: nec eorum ullum iudicium inuenitur, ut respondere possitis, uera ne, an falsa sint; ubi est illa definitio, effatum esse id, quod aut uerum, aut falsum sit? Rebus sumptis adiungam, ex his sequendas esse alias, alias improbandas, quæ sunt in genere contrario. quo modo igitur hoc conclusum esse iudicas? si dicis, nunc lucere, & uerum dicis: lucet. dicis autem lucere, & uerum dicis: lucet igitur. probatis certe genus, & rectissime conclusum dicitis: itaque in docendo eum primum concludendi modum traditis. Aut quidquid igitur eodem modo concluditur, probabitis: aut ars ista nulla est. uide ergo, hanc conclusionem probaturus ne sis. si dicis te mentiri, uerum quod dicis: mentiris. dicis autem te mentiri, uerum quod dicis: mentiris igitur. qui potes hanc non probare, cum probaueris eiusdem generis superiorem? Hæc Chrysippea sunt, ne ab ipso quidem dissoluta. quid enim faceret huic conclusioni? si lucet, lucet: lucet autem, lucet igitur. crederet

deret scilicet
seris superin
hac ab illa c
ris: mentiri
posse nec ap
gis illud? si
clussionis na
tremum eor
inexplicabili
a me istam e
tenim cum a
contemnit,
esse concedat
Hermachus
tuant, omne
tiam, aut no
cessarium: n
dum putant.
ro necessariu
aut uiuere,
rarerum tal
pugnent, id
euerit dial
(contraria
rum negat)
la uera est.
forum discip
inciderat, si
clufit; tene

deret scilicet . ipsa enim ratio connexi , cum concesseris superius , cogit inferius concedere . quid ergo hæc ab illa conclusione differt ? si mentiris , mentiris : mentiris autem , mentiris igitur . hoc negas te posse nec approbare , nec improbare . qui igitur magis illud ? si ars , si ratio , si uia , si uis denique conclusionis ualet : eadem est in utroque . Sed hoc extremum eorum est : postulant , ut excipiantur hæc inexplicabilia . Tribunal aliquem , censeo , adeant : a me istam exceptionem nunquam impetrabunt . etenim cum ab Epicuro , qui totam dialecticam & contemnit , & irridet , non impetrent , ut uerum esse concedat , quod ita effabimur ; aut uiuet cras Hermachus , aut non uiuet ; cum dialectici sic statuunt , omne , quod ita disiunctum sit , quasi aut etiam , aut non , non modo uerum esse , sed etiam necessarium : uide , quàm sit cautus is , quem isti tardum putant . si enim , inquit , alterutrum concessero necessarium esse : necesse erit , cras Hermachum aut uiuere , aut non uiuere : nulla autem est in natura rerum talis necessitas . cum hoc igitur dialectici pugnent , id est Antiochus , & Stoici . totam enim euertit dialecticam . nam si e contrarijs disiunctio , (contraria autem ea dico , cum alterum ait , alterum negat) si talis disiunctio falsa potest esse ; nulla uera est . mecum uero quid habent litium , qui ipsorum disciplinam sequor ? cum aliquid huiusmodi inciderat , sic ludere Carneades solebat : Si recte conclusit ; teneo : sin uitiose ; minam Diogenes reddat .

ab

ACADEM. QVAEST.

ab eo enim Stoico dialecticam didicerat : hæc autem merces erat dialecticorum . Sequar igitur eas vias, quas didici ab Antiocho : nec reperio , quo modo iudicem , si lucet , lucet , verum esse ob eam causam, quod ita didici , omne , quod ipsum ex se connexum sit , verum esse ; non iudicem , si mentiris , mentiris , eodem modo esse connexum . aut igitur hoc , & illud : aut , nisi hoc , ne illud quidem iudicabo . Sed , ut omnes istos aculeos , & totum tortuosum genus disputandi relinquamus , ostendamusq. qui simus ; iam explicata tota Carneadis sententia , Antiochi ista corrueunt uniuersa . nec uero quidquam ita dicam , ut quisquam id fingi suspicetur . a Clitomacho sumam , qui usque ad senectutem cum Carneade fuit , homo & acutus , ut Pænus , & ualde studiosus , ac diligens . et quattuor eius libri sunt de sustinendis assensionibus : hæc autem , quæ iam dicam , sunt sumpta de primo . Duo placet esse Carneadi uisum genera ; in uno hanc diuisionem ; alia uisa esse , quæ percipi possint , alia , quæ non possint : in altero autem , alia uisa esse probabilia , alia non probabilia : itaque , quæ contra sensus , contraq. perspicuitatem dicantur , ea pertinere ad superiorem diuisionem : cōtra posteriorem nihil dici oportere : quare ita placere ; tale uisum nullum esse , ut perceptio consequeretur ; ut autem probatio , multa . etenim contra naturam esset , si probabile nihil esset . sequitur enim omnis uitæ ea , quam tu , Luculle , commorabas , euersio . itaque et sensibus probanda multa

ta sunt. teneatur modo illud, non inesse in his quidquam tale, quale non etiam falsum, nihil ab eo differens, esse possit. sic, quidquid acciderit specie probabile; si nihil se offeret, quod sit probabilitati illi contrarium, utetur eo sapiens; ac sic omnis ratio uitæ gubernabitur. etenim is quoque, qui a nobis sapiens inducitur, multa sequitur probabilia, non comprehensa, neque percepta, neque assensa, sed similia ueri: quæ nisi probet, omnis uita tollatur. Quid enim? conscendens nauem sapiens num comprehensum animo habet, atque perceptum, se ex sententia nauigaturum? qui potest? sed si iam ex hoc loco proficiscatur Puteolos stadia triginta, probo nauigio, bono gubernatore, hac tranquillitate: probabile uideatur, se illuc uenturum esse saluum. huiusmodi igitur uisis consilia capiet & agendi, & non agendi: faciliorq. erit, ut albam niuem esse probet, quàm erat Anaxagoras, qui id non modo ita esse negabat, sed sibi, quia sciret aquam nigram esse, unde illa concreta esset, albam ipsam esse ne uideri quidem, et quæcunque res eum sic attinget, ut sit uisum illud probabile, neque ulla re impeditum; mouebitur. non enim est e saxo sculptus, aut e robore dolatus: habet corpus: habet animum: mouetur mente: mouetur sensibus: ut ei multa uera uideantur. neque tamen habere insignem illam, & propriam percipiendi notam, eoq. sapientem non assentiri, quia possit eiusdem modi existere falsum aliquod, cuiusmodi hoc uerum. neque nos contra
e sen-

ACADEM. QVAEST.

sensus aliter dicimus, ac Stoici, qui multa falsa esse dicunt, longeque aliter se habere, ac sensibus uideantur. hoc autem si ita sit, ut unum modo sensibus falsum uideatur; praesto est, qui neget, rem ullam percipi posse sensibus. ita, nobis tacentibus, ex uno Epicuri capite, altero uestro, perceptio et comprehensio tollitur. quod est caput Epicuri? si ullum sensibus uisum falsum est; nihil percipi potest. quod uestrum? sunt falsa sensus uisa. quid sequitur? ut taceam, conclusio ipsa loquitur, nihil posse percipi. Non concedo, inquit, Epicuro. Certa igitur cum illo, qui a te totus diuersus est: noli mecum, qui hoc quidem certe, falsi esse aliquid in sensibus, tibi assentior. quanquam nihil mihi tam mirum uidetur, quam ista dici ab Antiocho quidem maxime, cui erant, quae paullo ante dixi, notissima. licet enim haec quicuis abitratu suo reprehendat, quod negemus rem ullam percipi posse: certe leuior reprehensio est, quod tamen dicimus esse quaedam probabilia. non uidetur hoc satis esse uobis. ne sit: illa certe debemus effugere, quae a te uel maxime agitata sunt: nihil igitur cernis? nihil audis? nihil tibi est perspicuum? explicauimus paullo ante, Clitomacho auctore, quo modo ista Carneades diceret. accipe, quemadmodum ea dicantur a Clitomacho in eo libro, quem ad C. Lucilium scripsit poetam, cum scripsisset iisdem de rebus ad L. Censorinum, eum, qui consul cum M. Manilio fuit. scripsit igitur his fere uerbis: sunt enim mihi nota, propterea quod ea-

earum ipsa
institutio,
sed scriptu
rum eiusm
uideantur
alia percip
quod mult
perceptum
bementer e
sus eripi,
rem, aut s
disputatum
quam alibi
posuisset,
re sapient
minimo eum
spondendo
simeat; ut
ita sit; alter
alterum ten
cunque haec
aut non, re
qui de omni
moueri tam
uisa, quib
interrogati
mus, sequi
dum sine a
sa approba

earum ipsarum rerum, de quibus agimus, prima institutio, & quasi disciplina illo libro continetur. sed scriptum est ita: Academicis placere, esse rerum eiusmodi dissimilitudines, ut aliæ probabiles uideantur, aliæ contra: id autem non esse satis, cur alia percipi posse dicas, alia non posse; propterea quod multa falsa probabilia sint, nihil autem falsi perceptum, & cognitum possit esse. itaque ait uehementer errare eos, qui dicant ab Academia sensus eripi, a quibus nunquam dictum sit, aut colorem, aut saporem, aut sonum nullum esse; illud sit disputatum, non inesse in his propriam, quæ nusquam alibi esset, ueri & certi notam. Quæ cum exposuisset, adiungit; dupliciter dici, assensus sustinere sapientem; uno modo, cum hoc intelligatur, omnino eum rei nulli assentiri; altero, cum se a respondendo, ut aut approbet quid, aut improbet, sustineat; ut neque neget aliquid, neque aiat: id cum ita sit; alterum placere, ut nunquam assentiatur; alterum tenere, ut, sequens probabilitatem, ubicunque hæc aut occurrat, aut deficiat, aut etiam, aut non, respondere possit. Hic, ut placeat eum, qui de omnibus rebus contineat se ab assentiendo, moueri tamen, & agere aliquid, reliquit eiusmodi uisa, quibus ad actionem excitemur; item ea, quæ interrogati in utranque partem respondere possumus, sequentes tantummodo quod ita uisum sit, dum sine assensu. neque tamen omnia eiusmodi uisa approbat, sed ea, quæ nulla re impedirentur.

e 2

Hæc

ACADEM. QVAEST.

Hæc si uobis non probamus, sint falsa sane, inuidiosæ certe non sunt. non enim lucem eripimus; sed ea, quæ uos percipi, comprehendiq., eadem nos, si modo probabilia sint, uideri dicimus. Sic igitur inducto & constituto probabili, & eo quidem expedito, soluto, libero, nulla re implicato, uides profecto, Luculle, iacere iam illud tuum perspicuitatis patrocinium. iisdem enim hic sapiens, de quo loquor, oculis, quibus iste uester, cælum, terram, mare intuebitur: iisdem sensibus reliqua, quæ subsequenque sensum cadunt, sentiet. mare illud quidem nunc, Fauonio nascente, purpureum uidetur: idem huic nostro uidebitur; nec tamen assentietur; quia nobismet ipsis modo cæruleum uidebatur, mane flauum, quodq. nunc, quia a sole collucet, albescit, et uibrat, dissimileq. est proximo ei continenti: ut etiam si possis rationem reddere, cur id eueniat, tamen non possis, id uerum esse, quod uidebatur oculis, defendere. Vnde memoria, si nihil percipimus; (sic enim quærebas) quòd meminisse uisa, nisi comprehensa, non possumus? Quid Polyænus, qui magnus mathematicus fuisse dicitur? is postea quàm, Epicuro assentiens, totam geometriam esse falsam credidit, num illa etiam, quæ sciebat, oblitus est? atqui, falsum quod est, id percipi non potest, ut uobismet ipsis placet. si igitur memoria perceptarum, comprehensarumq. rerum est: omnia, quæ quisque meminit, habet ea comprehensa, atque percepta. falsi autem comprehendi nihil potest:

&

& omnia
igitur illa
bi aut conc
ant memo
se ei locum
la sit. Q
sa fatetur
ijs, quæ ta
habent ista
dicent? Se
sam istam
se, ut quisq
perspicuum
meo quide
se dicat, q
mam putat
la, somnia
at, quod is
a quibus ip
piens de re
quid, quod
possit, dub
hoc, cum
dem modo
sione ipsar
qui? Alte
posse in eo
bet. Prin
assensus.

& omnia meminit Scyron Epicuri dogmata: uera
 igitur illa sunt nunc omnia. Hoc per me licet: sed ti-
 bi aut concedendum est ita esse; quod minime uis;
 aut memoriam mihi remittas, oportet; & facile ef-
 fe ei locum, etiam si comprehensio, perceptioq. nul-
 la sit. Quid fiet artibus? quibus? ijs ne, quæ ip-
 sæ fatentur coniectura se plus uti, quàm scientia; an
 ijs, quæ tantum id, quod uidetur, sequuntur, nec
 habent istam artem uestram, qua uera & falsa diu-
 dicent? Sed illa sunt lumina duo, quæ maxime caus-
 sam istam continent. primum enim negatis fieri pos-
 se, ut quisquam nulli rei assentiatur. at id quidem
 perspicuum est; cum Panætius, princeps prope,
 meo quidem iudicio, Stoicorum, ea de re dubitare
 se dicat, quam omnes, præter eum, Stoici certissi-
 mam putant, uera esse haruspicum auspicia, oracu-
 la, somnia, uaticinationes; seq. ab assensu sustine-
 at. quod is potest facere, ut de ijs rebus, quas illi,
 a quibus ipse didicit, certas habuerint; cur id sa-
 piens de reliquis rebus facere non possit? an est ali-
 quid, quod positum uel improbare, uel approbare
 possit, dubitari non possit? an tu in soritis poteris
 hoc, cum uoles; ille in reliquis rebus non poterit eo-
 dem modo insistere, præsertim cum possit sine assen-
 sione ipsam uerisimilitudinem non impeditam se-
 qui? Alterum est, quod negatis actionem ullius rei
 posse in eo esse, qui nullam rem assensu suo compro-
 bet. Primum enim uideri oportet, in quo sit etiam
 assensus. dicunt enim Stoici sensus ipsos assensus ef-

ACADEM. QVAEST.

se: quos quoniam appetitio consequatur, actionem
sequi: tolli autem omnia, si uisa tollantur. hac de
re in utranque partem & dicta sunt, & scripta mul-
ta. uide superiora. sed breui res potest tota confici.
Ego enim etsi maximam actionem puto, repugna-
re uisis, obsistere opinionibus, assensus lubricos su-
stinere; credoq. Clitomacho ita scribenti, Herculis
quendam laborem exantlatum a Carneade, quod,
ut feram & immanem belluam, sic ex animis no-
stris assensionem, id est opinionem, & temerita-
tem extraxisset: tamen, ut ea pars defensionis re-
linquatur, quid impediet actionem eius, qui proba-
bilia sequitur, nulla re impediante? Hoc, inquit, ip-
sum impediet, quod statuet, ne id quidem, quod
probet, posse percipi. Iam istuc te quoque impediet
in nauigando, in conferendo, in uxore ducenda, in
liberis procreandis, plurimisq. in rebus, in quibus
nihil sequere, praeter probabile. & tamen illud
usitatum, & saepe repudiatum, refers, non ut An-
tipater, sed, ut ais, pressius: nam Antipatrum re-
prehensum, quod diceret, consentaneum esse ei,
qui affirmaret nihil posse comprehendi, id ipsum
saltem, dicere, posse comprehendi. quod ipsi An-
tiocho pingue uidebatur, & sibi contrarium. non
enim potest conuenienter dici, nihil comprehendi
posse, si id ipsum comprehendi posse dicatur. illo
modo potius putat urgendum fuisse Carneadem:
cum sapientis nullum decretum esse possit, nisi com-
prehensum, perceptum, cognitum; ut hoc ipsum
decre-

decretum,
fateretur e-
lum aliud d
agere non
percepta:
in hoc habe
ceteris. qu
libus: itaqu
deatur, &
dum, si qua
an impar fi
rebus, in q
se dicat. in
bus autem
quid faciat
dem prate
tiochi: (ne
solebat dice
turbatum:
dam falsam
non attend
sum, quod
tia: eam to
ferre: nubi
rum omnin
ra, quam
percipiend
deor nimis
campus, i

decretum, quod sapientis esset, nihil posse percipi, fateretur esse perceptum. proinde quasi sapiens nullum aliud decretum habeat, & sine decretis uitam agere non possit. sed ut illa habet probabilia, non percepta: sic hoc ipsum, nihil posse percipi. nam si in hoc haberet cognitionis notā, eadem uteretur in ceteris. quam quoniam non habet, utitur probabilibus: itaque non metuit, ne confundere omnia uideatur, & incerta reddere. non enim, quemadmodum, si quaesitum ex eo sit, stellarum numerus par, an impar sit; item, si de officio, multisq. alijs de rebus, in quibus uersatus exercitatusq. sit, nescire se dicat. in incertis enim nihil est probabile: in quibus autem est, in his non deerit sapienti, neque quid faciat, neque quid respondeat. Ne illam quidem praetermisti, Luculle, reprehensionem Antiochi: (nec mirum: in primis enim est nobilis) quae solebat dicere Antiochus Philonem maxime perturbatum: Cum enim sumeretur unum, esse quaedam falsa uisa; alterum, nihil ea differre a ueris: non attendere, superius illud ea re a se esse concessum, quod uideretur esse quaedam in uisis differentia: eam tolli altero, quo neget uisa a falsis uera differre: nihil tam repugnare. Id ita esset, si nos uerum omnino tolleremus. non facimus. nam tam uera, quam falsa cernimus. sed probandi species est: percipiendi signum nullum habemus. Ac mihi uideor nimis etiam nunc agere ieiune. cum sit enim campus, in quo possit exultare oratio; cur eam in

ACADEM. QVAEST.

tantas angustias, & in Stoicorum dumeta compelli-
mus? si enim mihi cum Peripatetico res esset, qui
id percipi posse diceret, quod impressum esset e ue-
ro; neque adhiberet illam magnam accessionem, quo
modo imprimi non posset a falso: cum simplici homi-
ne simpliciter agerem, nec magnopere contende-
rem: atque etiam, si, cum ego nihil dicerem posse
comprehendi, diceret ille sapientem interdum opi-
nari; non repugnarem, praesertim ne Carneade qui-
dem huic loco ualde repugnante: nunc quid facere
possum? quaero enim, quid sit, quod comprehendi
possit. respondet mihi non Aristoteles, aut Theo-
phrastus, ne Xenocrates quidem, aut Polemo, sed
nihilominus: quod est tale uerum, quale falsum es-
se non possit. Nihil eiusmodi inuenio. itaque in cogni-
tione nimirum assentiar, id est opinabor. hoc mihi
& Peripatetici, & uetus Academia concedit, uos
negatis, Antiochus in primis: qui me ualde mouet;
uel quod amaui hominem, sicut ille me; uel quod
ita iudico, politissimum, et acutissimum omnium no-
strae memoriae philosophorum. a quo primum qua-
ro, quo tandem modo sit eius Academiae, cuius se
esse profiteatur? ut omittam alia; haec duo, de qui-
bus agitur, quis unquam dixit aut ueteris Acade-
miae, aut Peripateticorum; uel id solum percipi pos-
se, quod esset uerum tale, quale falsum esse non pos-
set; uel sapientem nihil opinari? certe nemo. horum
neutrum ante Zenonem magnopere defensum est.
ego tamen utrumque uerum puto: nec dico tempo-
ris

ris causa
sum. Tu c
pissimum
tantum til
tia, natu
gas, fines
describas;
etiam dispo
& artificu
numerabil
opiner? q
deducas, si
ganter faci
cesse est. n
querapiet
cum orato
a se instrud
ro Epicure
inter se am
quem a p
qui habita
qui ista A
la uera su
discrepant
pudentes,
sibi persua
dem, inqu
pe ista sciri
quale est

ris caussa: sed ita plane probo. Illud ferre non possum. Tu cum me incognito assentiri uetes; idq. turpissimum esse dicas, & plenissimum temeritatis; tantum tibi arroges, ut exponas disciplinam sapientiae, naturam rerum omnium euoluas, mores finigas, fines bonorum malorumq. constituas, officia describas; quam uitam ingrediar, definias; idemq. etiam disputandi, & intelligendi iudicium dicas te, & artificium traditurum; perficies, ut ego, ista innumerabilia complectens, nusquam labar? nihil opiner? quæ tandem ea est disciplina, ad quam me deducas, si ab hac abstraxeris? uereor, ne subarroganter facias, si dixeris, tuam. atqui, ita dicas, necesse est. neque uero tu solus, sed me ad suam quisque rapiet. Age, restitero Peripateticis, qui sibi cum oratoribus cognationem esse, qui claros uiros, a se instructos, dicant remp. sæpe rexisse: sustinuero Epicureos, tot meos familiares, tam bonos, tam inter se amantes uiros: Diodoto quid faciam Stoico? quem a puero audiui, qui mecum uiuit tot annos, qui habitat apud me, quem & admiror, et diligo, qui ista Antiochia contemnit. Nostra, inquit, sola uera sunt. certe sola, si uera: plura enim uera discrepantia esse non possunt. utrum igitur nos impudentes, qui labi nolumus; an illi arrogantes, qui sibi persuaferint, scire se solos omnia? Non me quidem, inquit, sed sapientem dico scire. Optime: nempe ista scire, quæ sunt in tua disciplina. hoc primum quale est, a non sapiente explicari sapientiam? sed discenda-

ACADEM. QVAEST.

discedamus a nobismet ipsis: de sapiente loquamur: de quo, ut saepe iam dixi, omnis hæc quæstio est. In tres igitur partes & a plerisque, & uobismet ipsis distributa sapientia est. primum ergo, si placet, quæ de natura rerum sint quæsita, uideamus: uelut illud ante. est ne quisquam tanto inflatus errore, ut sibi se illa scire persuasit? non quæro rationes eas, quæ ex coniectura pendent; quæ disputationibus huc, & illuc trahuntur, nullam adhibent persuadendi necessitatem. geometræ provideant, qui se profitentur non persuadere, sed cogere; & qui omnia uobis, quæ describunt, probant. non quæro ex his illa initia mathematicorum; quibus non concessis, digitum progredi non possunt: punctum esse, quod magnitudinem nullam habeat; extremitatem, & quasi libramentum, in quo nulla omnino crassitudo sit; liniamentum sine ulla latitudine carentem. Hæc cum uera esse concessero: si adigam iusiurandum, sapientem ne prius, quam Archimedes, eo inspectante, rationes omnes descripserit eas, quibus efficitur, multis partibus solem maiorem esse, quam terram, iuraturum putas? si fecerit; solem ipsum, quem deum censet esse, cōtempserit. quod si geometricis rationibus non est crediturus, quæ uim afferunt in docendo, uos ipsi ut dicitis: nã ille longe aberit, ut argumentis credat philosophorum; aut, si est crediturus, quorum potissimum? omnia physicorum licet explicare: sed longum est: quæro tamen, quem sequatur. finge aliquem

aliquem nu
tissimum se
quamcunq
rio diuino
babit? nec
quæstiones
quibus om
enim inter
ceps Thales
fisse primo
at hoc Ana
persuasit.
qua omnia
menes, in
tur, definit
tum ex his
tam, sed ea
eas primu
mente diuin
num esse o
deum, neq
conglobata
neat terran
num, & in
rior in cete
nota quatti
quod esset
semper, &
cipiente m

aliquem nunc fieri sapientem, non dum esse: qua potissimum sententia melius eliget disciplinam? et si, quamcunque eliget, insipiens eliget. sed sit ingenio diuino: quem unum e physicis potissimum probabit? nec enim plus uno poterit. non persequor quæstiones infinitas: tantum de principijs rerum, e quibus omnia constant, uideamus quem probet. est enim inter magnos homines summa dissensio. Princeps Thales, unus e septem, cui sex reliquos consensisse primos ferunt, ex aqua dixit constare omnia. at hoc Anaximandro, populari, & sodali suo, non persuasit. is enim infinitatem naturæ dixit esse, e qua omnia gignerentur. post eius auditor Anaximenes, infinitum aera, sed ea, quæ ex eo orirentur, definita; gigni autem terram, aquam, ignem, tum ex his omnia. Anaxagoras, materiam infinitam, sed eas particulas similes inter se, minutas; eas primum confusas, postea in ordinem adductas mente diuina. Xenophanes, paullo etiam antiquior, unum esse omnia, neque id esse mutabile, & id esse deum, neque natum unquam, & sempiternum, conglobata figura. Parmenides, ignem, qui moueat terram, quæ ab eo formetur. Leucippus, plenum, & inane. Democritus huic in hoc similis, uberior in ceteris. Empedocles, hæc peruulgata, & nota quattuor. Heraclitus, ignem. Melissus, hoc, quod esset infinitum, & immutabile, & fuisse semper, & fore. Plato ex materia in se omnia recipiente mundum esse factum censet a deo sempiternum.

num. Pythagorei ex numeris, & mathematicorum initijs proficisci uolunt omnia. Ex his eliget uerter sapiens unum aliquem, credo, quem sequatur: ceteri, tot uiri, & tanti, repudiati ab eo, condemnatiq. discedent. quamcunque uero sententiam probauerit, eam sic animo comprehensam habebit, ut ea, quæ sensibus: nec magis approbabit, nunc lucere, quàm, quoniam Stoicus, hunc mundum esse sapientem, habere mentem, quæ & se, & ipsum fabricata sit, et omnia moderetur, moueat, regat. Erit persuasum etiam, solem, lunam, stellas omnes, terram, mare, deos esse; quòd quædam animalis intelligentia per omnia ea permeet, & transeat: fore tamen aliquando, ut omnis hic mundus ardore deflagret. Sint ista uera: (uides enim, iam me fateri, aliquid esse ueri) comprehendere ea tamen, & percipere nego. cum enim tuus iste Stoicus sapiens syllabatim ista didicerit; ueniet flumen orationis aureum fundens Aristoteles, qui illum desipere dicat: neque enim ortum esse unquam mundum; quòd nulla fuerit, nouo consilio inito, tam præclari operis inceptio; & ita eum esse undique aptum, ut nulla uis tantos queat motus mutationemq. moliri, nulla senectus diuturnitate temporum existere, ut hic ornatus unquam dilapsus occidat. Tibi hoc repudiare, illud autem superius, sicut caput & famam tuam, defendere necesse erit: mihi ne ut dubitem quidem relinquetur? Ut omittam leuitatem temere assentientium; quanti libertas ista æstimanda est, non mihi

mibi necesse
fuit causa
um natura
tam multa
gatis hæc
sine diuina
statem ded
perfectione
quis, minus
deatur. Ne
e transuers
immunitate
sacerdotes d
æquius hab
uti ad fabri
cet omnia e
ris, & leu
lis concreta
censet hæc e
tis. ipse aut
quidquid au
tum esse d
deum opere
potest, cum
& noctes d
uersi accide
scere, ne id
sentior: ne
babilius ui

mibi necesse esse, quod tibi est? cur deus, omnia nostri causa cum faceret, (sic enim uultis) tantam uim natricum, uiperarumque fecerit? cur mortifera tam multa pernicioſa terra, marique disperſerit? Negatis hæc tam polite, tamque subtiliter effici potuiſſe ſine diuina aliqua ſolertia. cuius quidem uos maiestatem deducitis uſque ad apium, formicarumque perfectionem: ut etiam inter deos Myrmecides aliquis, minutorum opusculorum fabricator, fuiſſe uideatur. Negas ſine deo poſſe quidquam. Ecce tibi e tranſuerſo Lampsacenus Strato, qui det iſti deo immunitatem, magni quidem muneris: ſed, cum ſacerdotes deorum uacationem habeant; quanto eſt æquius habere ipſos deos? Negat opera deorum ſe uti ad fabricandum mundum: quæcunque ſint, docet omnia eſſe effecta natura, nec ut ille, qui aſperis, & leuibus, & hamatis, uncinatisque corpusculis concreta hæc eſſe dicat, interiecto inani. ſomnia cenſet hæc eſſe Democriti, non docentis, ſed optantis. ipſe autem, ſingulas mundi partes perſequens, quidquid aut ſit, aut fiat, naturalibus fieri, aut factum eſſe docet ponderibus, & motibus. ſic ille & deum opere magno liberat, et me timore. quis enim poteſt, cum exiſtimet a deo ſe curari, non & dies, & noctes diuinum numen horrere, & ſi quid aduerſi acciderit, (quod cui non accidit?) extimeſcere, ne id iure euenerit? Nec Stratonem tamen aſſentior: neque uero tibi. modo hoc, modo illud probabilius uidetur. latent iſta omnia, Luculle, craſſis

ACADEM. QVAEST.

sis occultata et circūfusa tenebris; ut nulla acies hu-
mani ingenij tanta sit, quæ penetrare in cælum, ter-
ram intrare possit. corpora nostra non nouimus: qui
sint situs partium, quam uim quæque pars habeat,
ignoramus. itaque medici ipsi, quorum intererat ea
nosse, aperuerunt, ut ea uiderent. nec eo tamen
aiunt empiricis notiora esse illa, quia possit fieri, ut
patefacta, & detecta mutantur. sed ecquid nos eo-
dem modo rerum naturas perscribere, aperire, di-
uidere possumus, ut uideamus, terra ne penitus de-
fixa sit, & quasi radicibus suis hæreat, an media
pendeat? Habitari ait Xenophanes in luna, eamq.
esse terram multarum urbium, & montium. por-
tenta uidentur. sed tamen neque ille, qui dixit, iu-
rare posset, ita se rem habere; neque ego. Non ne
etiam dicitis, esse e regione nobis, e contraria par-
te terræ, qui aduersis uestigijs stent contra nostra
uestigia, quos Antipodas uocatis? cur mihi magis
succensetis, qui ista non aspernor, quàm eis, qui,
cum audiunt, desipere uos arbitrantur? Nicetas
Syracusius, ut ait Theophrastus, cælum, solem, lu-
nam, stellas, supera denique omnia stare censet,
neque, præter terrā, rem ullam in mundo moueri:
quæ cum circum axem se summa celeritate conuer-
tat, & torqueat, eadem effici omnia, quæ, si stan-
te terra cælum moueretur. atque hoc etiam Plato-
nem in Timæo dicere quidam arbitrantur, sed paul-
lo obscurius. Quid tu Epicure? loquere. putas so-
lem esse tantulum? ego ne uobis quidem tantum.
sed

sed & nos
eluditis. lib
Aristo. Ch
Sed redeo a
ea nota sum
uenarum &
denique, sit
quidem ulla
toni placuit
unusq. sit &
an sanguis &
quod, intel
est, mortali
te multa d
certum uide
probabile si
riarum rati
dius, & m
assentiar, (s
assentiar de
mocratum.
tatis fui, uir
ne aut man
ta, & con
tur corpori
aliud ilico
quidquid et
sine aliqua
& cum in

sed & uos ab illo irridemini: & ipsi illum uicissim eluditis. liber igitur a tali irrisione Socrates, liber Aristo Chius; qui nihil istorum sciri putat posse. Sed redeo ad animum, & corpus. Satis ne tandem ea nota sunt nobis, quæ neruorum natura sit, quæ uenarum? tenemus ne, quid animus sit? ubi sit? denique, sit ne, aut, ut Dicæarcho uisum est, ne sit quidem ullus? si est; tres ne partes habeat, ut Platoni placuit, rationis, iræ, cupiditatis, an simplex, unusq. sit? si simplex; utrum sit ignis, an anima, an sanguis? an, ut Xenocrates, mens nullo corpore? quod, intelligi, quale sit, uix potest: et, quidquid est, mortale sit, an æternum? nam utraque in parte multa dicuntur. Horum aliquid uestro sapienti certum uidetur: nostro, ne quid maxime quidem probabile sit, occurrit: ita sunt in plerisque contrariarum rationum paria momenta. Sin agis uerecundius, & me accusas, non quòd tuis rationibus non assentiar, sed quòd nullis: uincam animum, cuiq. assentiar deligam: quem potissimum? quem? Democritum. semper enim, ut scitis, studiosus nobilitatis fui. urgebor iam omnium uestrum conuicio. Tu ne aut inane quidquam putes esse, cum ita completa, & conferta sint omnia, ut &, quod mouebitur corporum, cedat, &, quòd quidque cesserit, aliud ilico subsequatur; aut atomos ullas, e quibus quidquid efficiatur, illarum sit dissimillimum? aut sine aliqua mente rem ullam effici posse præclaram? &, cum in uno mundo ornatus hic tam sit mirabilis;

ACADEM. QVAEST.

lis; innumerabiles, supra, infra, dextra, sinistra, ante, post, alios dissimiles, alios eiusdē modi mundos esse? et, ut nos nunc sumus ad Baucos, Puteolosq. uidemus, sic innumerabiles paribus in locis esse, eisdem nominibus, honoribus, rebus gestis, ingenijs, formis, etatibus, eisdem de rebus disputantes? & si nunc, aut si etiam dormientes aliquid animo uidere uideamur, imagines extrinsecus in animos nostros per corpus irrumpere? tu uero ne ista asciueris, ne ue fueris commenticijs rebus assensus. nihil sentire, est melius, quā tam praua sentire. Non ergo id agitur, ut aliquid assensu meo comprobem. quā tu, uide, ne impudenter etiam postules, non solum arroganter; praesertim cum ista tua mihi ne probabilia quidem uideantur. nec enim diuinationem, quam probatis, ullam esse arbitror; fatumq. illud etiam, quo omnia contineri dicitis, contemno. ne exaëdicatum quidem hunc mundum diuino consilio existimo. atque haud scio, an ita sit. Sed cur rapior in inuidiam? licet ne per uos nescire, quod nescio? an Stoicis ipsis inter se disceptare, mihi cum ijs non licebit? Zenoni, & reliquis fere Stoicis aether uidetur summus deus, mente praeditus, qua omnia regantur. Cleanthes, qui quasi maiorum est gentium Stoicus, Zenonis auditor, solem dominari, & rerum potiri putat. itaque cogimur, dissensione sapientum, dominum nostrum ignorare; quippe qui nesciamus, soli, an aetheri seruiamus. Solis autem magnitudo (ipse enim

hic

hic radiatus
bro faciam
tudinem, q
* lis archite
refertis. et
leniter ut
istas quas
est enim an
dam quasi
naturae. et
na despici
hac nostra
indagatio ip
occultissima
quid occur
sima comp
hac & uel
assentiatu
temere op
eiusmodi re
niamus nū
paullulum
considerare
rum etiam
uideantur.
neque app
cecerit,
nec magis
si, sex ped

hic radiatus me intueri uidetur) admonet , ut crebro faciam mentionem sui . Vos uero huius magnitudinem , quasi decempeda , hinc enim me quasi ** malis architectis mensuræ uestræ* nego hoc , permensi , refertis . ergo credere dubium est , uter nostrum sit , leuiter ut dicam , uerecundior ? Neque tamen istas quæstiones physicorum exterminandas puto . est enim animorum , ingeniorumq̃ . naturale quoddam quasi pabulum consideratio , contemplatioq̃ . naturæ . erigimur : elatiores fieri uidemur : humana despiciamus ; cogitantesq̃ . supera , atque cælestia , hæc nostra , ut exigua , & minima , contemnimus : indagatio ipsa rerum tum maximarum , tum etiam occultissimarum , habet oblectationem . si uero aliquid occurreret , quod uerisimile uideatur : humanissima completur animus uoluptate . Quæret igitur hæc & uester sapiens , & hic noster ; sed uester , ut assentiatur , credat , affirmet ; noster , ut uereatur temere opinari ; præclareq̃ . agi secum putet , si in eiusmodi rebus , uerisimile quod sit , inuenerit . Veniamus nunc ad bonorum malorumq̃ . notionem . sed paullulum ante dicendum est . Non mihi uidentur considerare , cum physica ista ualde affirmant , earum etiam rerum auctoritatem , si quæ illustriores uideantur , amittere . non enim magis assentiuntur , neque approbant , lucere nunc , quàm , cum cornix cecinerit , tum aliquid eam aut iubere , aut uetare : nec magis affirmabunt signum illud , si erunt mensi , sex pedum esse , quàm solem , quem metiri non

f pos-

ACADEM. QVAEST.

possunt, plus quàm duo de uiginti partibus maiorem esse, quàm terram. ex quo illa conclusio nascitur: si, sol quantus sit, percipi non potest; qui ceteras res eodem modo, quo magnitudinem solis, approbat, is eas res non percipit: magnitudo autem solis percipi non potest: qui igitur id approbat, quasi percipiat; nullam rem percipit. Responderint posse percipi, quantus sol sit: non repugnabo, dummodo eodem pacto cetera percipi, comprehendiq. dicant. nec enim possunt dicere, aliud alio magis, minus ue comprehendi: quoniam omnium rerum una est definitio comprehendendi. Sed, quod cœperam, quid habemus in rebus bonis, & malis explorati? nempe fines constituendi sunt, ad quos et bonorum, & malorum summa referatur. qua de re est igitur inter summos uiros maior dissensio? et omitto illa, quæ relicta iam uidentur, & Herillum, qui in cognitione, & scientia summum bonum ponit. qui cum Zenonis auditor esset; uides, quantum ab eo dissenserit, & quàm non multum a Platone Megarici: quorum fuit nobilis disciplina: cuius, ut scriptum uideo, princeps Xenophanes, quem modo nominavi: deinde eum secuti Parmenides, & Zeno: itaque ab his Eleatici philosophi nominabantur: post Euclides, Socratis discipulus, Megareus: a quo idem illi Megarici dicti; qui id bonum solum esse dicebant, quod esset unum, & simile, & idem, & semper. hi quoque multa a Platone. a Menedemo autem, quod is Eretrias fuit, Eretriaci appellati:

lati: quorum
mentis acie
sed, opinor
contemnim
minus despi
nonis fuisset
bis; nihil eff
nisi quod uir
menta, qua
sumum bo
tem moueri
autem, ea n
nominantur
hec uideam
sunt. Alii n
rum princip
inde Cyren
nunc notior
uoluptate co
nstatem fine
molestia, H
Diodorus. an
uere, fruente
ra conciliet
cant scripta
maxime: &
me uidentur
des, non qua
sumum bo

lati: quorum omne bonum in mente positum, & mentis acie, qua uerum cerneretur. illis similia, sed, opinor, explicata uberius, & ornatius. hos si contemnimus, atque abiectos putamus; illos certe minus despicere debemus, Aristonem; qui cum Zenonis fuisset auditor, re probauit illa, quæ ille uerbis; nihil esse bonum, nisi uirtutem; neque malum, nisi quod uirtuti esset contrarium: in medijs ea momenta, quæ Zeno uoluit, nulla esse censuit. huic summum bonum est, in his rebus neutram in partem moueri: quæ ἀδιαφορία ab ipso dicitur. Pyrrho autem, ea ne sentire quidem sapientem, quæ ἀπαθὴν nominantur. Has igitur tot sententias omittamus: hæc uideamus, quæ nunc diu, multumq. defensa sunt. Alij uoluptatem finem esse uoluerunt. quorum princeps Aristippus, qui Socratem audierat; unde Cyrenaici: post Epicurus, cuius est disciplina nunc notior, neque tamen cum Cyrenaicis de ipsa uoluptate consentiens. Voluptatem autem, & honestatem fines esse, Callipho censuit: uacare omni molestia, Hieronymus: hoc idem cum honestate, Diodorus. ambo hi Peripatetici. Honestè autem uiuere, fruente rebus ijs, quas primas homini natura conciliet, & uetus Academia censuit, ut indicant scripta Polemonis, quem Antiochus probat maxime: & Aristoteles, eiusq. amici nunc proxime uidentur accedere. Introducebat etiam Carneades, non quo probaret, sed ut opponeret Stoicis, summum bonum esse, frui ijs rebus, quas primas

ACADEM. QVAEST.

natura conciliauisset. honestum autem, quod ducatur a conciliatione naturæ, Zeno statuit finem esse bonorum, qui inuentor, & princeps Stoicorum fuit. Iam illud perspicuum est, omnibus finibus ijs bonorum, quos exposui, malorum fines esse contrarios. ad uos nunc refero, quem sequar: modo ne quis illud tam ineruditum, absurdumq. respondeat; quemlibet, modo aliquem. nihil potest dici inconsideratius. cupio sequi Stoicos: licet ne? omitto, per ipsum Aristotelem, meo iudicio in philosophia prope singularem: per ipsum Antiochum, qui appellabatur Academicus, erat quidem, si perpauca mutauisset, germanissimus Stoicus. erit igitur res iam in discrimine. nam aut Stoicus constituatur sapiens, aut ueteris Academiae. utrumque non potest. est enim inter eos non de terminis, sed de tota possessione contentio. nam omnis ratio uitæ definitione summi boni continetur: de qua qui dissident, de omni ratione uitæ dissident. nō potest igitur uterque sapiens esse, quoniam tantopere dissentiuunt, sed alter. si Polemoneus: peccat Stoicus, rei falsæ assentiens. uos quidem nihil dicitis a sapiente tam alienum esse. sin uera sunt Zenonis: eadem in ueteres Academicos Peripateticos dicenda. hic igitur, neu
 * tri assentiens. si nunquam, uter est prudentior? Quid, cum ipse Antiochus dissentit quibusdam in rebus ab ijs, quos amat, Stoicis; non ne indicat, non posse illa probabilia esse sapienti? placet Stoicis, omnia peccata esse paria: at hoc Antiocho uehementissime

tissime displicet. liceat tandem mihi considerare, utram sententiam sequar. præcide, inquit: statue aliquando quidlibet. quid? dicuntur quidem, & acuta mihi uidentur in utranque partem, & paria. non ne caueam, ne scelus faciam? scelus enim dicebas esse, Luculle, dogma prodere. contineo igitur me, ne incognito assentiar: quod mihi tecum est dogma commune. Ecce multo maior etiam dissensio. Zeno in una uirtute positam beatam uitam putat. quid Antiochus? etiam, inquit, beatam, sed non beatissimam. deus ille, qui nihil censuit deesse uirtuti: homuncio hic, qui multa putat, præter uirtutem, homini partim cara esse, partim etiam necessaria. sed ille, uereor, ne uirtuti plus tribuat, quam natura patiatur, præsertim Theophrasto multa diserte, copioseque dicente: & hic, metuo, ne uix sibi constet: qui cum dicat esse quædam & corporis, & fortunæ mala, tamen eum, qui in his omnibus sit, beatum fore censet, si sapiens sit. Distrabor. tum hoc mihi probabilius, tum illud uidetur: & tamen, nisi alterutrum sit, uirtutem iacere plane puto. Verum in his discrepant: quid illa, in quibus consentiunt? num pro ueris probare possumus? sapientis animum nunquam neque cupiditate moueri, neque lætitia efferri. Age, hæc probabilia sane sint: num etiam illa? nunquam timere, nunquam dolere. sapiens ne non timeat? nec, si patria deleatur, non doleat? satis durum; sed Zenoni necessarium; cui, præter honestum, nihil est in bonis; tibi uero An-

ACADEM. QVAEST.

tioche minime; cui, præter honestatem, multa bona, præter turpitudinem, multa mala uidentur: quæ & uenientia metuat sapiens, necesse est, & uenisse doleat. Sed quæro, quando ista fuerint ab Academia uetere decreta, ut animum sapientis commoueri, & conturbari negarent? mediocritates illi probant, & in omni permotione naturalem uolebant esse quendam modum. legimus omnes Crantoris, ueteris Academici, de luctu. est enim non magnus, uerum aureolus, & ut Tuberoni Panætius præcipit, ad uerbum ediscendus libellus. Atque illi quidem etiam utiliter a natura dicebant permotiones istas animis nostris datas, metum cauendi causa, misericordiam, aegritudinemque clementiæ: ipsam iracundam fortitudinis quasi cotem esse dicebant: recte, secus ne, alias uiderimus: atrocitas quidem ista tua quo modo in ueterem Academiam irruerit, nescio. illa uero ferre non possum: non quod mihi displiceant: sunt enim Socratica pleraque: mirabilia Stoicorum, quæ παράδοξα nominantur: sed ubi Xenocrates, ubi Aristoteles ista tetigit? hos enim quasi eosdem esse uultis. illi unquam dicerent, sapientes solos reges? solos diuites? solos formosos? omnia, quæ ubique essent, sapientis esse? neminem consulem, prætorem, imperatorem, nescio an ne quinqueuirum quidem quenquam, nisi sapientem? postremo, solum ciuem? solum liberum? insipientes omnes, peregrinos, exules, seruos, furiosos? denique scripta Lycurgi, Solonis, duodecim tabulas

las nostras
ciuitates,
culle, si es
sunt defen
modo, tan
tomachum
ad senatum
tum P. Sc
eum, qui
doctum h
græce, io
neade, pr
sum; nec h
Stoico non
quos Ant
& præto
incoleret
Stoicus, p
remini, n
scam & c
tis. quid
tres solas
finibus bo
dinem: a
ptatem,
num id e
sum nom
fari: qua
nestate

las nostras, non esse leges? ne urbes denique, aut ciuitates, nisi quæ essent sapientium? Hæc tibi, Luculle, si es assensus Antiocho, familiari tuo, tam sunt defendenda, quàm mœnia: mihi autem bono modo, tantum, quantum uidebitur. Legi apud Clitomachum, cum Carneades, & Stoicus Diogenes ad senatum in Capitolio starent, A. Albinum, qui tum P. Scipione & M. Marcello cos. prætor esset, eum, qui cum auo tuo, Luculle, consul fuit, sane doctum hominem, ut indicat ipsius historia scripta græce, iocantem dixisse Carneadi: ego tibi, Carneade, prætor esse non uideor, quia sapiens non sum; nec hæc urbs, nec in ea ciuitas? Tum ille: huic Stoico non uideris. Aristoteles, aut Xenocrates, quos Antiochus sequi uolebat, non dubitasset, quin & prætor ille esset, & Roma urbs, & eam ciuitas incoletet. Sed ille noster est plane, ut supra dixi, Stoicus, perpauca balbutiens. uos autem mihi ueremini, ne labar ad opinionem, & aliquid asciscam & comprobem incognitum: quod minime uultis. quid consilij datis? testatur sæpe Chrysippus, tres solas esse sententias, quæ defendi possint, de finibus bonorum; circumcidit, & amputat multitudinem: aut enim honestatem esse finem, aut uoluptatem, aut utrunque: nam qui dicant summum bonum id esse, si uacemus omni molestia; eos inuidiosum nomen uoluptatis fugere, sed in uicinitate uersari: quod facere eos etiam, qui illud idem cum honestate coniungerent: nec multo secus eos, qui ad ho-

neſtatem prima natura commoda adiungerent. ita
tres reliquit ſententias, quas putet probabiliter poſ
ſe defendi. Sit ſane ita: quanquam a Polemonis, &
Peripateticorum, & Antiochi finibus non facile
diuellor: neque quidquam habeo adhuc probabilius.
ueruntamen uideo, quàm ſuauiſſime uoluptas ſenſi
bus noſtris blandiatur. labor, ut aſſentiar Epicuro,
aut Ariſtippo. reuocat uirtus, uel potius reprehen
dit manu: pecudum illos motus eſſe dicit, hominem
iungit deo. poſſum eſſe medius: ut, quoniam Ari
ſtippus, quaſi animum nullum habeamus, corpus
ſolum tuetur, Zeno, quaſi corporis ſimus expertes,
animum ſolum complectitur; ut Calliphontem ſe
quar: cuius quidem ſententiam Carneades ita ſtu
dioſe deſenſitabat, ut eam probare etiam uidere
tur: quanquam Clitomachus affirmabat, nunquam
ſe intelligere potuiſſe, quid Carneadi probaretur.
ſed, ſi ipſum finem uelim ſequi; non ne ipſa ſeueri
tas, & grauis, & recta ratio mihi obuerſetur? tu,
cum honeſtas in uoluptate contemnenda conſiſtat,
honeſtatem cum uoluptate, tanquam hominem cum
bellua, copulabis? unum igitur par, quod depugnet,
reliquum eſt, uoluptas cum honeſtate. de quo Chry
ſippo fuit, quantum ego ſentio, non, magna conten
tio. alterum ſi ſequare, multa ruunt, et maxime com
munitas cum hominũ genere, caritas, amicitia, iuſti
tia, reliquæ uirtutes: quarum eſſe nulla poteſt, niſi
erit gratuita. nã quæ uoluptate, quaſi mercede ali
qua, ad officiũ impellitur, ea non eſt uirtus, ſed fallax
imi-

imitatio, simulatioq. uirtutis. Audi contra illos, qui nomen honestatis a se ne intelligi quidem dicant: nisi forte, quod gloriosum sit in uulgus, id honestum uelimus dicere: fontem omnium bonorum in corpore esse: hanc normā, hanc regulam, hanc præscriptionem esse naturæ: a qua qui aberrauisset, eum nunquam, quid in uita sequatur, habiturum. Nihil igitur me putabis, hæc, & alia innumerabilia cum audiam, moueri? tam moueor, quàm tu, Luculle: neque me minus hominem, quàm te, putaueris. tantū interest, quòd tu, cum es commotus, acquiescis, assentiris, approbas, uerum illud, certum, comprehensum, perceptum, ratum, firmum, fixum fuisse uis; deq. eo nulla ratione neque pelli, neque moueri potes: ego nihil eiusmodi esse arbitror, cui si assensus sim, non assentiar sæpe falsè; quoniam uera a falsis nullo discrimine separantur, præsertim cum iudicia ista dialecticæ nulla sint. Venio enim iam ad tertiā partē philosophiæ. Aliud iudicium Protagoræ est, qui putet id cuique uerum esse, quod cuique uideatur: aliud Cyrenaicorum, qui, præter peremotiones intimas, nihil putant esse iudicij: aliud Epicuri, qui omne iudicium in sensibus, et in rerum notitijs, & in uoluptate constituit. Plato autem omne iudicium ueritatis, ueritatemq. ipsam, abductam ab opinionibus et a sensibus, cogitationis ipsius, & mentis esse uoluit. Num quid horum probat noster. Antiochus? ille uero ne maiorum quidem suorum. ubi enim aut Xenocratem sequitur, cuius libri sunt de ratione loquendi

ACADEM. QVAEST.

quendi multi, & multum probati; aut ipsum Aristotelem, quo profecto nihil est acutius, nihil politius; a Chrysippo pedem nunquam. quid ergo Academici appellamur? an abutimur gloria nominis? aut cur cogimur eos sequi, qui inter se dissident? In hoc ipso, quod in elementis dialectici docent, quo modo indicare oporteat, uerum, falsum ne sit, si quid ita connexum est, ut hoc; si dies est, lucet; quanta contentio est? aliter Diodoro, aliter Philoni, Chrysippo aliter placet. Quid? cum Cleanthe, doctore suo, quàm multis rebus Chrysippus dissidet? quid? duo uel principes dialecticorum, Antipater, & Archidemus, opiniosissimi homines, nonne multis in rebus dissentiunt? Quid me igitur, Luculle, in inuidiam, et tanquam in concionem uocas? & quidem, ut seditiosi tribuni solent, occludi tabernas iubes. quò enim spectat illud, cum artificia tolli quereris a nobis, nisi ut opifices concitentur? qui si undique omnes conuenerint, facile contra uos incitabuntur. expromam primùm illa inuidiosa, quòd eos omnes, qui in concione stabunt, exules, seruos, insanos esse dicatis: deinde ad illa ueniam, quæ iam non ad multitudinem, sed ad uosmet ipsos, qui adestis, pertinent. negat enim uos Zeno, negat Antiochus scire quidquam. quo modo, inquires? nos enim defendimus, etiam insipientem multa comprehendere. at scire negatis, quenquam rem ulla nisi sapientem. et hoc quidem Zeno gestu conficiebat. nam cū, extensis digitis, aduersam manū ostenderat, uisum, inquebat,

inquirebat, huiusmodi est; deinde, cum paululum digi-
tos constrinxerat, assensus huiusmodi; tum cum pla-
ne compresserat, pugnumq. fecerat, comprehensio-
nem illam esse dicebat. qua ex similitudine etiam no-
men ei rei, quod ante non fuerat, κατάληψιν imposu-
it. cum autem laeuam manum admouerat, et illum
pugnum arête, uehementerq. compresserat; scien-
tiam talem esse dicebat: cuius cōpotem, nisi sapien-
tem, esse neminem. sed, qui sapiens sit, aut fuerit, ne
ipsi quidem solent dicere. ita tu nunc Catule lucere
nescis: nec tu Hortensi, in tua uilla nos esse. Num
nimis hæc inuidiose dicuntur? hæc tamen minus ele-
ganter, illa subtilius. Sed quo modo tu, si nihil cōpre-
hendi posset, artificia concidere dicebas; nec mihi da-
bas, id, quod probabile esset, satis magnam uim ha-
bere ad artes: sic ego nunc tibi refero, artē sine scien-
tia esse non posse. an pateretur hoc Zeusis, aut Phi-
dias, aut Polycletus, nihil se scire, cum in his esset
tanta solertia? quod si eos docuisset aliquis, quā uim
habere diceretur scientia: desinerent irasci: ne nobis
quidem succenserent; cum didicissent, id tollere nos,
quod nusquam esset; quod autem satis esset ipsis, re-
linquere. quam rationem maiorum etiam compro-
bat diligentia: qui primum iurare ex sui animi sen-
tentia quenque uoluerunt; deinde ita teneri, si sciēs
falleret; quod inscientia multa uersaretur in uita;
tum, qui testimonium diceret, ut arbitrari se diceret
etiam quod ipse uidisset; quæq. iurati iudices cognou-
issent, ut ea non esse facta, sed ut, uideri, pronuntia-
rent.

rent. Verum, quoniam non solum nauita significat, sed etiam Fauonius ipse insusurrat, nauigandi nobis, Luculle, tempus esse; et quoniam satis multa dixi; est mihi perorandum. posthac tamen, cū hęc quæremus, potius de dissensionibus tantis summorum uiro-
rum differamus, de obscuritate naturæ, deq. errore tot philosophorum, qui de bonis, contrarijsq. rebus tantopere discrepant, ut, cum plus uno uerum esse non possit, iacere necesse sit tot, & tam nobiles disciplinas; quàm de oculorum, sensuumq. reliquorum mendacijs, et de sorte, aut pseudomeno; quas plagas ipsi contra se Stoici texuerunt. Tum Lucullus, non moleste, inquit, fero nos hęc contulisse. sæpius enim congregientes nos, & maxime in Tusculanis nostris, si qua uidebuntur, requiremus. Optime, inquam: sed quid Catulus sentit? quid Hortensius? Tum Catulus, ego ne, inquit? ad patris reuoluor sententiam: quam quidem ille Carneadeā esse dicebat: ut percipi nihil putem posse, assensurum autem non percepto, id est opinaturum, sapientem existimem, sed ita, ut intelligat se opinari, sciatq. nihil esse, quod
* cōprehendi et percipi possit. per ἐποχὴν illam omniū rerum cōprobans, illi alteri sententiæ, nihil esse quod percipi possit, uehementer assentior. Habeo, inquā, sententiam tuā; neque eam admodum aspernor: sed tibi quid tandē uidetur Hortensi? Tum ille ridens, tollendum teneo te, inquam. nam ista Academiæ est propria sententia. Ita sermone confecto, Catulus remansit, nos ad nauiculas nostras descendimus.

E

T S I, munus flagitare, quamvis
 quis ostenderit, ne populus quidem so-
 let, nisi concitatus: tamen ego expecta-
 tione promissi tui moneor, ut admo-
 neam te, non ut flagitem. nisi autem ad te quat-
 tuor admonitores, non nimis uerecundos. nosti e-
 nim profecto os adolescentioris Academiae. ex ea
 igitur media excitatos misi: qui, metuo, ne te forte
 flagitent: ego autem mandavi, ut rogarent. expe-
 ctabam omnino iam diu, meque sustinebam, ne ad te
 prius ipse quid scriberem, quam aliquid accepissem,
 ut possem te remunerari quamsimillimo munere:
 sed, cum tu tardius faceres, id est, ut ego interpre-
 tor, diligentius; teneri non potui, quin coniunctio-
 nem studiorum, amorisque nostri quo possem littera-
 rum genere declararem. feci igitur sermonem, in-
 ter nos habitum in Cumano, cum esset una Pom-
 ponius. tibi dedi partes Antiochinas; quas a te pro-
 bari, intellexisse mihi uidebar: mihi sumpsi Philo-
 nis. puto fore, ut, cum legeris, mirere id nos locu-
 tos esse inter nos, quod nunquam locuti sumus: sed
 nosti morem dialogorum. post haec autem, mi Var-
 ro, quamplurima, si uidebitur, & de nobis, &
 inter nos, sero fortasse, sed superiorum temporum
 fortuna reip. causam sustineat: haec ipsi praestare
 debemus. atque utinam, quietis temporibus, atque
 aliquo si non bono, at saltem certo statu ciuitatis,
 haec

ACADEM. QVAEST.

*hæc inter nos studia exercere possemus. quanquam
tum quidem uel alia quæpiam rationes honestas
nobis & curas, & actiones darent: nunc autem
quid est, sine his cur uiuere uelimus? mihi uero cum
his ipsis uix, his autem detractis, ne uix quidem.
Sed hæc coram, & sæpius. Migrationem, & em-
ptionem feliciter euenire uolo; tuumq. in ea re con-
siliu probu. Cura ut ualeas.*

M. TV
ACA
ST

I

set, continu
diuissimus
mus, quin
issem, et
festim ad e
ulla abesse
atque illum
eum longo
hic pauca
& si quid
qua nec pe
mus, qua
noni. silen
lebant: ne
scribat, ex
perantis e
ri uelit: se
iam prider
quodam i
mantur a

M. TVLLII CICERONIS
ACADEMICARVM QVAE-
STIONVM, EDITIONIS
SECVNDAE, LIBER I.

I N CVM ANO nuper cum mecum
Atticus noster esset, nuntiatum est no-
bis a M. Varrone, uenisse eum Roma
pridie uesteri, & nisi de uia fessus es-
set, continuo ad nos uenturum fuisse. quod cum au-
diuissimus, nullam moram interponendam putau-
mus, quin uideremus hominem nobiscum & studijs
ijsdem, et uetustate amicitiae coniunctum: itaque con-
festim ad eum ire perreximus: paullumq. cum eius
uilla abessemus, ipsum ad nos uenientem uidimus;
atque illum complexi, ut mos amicorum est, satis
eum longo interuallo ad suam uillam reduximus.
hic pauca primo, atque ea percunctantibus nobis,
& si quid forte Roma noui; Atticus, omitte ista,
quæ nec percunctari, nec audire sine molestia possu-
mus, quæso, inquit; & quære potius, ecquid ipse
noui. silent enim diutius musæ Varronis, quàm so-
lebant: nec tamen istum cessare, sed celare quæ
scribat, existimo. Minime uero, inquit ille. intem-
perantis enim esse arbitror, scribere quod occulta-
ri uelit: sed habeo opus magnum in manibus; quod
iam pridem ad hunc ipsum (me autem dicebat)
quædam institui, quæ & sunt magna sane, & li-
mantur a me politius. Et ego, ista quidem, inquam,
Varro,

ACADEM. QVAEST.

Varro, iam diu expectans, non audeo tamen flagitare. audiui enim e Libone nostro, cuius nostri studium, (nihil enim eiusmodi celare possumus) non eate intermittere, sed accuratius tractare, nec de manibus unquam deponere. illud autem mihi ante hoc tempus nunquam in mentem uenit a te requirere. sed nunc, postea quam sum ingressus res eas, quas tecum simul didici, mandare monumentis, philosophiamq. ueterem illam, a Socrate ortam, latinis litteris illustrare; quaero, quid sit; cur, cum multa scribas, genus hoc praetermittas; praesertim cum et ipse in eo excellas; & id studium, totaq. ea res longe ceteris & studiis, & artibus antecedit. Tum ille, rem a me saepe deliberatam, et multum agitaram, requiris. itaque, non multum haesitans, respondebo: sed ea dicam, quae mihi sunt in promptu; quod ista ipsa de re multum, ut dixi, & diu cogitavi. Nam cum philosophiam uiderem diligentissime litteris graecis explicatam, existimaui, si qui de nostris eius studio tenerentur, si essent graecis doctrinis eruditi, graeca potius, quam nostra lecturos; sin a Graecorum artibus, et disciplinis abhorrerent, ne haec quidem curaturos, quae sine eruditione graeca intelligi non possunt: itaque ea nolui scribere, quae nec indocti intelligere possent, nec docti legere curarent. uides autem eadem ipse. didicisti enim non posse nos Amasani, aut Rabirij similes esse; qui, nulla arte adhibita, de rebus ante oculos positis uulgari sermone disputant, nihil definiunt, nihil par-

tiun-

tiuntur, nil
lam deniqu
putant. no
oratorum,
striputant,
quam noui
Graecis per
accipiunt:
nero, phys
probarem,
quid est eni
tium sustul
lat atomos
physica no
ex materi
Adhibend
nam quisq
ligendum p
moribus, c
nim simpli
se censent.
& quanta
magnum e
lud uerum
honestate
omnino E
tibus, nec
persequam
erit illa ac

tiuntur, nihil apta interrogatione concludunt, nullam denique artem esse nec dicendi, nec differendi putant. nos autem præceptis dialecticorum, & oratorum, (quoniam utranque uim unam esse nostri putant) sic parentes, ut legibus, uerbis, quamquam nouis, cogimur uti: quæ docti, ut dixi, a Græcis petere malunt, indocti ne a nobis quidem accipiunt: ut frustra omnis suscipiatur labor. Iam uero, physica, si Epicurum, id est si Democritum probarem, possem scribere ita plane ut Amasanius. quid est enim magnum, cum causas rerum efficientium sustuleris, de corpusculorum (ita enim appellat atomos) concursione fortuita loqui? nostra tu physica nosti, quæ contineantur ex effectione, & ex materia ea, quam fingit, & format effectio. Adhibenda etiam geometria est: (quoniam quibus nam quisquam enuntiare uerbis, aut quem ad intellegendum poterit adducere?) hæc ipsa de uita, & moribus, de expetendis, fugiendisq. rebus. illi enim simpliciter pecudis & hominis idem bonum esse censent. apud nostros enim, non ignoras, quæ sit, & quanta subtilitas. siue enim Zenonem sequare: magnum est efficere, ut quis intelligat, quid sit illud uerum, & simplex bonum, quod non possit ab honestate seiungi: quod bonum quale sit, negat omnino Epicurus sine uoluptatibus, sensum mouentibus, nec suspicari. si uero Academiam ueterem persequamur, quâ nos, ut scis, probamus: quàm erit illa acute explicanda nobis? quàm argute, quàm

ACADEM. QVAEST.

obscure etiam contra Stoicos differendum? Totum igitur illud philosophiae studium mihi quidem ipse sumo & ad uitae consuetudinem, & constantiam quantam possum, & ad delectationem animi; nec ullum arbitror, ut apud Platonem est, maius, aut melius a dijs datum munus homini: sed meos amicos, in quibus est studium, in Graciam mitto, id est ad Gracos ire iubeo, ut ea a fontibus potius hauriant, quam riuulos consectentur. quae autem nemo adhuc docuerat, nec erat unde studiosi scire possent, ea, quantum potui, (nihil enim magnopere meorum miror) feci ut essent nota nostris. a Graecis enim peti non poterant, ac, post L. Aelii nostri occasum, ne a Latinis quidem. et tamen in illis ueteribus nostris, quae, Menippum imitati, non interpretati, quadam hilaritate conspersimus, multa admista ex intima philosophia, multa dialectice dicta: quae quo facilius minus docti intelligerent iucunditate quadam ad legendum inuitati, in laudationibus, in ijs ipsis antiquitatum proœmijs philosophice scribere uoluimus, si modo consecuti sumus. Tum ego, sunt, inquam, ista, Varro. nam nos, in nostra urbe peregrinantes, errantesq., tanquam hospites, tui libri quasi domum reduxerunt; ut possemus aliquando, qui, & ubi essemus, agnoscere. tu etatem patriae, tu descriptiones temporum, tu sacrorum iura, tu sacerdotum, tu domesticam, tu bellicam disciplinam, tu sedem regionum, locorum, tu omnium diuinarum humanarumq. rerum nomina,

nomina, ge
minq. poet
minis attuli
elegans, om
sophiamq.
satis, ad do
bilem tu qua
lent, qui ern
nesciunt) se
mo uero &
ca poterunt
se est, cur p
gant, philo
Ennius, Pa
nim gracor
gis philosoph
Sophoclem,
Aristotelem
laudari uide
Demosthene
ut res est)
causse, dum
etiam procu
strictum ten
solescerent,
uero & fort
administrati
a philosophi
nestissimam

nomina, genera, officia, causas aperuisti: plurimumque poetis nostris, omninoque latinis et litteris luminis attulisti, & uerbis: atque ipse uarium, & elegans, omni fere numero, poema fecisti: philosophiamque multis locis inchoasti, ad impellendum satis, ad docendum parum. Causam autem probabilem tu quidem affers: (aut enim græca legere malent, qui erunt eruditi; aut ne hæc quidem, qui illa nesciunt) sed da te mihi nunc: satis ne probas? immo uero & hæc, qui illa non poterunt, & qui græca poterunt, non contemnunt sua. quid enim causæ est, cur poetas latinos græcis litteris eruditi legant, philosophos non legant? an, quia delectat Ennius, Pacuuius, Attius, qui non uerba, sed uim græcorum expresserunt poetarum? quanto magis philosophi delectabunt, si, ut illi Aeschylum, Sophoclem, Euripidem, sic hi Platonem imitentur, Aristotelem, Theophrastum? Oratores quidem laudari uideo, si qui e nostris Hyperidem sint, aut Demosthenem imitati. ego autem, (dicam enim, ut res est) dum me ambitio, dum honores, dum causæ, dum reip. non solum cura, sed quædam etiam procuratio multis officiis implicatum, et constrictum tenebat, hæc inclusa habebam, & ne obsolescerent, renouabam, cum licebat, legendo: nunc uero & fortunæ grauissimo percussus uulnere, & administratione reip. liberatus, doloris medicinam a philosophia peto, & otij oblectationem hanc honestissimam iudico. aut enim huic ætati hoc maxi-

ACADEM. QVAEST.

me aptum est; aut ijs rebus, si quas dignas laude
gessimus, hoc in primis consentaneum; aut etiam
ad nostros ciues erudiendos nihil utilius: aut, si hæc
ita non sunt, nihil aliud uideo, quod agere possimus.
Brutus quidem noster, excellens omni genere lau-
dis, sic philosophiam latinis litteris persequitur, ni-
hil ut ijsdem de rebus græca desideres. et eandem
quidem sententiam sequitur, quam tu. nam Ari-
stum Athenis audiuit aliquandiu; cuius tu fratrem
Antiochum. quamobrem da, quæso, te huic etiam
generi litterarum. Tum ille, istuc quidem conside-
rabo, nec uero sine te. sed de te ipso quid est, in-
quit, quod audio? Quanam, inquam, de re? Re-
lictam a te ueterem iam, inquit, tractari autem
nouam. Qui ergo, inquam, Antiocho id magis li-
cuerit, nostro familiari, remigrare in domum ue-
terem e noua, quàm nobis in nouam e uetere? cer-
te enim recentissima quæque sunt correctæ et emen-
data maxime. quanquam Antiochi magister Phi-
lo, magnus uir, ut tu existimas ipse, negarit in li-
bris, quod coram etiam ex ipso audiebamus, duas
Academias esse: erroremq. eorum, qui ita puta-
runt, coarguit. Est, inquit, ut dicis: sed ignorare te
non arbitror, quæ contra Philonem Antiochus scri-
pserit. Immo uero & istam, & totam ueterem
Academiam, a qua absum tam diu, renouari a te,
nisi molestum est, uelim: & simul assidamus, in-
quam, si uidetur. Sane istud quidem, inquit. sum
enim admodum infirmus. sed uideamus, idem ne

Attico



Attico placeat fieri a me, quod te uelle uideo. Mihi uero, inquit ille. quid est enim, quod malim, quàm ex Antiocho iam pridem audita recordari, & simul uidere, satis ne ea commode dici possint latine? Quæ cum sunt dicta, in conspectu consedimus omnes. Tum Varro ita exorsus est. Socrates mihi uidetur, id quod constat inter omnes, primus a rebus occultis, & ab ipsa natura inuolutis, in quibus omnes ante eum philosophi occupati fuerunt, auocauisse philosophiam, & ad uitam communem adduxisse, ut de uirtutibus, & uitijs, omninoq. de bonis rebus, & malis quæreret, cælestia autem uel procul esse a nostra cognitione censeret, uel, si maxime cognita essent, nihil tamen ad bene uiuendum conferre. hic in omnibus fere sermonibus, qui ab ijs, qui illum audierunt, perscripti uarie, copiose sunt, ita disputat, ut nihil affirmet ipse, refellat alios; nihil se scire dicat, nisi id ipsum; eoq. præstare ceteris, quod illi, quæ nesciant, scire se putet, ipse, se nihil scire, id unum sciat; ob eamq. rem se arbitrari ab Apolline omnium sapientissimum esse dictum, quod hæc esset una omnis sapientia, non arbitrari se se scire, quod nesciat. quæ cum diceret constanter, & in sententia permaneret; omnis eius oratio tum in uirtute laudanda, & in omnibus hominibus ad uirtutis studium cohortandis consumebatur; ut Socraticorum libris, maximeq. Platonis intelligi potest. Platonis autem auctoritate, qui uariis, & multiplex, & copiosus fuit, una & con-

ACADEM. QVAEST.

sentiens duobus uocabulis philosophiae forma instituta est, Academicorum, & Peripateticorum: qui rebus congruentes, nominibus differebant. nam cum Speusippum, sororis filium, Plato philosophiae quasi heredem reliquisset, duos autem praestantissimos studio, atque doctrina, Xenocratem Chalcedonium, & Aristotelem Stagiritem: qui erant cum Aristotele, Peripatetici dicti sunt, quia disputabant inambulantes in Lyceo; illi autem, qui Platonis instituto in Academia, quod est alterum gymnasium, cætus erant & sermones habere soliti, ex loci uocabulo nomen habuerunt: sed utrique Platonis ubertate completi certam quandam disciplinae formulam composuerunt, & eam quidem plenam, ac refertam: illam autem Socraticam dubitationem de omnibus rebus, & nulla affirmatione adhibita, consuetudinem differendi reliquerunt. ita facta est differendi, quod minime Socrates probabat, ars quaedam philosophiae, & rerum ordo, & descriptio disciplinae. quæ quidem erat primo duobus, ut dixi, nominibus una. nihil enim inter Peripateticos, & illam ueterem Academiam differebat. abundantia quadam ingenij præstabat, ut mihi uidetur quidem, Aristoteles: sed idem fons erat utrisque, & eadem rerum expetendarum fugiendarumque partitio. Sed quid ago, inquit? aut sum ne sanus, qui hæc uos doceo? nam etsi non sus Mineruam, ut aiunt: tamen inepte, quisquis Mineruam docet. Tum Atticus, tu uero, inquit, perge, Varro. ualde

de enim amo nostra, atque nostros: meq. ista dele-
Etant, cum latine dicuntur, & isto modo. Quid
me, inquam, putas? qui philosophiam iam profes-
sus sim populo nostro exhibiturum. Pergamus
igitur, inquit, quoniam placet. Fuit ergo, iam
accepta a Platone, philosophandi ratio triplex; una
de uita, & moribus; altera de natura, & rebus
occultis; tertia de differendo, &, quid uerum, quid
falsum, quid rectum in oratione, prauum ue, quid
consentiens, quid repugnans, iudicando. Ac pri-
mam partem illam bene uiuendi a natura petebant,
eiq. parendum esse dicebant, neque ulla alia in re,
nisi in natura, quærendum esse illud summum bo-
num, quod omnia referrentur: constituebantq., ex-
tremum esse rerum expetendarum, & finem bo-
norum, adeptum esse omnia e natura, & animo,
& corpore, & uita. Corporis autem alia ponebant
esse in toto, alia in partibus; ualetudinem, uires,
pulchritudinem in toto; in partibus autem sensus
integros, & præstantiam aliquam partium singu-
larum, ut in pedibus celeritatem, uim in manibus,
claritatem in uoce, in lingua etiam explanatam uo-
cum impressionem. Animi autem, quæ essent ad
comprehendendam ingenij uirtutem idonea. eaq. ab
ijs in naturam, & mores diuidebantur. naturæ ce-
leritatem ad discendum, & memoriam dabant:
quorum utrunque mentis esset proprium, & inge-
nij. morum autem putabant studia esse, & quasi
consuetudinem: quam partim exercitationis assidui

tate, partim ratione formabant. in quibus erat philosophia ipsa. in qua quod inchoatum est, neque absolutum, progressio quædam ad uirtutem appellatur; quod autem absolutum, id est uirtus, quasi perfectio naturæ, omniumq. rerum, quas in animis ponunt, una res optima. Ergo hæc animorum. Vitæ autem (id enim erat tertium) adiuncta esse dicebant, quæ ad uirtutis usum ualerent. Iam, uirtus animi bonis & corporis cernitur in quibusdam, quæ non tam naturæ, quàm beatæ uitæ adiuncta sunt. Hominem esse censebant quasi partem quandam ciuitatis, & uniuersi generis humani, eumq. esse coniunctum cum hominibus humana quadam societate. Ac de summo quidem ac naturali bono sic agunt: cetera autem pertinere ad id putant, aut ad agendum, aut ad tuendum, ut diuitias, ut opes, ut gloriam, ut gratiam. ita tripartita ab ijs inducitur ratio bonorum. Atque hæc illa sunt tria genera, quæ putant plerique Peripateticos dicere: id quidem non falso: est enim hæc partitio illorum: illud imprudenter, si alios esse Academicos, qui tum appellarentur, alios Peripateticos arbitrantur. communis hæc ratio, & utrisque hic bonorum finis uidebatur, adipisci quæ essent prima in natura, quæq. ipsa per sese expetenda, aut omnia, aut maxima. ea sunt autem maxima, quæ in ipso animo, atque in ipsa uirtute uersantur. itaque omnis illa antiqua philosophia sensit in una uirtute esse positam beatam uitam, nec tamen beatissimam, nisi ad-

adtingere
dicta sint,
ptione, ag
suis initium
ne earum
gignebatur
ptio: ex qu
rum, magn
rerum, qu
tura: unde
que equita
commodis
eos morum
posui, for
(id enim)
rent in res
tem quasi
quid. in e
eo autem,
utroque t
ipsam coh
neque nim
non alicui
iam corpi
nabant. d
tis, quod
trabantur
uero, inq
re, cum

adiungerentur & corporis, & cetera, quæ supra dicta sint, ad uirtutis usum idonea. Ex hac descriptione, agendi quoque aliquid in uita, & officij ipsius initium reperiatur: quod erat in conseruatione earum rerum, quas natura præscriberet. hinc gignebatur fuga desidiæ, uoluptatumq. contemptio: ex quo laborum, dolorumq. susceptio multorum, magnorumq., recti honestiq. causa, et earum rerum, quæ erant congruentes cum descriptione naturæ: unde & amicitia existeret, & iustitia, atque æquitas. hæc & uoluptatibus, & multis uitæ commodis anteponebantur. Hæc quidem fuit apud eos morum institutio, & eius artis, quam primam posui, forma, atque descriptio. De natura autem (id enim sequebatur) ita dicebant, ut eam diuiderent in res duas; ut altera esset efficiens, altera autem quasi huic se præbens, ea, qua efficeretur aliquid. in eo, quod efficeret, uim esse censebant; in eo autem, quod efficeretur, materiam quandam; in utroque tamen utrunque: neque enim materiam ipsam cohærere potuisse, si nulla ui contineretur, neque uim sine aliqua materia. nihil est enim, quod non alicubi esse cogatur. Sed, quod ex utroque, id iam corpus, & quasi qualitatem quandam nominabant. dabitis enim profecto, ut in rebus inusitatis, quod Græci ipsi faciunt, a quibus hæc iam diu tractantur, utamur uerbis interdum inauditis. Nos uero, inquit Atticus. quin etiam græcis licebit utare, cum uoles; si te latina forte deficient. Bene fac-

ne

ne facis: sed enitar, ut latine loquar, nisi in huiusce-
modi uerbis, ut philosophiam, aut rhetoricen, aut
physicen, aut dialecticen appellem; quibus, ut alijs
multis, consuetudo iam utitur pro latinis. Qualita-
tes igitur appellauimus, quas ποιότητες Græci uocant:
quod ipsum apud Græcos non est uulgi uerbum, sed
philosophorum, atque id in multis. dialecticorum
quoque uerba nulla sunt publica: suis utuntur. et
id quoque commune omnium fere artium. aut enim
noua sunt rerum nouarum facienda nomina, aut
ex alijs transferenda. quod si Græci faciunt, qui
in his rebus tot iam sæcula uersantur: quanto id ma-
gis nobis concedendum est, qui hæc nunc primum
tractare conamur? Tu uero, inquam, Varro,
bene etiā meriturus mihi uideris de tuis ciuibus, si
eos non modo copia rerum auxeris, ut effecisti, sed
etiam uerborum. Audebimus ergo, inquit, nouis
uerbis uti te auctore, si necesse est. Earum igitur
qualitatum sunt aliæ principes, aliæ ex ijs ortæ.
principes sunt uniusmodi, & simplices. ex his au-
tem ortæ uariæ sunt, & quasi multiformes. itaque
aer quoque, (utimur enim pro latino) ignis, &
aqua, & terra, prima sunt. ex ijs autem ortæ ani-
mantium formæ, earumq. rerum, quæ gignuntur
e terra. ergo illa initia (ut e græco uertam) elemen-
ta dicuntur: e quibus aer, & ignis mouendi uim ha-
bent, & efficiendi, reliquæ partes accipiendi, &
quasi patiendi: aquam dico, & terram. Quintum
genus, e quo essent astra, mentesq. singulares,
eorum

eorum quattuor, quæ supra dixi, dissimile Aristoteles quoddam esse rebatur. Sed subiectam putant omnibus sine ulla specie, atque carentem omni illa qualitate (faciamus enim tractando usitatus hoc uerbum, & tritius) materiam quandam, ex qua omnia expressa, atque efficta sint, quæ tota omnia accipere possit, omnibusq. modis mutare, atque ex omni parte, eoq. etiam interire non in nihilum, sed in suas partes, quæ infinite secari, ac diuidi possint; cum sit nihil omnino in rerum natura minimum, quod diuidi nequeat: quæ autem moueantur, omnia interuallis moueri; quæ interualla item infinite diuidi possint. et cum ita moueatur illa uis, quam qualitatem esse diximus; & cum sic ultro citroq. uersetur: & materiam ipsam totam penitus commutari putant, & ita effici quæ appellant qualia; e quibus in omni natura cohærente, & continuata cum omnibus suis partibus effectum esse mundum, extra quem nulla pars materiæ sit, nullumq. corpus: partes autem esse mundi omnia, quæ insint in eo, quæ natura sentiente teneantur, in qua ratio perfecta insit, quæ sit eadem sempiterna: nihil enim ualentius esse, a quo intereat. quam uim animum esse dicunt mundi, eandemq. esse mentem, sapientiamq. perfectam: quem deum appellant, omniumq. rerum, quæ sunt ei subiectæ, quasi prudentiam quandam, procurantem cælestia maxime, deinde in terris ea, quæ pertinent ad homines: quam interdum necessitatem appellant, quia nihil aliter pos-

possit, atque ab ea constitutum sit, inter quasi fatalem et immutabilem continuationem ordinis sempiterni: non nunquam quidem eandem fortunam, quod efficiat multa improuisa, nec opinata nobis propter obscuritatem ignorationemq. caussarum. Tertia deinde philosophiae pars, quæ erat in ratione, & differendo, sic tractabatur ab utrisque: quamquam oriretur a sensibus, tamen non esse iudicium ueritatis in sensibus. mentem uolebant rerum esse iudicem: solam censebant idoneam, cui crederetur; quia sola cerneret id, quod semper esset simplex, & uniusmodi, & tale, quale esset. hanc illi ideam appellabant, iam a Platone ita nominatam: nos recte speciem possumus dicere. Sensus autem omnes hebetes, & tardos esse arbitrabantur, nec percipere ullo modo res eas, quæ subiectæ sensibus uiderentur: quæ essent aut ita parua, ut sub sensum cadere non possent; aut ita mobiles, & concitatae, ut nihil unquam unum esset constans, ne idem quidem, quia continenter laberentur, & fluerent omnia. itaque hanc omnem partem rerum opinabilem appellabant. scientiam autem nusquam esse censebant, nisi in animi motionibus, atque rationibus. qua de caussa definitiones rerum probabant, & has ad omnia, de quibus disceptabatur, adhibebant. Verborum etiam explicatio probabatur, qua de caussa quæque essent ita nominata: quam etymologiam appellabant. Post argumentis, & quasi rerum notis utebantur ad probandum, & ad concludendum id,

id, quod explanari uolebant: in quo tradebatur omnis dialectica disciplina, id est orationis ratione conclusæ. huic quasi ex altera parte oratoria uis dicendi adhibebatur, explicatrix orationis perpetuæ ad persuadendum accommodatæ. Hæc erat illis prima, a Platone tradita: cuius quas acceperim disputationes, si uultis, exponam. Nos uero uolumus, inquam; ut pro Attico etiam respondeam. Et recte, inquit, respondes. præclare enim explicatur Peripateticorum, & Academiæ ueteris auctoritas. Aristoteles primus species, quas paullo ante dixi, labefactauit: quas mirifice Plato erat amplexatus; ut in his quiddam diuinum esse diceret. Theophrastus autem, & oratione suauis, & ita moderatus, ut præ se probitatem quandam, & ingenuitatem ferat, uehementius etiam fregit quodam modo ueteris disciplinæ auctoritatem: spoliauit enim uirtutem suo decore, imbecillamq. reddidit, quod negauit in ea sola positum esse beate uiuere. Nam Strato, eius auditor, quanquam fuit acri ingenio, tamen ab ea disciplina omnino semouendus est: qui cum maxime necessariam partem philosophiæ, quæ posita est in uirtute, & moribus, reliquisset, totumq. se ad inuestigationem naturæ contulisset; in ea ipsa plurimum discedit a suis. Spensippus autem, & Xenocrates, qui primi Platonis rationem, auctoritatemq. susceperant; & post hos Polemo, & Crates, unaq. Crantor, in Academia congregati, diligenter ea, quæ a superioribus acceperant, tuebantur.

ACADEM. QVAEST.

bantur. iam Polemonem audiuerunt assidue Zeno,
& Arcefilas. sed Zeno, cum Arcefilam anteiret
etate, ualdeq. subtiliter differeret, & peracute
moueretur, corrigere conatus est disciplinam. eam
quoque, si uidetur, correctionem explicabo, sicut
solebat Antiochus. Mihi uero, inquam, uidetur:
quod uides idem significare Pomponium. Zeno igitur
nullo modo is erat, qui, ut Theophrastus, ner-
uos uirtutis incideret; sed contra, qui omnia, quæ
ad beatam uitam pertinerent, in una uirtute pone-
ret, nec quidquam aliud numeraret in bonis, idq.
appellaret honestum, quod esset simplex quoddam,
& solum, et unum bonum. cetera autem, et si nec
bona, nec mala essent, tamen alia secundum natu-
ram dicebat, alia naturæ esse contraria. ijs ipsis alia
interiecta, & media numerabat. quæ autem se-
cundum naturam essent, ea sumenda, & quadam
æstimatione dignanda docebat; contraq. contraria:
neutra autem in medijs relinquebat: in quibus po-
nebat nihil omnino esse momenti; sed, quæ essent su-
menda, ex ijs alia pluris esse æstimanda, alia mi-
noris; quæ pluris, ea præposita appellabat; reiecta
autem, quæ minoris. Atque ut hæc non tam rebus,
quàm uocabulis commutauerat: sic inter recte fa-
ctum, atque peccatum, officium, et contra officium
media locabat quædam, recte facta sola in bonis
actionibus ponens, prauæ, id est peccata, in malis.
officia autem & seruata, prætermittitq., media pu-
tabat, ut dixi. Cumq. superiores non omnem uirtu-
tem

tem in ratione esse dicerent, sed quasdam uirtutes natura, aut more perfectas: hic omnes in ratione ponebat. Cumq. illi ea genera uirtutum, quæ supra dixi, seiungi posse arbitrarentur: hic nec id ullo modo fieri posse differebat, nec uirtutis usum modo, ut superiores, sed ipsum habitum per se esse præclarum, nec tamen uirtutem cuiquam adesse, quin ea semper uteretur. Cumq. perturbatione animi illi ex homine non tollerent; naturaq. & condolere, & concupiscere, & extimescere, & efferrilati- tia dicerent, sed ea contraherent, in angustumq. deducerent: hic omnibus his quasi morbis uoluit carere sapientem. Cumq. eas perturbationes antiqui naturales esse dicerent, et rationis expertes; aliaq. in parte animi cupiditatem, alia rationem collocarent: ne his quidem assentiebatur: nam & perturbationes uoluntarias esse putabat, opinionisq. iudicio suscipi; & omnium perturbationum arbitratur esse matrem immoderatam quandam intemperantiam. Hæc fere de moribus. De naturis autem sic sentiebat, primum ut in quattuor initijs rerum illis quintam hanc naturam, ex qua superiores sensus & mentem effici rebantur, non adhiberet. Statuebat enim, ignem esse ipsam naturam, quæ quidque gigneret, et mentem, atque sensus. Discrepabat etiam ab iisdem, quod nullo modo arbitratur quidquam effici posse ab ea, quæ expers esset corporis: cuius generis Xenocrates, et superiores etiam animum esse dixerunt: nec uero, aut quod efficeret ali-

aliquid, aut quod efficeretur, posse esse non corpus. Plurima autē in illa tertia philosophiæ parte mutavit. in qua primum de sensibus ipsis quædam dixit noua: quos iunctos esse censuit e quadam quasi impulsione oblata extrinsecus: quam ille *φαντασίαν*, nos uisum appellemus licet, & teneamus hoc uerbum quidem: erit enim utendum in reliquo sermone sæpius. Sed ad hæc, quæ uisa sunt, & quasi accepta sensibus, assensionem adiungit animorum: quam esse uult in nobis positam, & uoluntariam. Visi non omnibus adiungebat fidem, sed ijs solum, quæ propriam quandam haberent declarationem earum rerum, quæ uiderentur: id autem uisum cum ipsum per se cerneretur, comprehensibile. Feretis hæc? Nos uero, inquam. quonam enim modo *κατάληπτον* diceres? Sed, cum acceptum iam, & approbatum esset, comprehensionem appellabat, similem ijs rebus, quæ manu prenderentur: ex quo etiam nomen hoc duxerat; cum eo uerbo ante nemo tali in re usus esset. plurimisq. idem nouis uerbis (noua enim dicebat) usus est. Quod autem erat sensu comprehensum, id ipsum sensum appellabat: & si ita erat comprehensum, ut conuelli ratione non posset, scientiam; sin aliter, inscientiam nominabat; ex qua existeret etiam opinio, quæ esset imbecilla, & cum falso, incognitoq. communis. Sed inter scientiam, & inscientiam, comprehensionem illam, quam dixi, collocabat; eamq. neque in reëctis, neque in prauis numerabat, sed soli

foli credendum esse dicebat . e quo sensibus etiam fidem tribuebat ; quòd , ut supra dixi , comprehensio facta sensibus & uera esse illi , & fidelis uidebatur ; non quòd omnia , quæ essent in re , comprehenderet ; sed quia nihil , quod cadere in eam possèt , relinqueret ; quodq. eam natura quasi normam scientiæ , & principium sui dedisset ; unde postea notiones rerum in animis imprimerentur ; e quibus non principia solum , sed latiores quædam ad rationem inueniendam uia reperiuntur . Errorem autem , & temeritatem , & ignorantiam , & opinionem , et suspicionem , & uno nomine omnia , quæ essent aliena firmæ & constantis assensionis , a uirtute , sapientiâq. remouebat . Atque in ijs fere commutatio constitit omnis , dissensioq. Zenonis a superioribus . Quæ cum dixisset ; breuiter sane , minimeq. obscure exposita est , inquam , a te , Varro , & ueteris Academia ratio , & Stoicorum : uerum esse autem arbitror , ut Antiocho , nostro familiari , placebat , correctionem ueteris Academia potius , quàm aliquam nouam disciplinam , putandam . Tunc Varro , tuæ sunt nunc partes , inquit , qui ab antiquorum ratione nunc desciscis , & ea , quæ ab Arcesila nouata sunt , probas , docere , quod , et qua de causâ dissidium factum sit ; ut uideamus , satis ne ista sit iusta defectio . Tû ego , cum Zenone , inquam , ut accepimus , Arcesilas sibi omne certamen instituit , non pertinacia , aut studio uincendi , ut mihi quidem uidetur , sed earum rerum obscuritate ,

h

ritate ,

ACADEM. QVAEST.

ritate, quæ ad confessionem ignorationis adduxerant Socratem, & ueluti amantes Socratem, Democritum, Anaxagoram, Empedoclem, omnes pæne ueteres: qui nihil cognosci, nihil percipi, nihil sciri posse dixerunt; angustos sensus, imbecillos animos, breuia curricula uitæ, & ut Democritus, in profundo ueritatem esse demersam; opinionibus & institutis omnia teneri, nihil ueritati relinqui: deinceps omnia tenebris circumfusa esse dixerunt. itaque Arcefilas negabat esse quidquam, quod sciri posset, ne illud quidem ipsum, quod Socrates sibi reliquisset. sic omnia latere censebant in occulto, neque esse quidquam, quod cerni, aut intelligi posset: quibus de causis nihil oportere neque profiteri, neque affirmare quenquam, neque assertionem approbare: cohibereq. semper, & ab omni lapsu continere temeritatem; quæ tum esset insignis, cum aut falsa, aut incognita res approbaretur: neque hoc quidquam esse turpius, quàm cognitioni, & perceptioni assertionem, approbationemq. præcurrere. huic rationi quod erat consentaneum, faciebat, ut contra omnium sententias dies iam plerosque deduceret; ut, cum in eadem re paria contrarijs in partibus momenta rationum inuenirentur, facilius ab utraque parte assertio sustineretur. Hanc Academiam nouam appellabant: quæ mihi uetus uidetur: siquidem Platonem ex illa uetere numeramus: cuius in libris nihil affirmatur, & in utranque partem multa differuntur, de omni-

omnibus quaeritur, nihil certi dicitur. sed tamen illa, quam exposui, uetus, hæc noua nominetur: quæ usque ad Carneadem perducta, qui quartus ab Arcesila fuit, in eadem Arcesilæ ratione permansit. Carneades autem, nullius philosophiæ partis ignarus, et, ut cognoui ex ijs, qui illum audierant, maximeq. ex Epicureo Zenone, qui, cum ab eo plurimum dissentiret, unum tamen præter ceteros mirabatur, incredibili quadam fuit facultate.

Et multa ex primo hoc libro, & tres reliqui desiderantur.

M. TVL
DE FIN
ET MA

ON
N que
Arin
uisse

perit hic noster
conret. Nam
melius indoctis,
Qualem autem
nihil agatur;
peram ponenda
nam, & hi qui
antes latinas,
peram malle co
ru sificor, qui
hoc scribendi, e
lignitatis nostra
lendum brevit
phia quidem m
eo libro, quo a
laudata est, cu
Hortensio, qui
tur, & is, qui
re suscepi, nec
deret, retiner
hoc placeat, n

59

M. TVLLII CICERONIS
DE FINIBVS BONORVM
ET MALORVM LIBER I.

NON ERAM nescius, Brute, cum,
quæ summis ingenijs, exquisitaq. do-
ctrina philosophi græco sermone tracta-
uissent, ea latinis litteris mandaremus,
fore ut hic noster labor in uarias reprehensiones in-
curreret. Nam quibusdam, & ijs quidem non ad-
modum indoctis, totum hoc displicet, philosophari.
Quidam autem id non totum reprehendunt, si re-
missius agatur; sed tantum Studium, tam multam
operam ponendam in eo non arbitrantur. Erunt
etiam, & hi quidem eruditi græcis litteris, contem-
nentes latinas, qui se dicant in græcis legendis
operam malle consumere. Postremo aliquos futu-
ros suspicor, qui me ad alias litteras uocent; genus
hoc scribendi, etsi sit elegans, personæ tamen, &
dignitatis nostræ esse negent. Contra quos omnes
dicendum breuiter existimo. quanquam philoso-
phiæ quidem uituperatoribus satis responsum est
eo libro, quo a nobis philosophia defensa, & col-
laudata est, cum esset accusata, & uituperata ab
Hortensio. qui liber cum & tibi probatus uideretur,
& ijs, quos ego posse iudicare arbitrarer; plu-
ra suscepi, ueritus ne mouere hominum studia ui-
derer, retinere non posse. Qui autem, si maxime
hoc placeat, moderatius tamen id uolunt fieri, dif-

D E F I N I B V S

ficilem quandam temperantiam postulant in eo, quod semel admissum, coerceri, reprimiq. non potest: ut propemodum iustioribus utamur illis, qui omnino auocent a philosophia, quàm ijs, qui rebus infinitis modum constituent, in req. eo meliore, quo maior sit, mediocritatem desiderent. siue enim ad sapientiam perueniri potest: non paranda solum nobis ea, sed fruenda etiam est. siue hoc difficile est: tamen nec modus est ullus inuestigandi ueri, nisi inueneris; et quærendi defatigatio turpis est, cum id, quod quæritur, sit pulcherrimum. etenim si delectamur, cum scribimus: quis est tam inuidus, qui ab eo nos abducatur? si laboramus: quis est, qui alienæ modum statuatur industriæ? nam, ut Terentianus Chremes non inhumanus, qui nouum uicinum non uult

Fodere, aut arare, aut aliquid ferre, denique; non enim illum ab industria, sed ab illiberali labore deterret: sic isti curiosi, quos offendit noster minime nobis iniucundus labor. Iis igitur est difficilius satisfacere, qui se latina scripta dicunt contemnere. in quibus hoc primum est, in quo admirer; cur in grauissimis rebus non delectet eos patrius sermo, cum iisdem fabellas latinas, ad uerbum de græcis expressas, non inuiti legant? quis enim tam inimicus pæne nomini Romano est, qui Ennij Medeam, aut Antiopam Pacuij spernat, aut reijciat? qui se iisdem Euripidis fabulis delectari dicat, latinas litteras oderit? Synephebos ego, inquit, potius

Cæ-

Cæcilij, aut Andriam Terentij, quàm utranque Menandri legam? A quibus tam dissentio, ut, cum Sophocles uel optime scripserit, Electram tamen male conuersam Atilij mihi legendam putem. de quo Licinius, Ferreum scriptorem: uerum, opinor: scriptorem tamen, ut legendus sit. rudem enim esse omnino in nostris poetis, aut inertissimæ segnitæ est, aut fastidij delicatissimi. mihi quidem nulli satis eruditi uidentur, quibus nostra ignota sunt. an,

Vtinam ne in nemore,
nihil minus legimus, quàm hoc idem græcum:
quæ autem de bene beateq. uiuendo a Platone disputata sunt, hæc explicari non placebit latine? Quòd si nos non interpretum fungimur munere, sed tuemur ea, quæ dicta sunt ab ijs, quos probamus; eisq. nostrum iudicium, & nostrum scribendi ordinem adiungimus: quid habent, cur græca anteponant ijs, quæ & splendide dicta sint, neque sint conuersa de græcis? nam si dicerent ab illis has res esse tractatas: ne ipsos quidem Græcos est cur tam multos legant, quàm legendi sunt. quid enim est a Chrysippo prætermissum in Stoicis? legimus tamen Diogenem, Antipatrum, Mnesarchum, Panætium, multos alios, in primisq. familiarem nostrum Possidonium. quid Theophrastus? mediocriter ne delectat, cum tractat locos ab Aristotele ante tractatos? quid Epicurei? num desistunt de iisdem, de quibus & ab Epicuro scriptum est, &

D E F I N I B V S

ab antiquis, ad arbitrium suum scribere? quod si Græci leguntur a Græcis, iisdem de rebus alia ratione compositis: quid est, cur nostri a nostris non legantur? Quanquam, si plane sic uerterem Platonem, aut Aristotelem, ut uerterunt nostri poetæ fabulas; male, credo, mererer de meis ciuibus, si ad eorum cognitionem diuina illa ingenia transferrem: sed id neque feci adhuc; nec mihi tamen, ne faciam, interdictum puto: locos quidem quosdam, si uidebitur, transferam, & maxime ab ijs, quos modo nominavi, cum inciderit, ut id apte fieri possit: ut ab Homero Ennius, Afranius a Menandro solet. Nec uero, ut noster Lucilius, recusabo, quo minus omnes mea legant. utinam ille Persius, Scipio uero, & Rutilius multo etiam magis: quorum ille iudicium reformidans, Tarentinis ait se, & Consentinis, & Siculis scribere. facete is quidem, sicut alias: sed nec tam docti tunc erant, ad quorum iudicium elaboraret; & sunt illius scripta leuiora; ut urbanitas summa appareat, doctrina mediocris. ego autem quem timeam lectorem, cum ad te, ne Græcis quidem cedentem in philosophia, audeam scribere? quanquam a te ipso id quidem facio prouocatus gratissimo mihi libro, quem ad me de uirtute misisti. Sed ex eo credo quibusdam usu uenire, ut abhorreant a Latinis, quod inciderint in inculta quædam, & horrida, de malis græcis latine scripta deterius. Quibus ego assentior, dummodo a se de iisdem rebus ne Græcos quidem legendos pu-

putent. res uero bonas, uerbis electis, grauitè, ornateq. dictatas, quis non legat? nisi qui se plane Græcum dici uelit: ut a Scauola est prætor salutatus Athenis Albutius. quem quidem locum cum multa uenustate, et omni sale idem Lucilius: apud quem præclare Scauola:

Græcum te, Albuti, quàm Romanum, atque Sabinum,

Municipem Pontij, Titij, Annij, centurionum, Præclarorum hominum, ac primorum, signiferumq.,

Maluisti dici. græce ergo prætor Athenis,

Id quod maluisti, te, cum ad me accedî, saluto:

Xαῖπε inquam Tite. Liētores omnesq., cohorsq.,

Xαῖπε. hinc hostis Mucij. Albutius, hinc inimicus.

Sed iure Mucius: ego autem satis mirari non queo,

unde hoc sit tam insolens domesticarum rerum fastidium. non est omnino hic docendi locus: sed ita

sentio, & sæpe differui; latinam linguam non modo non inopem, ut uulgo putarent, sed locupletio-

*rem etiam esse, quàm græcam. quando enim uel

nobis dicam, aut oratoribus bonis, aut poetis, po-

stea quidem quàm fuit quem imitarentur, ullus o-

rationis uel copiosæ, uel elegantis ornatus defuit?

ego uero, cum forensibus operis, laboribus, peri-

culis non deseruisse mihi uideor præsidium, in quo

a populo R. locatus sum; debeo profecto, quan-

tumcunque possim, in eo quoque laborare, ut sint

opera, studio, labore meo doctiores ciues mei; nec

cum

DE FINIBVS

cum istis tantopere pugnare, qui græca legere malint, modo legant illa ipsa, nec simulent; & ijs seruire, qui uel utrisque litteris uti uelint, uel, si suas habent, illas non magnopere desiderent. Qui autem alia malunt scribi a nobis, æqui esse debent: quod & scripta multa sunt, sic, ut plura nemini e nostris; & scribentur fortasse plura, si uita suppetet: & tamen qui diligenter hæc, quæ de philosophia litteris mandamus, legere assueuerit, iudicabit nulla ad legendum his esse potiora. quid est enim in uita tantopere quærendum, quàm cum omnia in philosophia, tum id, quod his libris quæritur, quid sit finis, quid extremum, quid ultimum, quod sint omnia bene uiuendi, recteq. faciendi consilia referenda, quid sequatur natura ut summum ex rebus expetendis, quid fugiat ut extremum malorum? qua de re cum sit inter doctissimos magna dissensio; quis alienum putet eius esse dignitatis, quam mihi quisque tribuit, quid in omni munere uitæ optimum, & uerissimum sit, exquirere? an, partus ancillæ sit ne in fructu habendus, differetur inter principes ciuitatis, P. Scauolam, M. Manilium; ab hisq. M. Brutus dissentiet: quod & acutum genus est, et ad usus ciuium non inutile; nosq. ea scripta, reliquaq. eiusdem generis & legimus libenter, & legemus: hæc, quæ uitam continent omnem, negliguntur? nam, ut sint illa uendibilia, hæc uberiora certe sunt. quanquam id quidem licebit ijs existimare, qui legerint. Nos autem hanc omnem quaestio-

tionem de finibus bonorum & malorum fere a nobis explicatam esse ijs litteris arbitramur, in quibus, quantum potuimus, non modo quid nobis probaretur, sed etiam quid a singulis philosophiæ disciplinis diceretur, persecuti sumus. Vt autem a facillimis ordiamur, prima ueniat in medium Epicuri ratio, quæ plerisque notissima est: quæ a nobis sic intelliges expositam, ut ab ijs ipsis, qui eam disciplinam probant, non soleat accuratius explicari. uerum enim inuenire uolumus, non tanquam aduersarium aliquem conuincere. Accurate autem quondam a L. Torquato, homine omni doctrina erudito, defensa est Epicuri sententia de uoluptate: a meq. ei responsum, cum C. Triarius, in primis grauis, & doctus adolescens, ei disputationi interesset. nam cum ad me in Cumanum, salutandi causa, uterque uenisset; pauca primo inter nos de litteris, quarum summum erat in utroque studium; deinde Torquatus, quoniam nacti te, inquit, sumus aliquando otiosum, certe audiam, quid sit, quod Epicurum nostrum non tu quidem oderis, ut fere faciunt qui ab eo dissentiant, sed certe non probes, eum, quem ego arbitror unum uidisse uerum, maximisq. erroribus animos hominum liberauisse, & omnia tradidisse, quæ pertinent ad bene, beateq. uiuendum. sed existimo te, sicut nostrum Triarium, minus eo delectari, quod ista Platonis, Aristotelis, Theophrasti orationis ornamenta neglexerit. nam illuc quidem adduci uix possum, ut ea,

quæ

D E F I N I B V S

quæ senserit ille, tibi non uera uideantur. Vide quantum, inquam, fallare Torquate. oratio me istius philosophi non offendit: (nam & complectitur uerbis, quod uult; et dicit plane, quod intelligam: et tamen a philosopho, si afferat eloquentiam, non asperner; si non habeat, non admodum flagitem) re mihi non æque satisfacit, & quidem locis pluribus. sed, quot homines, tot sententiæ: falli igitur possumus. Quamobrem tandem, inquit, non satisfacit? te enim iudicem æquum puto; modo, quæ dicat ille, bene noris. Hic, nisi mihi Phædrum, inquam, mentitum, aut Zenonem putas, quorum utrumque audiui, cū mihi nihil sane, præter sedulitatem, probarent; omnes mihi Epicuri sententiæ satis notæ sunt. atque eos, quos nominaui, cum Attico nostro frequenter audiui; cum miraretur ille quidem utrumque, Phædrum autem etiam amaret: quotidieq. inter nos ea, quæ audiebamur, conferebamus: neque erat unquam controuersia, quid ego intelligerem, sed quid probarem. Quid igitur est, inquit? audire enim cupio, quid non probes. Principio, inquam, in physicis, quibus maxime gloriatur, primum totus est alienus. Democrito adijcit perpauca, mutans, sed ita, ut ea, quæ corrigere uult, mihi quidem deprauare uideatur. ille, atomos quas appellat, id est corpora indiuidua, propter soliditatem censet in infinito inani, in quo nec summum, nec infimum, nec medium, nec ultimum, nec extremum sit, ita ferri, ut concurſionibus inter

ter se cohærescant; ex quo efficiantur ea, quæ sint, quæq. cernantur, omnia; eumq. motum atomorum nullo a principio, sed ex æterno tempore, intelligi convenire. Epicurus autem, in quibus sequitur Democritum, non fere labitur. quanquam utriusque cum multa non probo, tum illud in primis, quod, cū in rerum natura duo quærenda sint, unum, quæ materia sit, ex qua quæque res efficiantur; alterū, quæ vis sit, quæ quidque efficiat; de materia differuerūt; vim, et causam efficiendi reliquerunt. sed hoc commune uitium: illæ Epicuri propriæ ruinae. censet enim, eadem illa indiuidua, et solida corpora ferri suo deorsum pondere ad lineam, hunc naturalē esse omnium corporum motum. deinde ibidem homo acutus; cum illud occurreret, si omnia deorsum e regione ferrentur, et, ut dixi, ad lineam, nunquam fore ut atomus altera alterā posset attingere: itaque attulit rem commenticiam: declinare dixit atomum perpauillum: quo nihil posset fieri minus: ita effici cōplexiones, et copulationes, et adhæsiones atomorum inter se: ex quo efficeretur mundus, omnesq. partes mundi, quæq. in eo essent. Quæ cum res tota ficta sit pueriliter, tum ne efficit quidem quod uult. nam & ipsa declinatio ad libidinem fingitur: (ait enim declinare atomum sine causa: quo nihil turpius physico, quàm, fieri sine causâ quidquam, dicere) et illum motum, naturalem omnium ponderum, ut ipse constituit, e regione inferiorem locū petentium, sine causâ eripuit atomis: nec tamen id, cuius causâ

D E F I N I B V S

sa hæc finxerat, affecutus est. nam siue omnes atomi declinabunt, nullæ unquam cohærescent; siue aliæ suo nutu recte ferentur: primum erit hoc quasi prouincias atomis dare, quæ recte, quæ oblique ferentur: deinde eadem illa atomorum, in quo etiam Democritus hæret, turbulenta concursio hunc mundi ornatum efficere non poterit. Ne illud quidem physici est, credere aliquid esse minimum. quod profecto nunquam putauisset, si a Polyeno, familiari suo, geometriam discere maluisset, quàm illam etiam ipsum dedocere. Sol Democrito magnus uidetur, quippe homini erudito, in geometriâq. perfecto: huic bipedalis fortasse. tantum enim esse censet, quantus uidetur, uel paullo aut maiorem, aut minorem. ita, quæ mutat, ea corrumpit: quæ sequitur, sunt tota Democriti, atomi, inane, imagines; quæ idola nominant; quorum incurusione non solum uideamus, sed etiam cogitemus. infinitio ipsa, quam ἀπειρίαν uocant, tota ab illo est: tum innumerabiles mundi, qui & oriantur, & intereant quotidie. quæ etsi mihi nullo modo probantur: tamen Democritum, laudatum a ceteris, ab hoc, qui eum unum secutus est, nollem uituperatum. Iam in altera philosophiæ parte, quæ est querendi, ac differendi, quæ λογικὴ dicitur, iste uester plane, ut mihi quidem uidetur, inermis ac nudus est: tollit definitiones: nihil de diuidendo, ac partiendo docet: non, quo modo efficiatur, concludaturq. ratio, tradit: non, qua uia captiosa soluantur, ambigua distin-

stinguantur, ostendit: iudicia rerum insensibus ponit: quibus si semel aliquid falsi pro uero probatum sit, sublatum esse omne iudicium ueri & falsi putat. In tertia uero parte, quæ est de uita, & moribus, in constitutione finis nil generosum sapit, atque magnificum: confirmat illud uel maxime, quod ipsa natura, ut ait ille, asciscat, & reprobet, id est uoluptatem, & dolorem. ad hæc, & quæ fugiamus, & quæ sequamur, refert omnia. quod quanquam Aristippi est, a Cyrenaicisq. melius, liberiusq. defenditur: tamen eiusmodi esse iudico, ut nihil homine uideatur indignius. ad maiora enim quædam nos natura genuit, & conformauit, ut mihi quidem uidetur. ac fieri potest, ut errem: sed ita prorsus existimo, neque eum Torquatum, qui hoc primus cognomen inuenerit, aut torquem illum hosti detraxisse, ut aliquam ex eo perciperet corporis uoluptatem; aut cum Latinis tertio consulatu confluisse apud Vesperim propter uoluptatem. quod uero securi filium percussisset, priuauisse se etiam uidetur multis uoluptatibus; cum ipsi naturæ, patriq. amoris prætulerit ius maiestatis atque imperij. Quid T. Torquatus, is, qui consul cum Cn. Octauio fuit? cum illam seueritatem in eo filio adhibuit, quem in adoptionem D. Silano emancipauerat, ut eum, Macedonum legatis accusantibus, quod pecunias prætorem in prouincias cepisse arguerent, causam apud se dicere iuberet; reque ex utraque parte audita, pronuntiaret eum non talem uideri fuisse in imperio

D E F I N I B V S

rio, quales eius maiores fuissent; & in conspectum suum uenire uetuit; nunquid uidetur tibi de uoluptatibus suis cogitauisse? Sed, ut omittam pericula, labores, dolorem etiam, quem optimus quisque pro patria, & pro suis suscipit, ut non modo nullam captet, sed etiam prætereat omnes uoluptates; dolores denique quosuis suscipere malit, quam deserere ulla officij partem: ad ea, quæ hoc non minus declarant, sed uidentur leniora, ueniamus. Quid tibi Torquate, quid huic Triario litteræ, quid historia, cognitioq. rerum, quid poetarum euolutio, quid tanta tot uersuum memoria uoluptatis affert? Nec mihi illud dixeris: hæc enim ipsa mihi sunt uoluptati, & erant illa Torquatis. nunquam hoc ita defendit Epicurus, neque uero tu, aut quisquam eorum, qui aut saperet aliquid, aut ista didicisset. Et, quod queritur sepe, cur tam multi sunt Epicurei: sunt aliæ quoque causæ: sed multitudinem hoc maxime allicit, quod ita putat dici ab illo, recta, & honesta quæ sint, ea facere ipsa per se lætitiā, id est uoluptatem. homines optimi non intelligunt, totam rationem euertere, si ita se res habeat. nam, si concederetur, etiam si ad corpus nihil referatur, ista sua sponte & per se esse iucunda: per se esset & uirtus, & cognitio rerum, quod minime ille uult, expetenda. Hæc igitur Epicuri non probo, inquam: de cetero, uellem equidem aut ipse doctrinis fuisset instructior; (est enim, quod ita tibi uideri necesse est, non satis politus ijs artibus, quas

quas qui tenent, eruditi appellantur) aut ne deter-
risset alios a studijs. quanquam te quidem uideo
minime esse deterritum. Quæ cum dixissem, ma-
gis ut illum pronocarem, quam ut ipse loquerer;
tum Triarius leniter arridens, tu quidem, inquit,
totum Epicurum pane e philosophorum choro sustu-
listi. quid enim ei reliquisti, nisi id, te, quoquo mo-
do loqueretur, intelligere quid diceret? Aliena di-
cit in physicis, nec ea ipsa, quæ tibi probarentur;
sed, si quæ in his corrigere uoluit, deteriora fecit.
Differendi artem nullam habuit. Voluptatem cum
summum bonum diceret, primum in eo ipso parum
uidit, deinde hoc quoque alienum: nam ante Ari-
stippus, & ille melius. etenim quasi detractis de
homine sensibus. Addidisti ad extremum, etiam
indoctum fuisse. Fieri, inquam, o Triari, nullo
pacto potest, ut non dicas, quid non probes eius, a
quo dissentias. quid enim me prohiberet Epicureum
esse, si probarem, quæ ille diceret? cum præsertim,
illa perdiscere, ludus esset. quamobrem differenti-
um inter se reprehensiones non sunt uituperandæ.
maledicta, contumelia, tum iracundiæ, conten-
tiones, concertationesq. in disputando pertinaces,
indigna mihi philosophia uideri solent. Tunc Tor-
quatus, prorsus, inquit, assentior. neque enim di-
sputari sine reprehensione, nec cum iracundia, aut
pertinacia recte disputari potest. Sed ad hæc, nisi mo-
lestum est, habeo quæ uelim. An me, inquam,
nisi te audire uellem, censes hæc dicturum fuisse?

i

Vtrum

D E F I N I B V S

Vtrum igitur percurri omnem Epicuri disciplinam placet, an de una uoluptate quæri, de qua omne certamen est? Tuo uero id quidem arbitrato. Sic faciam igitur, inquit: unam rem explicabo, eamq. maximam: de physicis alias: & quidem tibi & declinationem istam atomorum, & magnitudinem solis probabo, & Democriti errata ab Epicuro reprobata, & correctâ permulta. nunc dicam de uoluptate, nihil scilicet noui, ea tamen, quæ te ipsum probaturum esse confidam. Certe, inquam, pertinax non ero; tibiq., si mihi probabis ea, quæ dicces, libenter assentiar. Probabo, inquit; modo ista sis æquitate, quam ostendis: sed uti oratione perpetua malo, quàm interrogare, aut interrogari. Vt placet, inquam. Tunc dicere exorsus est. Primum igitur, inquit, agam sic, ut ipsi auctori huius disciplinæ placet: constituam, quid, & quale sit id, de quo quærimus; non quo ignorare uos arbitrer; sed ut ratione, & uia procedat oratio. Quærimus igitur, quid sit extremum, quid ultimum bonorum. quod omnium philosophorum sententia tale debet esse, ut ad id omnia referri oporteat, ipsum autem nusquam. hoc Epicurus in uoluptate ponit: quod summum bonum esse uult, summumq. malum dolorem: idq. instituit docere sic: Omne animal, simul atque natum sit, uoluptatem appetere, eaq. gaudere ut summo bono; dolorem aspernari, ut summum malum, & quantum possit, a se repellere; idq. facere nondum deprauatum, ipsa natura

tura

tura incorrupte, atque integre iudicante. itaque negat opus esse ratione, neque disputatione, quamobrem uoluptas expetenda, fugiendus dolor sit: sentire hoc putat, ut calere ignem, niuem esse albam, dulce mel; quorum nihil oportere exquisitis rationibus confirmare: tantum satis esse admonere: interesse enim inter argumentum, conclusionemque rationis, & inter mediocrem animadversionem, atque admonitionem: altera, occulta quædam, & quasi inuoluta aperiri; altera prompta, & aperta indicari: etenim, quoniam, detractis de homine sensibus, reliqui nihil est; necesse est, quid aut secundum naturam, aut contra sit, a natura ipsa iudicari: uoluptatem etiam & per se expetendam esse, & dolorem ipsum per se esse fugiendum: etenim quid percipit, & quid indicat, quo aut appetat, aut fugiat aliquid, præter uoluptatem, & dolorem? Sunt autem quidam e nostris, qui hæc subtilius uelint tradere, & negent satis esse, quid bonum sit, aut quid malum, sensu iudicari; sed animo etiam, ac ratione intelligi posse, & uoluptatem ipsam per se esse expetendam, & dolorem ipsum per se esse fugiendum: itaque aiunt hanc quasi naturalem, atque insitam in animis nostris inesse notionem, ut alterum esse appetendum, alterum aspernandum sentiamus. Alij autem, quibus ego assentior; cum a philosophis compluribus permulta dicuntur, cur nec uoluptas in bonis sit numeranda, nec in malis dolor; non existimant oportere nimi-

DE FINIBVS

um nos causæ confidere; sed, & argumentandum, & accurate differendum, & rationibus conquisitis de uoluptate & dolore disputandum, putant. Sed, ut perspiciatis unde omnis iste error natus sit uoluptatem accusantium, doloremq. laudantium, totam rem aperiā; eaq. ipsa, quæ ab illo inuentore ueritatis, & quasi architecto beatæ uitæ dicta sunt, explicabo. Nemo enim ipsam uoluptatem, quia uoluptas sit, aspernetur, aut oderit, aut fugiat; sed quia consequuntur magni dolores eos, qui ratione uoluptatem sequi nesciunt. neque porro quisquam est, qui dolorem ipsum, quia dolor sit, amet, consetetur, adipisci uelit; sed quia non nunquam eiusmodi incidunt tempora, ut labore, & dolore magnam aliquam quærat uoluptatem. Vt enim ad minima ueniam, quis nostrum exercitationem ullam corporis suscipit laboriosam, nisi ut aliquid ex ea commodi consequatur? quis autem uel eum iure reprehenderit, qui in ea uoluptate uelit esse, quæ nihil molestiæ consequatur? uel illum, qui dolorem eum fugiat, quo uoluptas nulla pariat? At uero eos & accusamus, & iusto odio dignissimos ducimus, qui blanditis præsentium uoluptatum delectati, atque corrupti, quos dolores, quas molestias excepturi sint, occæcati cupiditate non prouident. similiq. sunt in culpa, qui officia deserunt mollitia animi, id est laborum, & dolorum fuga. Et harum quidem rerum facilis est, & expedita distinctio. nam libero tempore, cum soluta nobis est eligendi

gendi optio ; cumq̃. nihil impedit , quo minus id ,
quod maxime placeat , facere possimus ; omnis uo-
luptas assumenda est , omnis dolor depellendus : tem-
poribus autem quibusdam , aut officijs debitis , aut
rerum necessitatibus saepe eueniet , ut & uolupta-
tes repudiandæ sint , & molestiæ non recusandæ .
itaque harum rerum hic tenetur a sapiēte delectus ,
ut aut , reiiciendis uoluptatibus , maiores alias con-
sequatur ; aut , perferendis doloribus , asperiores re-
pellat . Hanc ego cum teneam sententiam ; quid est
cur uerear , ne ad eam non possim accommodare
Torquatos nostros ? quos tu paullo ante tum memo-
riter , tum etiam erga nos amice & beneuole colle-
gisti . nec me tamen , laudandis maioribus meis ,
corrupisti , nec segniorem ad respondendum reddi-
disti . quorum facta quæadmodum , quæso , interpre-
taris ? siccine eos censes aut in armatum hostem im-
petum fecisse , aut in liberos , aut in sanguinem suum
tam crudeles fuisse , nihil ut de utilitatibus , nihil
ut de commodis suis cogitarent ? at id ne feræ qui-
dem faciunt , ut ita ruant , atque turbentur , ut ,
earum motus & impetus quò pertineant , non in-
telligamus . tu tam egregios uiros censes tantas res
gessisse sine caussa ? quæ fuerit caussa , mox uidero :
interea hoc tenebo ; si ob aliquam caussam ista , quæ
sine dubio præclara sunt , fecerint , uirtutem his
per se ipsam caussam non fuisse . Torquem detraxit
hosti . & quidem se textit , ne interiret . At ma-
gnum periculum adiit . in oculis quidem exercitus .

D E F I N I B V S

Quid ex eo consecutus est? laudem, & caritatem: quæ sunt uitæ sine metu degendæ præsidia firmissima. Filium morte multauit. si sine causâ; nollem me ab eo ortum, tam importuno, tamq. crudeli: sin, ut dolore suo sanciret militaris imperij disciplinam, exercitumq. in grauissimo bello animaduersionis metu contineret; salutem prospexit ciuium, quæ intelligebat contineri suam. Atque hæc ratio late patet. in quo enim maxime consuevit iactare uestra se oratio, tua præsertim, qui studiose antiqua persequeris, claris & fortibus uiris commemorandis, eorumq. factis non emolumento aliquo, sed ipsius honestatis decore laudandis; id totum euertitur eo delectu rerum, quem modo dixi, constituto; ut aut uoluptates omittantur maiorum uoluptatum adipiscendarum causâ; aut dolores suscipiantur maiorum dolorum effugiendorum gratia. Sed de clarorum hominum factis illustribus & gloriosis satis hoc loco dictum sit. erit enim iam de omnium uirtutum cursu ad uoluptatem proprius differendi locus. nunc autem explicabo, uoluptas ipsa quæ, qualisq. sit; ut tollatur error omnis imperitorum; intelligaturq., ea, quæ uoluptaria, delicata, mollis habeatur disciplina, quàm grauis, quàm continens, quàm seuera sit. non enim hanc solam sequimur, quæ suauitate aliqua naturam ipsam mouet, & cum iucunditate quadam percipitur sensibus; sed maximâ illam uoluptatem habemus, quæ percipitur omni dolore detractò. nam quoniam,

cum

cum priuamur dolore, ipsa liberatione, & uacuitate omnis molestiae gaudemus; omne autem id, quo gaudemus, uoluptas est, ut omne id, quo offendimur, dolor: doloris omnis priuatio recte nominata est uoluptas. ut enim, cum cibo & potione famis sitisque depulsa est, ipsa detractio molestiae consecutionem affert uoluptatis: sic in omni re doloris amotio successionem efficiet uoluptatis. itaque non placuit Epicuro medium esse quiddam inter dolorem, & uoluptatem: illud enim ipsum, quod quibusdam medium uidetur, cum omni dolore caret, non modo uoluptatem esse, uerum etiam summam uoluptatem. quisquis enim sentit, quemadmodum sit affectus; eum necesse est aut in uoluptate esse, aut in dolore. omni autem priuatione doloris putat Epicurus terminari summam uoluptatem; ut postea uariari uoluptas distinguique possit, augeri amplificarique non possit. At etiam Athenis, ut a patre audiebam, facete, & urbane Stoicos irridente, statua est in Ceramico Chrysippi sedentis porrecta manu, quae manus significet illum in hac esse rogatiuncula delectatum: nunquidnam manus tua sic affecta, quemadmodum affecta nunc est, desiderat? nihil sane. at, si uoluptas esset bonum, desideraret. ita credo. non est igitur uoluptas bonum. Hoc ne statuam quidem dicturam pater aiebat, si loqui posset. conclusum est enim contra Cyrenaicos satis acute; nihil ad Epicurum. nam si ea sola uoluptas esset, quae quasi titillaret sensus, ut ita dicam,

D E F I N I B V S

Et ad eos cum suauitate afflueret, & illaberetur: nec manus esse contenta posset ulla uacuitate doloris sine iucundo motu uoluptatis. sin autem summa uoluptas est, ut Epicuro placet, nihil dolere: primum tibi recte Chrysippe concessum est, nihil desiderare manum, cum ita esset affecta; secundum non recte, si uoluptas esset bonum, fuisse desideraturam. iccirco enim non desideraret, quia, quod dolore caret, id in uoluptate est. Extremum autem esse bonorum uoluptatem, ex hoc facile perspicipote. Constituamus aliquem magnis, multis, perpetuis fruentem & animo, & corpore uoluptatibus, nullo dolore nec impediante, nec impendente: quem tandem hoc statu aut prastabiliorem, aut magis expetendum possumus dicere? inesse enim necesse est in eo, qui ita sit affectus, & firmitatem animi, nec mortem, nec dolorem timentis; quod mors sensu careat, dolor in longinquitate leuis, in grauitate breuis soleat esse; ut eius magnitudinem celeritas, diuturnitatem alenuatio consoletur. ad ea cum accedit, ut neque diuinum numen horreat; nec prasteritas uoluptates effluere patiat; earumq. assidua recordatione latetur: quid est, quod huic possit, quod melius sit, accidere? Statue contra aliquem confectum tantis animi, corporisq. doloribus, quanti in hominem maximi cadere possunt; nulla spe proposita, fore leuius aliquando; nulla praterea nec praesenti, nec expectata uoluptate: quid eo mihi serius dici, aut fingi potest? quod si uita doloribus

re-

referta maxime fugienda est: summum profecto malum est, uiuere cum dolore. cui sententiæ consentaneum est, ultimum esse bonorum, cum uoluptate uiuere. nec enim habet nostra mens quidquam, ubi consistat tāquam in extremo: omnesq. et metus, et ægritudines ad dolorem referuntur: nec præterea est res ulla, quæ sua natura aut sollicitare possit, aut frangere. præterea & appetendi, & refugiendi, & omnino rerum gerendarum initia proficiscuntur aut a uoluptate, aut a dolore. quod cum ita sit; perspicuum est, omnes rectas res, atque laudabiles eò referri, ut cum uoluptate uiuatur. quoniam autem id est uel summum bonum, uel ultimum, uel extremum, quod Græci τέλος nominant; quod ipsum nullam ad aliam rem, ad id autem res referuntur omnes: fatendum est, summum esse bonum, iucunde uiuere. id qui in una uirtute ponunt, & splendore nominis capti, quid natura postulet, non intelligunt; errore maximo, si Epicurum audire uoluerint, liberantur. istæ enim uestræ eximiæ pulchræq. uirtutes, nisi uoluptatem efficerent, quis eas aut laudabiles, aut expetendas arbitraretur? ut enim medicorum scientiam non ipsius artis, sed bonæ uoletudinis causa probamus; & gubernatoris ars, quia bene nauigandi rationem habet, utilitate, non arte, laudatur: sic sapientia, quæ ars uiuendi putanda est, non expeteretur, si nihil efficeret; nunc expetitur, quod est tanquam artifex conquirendæ, & comparandæ uoluptatis. quam autem dicam uolupta-

D E F I N I B V S

luptatem, iam uidetis; ne inuidia uerbi labefactetur oratio mea. Nam cum ignoratione rerum bonarum, & malarum maxime hominum uita uexetur; ob eumq. errorem & uoluptatibus maximis saepe priuentur, & prauissimis animi doloribus torqueantur: sapientia est adhibenda, quæ, & terroribus, cupiditatibusq. detractis, & omnium falsarum opinionum temeritate direpta, certissimam se nobis ducem præbeat ad uoluptatem. sapientia enim est una, quæ mæstitiam pellat ex animis; quæ nos exhorrescere metu non sinat; quæ præceptrice in tranquillitate uiui potest, omnium cupiditatum ardore restincto. cupiditates enim sunt insatiabiles; quæ non modo singulos homines, sed uniuersas familias euertunt; totam etiã labefactant saepe remp. ex cupiditatibus odia, dissidia, discordiæ, seditio- nes, bella nascuntur. nec hæ sese foris solum iactant, nec tantum in alios cæco impetu incurrunt; sed intus etiam in animis inclusæ, inter se dissident, atque discordant. ex quo uitam amarissimam necesse est effici: ut sapiens solum, amputata circuncisq. inanitate omni, & errore, naturæ finibus contentus sine ægritudine possit, & sine metu uiuere. Quæ est enim aut utilior, aut ad bene uiuendum aptior partitio, quàm illa, quæ est usus Epicurus? qui unum genus posuit earum cupiditatum, quæ essent & naturales, & necessariae; alterum, quæ naturales essent, nec tamen necessariae; tertium, quæ nec naturales, nec necessariae. quarum ea ratio

tio

tio est, ut necessaria nec opera multa, nec impensa expleantur. ne naturales quidem multa desiderant: propterea quod ipsa natura diuitias, quibus contenta est, & parabiles, & terminatas habet. inanium autem cupiditatum nec modus ullus, nec finis inueniri potest. Quod si uitam omnem uideamus perturbari errore, & inscitia, sapientiamq. esse solam, quæ nos a libidinum impetu, & formidinum terrore uindictet, & ipsius fortunæ modice ferre doceat iniurias, et omnes monstret uias, quæ ad quietem, & tranquillitatem ferant: quid est, cur dubitemus dicere, & sapientiam propter uoluptatem expetendam, & insipientiam propter molestias esse fugiendam? Eademq. ratione ne temperantiam quidem propter se expetendam esse dicemus, sed quia pacem animis afferat, & eos quasi concordia quadam placet, ac leniat. temperantia est enim, quæ in rebus aut expetendis, aut fugiendis, rationem ut sequamur, monet. nec enim satis est iudicare, quid faciendum, non faciendum ue sit; sed stare etiam oportet in eo, quod sit iudicatum. plerique autem, quod tenere, atque seruare id, quod statuerunt, non possunt; uicti, & debilitati, obiecta specie uoluptatis, tradunt se libidinibus constringendos, nec, quid prouenturum sit, prouident; ob eamq. causam propter uoluptatem & paruam, & non necessariam, & quæ uel aliter pararetur, & qua etiam carere possent sine dolore, tum in morbos graues, tum in damna, tum in dedecora incur-

D E F I N I B V S

currunt ; sæpe etiam legum , iudiciorumq̃. pœnis obligantur . qui autem ita frui uolunt uoluptatibus , ut nulli propter eas dolores consequantur ; & qui suum iudicium retinent , ne uoluptate uicti faciant id , quod sentiunt non esse faciendum : hi uoluptatem maximâ adipiscuntur prætermittenda uoluptate : ijdem etiam dolorem sæpe perpetiuntur , ne , si id non faciant , incidant in maiorem . Ex quo intelligitur , nec intemperantiam propter se fugiendam esse , temperantiamq̃. expetendam , non quia uoluptates fugiat , sed quia maiores consequatur . Eadem fortitudinis ratio reperietur . nam neque laborum perfunctio , neque perpeffio dolorum per se ipsa allicit , nec patientia , nec assiduitas , nec uigilia , nec ea ipsa , quæ laudatur , industria , ne fortitudo quidem : sed ista sequimur , ut sine cura , metuq̃. uiuamus , animumq̃. , & corpus , quantum efficere possimus , molestia liberemus . ut enim mortis metu omnis quietæ uitæ status perturbatur ; & ut , succumbere doloribus , eosq̃. humili animo , imbecilloq̃. ferre , miserum est ; ob eamq̃. debilitatem animi , multi parentes , multi amicos , non nulli patriam , plerique autem se ipsos penitus perdiderunt : sic robustus animus , & excelsus omni est liber cura , & angore ; cum & mortem contemnit ; qua qui affecti sunt , in eadem caussa sunt , qua ante quam nati ; & ad dolores ita paratus est , ut meminerit maximos morte finire , paruos multa habere interualla quietis , mediocrium nos esse dominos ; ut , si tolera-

tolerabiles sint, feramus; sin minus, æquo animo
e uita, cum ea nō placeat, tanquam e theatro exea-
mus. Quibus rebus intelligitur, nec timiditatem,
ignauiamq. uituperari, nec fortitudinem patienti-
amq. laudari suo nomine; sed illas reijci, quia do-
lorem pariant; has optari, quia uoluptatem. Iu-
stitia restat, ut de omni uirtute sit dictum. sed simi-
lia fere dici possunt. ut enim sapientiam, tempe-
ratiā, fortitudinem copulatas esse docui cum uolu-
ptate, ut ab ea nullo modo nec diuelli, nec distrabi
possint: sic de iustitia iudicandum est: quæ non mo-
do nunquam nocet cuiquam, sed contra semper alit
aliquid tum ui sua, atque natura, quod tranquillet
animos; tum spe, nihil earum rerum defuturum,
quas natura deprauata desiderat. quemadmodum
temeritas, & libido, & ignauia semper animum
excruciant, & semper sollicitant, turbulentæq.
sunt: sic, cuius in mente confedit, hoc ipso, quod
* adest, turbulenta non potest fieri: & si uero moli-
ta quippiam est, quamuis occulte fecerit, nunquam
tamen confidet id fore semper occultum. plerunque
improborum facta primo suspitio insequitur, dein-
de sermo, atque fama, tum accusator, tum iudex.
multi etiam, ut te consule, ipsi se indicauerunt.
quod si qui satis opibus hominum sibi contra con-
scientiam septi esse, & muniti uidentur; deorum
tamen numen horrent; easq. ipsas sollicitudines,
quibus eorum animi noctes atque dies exeduntur, a
dijs immortalibus supplicij causa importari putant.
quæ

D E F I N I B V S

quæ autem tanta ex improbis factis ad minuendas
uitæ molestias accessio fieri potest, quanta ad au-
gendas tum consciëntia factorum, tum pœna legum,
odioq. ciuium? & tamen in quibusdam neque pecu-
niæ modus est, neque honoris, neque imperij, nec
libidinum, nec epularum, nec reliquarum cupidi-
tatum: quas nulla præda unquam improbe parta mi-
nuit, sed auget potius, atque inflamat: ut coer-
cendi magis, quàm dedocendi esse uideantur. Inui-
tat igitur uera ratio bene sanos ad iustitiam, æqui-
tatem, fidem: neque homini infanti, atque impo-
tenti iniuste facta conducunt; qui nec facile efficere
possit, quod conetur; nec obtinere, si effecerit: &
opes uel fortuna, uel ingenij liberalitati magis con-
ueniunt; qua qui utuntur, beneuolentiam sibi con-
ciliant, & quod aptissimum est ad quiete uiuen-
dum, caritatem, præsertim cum omnino nulla sit
caussa peccandi. quæ enim cupiditates a natura pro-
ficiscuntur, facile explentur sine ulla iniuria: quæ
autem inanes sunt, his parendum non est: nihil e-
nim desiderabile concupiscunt; plusq. in ipsa iniu-
ria detrimenti est, quàm in ijs rebus emolumenti,
quæ iniuria pariuntur. itaque ne iustitiam quidem
recte quis dixerit per se ipsam optabilem, sed quia
iucunditatis uel plurimum afferat. nam, diligere, &
carum esse, iucundum est, propterea quia tutiorem
uitam, & uoluptatum efficit plenior. itaque nõ
ob ea solum incommoda, quæ eueniunt improbis,
fugiendam improbitatē putamus, sed multo etiam
ma-

magis, quòd, cuius in animo uersatur, nunquam
sinit eum respirare, nunquam acquiescere. Quòd si
ne ipsarum quidem uirtutum laus, in qua maxime
ceterorum philosophorum exultat oratio, reperire
potest exitum, nisi dirigatur ad uoluptatem; uolu-
ptas autem est sola, quæ nos uocet ad se, & alliciat
suapte natura: non potest esse dubium, quin id sit
summum, atque extremum bonorum omnium, bea-
teq. uiuere nihil aliud sit, nisi cum uoluptate uiue-
re. Huic certæ & stabiliq. sententiæ quæ sint coniun-
cta, explicabo breui. Nullus in ipsis error est fini-
bus bonorum, et malorum, id est in uoluptate, aut
in dolore: sed in his rebus peccant, cum, e quibus
hæc efficiantur, ignorant. animi autem uoluptates,
& dolores nasci fatemur e corporis uoluptatibus,
& doloribus. itaque concedo, quod modo dicebas,
cadere caussa, si qui nostris aliter existiment: quos
quidem uideo esse multos, sed imperitos. quanquã
autem & letitiam nobis uoluptas animi, & mole-
stiam dolor afferat: eorum tamen utrunque & or-
tum esse e corpore, et ad corpus referri, nec ob eam
causam non multo maiores esse & uoluptates, &
dolores animi, quàm corporis. nam corpore nihil,
nisi præsens, & quod adest, sentire possumus: ani-
mo autem & præterita, & futura. ut enim æque
doleamus animo, cum corpore doleamus: fieri ta-
men permagna accessio potest, si aliquod æternum,
& infinitum impendere malum nobis opinemur.
quod idem licet transferre in uoluptatem, ut ea ma-

ior

D E F I N I B V S

ior sit, si nihil tale metuamus. Iam, illud quidem perspicuum est, maximam animi aut uoluptatem, aut molestiam plus aut ad beatam, aut ad miseram uitam asferre momenti, quàm eorum utrumuis, si æque diu sit in corpore. non placet autem, detracta uoluptate, ægritudinem statim consequi, nisi in uoluptatis locum dolor forte successerit: at contra, gaudere nosmet omittendis doloribus, etiam si uoluptas ea, quæ sensum moueat, nulla successerit. eo intelligi potest, quanta uoluptas, non dolere, sit. sed ut ijs bonis erigimur, quæ expectamus: sic lætatur ijs, quæ recordamur. stulti autem malorum memoria torquentur: sapientes bona præterita, grata recordatione renouata, delectant. est autem situm in nobis, ut & aduersa quasi perpetua oblivione obruamus, & secunda iucunde ac suauiter meminerimus. sed cum ea, quæ præterierunt, acriter animo & attento intuemur, tunc fit, ut ægritudo sequatur, si illa mala sint; lætitia, si bona. O præclaram beate uiuendi, & apertam, & simplicem, & directam uiam. cum enim certe nihil homini possit melius esse, quàm uacare omni dolore, & molestia, perfruiq. maximis & animi, & corporis uoluptatibus: uidetis ne, quàm nihil prætermittatur, quod uitam adiunget, quo facilius id, quod propositum est, summum bonum consequamur? Clamat Epicurus, is, quem uos nimis uoluptatibus esse deditum dicitis, non posse iucunde uiui, nisi sapienter, honeste, iusteq. uiuatur; nec sapienter, ho-

honeste, iuste, nisi iucunde. neque enim ciuitas in
seditione beata esse potest, nec in discordia domino-
rum domus. quo minus animus a se ipse dissidens,
secumq. discordans gustare partem ullam liquidæ
uoluptatis & liberæ potest. atqui pugnantibus &
contrarijs studijs, consilijsq. semper utens, nihil
quieti uidere, nihil tranquilli potest. quod si corpo-
ris grauioribus morbis uitæ iucunditas impeditur:
quanto magis animi morbis impediri necesse est? a-
nimi autem morbi sunt cupiditates immensæ, &
inanes, diuitiarum, gloriæ, dominationis, libidi-
nosarum etiam uoluptatum. accedunt ægritudines,
molestiæ, mærores, qui animos exedunt conficiunq.
curis hominum non intelligentium, nihil dolendum
esse animo, quod sit a dolore corporis præsentis,
futuro ue seiunctum. nec uero quisquam stultus
non horum morborum aliquo laborat. nemo igitur
est non miser. Accedit etiam mors; quæ quasi sa-
xum Tantalos semper impendit: tum superstitio;
qua qui est imbutus, quietus esse nunquam potest.
præterea bona præterita non meminerunt, præsen-
tibus non fruuntur, futura modo expectant: quæ
quia certa esse non possunt, conficiuntur & ango-
re, & metu; maximeq. cruciantur, cum sero sen-
tiunt, frustra se aut pecuniæ studuisse, aut impe-
rijs, aut opibus, aut gloriæ. nullas enim consequun-
tur uoluptates; quarum potiendi spe inflammati,
multos labores, magnosq. susceperant. Ecce alij
minuti, & angusti, aut omnia semper desperan-
tes,

DE FINIBVS

tes, aut maleuoli, inuidi, difficiles, lucifugi, maledici, monstrosi, alij autem etiam amatorijs leuitatibus dediti, alij petulantes, alij audaces, proterui, ijdem intemperantes, & ignaui, nunquam in sententia permanentes. quas ob caussas in eorum uita nulla est intercapedo molestiae. Igitur neque stultorum quisquam beatus, neque sapientum non beatus. multoq. hoc melius nos, ueriusq., quam Stoici. Illi enim negant bonum quidquam esse, nisi nescio quam illam umbram, quod appellant honestum, non tam solido, quam splendido nomine: uirtutem autem, nixam hoc honesto, nullam requirere uoluptatem, atque ad beate uiuendum se ipsa esse contentam. Sed possunt haec quadam ratione dici, non modo non repugnantibus, uerum etiam approbantibus nobis. sic enim ab Epicuro sapiens beatus semper inducitur: finitas habet cupiditates: negligit mortem: de dijs immortalibus sine ullo metu uera sentit: non dubitat, si ita melius sit, de uita migrare: his rebus instructus semper in uoluptate est: neque enim tempus est ullum, quo non plus habeat uoluptatum, quam dolorum. nam & praeterita grate meminit; & praesentibus ita potitur, ut animaduertat, quanta sint ea, quamq. incunda; neque pendet ex futuris, sed expectat illa, fruitur praesentibus; ab ijsq. uitijs, quae paullo ante collegi, abest plurimum; & cum stultorum uitam cum sua comparat, magna afficitur uoluptate: dolores autem, si qui incurrunt, nunquam

uim

nim tantam habent, ut non plus habeat sapiens, quod gaudeat, quàm quod angatur. Optime uero Epicurus, quòd exiguam dicit fortunam interuenire sapienti, maximasq. ab eo, & grauissimas res consilio ipsius, & ratione administrari, nec maiorem uoluptatem ex infinito tempore ætatis percipi posse, quàm ex hoc percipiatur, quod uideamus esse finitum. In dialēctica autem uestra nullam uim existimauit esse nec ad melius uiuendum, nec ad commodius differendum. In phisicis quidem, cum plurimum possint, ea scientia, & uerborum uis, & natura orationis, et consequentium, repugnantium ue ratio potest perspicere. omnium autem rerum natura cognita, leuamur superstitione, liberamur mortis metu, non conturbamur ignoratione rerum; e qua ipsa horribiles existunt sæpe formidines: denique etiam morati melius erimus, cum didicerimus, quæ natura desideret: tum uero, si stabilem scientiam rerum tenebimus; seruata illa, quæ quasi delapsa de cælo est ad cognitionem omnium, regula, ad quam omnia iudicia rerum dirigentur, nunquam ullius oratione uicti sententia desistemus. nisi autem rerum natura perspecta erit, nullo modo poterimus sensuum iudicia defendere. quidquid porro animo cernimus, id omne oritur a sensibus. qui si omnes ueri erunt, ut Epicuri ratio docet: tum denique poterit aliquid cognosci, & percipi. quos qui tollunt, & nihil posse percipi dicunt; ij, remotis sensibus, ne id ipsum quidem expedire possunt,

k 2 quod

D E F I N I B V S

quod differunt. præterea, sublata cognitione, & scientia, tollitur omnis ratio & uitæ degendæ, & rerum gerendarum. Sic e physicis & fortitudo sumitur contra mortis timorem, & constantia contra metum religionis, et sedatio animi, omnium rerum occultarum ignoratione sublata; et moderatio, natura cupiditatum, generibusq. earum explicatis; & , ut modo docui, cognitionis regula, & iudicio ab eadem illa constituto, ueri a falso distinctio traditur. Restat locus huic disputationi uel maxime necessarius, de amicitia: quam, si uoluptas summum sit bonum, affirmatis nullam omnino fore. de qua Epicurus quidem ita dicit: omnium rerum, quas ad beate uiuendum sapientia comparauerit, nihil esse maius amicitia, nihil uberius, nihil iucundius. neque uero hoc oratione solum, sed multo magis uita, et factis, et moribus comprobauit. quod quàm magnum sit, fictæ ueterum fabulæ declarant. in quibus tam multis, tamq. uarijs, ab ultima antiquitate repetitis, tria uix amicorum paria reperiuntur; ut ad Orestem peruenias, profectus a Theseo. at uero Epicurus una in domo, et ea quidem angusta, quàm magnos, quantaq. amoris conspiratione consentientes tenuit amicorum greges? quod fit etiam nunc ab Epicureis. Sed ad rem redeamus: de omnibus dici non necesse est. Tribus igitur modis uideo esse a nostris de amicitia disputatum. Alij, cum eas uoluptates, quæ ad amicos pertinerent, negarent esse per se ipsas tam expetendas, quàm

quàm nostras expeteremus ; quo loco uidetur quibusdam stabilitas amicitiae uacillare ; tuentur tamen eum locum , seq. facile , ut mihi uidetur , expediunt . ut enim uirtutes , de quibus ante dictum est , sic amicitiam negant a uoluptate posse discedere . nam cum solitudo , & uita sine amicis , insidiarum , & metus plena sit ; ratio ipsa monet amicitias comparare : quibus partis , confirmatur animus , & a spe pariendarum uoluptatum seiungi non potest . atque ut odia , inuidiae , despicationes aduersantur uoluptatibus : sic amicitiae non modo faultrices fidelissimae , sed etiam effectrices sunt uoluptatum tam amicis , quàm sibi : quibus non solum praesentibus fruuntur , sed etiam spe eriguntur consequentis , ac posteritatis . quod quia nullo modo sine amicitia firmam , & perpetuam iucunditatem uitae tenere possumus ; neque uero ipsam amicitiam tueri , nisi aequae amicos , & nosmet ipsos diligamus : ideo & hoc ipsum efficitur in amicitia ; & amicitia cum uoluptate connectitur . nam et laetamur amicorum letitia aequae , ac nostra ; & pariter dolemus angoribus . quocirca eodem modo sapiens erit affectus erga amicum , quo in se ipsum ; quosque labores propter suam uoluptatem susceperit , eosdem suscipiet propter amici uoluptatem . quaeque de uirtutibus dicta sunt , quemadmodum haec semper uoluptatibus inhaerent ; eadem de amicitia dicenda sunt . praclare enim Epicurus his pene uerbis . Eadem , inquit , scientia confirmauit animum , ne quod

D E F I N I B V S

aut sempiternum, aut diuturnum timeret malum; quæ perpexit, in hoc ipso uitæ spatio amicitiae præsidium esse firmissimum. Sunt autem quidam Epicurei timidiores paullo contra uestra conuicia, sed tamen satis acuti; qui uerentur, ne, si amicitiam propter nostram uoluptatem expetendam putemus, tota amicitia quasi claudicare uideatur: itaque primos congressus, copulationesq. consuetudinum, instituendarum amicitiarum, fieri propter uoluptates: cum autem usus progrediens familiaritatem effecerit, tum amorem efflorescere tandem; ut, etiam si nulla sit utilitas ex amicitia, tamen ipsi amici propter se ipsos amentur. etenim, si loca, si fana, si urbes, si gymnasia, si campum, si canes, si equos, si ludicra, exercendi, aut uenandi consuetudine, adamare solemus: quanto id in hominum consuetudine facilius fieri poterit, & iustius? Sunt autem, qui dicunt, fœdus quoddam esse sapientum, ut ne minus amicos, quam se ipsos, diligant. quod & fieri posse intelligimus: et sæpe id uidemus: et perspicuum est, nihil ad iucunde uiuendum reperiri posse, quod coniunctione tali sit aptius. Quibus ex omnibus iudicari potest, non modo non impediri rationem amicitiae, si summum bonum in uoluptate ponatur; sed sine hoc institutionem amicitiae omnino non posse reperiri. Quapropter, si ea, quæ dixi, sole ipso illustriora, & clariora sunt; si omnia dixi hausta e fonte naturæ; si tota oratio nostra omnem sibi fidem sensibus confirmat, idest incorru-

corruptis, atque integris testibus; si infantes pueri, si mutæ etiam bestię pane loquuntur, magistra, ac duce natura, nihil esse prosperum, nisi uoluptatem, nihil asperum, nisi dolorem; de quibus neque deprauata iudicant, neque corrupte: non ne ei maximam gratiam habere debemus, qui, exaudita quasi uoce naturæ, sic eam firme grauiterq. comprehenderit, ut omnes bene sanos in uiam placatæ, tranquillæ, quietæ, beatæ uitæ deduceret? Qui quod tibi parum uidetur eruditus, ea caussa est, quod nullam eruditionem esse duxit, nisi quæ beatæ uitæ disciplinam iuuaret. an ille tempus aut in poetis euoluendis, ut ego, & Triarius, te hortatore, fecimus, consumeret; in quibus nulla solida utilitas, omnisq. puerilis delectatio: aut se, ut Plato, in musicis, geometria, numeris, astris conterreret? quæ &, a falsis initijs profecta, uera esse non possunt; &, si essent uera, nihil afferrent, quo iucundius, id est, quo melius uiueremus. eas ergo artes persequeretur; uiuendi artem tantam, tamq. operosam, & perinde fructuosam, relinqueret? non ergo Epicurus ineruditus, sed ij indocti, qui, quæ pueros non didicisse turpe est, ea putent usque ad senectutem esse discenda. Quæ cum dixisset, explicauit, inquit, sententiam meam, et eo quidem consilio, tuum iudicium ut cognoscerem. quæ mihi facultas, ut id meo arbitrato facerem, ante hoc tempus nunquam est data.

M. TVLLII CICERONIS
DE FINIBVS BONORVM
ET MALORVM LIBER II.

HIC CVM uterque me intueretur,
seſeq. ad audiendum ſignificarent para-
tos; primum, inquam, deprecor, ne
me, tanquam philoſophum, putetis
ſcholam uobis aliquam explicaturum: quod ne in ip-
ſis quidem philoſophis magnopere unquam proba-
ui. quando enim Socrates, qui parens philoſophiæ
iure dici poteſt, quidquam tale fecit? eorum erat
iſte mos, qui tum ſophiſtæ nominabantur: quorum
e numero primus eſt auſus Leontinus Gorgias in cõ-
uentu poſcere quæſtionem, id eſt iubere dicere, qua
de re quis uellet audire. audax negotium: dicerem,
impudens, niſi hoc inſtitutum poſtea translatum ad
philoſophos noſtros eſſet. ſed & illum, quem nomi-
naui, & ceteros ſophiſtas, ut e Platone intelligi po-
teſt, luſos uidemus a Socrate. is enim percunãtan-
do, atque interrogando elicere ſolebat eorum opi-
niones, quibuſcum diſſerebat; ut ad ea, quæ ij re-
ſpondiſſent, ſi quid uideretur, diceret. qui mos cum
a poſterioribus non eſſet retentus, Arceſilas eum
reuocauit, inſtituitq., ut ij, qui ſe audire uellent,
non de ſe quærerent, ſed ipſi dicerent, quid ſenti-
rent. quod cum dixiſſent, ille contra. ſed qui audie-
bant, quoad poterant defendebant ſententiam ſuã:
apud ceteros autem philoſophos, qui quæſiuit ali-
quid,

quid, tacet. quod quidem iam fit etiam in *Academia*. ubi enim is, qui audire uult, ita dixit; uoluptas mihi uidetur esse summum bonum: perpetua oratione contra disputatur: ut facile intelligi possit, eos, qui aliquid sibi uideri dicant, non ipsos in ea sententia esse, sed audire uelle contraria. Nos commodius agimus. non enim solum *Torquatus* dixit, quid sentiret, sed etiam cur. ego autem arbitror, quanquam admodum delectatus sum eius oratione perpetua, tamen commodius, cum in rebus singulis insistas, & intelligas quid quisque concedat, quid abnuat, ex rebus concessis concludi quid uelis, & ad exitum perueniri. cum enim fertur quasi torrens oratio; quamuis multa cuiusque modi rapiat; nihil tamen teneas, nihil apprehendas, nusquam orationem rapidam coerceas. omnis autem in quaerendo, quæ uia quadam, & ratione habetur, oratio præscribere primum debet, ut quibusdam in formulis ea res agatur, ut, inter quos differitur, conueniat quid sit id, de quo differatur. hoc positum in *Phædro* a *Platone* probauit *Epicurus*, sensitq. in omni disputatione fieri oportere: sed, quod proximum fuit, non uidit: negat enim definiri rem place-re: sine quo fieri interdum non potest, ut inter eos, qui ambigunt, conueniat, quid sit id, de quo agatur: uelut in hoc ipso, de quo nunc disputamus. quaerimus enim finem bonorum: possumus ne scire, hoc quale sit, nisi contulerimus inter nos, cum finem bonorum dixerimus, quid finis, quid etiam sit ipsum bon-

D E F I N I T I O N E S

bonum? atqui hæc patefactio quasi rerum aperta-
rum, cum, quid quidque sit, aperitur, definitio
est: quæ tu etiam imprudens utebare nõ nunquam:
nam hunc ipsum siue finem, siue extremum, siue
ultimum, definiebas, id esse, quò omnia, quæ recte
fierent, referrentur, neque id ipsum usquam refer-
retur. præclare hoc quidem. bonum ipsum etiam
quid esset, fortasse, si opus fuisset, definisses; aut
quod esset natura appetendum; aut quod prodesset;
aut quod iuaret; aut quod liberet. modo idem, nisi
molestum est; quoniam tibi non omnino displicet de-
finire, & id facis cum uis; uelim defines, quid sit
uoluptas; de quo omnis hæc quæstio est. Quasi
quis, inquit, sit, qui, quid sit uoluptas, nesciat,
aut qui, quo magis id intelligat, definitionem ali-
quam desideret. Me ipsum esse dicerem, inquam,
nisi mihi uiderer habere bene cognitam uoluptatē,
& satis firme conceptam animo, atque comprehen-
sam. nunc autem dico ipsum Epicurum nescire, &
in eo nutare, eumq̃., qui crebro dicat, diligenter
oportere exprimi, quæ uis subiecta sit uocibus, non
intelligere interdum, quid sonet hæc uox uolupta-
tis, id est, quæ res huic uoci subijciatur. Tunc ille
ridens, hoc uero, inquit, optimum, ut is, qui fi-
nem rerum expetendarum uoluptatem esse dicat, id
extremum, id ultimum bonorum, id ipsum quid
sit, quale sit, nesciat. Atqui, inquam, aut Epi-
curus, quid sit uoluptas, aut omnes mortales, qui
ubique sunt, nesciunt. Quoniam, inquit, mo-
do?

do? Quia uoluptatem hanc esse sentiunt omnes, quam sensus accipiens mouetur, et iucunditate quadam perfunditur. Quid ergo, inquit, istam uoluptatem Epicurus ignorat? Non semper, inquam. nam interdum nimis etiam nouit, quippe qui testificetur ne intelligere quidem se posse, ubi sit, aut quid sit ullum bonum, præter illud, quod cibo, aut potione, & aurium delectatione, & obscena uoluptate capiatur. an hæc ab eo non dicuntur? Quasi me pudeat, inquit, istorum; aut non possim, quemadmodum ea dicantur, ostendere. Ego uero non dubito, inquam, quin facile possis: nec est, quod te pudeat sapienti assentiri, qui se uerus, quod sciam, sapientem profiteri sit ausus. nam Metrodorum non putant ipsum professum, sed, cum appellaretur ab Epicuro, repudiare tantum beneficium noluisse. septem autem illi, non suo, sed populi omnium suffragio nominati sunt. Verum hoc loco sumo, uerbis his eandem certe uim uoluptatis Epicurum nosse, quam ceteros. omnes enim iucundum motum, quo sensus hilarentur, græce ἡδονήν, latine uoluptatem uocant. Quid est igitur, inquit, quod requiras? Dicam, inquam, & quidem discendi causa magis, quam quo te, aut Epicurum reprehensum uelim. Ego quoque, inquit, didicerim libentius, si quid attuleris, quam te reprehenderim. Tenes ne igitur, inquam, Hieronymus Rhodius quod dicat esse summum bonum, quod putet omnia referri oportere? Teneo, inquit, finem

DE FINIBVS

nem illi uideri, nihil dolere. Quid? idem iste de uoluptate quid sentit? Negat esse eam, inquit, propter se ipsam expetendam. Aliud igitur esse censet, gaudere; aliud, non dolere. Et quidem, inquit, uehementer errat. nam, ut paullo ante docui, augenda uoluptatis finis est, doloris omnis amotio. Tum, non dolere, inquam, istud quam uim habeat, postea uidero: aliam uero uim uoluptatis esse, aliam nihil dolendi, nisi ualde pertinax fueris, concedas necesse est. Atqui reperiēs, inquit, in hoc quidem pertinacem. dici enim nihil potest uerius. Est ne, quæso, inquam, sitienti in bibendo uoluptas? Quis istud, inquit, posset negare? Eadem ne, inquam, quæ restincta siti? Immo alio genere. nam restincta sitis stabilitatem uoluptatis habet, inquit: illa autem uoluptas ipsius restinctionis, in motu est. Cur igitur, inquam, res tam dissimiles eodem nomine appellas? Quid paullo ante, inquit, dixerim, non ne meministi? cum omnis dolor detractus esset, uariari, non augeri uoluptatem. Memini uero, inquam: sed tu istud dixisti bene latine, parum plane. uarietas enim latinum uerbum est, idq. proprie quidem in disparibus coloribus dicitur, sed transfertur in multa disparia. uarium poema, uaria oratio, uarij mores, uaria fortuna, uoluptas uaria etiam dici solet, cum percipitur ex multis dissimilibus rebus, dissimiles efficientibus uoluptates. eam si uarietate dicerēs, intelligerem, ut, etiam non dicente te, intelligo: ista

ista uarietas quæ sit, non satis perspicio; quòd ais; cum dolore careamus, tum in summa uoluptate nos esse; cum autem uescamur ijs rebus, quæ dulcem motum afferant sensibus, tum esse in motu uoluptatem, quæ faciat uarietatem uoluptatum, sed non augeri illam non dolendi uoluptatem. quam cur uoluptatem appelles, nescio. An potest, inquit ille, quidquam esse suauius, quàm nihil dolere?

Immo sit sane nihil melius, inquam: nondum enim id quæro: num propterea idem uoluptas est, quod, ut ita dicam, indolentia? Plane idem, inquit, et maxima quidem, qua fieri nulla maior potest.

Quid dubitas igitur, inquam, summo bono a te ita constituto, ut id totum in non dolendo sit, id tenere unum, id tueri, id defendere? quid enim necesse est, tanquam meretricem in matronarum cœtum, sic uoluptatem in uirtutum concilium adducere? sed inuidiosum nomen est, & infamiae subiectum. itaque hoc frequenter dici solet a uobis, non intelligere nos, quam dicat Epicurus uoluptatem. quod qui dem mihi si quando dictum est; (est autem dictum non parum sæpe) etsi satis clemens sum in disputando, tamen interdum soleo subirasce. ego ne non intelligo, quid sit ἡδονή græce, latine uoluptas? utram tandem linguam nescio? deinde, qui sit, ut ego nesciam, sciant omnes, quicunque Epicurei esse uoluerunt? quod uestri quidem uel optime disputant; nihil opus esse eum, qui philosophus futurus sit, scire litteras, itaque ut maiores nostri ab aratro abdu-

xerunt

D E F I N I T I O N E S

xerunt Cincinnatum illum, ut dictator esset: sic uos
de Pelasgis omnibus colligitis bonos illos quidem ui-
ros, sed certe non pereruditos. ergo illi intelligunt,
quid Epicurus dicat, ego non intelligo? ut scias me
intelligere, primum, idem esse uoluptatem, dico,
quod ille ἡδονήν. et quidem sæpe quærimus uerbum
latinum par græco, & quod idem ualeat: hic nihil
fuit, quod quæreremus. nullum inueniri potest,
quod magis idem declaret latine, quod græce, quàm
declarat uoluptas. huic uerbo omnes, qui ubique
sunt, qui latine sciunt, duas res subiiciunt, lætitiã
in animo, commotionem suauem iucunditatis in cor-
pore. nam & ille apud Trabeam, uoluptatem ani-
mi nimiam, lætitiã dicit, eandem, quam ille Cæ-
cilianus, qui omnibus lætitijs lætum esse se narrat.
sed hoc interest, quòd uoluptas dicitur etiã in animo
uitiosa res, ut Stoici putant, qui eam sic definiunt,
sublationem animi sine ratione, opinantis se magno
bono frui; non dicitur lætitiã, nec gaudium in cor-
pore. in eo autem uoluptas omnium latine loquen-
tium more ponitur, cum percipitur ea, quæ sensum
aliquem moueat, iucunditas. hanc quoque iucun-
ditatem, si uis, transfer in animum: iuuare enim
in utroque dicitur, ex eoq. iucundum: modo intelli-
gas, inter illum, qui dicat,

-Tanta lætitiã auctu' sum,
Ut mihi non constem;
& eum, qui,
Nunc demum mihi animus ardet;

quo-

quorum alter letitia gessiat, alter dolore crucietur;
esse illum medium.

Quāquam hæc inter nos nupera notitia admodū est,
qui nec letetur, nec angatur: itemq. inter eum,
qui potiatur expetitis corporis uoluptatibus, &
eum, qui crucietur summis doloribus, esse eum, qui
utroque careat. Satis ne igitur uideor uim uerbo-
rum tenere, an sum etiam nunc uel græce loqui, uel
latine docendus? et tamen uide, ne, si ego non in-
telligam quid Epicurus loquatur, cum græce, ut ui-
deor, luculenter sciam, sit aliqua culpa eius, qui
ita loquatur, ut non intelligatur. quod duobus mo-
dis sine reprehensione fit: si aut de industria facias,
ut Heraclitus, cognomento qui σκοτεινὸς perhibe-
tur, quia de natura nimis obscure memorauit: aut
cum rerum obscuritas, non uerborum, facit, ut
non intelligatur oratio: qualis est in Timæo Plato-
nis. Epicurus autem, ut opinor, nec non uult, si pos-
sit, plane, & aperte loqui; nec de re obscura, ut
physici, aut artificiosa, ut mathematici, sed de il-
lustri, & facili, et iam in uulgus peruagata, loqui-
tur. quanquam non negatis nos intelligere, quid sit
uoluptas, sed quid ille dicat. e quo efficitur, non ut
nos non intelligamus, quæ uis sit istius uerbi; sed ut
ille suo more loquatur, nostrum negligat. si enim
idem dicat, quod Hieronymus, qui censet summum
bonum esse, sine ulla molestia uiuere: cur mauult
dicere uoluptatem, quàm uacuitatem doloris? ut
ille facit; qui quid dicat, intelligitur. sin autem uo-
luptatem

D E F I N I B V S

luptatem putat : dicat adiungendam ad illam , quæ in motu sit , (sic enim appellat hanc dulcem in motu) illam nihil dolentis in stabilitate : quid tendit , cum efficere non possit , ut cuiquam , qui ipse notus sibi sit , hoc est qui suam naturam , sensumq. perspexerit , uacuitas doloris , & uoluptas idem esse uideatur ? hoc est uim afferre , Torquate , sensibus , extorquere ex animis cognitiones uerborum , quibus imbuti sumus . quis enim est , qui non uideat hæc esse in natura rerum tria ? unum , cum in uoluptate sumus : alterum , cum in dolore : tertium hoc quidem , in quo nunc sumus . credo quidem uos nec in dolore , nec in uoluptate esse : cum in uoluptate sint , qui epulentur ; in dolore , qui torqueantur . tu autem inter hæc tantam multitudinem hominum interiectam non uides nec lætantium , nec dolentium ? Non prorsus , inquit : omnesq. , qui sine dolore sint , in uoluptate , & ea quidem summa , esse dico . Ergo in eadem uoluptate eum , qui alteri misceat mulsum , ipse non sitiens ; & eum , qui illud sitiens bibat ? Tum ille , finem , inquit , interrogandi , si uidetur : quod quidem ego a principio ita me malle dixeram , hoc ipsum providens , dialecticas captiones . Rhetorice igitur , inquam , nos manis , quam dialectice , disputare ? Quasi uero , inquit , perpetua oratio rhetorum solum , non etiam philosophorum sit . Zenonis est , inquam , hoc Stoici , omnem uim loquendi , ut iam ante Aristoteles , in duas tributam esse partes : rhetoricam palme , diale-

dialecticam pugno similem esse dicebat, quod latius loquerentur rhetores, dialectici autem compressius. obsequar igitur uoluntati tuæ: dicamq., si potero, rhetorice, sed hac rhetorica philosophorum, non nostra illa forensi: quam necesse est, cum populariter loquamur, esse interdum paullo hebetiorem. Sed dum dialecticam, Torquate, contemnit Epicurus, quæ una continet omnem & perspicendi, quid in quaque re sit, scientiam, & iudicandi quale quidque sit, ac ratione, & uia disputandi; ruit in dicendo, ut mihi quidem uidetur, nec ea, quæ docet, uult ulla arte distingui: ut hæc ipsa, quæ modo loquebamur. Summum a uobis bonum uoluptas dicitur. aperiendum est igitur, quid sit uoluptas. aliter enim explicari, quod quæritur, non potest. quam si explicauisset, non tam hæsitaret. aut enim eā uoluptatem tueretur, quā Aristippus, id est quæ sensus dulciter ac iucunde mouetur, quam etiā pecudes, si loqui possent, appellarent uoluptatem: aut, si magis placeret suo more loqui, quàm ut Omnes Danai, aut Mycenenses, Attica pubes, reliquiq. Græci, qui hoc anapaesto citantur; hoc, non dolere, solum uoluptatis nomine appellaret, illud Aristippeum contemneret: aut, si utrumque probaret, ut probat, coniungeret doloris uacuitatem cum uoluptate, & duobus ultimis uteretur. multi enim & magni philosophi hæc ultima bonorum iuncta fecerunt, ut Aristoteles, qui uirtutis usum cum uitæ perfectæ prosperitate con-

l. iun-

D E F I N I B V S

iunxit. Callipho adiunxit ad honestatem uoluptatem. Diodorus ad eandem honestatem addidit uacuitatem doloris. idem fecisset Epicurus, si sententiam hanc, quæ nunc Hieronymi est, coniunxisset cum Aristippi uetere sententia. illi enim inter se dissentiunt: propterea singulis finibus utuntur: et cum uterque grace egregie loquatur; nec Aristippus, qui uoluptatem summum bonum dicit, in uoluptate ponit non dolere; neque Hieronymus, qui summum bonum statuit non dolere, uoluptatis nomine unquam utitur pro illa indolentia; quippe qui ne in expetendis quidē rebus numeret uoluptatem. duæ sunt enim res quoque: ne tu uerba solum putes. unum est, sine dolore esse: alterum, cum uoluptate. uos ex his tam dissimilibus rebus non modo nomen unum, (nam id facilius paterer) sed etiam rem unam ex duabus facere conamini. quod fieri nullo modo potest: hic, qui utranque probat, ambobus debuit uti, sicut facit, neque tamen diuidit uerbis. cum enim ipsam eam uoluptatem, quam eodem nomine omnes appellamus, laudat locis plurimis, audet dicere, ne suspicari quidem se ullum bonum seiunctum ab illo Aristippeo genere uoluptatis. atque ibi hoc dicit, ubi omnis eius est oratio de summo bono. in alio uero libro, ubi, breuiter comprehensis grauissimis sententijs, quasi oracula edidisse sapientiæ dicitur, scribit his uerbis: quæ nota tibi profecto, Torquate, sunt: quis enim uestrum non edidicit Epicuri *κρίας δόξας*, id est maxime ratas?

ratas? quia grauissima sint ad beate uiuendum bre-
uiter enuntiata sententia. animaduerte igitur, re-
cte ne hanc sententiam interpreter. Si ea, quae sunt
luxuriosis efficientia uoluptatum, liberarent eos
deorum, & mortis, & doloris metu, docerentq.
qui essent fines cupiditatum: nihil haberem, quod
reprehenderem; cum undique complerentur uolu-
ptatibus, nec haberent ulla ex parte aliquid aut do-
lens, aut ægrum, id est aut malum. Hoc loco se te-
nere Triarius non potuit: obsecro, inquit, Torqua-
te, hæc dicit Epicurus? Quod, mihi quidem uisus
est, cum sciret, uelle tamen contentem audire
Torquatium. At ille non pertimuit, saneq. fiden-
ter, istis quidem ipsis uerbis, inquit: sed, quid sen-
tiat, non uidetis. Si alia sentit, inquam, alia lo-
quitur: nunquam intelligam, quid sentiat: sed pla-
ne dicit, quod intelligam: idq. si ita dicit, non esse
reprehendendos luxuriosos, si sapientes sint, dicit
absurde. similiter & si dicat, non reprehendendos
paricidas, si nec cupidi sint, nec deos metuant,
nec mortem, nec dolorem. et tamen quid attinet
luxuriosis ullam exceptionem dare? aut fingere ali-
quos, qui, cum luxuriose uiuerent, a summo phi-
losopho non reprehenderentur eo nomine duntaxat,
cetera cauerent? sed tamen non ne reprehenderes,
Epicure, luxuriosos ob eam ipsam causam, quod
ita uiuerent, ut persequerentur cuiusque modi uo-
luptates? cum esset praesertim, ut aistu, summa
uoluptas, nihil dolere? atqui reperiemus aotos pri-

DE FINIBVS

num ita non religiosos, ut edant de patella; deinde ita mortem non timentes, ut illud in ore habeant ex Hymnide,

Mihi sex menses sati' sunt uitæ: septimum Orco spondeo.

Iam doloris medicamenta illa Epicurea tanquam de narthecio promant: si grauis, brevis: si longus, leuis. unum nescio, quo modo possit, si luxuriosus sit, finitas cupiditates habere. quid ergo attinet dicere, nihil haberem, quod reprehenderem, si finitas cupiditates haberent? hoc est dicere; non reprehenderem asotos, si non essent asoti. isto modo, ne improbos quidem, si essent boni uiri. Hic, homo seuerus luxuriam per se ipsam reprehendendam non putat: et hercule, Torquate, ut uerum loquamur, si uoluptas summum bonum est, rectissime non putat. nolim enim mihi fingere asotos, ut soletis, qui in mensam uomant; & qui de conuiujs auferantur, crudiq. postridie se rursus ingurgitent; qui solem, ut aiunt, nec occidentem unquam uiderint, nec orientem; qui, consumptis patrimonijs, egeant. nemo nostrum istius generis asotos iucunde putat uiuere. mundos, elegantes, optimis coquis, pistoribus, piscatu, aucupio, uenatione, his omnibus exquisitis, uitantes cruditatem, quibus Vinum diffusum e pleno siet ænophoro, ut ait Lucilius, cui

*Nil dempsit nix, & sacculus abstulerit:
adhibentes ludos, & quæ sequuntur illa; quibus detra-*

detraētis, clamat Epicurus se nescire quid sit bonum. adsint etiam formosi pueri, qui ministrent: *resplendeat his uestis, argentum, odrilitium, locus ipse, ædificium. hos ego aſotos bene quidem uiuere, at beate nunquam dixerim. ex quo efficitur, non ut uoluptas ne sit uoluptas, sed ut uoluptas non sit summū bonum. Nec ille, qui Diogenem Stoicum adolescens, post autem Panatium audierat, Lælius, eo dictus est sapiens, quod non intelligeret quid suauissimum esset, (nec enim sequitur, ut, cui cor sapiat, ei non sapiat palatus) sed quia parui id duceret. O lapathe, ut iactare necesse est, cognitu' cui sis. In quo Læliu' clamores sophos ille solebat Edere, compellans gumas ex ordine nostros. Læliu' præclare, & recte sophos, illudq. uere: O Publi Gurges Galloni, es homo miser, inquit: Cenasti in uita nunquam bene, cum omnia in ista Consumis squilla, atque acipensere cum decumano. is hæc loquitur, qui in uoluptate nihil ponens, negat eum bene cenare, qui omnia ponat in uoluptate: & tamen non negat libenter unquam cenasse Galloniū, (mentiretur enim) sed bene. ita grauitur, et seuerè uoluptatē secernit a bono. ex quo illud efficitur, qui bene cenent, omnes libenter cenare; qui libenter, non continuo bene. semper Lælius bene. – quid bene? dicet Lucilius, Cocto, Condito. sed cedo caput cenæ. – Sermone bono. quid ex eo? – Si quæri', libenter. ueniebat enim ad cenam, ut animo quieto satiaret desideria naturæ. recte ergo is ne-

DE FINIBVS

gat unquam bene cenasse Gallonium, recte miserum, cum praesertim in eo omne studium consumeret. quem libenter cenasse nemo negat. cur igitur non bene? quia, quod bene, id recte, frugaliter, honeste. ille porro male, praeue, nequiter, turpiter cenabat. non igitur nec lapathi suauitatem accipenser Gallonij Lelius anteponebat, sed suauitatem ipsam negligebat. quod non faceret, si in uoluptate summum bonum poneret. Semouenda est igitur uoluptas, non solum ut recta sequamini, sed etiam ut loqui deceat frugaliter. Possumus ne igitur in uita summum bonum dicere, cum id ne in cena quidem posse uideamur? Quo modo autem philosophus loquitur? tria genera cupiditatum, naturales, & necessarias; naturales, non necessarias; nec naturales, nec necessarias. primum diuisit ineleganter: duo enim genera quae erant, fecit tria. hoc est, non diuidere, sed frangere rem. qui si diceret, cupiditatum esse duo genera, naturales, & inanes; naturalium quoque item duo, necessarias, & non necessarias: confecta res esset. uitiosum est enim in diuidendo, partem in genere numerare. sed hoc sane concedamus: contemnit enim differendi elegantiam: confuse loquitur. gerendus est mos, modo recte sentiat. Et quidem illud ipsum non nimium probo; & tamen patior, philosophum loqui de cupiditatibus finiendis. an potest cupiditas finiri? tollenda est, atque extrahenda radicitus. quis est enim, in quo sit cupiditas, quin recte cupidus di-

ci

ci possit? ergo & avarus erit, sed finite: & adulter, uerum habebit modum: & luxuriosus eodem modo. qualis ista philosophia est, quæ non interitum afferat prauitatis, sed sit contenta mediocritate uiti-
tiorum? Quanquam in hac diuisione rem ipsam prorsus probo, elegantiam desidero. appellet hæc desideria naturæ; cupiditatis nomen seruet aliò; ut, cum de auaritia, cum de intemperantia, cum de maximis uitijs loquetur, eam tanquam capitis accuset. sed hæc quidem liberius ab eo dicuntur, & sapius. quod equidem non reprehendo. est enim tanti philosophi, tamq. nobilis, audacter sua decreta defendere. sed tamen ex eo, quòd eam uoluptatem, quam omnes gentes hoc nomine appellant, uidetur amplexari sæpe uehementius, in magnis interdum uersatur angustijs; ut, hominum conscientia remota, nihil tam turpe sit, quod uoluptatis causa non uideatur esse facturus. deinde ubi erubuit, (uis enim est permagna naturæ) confugit illuc, ut neget accedere quidquam posse ad uoluptatem nihil dolentis. at iste non dolendi status non uocatur uoluptas. non laboro, inquit, de nomine. quid, quòd res alia tota est? reperiam multos, uel innumerabiles potius, non tam curiosos, nec tam molestos, quàm uos estis: quibus, quidquid uelim, facile persuadeam. quid ergo dubitamus, quin, si, non dolere, uoluptas sit summa, non esse in uoluptate dolor sit maximus? cur id non ita fit? quia dolori non uoluptas contraria est, sed doloris priuatio.

D E F I N I B V S

hoc uero non uidere, maximo argumento, uolupta-
tem ullam: qua sublata, neget se intelligere om-
nino, quid sit bonum. eam autem ita persequitur,
quæ palato percipiatur, quæ auribus: cetera addit,
quæ si appelles, honos præfandus sit. Hoc igitur,
quod solum bonum seuerus, & grauis philoso-
phus nouit, idem non uidet ne expetendum quidem
esse; quodd eam uoluptatem hoc eodem auctore non
desideremus, cum dolore careamus. quanquam
hæc sunt contraria. hic si definire, uel diuidere di-
dicisset; si loquendi uim, si denique consuetudinem
uerborum teneret; nunquam in tantas salebras in-
cidisset. nunc uides, quid faciat. quâ nemo unquam
uoluptatem appellat, et hanc in motu uoluptatem,
quæ duo sunt, unum facit; (sic enim has suauis, et
quasi dulces uoluptates appellat) interdum ita ex-
tenuat, ut M. Curium putes loqui; interdum ita lau-
dat, ut, quid præterea sit bonum, neget se posse
ne suspicari quidem. quæ iam oratio non a philoso-
pho aliquo, sed a censore opprimenda est. non est
enim uitium solum in oratione, sed etiam in mori-
bus. Luxuriam non reprehendit, modo sit uacua
infinita cupiditate, & timore. hoc loco discipulos
querere uidetur, ut, qui a soti esse uelint, philoso-
phi ante fiant. A primo, ut opinor, animantium
ortu petitur origo summi boni. simul atque natum
animal est, gaudet uoluptate, & eam appetit, ut
bonum; aspernatur dolorem, ut malum. de malis
autem, & bonis, ab ijs animalibus, quæ nondum
de-

deprauata sunt, ait optime iudicari. Hæc & tu
ita posuisti, & uerba uestra sunt. Quàm multa
uitiosa? summum enim bonum, & malum ua-
giens puer utra uoluptate diiudicabit, stante, an
mouente? quoniam, si dijs placet, ab Epicuro loqui
discimus. si stante; hoc natura uidelicet uult, sal-
uam esse se; quod concedimus: si mouente, quod
tamen dicitis; nulla turpis uoluptas erit, quæ præ-
termittenda sit: & simul non proficietur animal
illud modo natum a summa uoluptate, quæ est a te
posita in non dolendo. Nec tamen argumentum
hoc Epicurus a paruis petiuit, aut etiam a bestijs:
quæ putat esse specula naturæ: ut diceret, ab his,
duce natura, hanc uoluptatem expeti nihil dolendi.
neque enim hæc mouere potest appetitum animi:
nec illum habet ictum, quo pellat animum status
hic non dolendi. itaque in hoc eodem peccat Hiero-
nymus. at ille pellit, qui permulcet sensum uolupta-
te. itaque Epicurus semper hoc utitur, ut probet
uoluptatem natura expeti; quòd ea uoluptas, quæ
in motu sit, & paruos ad se alliciat, & bestias,
non illa stabilis, in qua tantum inest nihil dolere.
quid igitur conuenit, ab alia uoluptate dicere natu-
ram proficisci, in alia summum bonum ponere? Be-
stiarum uero nullum iudicium puto. quamuis enim
deprauatæ non sint, prauæ tamen esse possunt. ut
bacillum aliud est inflexum & incuruatum de indu-
stria, aliud ita natum: sic ferarum natura non est il-
la quidem deprauata mala disciplina, sed natura
sua.

D E F I N I B V S

sua. Nec uero, ut uoluptatem expetat, natura mouet infan-tem, sed tantum, ut se ipse diligit, ut in-tegrum se, saluumq. uelit. omne enim animal, si-mul ut ortum est, & se ipsum, & omnes partes suas diligit; duasq. res, quæ maximæ sunt, in pri-mis amplectitur, animum, & corpus; deinde utriusque partes. nam sunt & in animo præcipua quædam, & in corpore: quæ cum leuiter agnouit, tunc discernere incipit, ut ea, quæ prima data sunt natura, appetat, asperneturq. contraria. In his pri-mis naturalibus uoluptas insit, nec ne, magna quæ-stio est. nihil uero putare esse præter uoluptatem, non membra, non sensus, non ingenij motum, non integritatem corporis, non ualeitudinem, summa mihi uidetur inscitia. atque ab isto capite fluere ne-cesse est omnem rationem bonorum, & malorum. Polemoni, etiam ante Aristoteli ea prima uisa sunt, quæ paullo ante dixi. ergo nata est sententia uete-rum Academicorum, & Peripateticorum; ut fi-nem bonorum dicerent, secundum naturam uiuere, id est, uirtute adhibita, frui primis a natura datis. Callipho ad uirtutem nihil adiunxit, nisi uolupta-tem: Diodorus nisi uacuitatem doloris. his omni-bus, quos dixi, consequentes sunt fines bonorum. Aristippo simplex uoluptas: Stoicis, consentire na-turæ: quod esse uolunt e uirtute, id est honeste ui-uere: quod ita interpretantur; uiuere cum intelli-gentia earum rerum, quæ natura euenirent, eligen-te ea, quæ essent secundum naturam, reijcieteq. con-

contraria. Ita tres sunt fines, expertes honestatis; unus Aristippi, uel Epicuri; alter Hieronymi; Carneadis tertius; tres, in quibus honestas cum aliqua accessione, Polemonis, Calliphonis, Diodori; una simplex, cuius Zeno auctor, posita in decore tota, id est in honestate. nam Pyrrho, Aristo, Herillus iam diu abiecti: reliqui sibi constituerunt, ut extrema cum initijs conuenirent; ut Aristippo uoluptas, Hieronymo doloris uacuitas, Carneadi frui principijs naturalibus esset extremum. Epicurus autem cum in prima commendatione uoluptatem dixisset; si eam, quam Aristippus, idem tenere debuit ultimum bonorum, quod ille; sin eam, quam Hieronymus, fecisset idem, ut uoluptatem illam Aristippi in prima commendatione poneret. nam quod ait sensibus ipsis iudicari, uoluptatem bonum esse, dolorem malum: plus tribuit sensibus, quam nobis leges permittunt. priuatarum litium indices sumus: nihil enim possumus iudicare, nisi quod est nostri iudicij. in quo frustra iudices solent, cum sententiam pronuntiant, addere, si quid mei iudicij est. si enim non fuit eorum iudicij; nihilo magis, hoc non addito, illud est indicatum. quid iudicat sensus? dulce, amarum; lene, asperum; prope, longe; stare, mouere; quadratum, rotundum. quam igitur pronuntiabit sententiam ratio? adhibita primum diuinarum humanarumque rerum scientia, quæ potest appellari rite sapientia; deinde adiunctis uirtutibus, quas ratio rerum omnium dominas, tu uoluptatum

sa-

DE FINIBVS

satellites, et ministras esse uoluisti: quarum de omnium sententia pronuntiabit, primum de uoluptate, nihil esse ei loci, non modo ut sola ponatur in summi boni sede, quam quarimus; sed ne illo quidem modo, ut ad honestatem applicetur. De uacuitate doloris eadem sententia est. Reijcietur etiam Carneades: nec illa de summo bono ratio, aut uoluptatis, non dolendi ne particeps, aut honestatis expers, probabitur. ita relinquet, duas de quibus etiam atque etiam consideret. aut enim statuet, nihil esse bonum, nisi honestum; nihil malum, nisi turpe; cetera aut omnino nihil habere momenti, aut tantum, ut nec expetenda, nec fugienda, sed eligenda modo, aut reijcienda sint: aut anteponet eam, quam cum honestate ornatissimam, tum etiam ipsis initijs naturæ, & totius perfectione uitæ locupletata uidebit. quod eo liquidius faciet, si perspexerit, rerum inter eas, uerborum ne sit controuersia. Huius ego nunc auctoritatem sequens, idem faciam. quantum enim potero, minuam contentiones; omnesque simplices sententias eorum, in quibus nulla est uirtutis adiunctio, omnino a philosophia semouendas putabo: primum Aristippi, Cyrenaicorumque omnium: quos non est ueritum, in ea uoluptate, quæ maxima dulcedine sensum moueret, summum bonum ponere, contemnentes istam uacuitatem doloris. hi non uiderunt, ut ad cursum equum, ad arandum bouem, ad indagandum canem, sic hominem ad duas res, ut ait Aristoteles, intelligendum, &

& agendum esse natum, quasi mortalem deum: contraq., ut tardam aliquam, & languidam pecudem, ad pastum, et ad procreandi uoluptatem hoc diuinum animal ortum esse uoluerunt. quo nihil mihi uidetur esse absurdus. Atque hæc contra Aristippum, qui eam uoluptatem non modo summam, sed solam etiam dicit, quam omnes unam appellamus uoluptatem. aliter autem uobis placet. sed ille, ut dixi, uitiose. nec enim figura corporis, nec ratio excellens ingenij humani significat ad hanc unam rem natum hominem, ut frueretur uoluptatibus. Nec uero audiendus Hieronymus; cui summum bonum est idem, quod uos interdum, uel potius nimium saepe dicitis, nihil dolere. non enim, si malum dolor est, carere eo malo, satis est ad bene uiuendum. hoc dixerit potius Ennius, Nimium boni est, cui nihil est mali: nos beatam uitam non depulsione mali, sed adeptio- ne boni iudicemus; nec eam cessando, siue gaudendo, ut Aristippus, siue non dolendo, ut hic, sed agendo aliquid, considerando ue quæramus. Quæ possunt eadem contra Carneadeum illud summum bonum dici: quod is non tam, ut probaret, protulit, quàm ut Stoicis, quibus cum bellum gerebat, opponeret. id autem eiusmodi est, ut additum ad uirtutem, auctoritatem uideatur habiturum, & expleturum cumulate uitam beatam, de quo omnis hæc quæstio est. nam qui ad uirtutem adiungunt uel uoluptatem, quam unam uirtus minimi facit,

D E F I N I B V S

facit, uel uacuitatem doloris, quæ, etiam si malo caret, tamen non est summum bonum: accessione utuntur non ita probabili: nec tamen, cur id tam parce, tamq̃. restricte faciant, intelligo. quasi enim emendum eis sit, quod addant ad uirtutem, primum uilissimas res addunt; deinde singulas potius, quàm omnia, quæ prima natura approbauisset, ea cum uoluptate coniungunt. quæ cum Aristoni, & Pyrrhoni omnino uisa sint pro nihilo, ut inter optime ualere, & grauissime agrotare, nihil prorsus dicerent interesse: recte iam pridem contra eos desitum est disputari. dum enim in una uirtute sic omnia esse uoluerunt, ut eam rerum se lectione exspoliarent, nec ei quidquam, aut unde oriretur, darent, aut ubi niteretur: uirtutem ipsam, quam amplexabantur, sustulerunt. Herillus autem, ad scientiam omnia reuocans, unum quoddam bonum uidit, sed nec optimum, nec quo uita gubernari possit: itaque hic ipse iam pridem est reiectus. post enim Chrysippum non sane est disputatum. Restatis igitur uos. nam cum Academicis incerta luctatio est: qui nihil affirmant, &, quasi desperata cognitione certi, id sequi uolunt, quodcunque uerisimile uideatur. Cum Epicuro autem hoc est plus negotij, quòd ex duplici genere uoluptatis coniunctus est, quodq̃. & ipse, et amici eius, & multi postea defensores eius sententiæ fuerunt: & nescio quo modo, is, qui auctoritatem minimam habet, maximam uim, populus cum illis facit.

cit. quos nisi arguimus, omnis uirtus, omne decus, omnis uera laus deferenda est. ita, ceterorum sententijs semotis, relinquitur non mihi cum Torquato, sed uirtuti cum uoluptate certatio. quam quidem certationem, homo & acutus, & diligens, Chrysippus non contemnit, totumq. discrimē summi boni in eadem comparatione positum putat. ego autem existimo, si honestum aliquid ostendero, quod sit ipsum ui sua, propterq. se expetendum, iacere uestra omnia. itaque eo, quale sit, breuiter, ut tempus postulat, constituto, accedam ad omnia tua, Torquate. ubi si me memoria forte defecerit, tuum est ut suggeras. Honestum igitur id intelligimus, quod tale est, ut, detracta omni utilitate, sine ullis præmijs, fructibusq., per se ipsum possit iure laudari. quod quale sit, non tam definitione, qua sum usus, intelligi potest, quanquam aliquantum potest, quàm communi omnium iudicio, et optimi cuiusque studijs, atque factis: qui permulta ob eam unā causam faciunt, quia decet, quia rectum, quia honestum est; et si nullum consecuturum emolumentum uident. homines enim, et si multis alijs, tamen hoc uno a bestijs plurimum differunt, quòd rationem habeant a natura, mentemq. datam & acrem, & uigentem, celerrimeq. multa simul agitantem, & ut ita dicam, sagacem: quæ & causas rerum, & consecutiones uideat; & similitudines transferat; & disiuncta coniungat; et cum præsentibus futura copulet; omnemq. complectatur uitæ consequentis

sta-

D E F I N I T I O N E S

Statum. eademq. ratio facit hominem hominum appetentem, cumq. his natura, & sermone, & usu congruentem; ut, profectus a caritate domesticorum, ac suorum, currat longius, & se implicet primum civium, deinde omnium mortalium societate; atque, ut ad Architam scripsit Plato, non sibi se soli natum meminerit, sed patriæ, sed suis; ut perexigua pars ipsi relinquatur. Et quoniam eadem natura cupiditatem ingenuit homini veri inueniendi; quod facillime apparet, cum uacui curis, etiam quid in celo fiat, scire auemus: his initijs inducti omnia uera diligimus, id est fidelia, simplicia, constantia; tum uana, falsa, fallentia odimus, ut fraudem, periurium, malitiam, iniuriam. Eadem ratio habet in se quiddam amplum, atque magnificum, ad imperandum magis, quam ad parendum, accommodatum, omnia humana non tolerabilia solum, sed etiam lenia ducens, altum quiddam, excelsum, nihil timens, nemini cedens, semper inuictum. Atque, his tribus generibus honestorum notatis, quartum sequitur, & in eadem pulchritudine, & aptum ex illis tribus: in quo inest ordo, & moderatio. cuius similitudine perspecta in formarum specie, a dignitate transitum est ad honestatem dictorum, atque factorum. nam ex ijs tribus laudibus, quas ante dixi, & temeritatem reformidat, et non audet cuiquam aut dicto proteruo, aut facto nocere; uereturq. quidquam aut facere, aut loqui, quod parum uirile uideatur. Habes undique exple
tam

m

neſte, dicit? idem ne, quod iucunde? ergo ita, non poſſe honeſte uiui, niſi honeſte uiuatur. an, niſi populari fama? ſine ea igitur iucunde negat poſſe uiuere? quid turpius, quàm ſapientis uitam ex inſipientium ſermone pendere? quid ergo hoc loco intelligit honeſtum? certe nihil, niſi quod poſſit ipſum propter ſe iure laudari. nam ſi propter uoluptatem: quæ eſt iſta laus, quæ poſſit e macello peti? non is uir eſt, ut, cum honeſtatem eo loco habeat, ut ſine ea iucunde neget poſſe uiui, illud honeſtū, quod popolare ſit, ſentiat, & ſine eo iucunde neget uiui poſſe; aut quidquam aliud honeſtum intelligat, niſi quod ſit rectum ipſum, quod per ſe, ſua ui, ſua natura, ſua ſit ſponte laudabile. itaque, Torquate, cum diceret clamare Epicurum, non poſſe iucunde uiui, niſi honeſte, & ſapienter, & iuſte uiueretur; tu ipſe mihi gloriari uidebare. tanta uis inerat in uerbis, propter earum rerum, quæ ſignificabantur hiſ uerbis, dignitatem; ut altior fieres; ut interdum inſiſteres; ut, nos intuens, quaſi teſtificarere, laudari honeſtatem, & iuſtitiam aliquando ab Epicuro. quàm te decebat iſ uerbis uti, quibus ſi philoſophi non uterentur, philoſophia omnino non egeremus. iſtorum enim uerborum amore, quæ perraro appellantur ab Epicuro, ſapientia, fortitudinis, iuſtitia, temperantia, præſtantiffimis ingenijs homines ſe ad philoſophia ſtudium contulerunt. Oculorum, inquit Plato, eſt in nobis ſenſus acerrimus: quibus ſapientiam non cernimus. quàm

quàm illa ardentes amores excitaret sui, si uideretur? cur tandem? an, quòd illa callida est, ut optime possit architectari uoluptates? Cur iustitia laudatur? aut unde est hoc contritum uetustate prouerbum, quicum in tenebris? hoc dictum in una re, latissime patet: ut in omnibus factis re, non teste, moueamur. Sunt enim leuia, & perinfrma, quæ dicebantur a te, cum animi conscientia improbos excruciar, tum etiam pœna timore: qua aut afficiuntur, aut, semper sunt in metu, ne afficiantur aliquando. non oportet timidum, aut imbecillo animo fingi, non bonum illum uirum, qui, quidquid fecerit, ipse se cruciet, omniaq. formidet, sed omnia calide referentem ad utilitatem, acutum, uersutum, ueteratorem, facile ut excogitet quo modo occulte, sine teste, sine ullo conscio fallat. An tu me de L. Tubulo putas dicere? qui, cum prator quaestionem inter sicarios exercuisset, ita aperte cepit pecunias ob rem iudicandam, ut anno proximo P. Scænola tribunus pl. ferret ad plebem, uellent ne de ea re queri, quo plebiscito, decreta a senatu est consuli quaestio Cn. Capioni. profectus in exilium Tubulus statim, nec respondere ausus. erat enim res aperta. non igitur de improbo, sed callide improbo querimus: qualis Q. Pompeius in fœdere Numantino inficiando fuit. Nec uero omnia timentem: primum qui animi conscientiam non curet: quam scilicet comprimere, nihil est negotij: is enim, qui occultus, et tectus dicitur, tantum abest

m 2 ut se

DE FINIBVS

ut se indicet: perficiet etiam, ut dolere alterius improbe facto uideatur. quid est enim aliud, esse uersutum? Memini me adesse P. Sextilio Rufo, cum is ad amicos rem ita deferret, se esse heredem Q. Fabio Gallo; cuius in testamento scriptum esset, se esse ab eo rogatum, ut omnis hereditas ad filiam perueniret. id Sextilius factum negabat: poterat autem impune: quis enim redargueret? nemo nostrum negabat: eratque uerisimilius, hunc mentiri, cuius interesset, quam illum, qui id se rogasse scripsisset, quod debuisset rogare. addebat etiam, se in legem Voconiam iuratum contra eam facere non audere, nisi aliter amicis uideretur. aderamus nos quidem adolescentes, sed & multi amplissimi uiri: quorum nemo censuit plus filiae dandum, quam posset ad eam lege Voconia peruenire. tenuit per magnam Sextilius hereditatem. unde, si secutus esset eorum sententiam, qui honesta, et recta emolumentis omnibus, & commodis anteponerent, ne nummum quidem unum attigisset. num igitur postea censes anxio animo, aut sollicito fuisse? nihil minus: contraque, illa hereditate diues, ob eamque rem letus: magni enim aestimabat pecuniam non modo non contra leges, sed etiam legibus partam: quae quidem uel cum periculo est quaerenda uobis: est enim effectrix multarum & magnarum uoluptatum. Ut igitur illis, qui, recta & honesta quae sunt, ea statuunt per se expetenda, adeunda sunt quauis pericula decoris, honestatisque causa: sic

sic uestris, qui omnia uoluptate metiuntur, pericula adeunda sunt, ut adipiscantur magnas uoluptates. si magna res, magna hereditas agetur, cum pecunia uoluptates pariantur plurimæ; idem erit Epicuro uestro faciendum, si suum finem bonorum sequi uolet, quod Scipioni, magna gloria proposita, si Annibalem in Africam retraxisset. itaque quantum adiit periculum? ad honestatem enim ille omnem conatum suum referebat, non ad uoluptatem. sic uester sapiens, magno aliquo emolumento commotus, animi causa, si opus fuerit, dimicabit: occultum facinus esse potuerit, gaudebit: deprehensus, omnem pœnam contemnet. erit enim instructus ad mortem contemnendam, ad exilium, ad ipsum etiam dolorem: quem quidem uos, cum improbis pœnam proponitis, impatibilem facitis; cum sapientem semper boni plus habere uultis, tolerabilem. Sed finge non solum callidum eum, qui aliquid improbe faciat, uerum etiam præpotentem; ut M. Crassus fuit; qui tamen solebat uti suo bono: ut hodie est noster Pompeius; cui recte facienti gratia est habenda. esse enim quamuis iniustus poterat impune. quàm multa uero iniuste fieri possunt, quæ nemo possit reprehendere? Si te amicus tuus moriens rogauerit, ut hereditatem reddas suæ filiæ; nec usquam id scripserit, ut scripsit Fabius; nec cuiquam dixerit: quid facias? tu quidem reddes: ipse Epicurus fortasse redderet: ut Sex. Peduceius Sex. F. is, qui hunc nostrum reliquit, effigiem & humani

m 3 tatis,

D E F I N I B V S

tatis, & probitatis suæ filium, tum doctus, tum omnium uir optimus, & iustissimus, cum sciret nemo eum rogatum a C. Plotio, equite R. splendido Nurfino, ultro ad mulierem uenit, eiq. nihil opinanti uiri mandatum exposuit, hereditatemq. reddidit. Sed ego ex te quero; quoniam idem tu certe fecisses: non ne intelligis eo maiorem uim esse naturæ, quod ipsi uos, qui omnia ad uestrum commodum, et, ut ipsi dicitis, ad uoluptatem referatis, tamen ea faciatis, e quibus appareat, non uoluptatem uos, sed officium sequi? plusq. rectam naturam, quam rationem prauam, ualere? Si scieris, inquit Carneades, aspidem occulte latere uspiam, & uelle imprudentem super eam assidere, cuius mors tibi emolumentum factura sit: improbe feceris, nisi monueris, ne assideat: sed impune tamen id te constat fecisse: quis enim coarguere possit? Sed nimis multa. perspicuum est enim, nisi æquitas, fides, iustitia proficiscantur a natura, & si omnia hæc ad utilitatem referantur, uirum bonum non posse reperiri. Sed de his rebus satis multa in nostris de rep. libris sunt dicta a Lelio. Transfer idem ad modestiam, uel temperantiam, quæ est moderatio cupiditatum rationi obediens. satis ne ergo pudori consulat, si quis sine teste libidini pareat? an est aliquid per se ipsum flagitiosum, etiam si nulla comitetur infamia? Quid fortes uiri? uoluptatum ne calculis subductis, prælium ineunt, sanguinem pro patria profundunt, an quodam animi ardore atque impetu concitati? utrum

utrum tandem censes, Torquate, Imperiosum illum, si nostra uerba audiret, tuam ne de se orationem libentius auditurum fuisse, an meam; cum ego dicerem, nihil eum fecisse sua causa, omniaque reip. tu contra, nihil, nisi sua? si uero id etiam explanare uelles apertius, diceres nihil eum fecisse, nisi uoluptatis causa. quo modo eum tandem laturum fuisse existimes? Esto: fecerit, si ita uis, Torquatus propter suas utilitates. malo enim dicere, quam uoluptates, in tanto praesertim uiro. num etiam eius collega, P. Decius, princeps in ea familia consulatus, cum se deuoueret, & equo admissus, in mediam aciem Latinorum irrueret, aliquid de uoluptatibus suis cogitabat? nam ubi eam caperet, aut quando, cum sciret confestim esse moriendum, eamque mortem ardentiore studio peteret, quam Epicurus uoluptatem petendam putat? quod quidem eius factum nisi esset iure laudatum; non esset imitatus quarto consulatu suo filius; neque porro ex eo natus, cum Pyrrho bellum gerens, consul cecidisset in praelio, sequens e continenti genere tertiam uictimam reip. praebuisset. Contineo me ab exemplis graecis: hoc modicum est: Leonidas, Epaminondas, tres alij, aut quattuor. ego si nostros colligere caepero; perficiam illud quidem, ut se uirtuti tradat constringendam uoluptas; sed dies me deficiet: et, ut A. Varius, qui est habitus index durior, dicere confessori solebat, cum, datis testibus, alij tamen citarentur, Aut hoc testium satis est,

m 4 aut

D E F I N I B V S

aut nescio quid satis sit; sic a me satis testium est dictum. quid enim? te ipsum, dignissimum maioribus tuis, uoluptas ne induxit, ut adolescentulus eriperes P. Syllæ consulatum? quem cum ad patrem tuum retulisses, fortissimum uirum; qualis ille uel consul, uel ciuis cum semper, tum post consulatum fuit? quo quidem auctore nos ipsi ea gessimus, ut omnibus potius, quàm ipsis nobis, consuluerimus. At quàm pulchre dicere uidebare, cum ex altera parte ponebas cumulatam aliquem plurimis, & maximis uoluptatibus, nullo nec præsenti, nec futuro dolore; ex altera autem cruciatibus maximis toto corpore, nulla nec adiuncta, nec sperata uoluptate: & quærebas, quis aut hoc miserior, aut superiore illo beatior foret. deinde concludebas, summum malum esse dolorem, summum bonum uoluptatem. L. Thorius Balbus fuit Lanuinus: quem meminisse tu non potes. is ita uiuebat, ut nulla tam exquisita posset inueniri uoluptas, qua non abundaret. erat & cupidus uoluptatum, & cuiusuis generis eius intelligens, & copiosus; ita non superstiosus, ut illa plurima in sua patria sacrificia et phana contemneret; ita non timidus ad mortem, ut in acie sit ob remp. interfectus. cupiditates non Epicuri diuisione finiebat, sed sua satietate: habebat tamen rationem ualetudinis: utebatur ijs exercitationibus, ut ad cenam & esuriens, & sitiens ueniret; eo cibo, qui & suauissimus esset, & idem facillimus ad concoquendum; uino & ad uoluptatem, &

& ne noceret. cetera illa adhibebat, quibus dem-
ptis negat se Epicurus intelligere quid sit bonum.
aberat omnis dolor: qui si adesset, nec molliter fer-
ret, & tamen medicis plus, quàm philosophis,
uteretur. color egregius, integra ualetudo, sum-
ma gratia, uita denique conferta uoluptatum om-
nium uarietate. hunc uero beatum oratio quidem
uestra sic cogitat: ego, huic quem anteponam,
non audeo dicere: dicet pro me ipsa uirtus; nec du-
bitabit isti uestro beato M. Regulum anteponere:
quem quidem, cum sua uoluntate, nulla ui coa-
ctus, propter fidem, quam dederat hosti, ex pa-
tria Carthaginem reuertisset, tum ipsum, cum ui-
gilijs & fame cruciaretur, clamat uirtus beatio-
rem fuisse, quàm potantem in rosa Thorium. bella
magna gesserat is: bis consul fuerat: triumpharat:
nec tamen sua illa superiora tam magna, nec tam
præclara ducebat, quàm illum ultimum casum,
quem propter fidem, constantiamq. susceperat:
qui nobis miserabilis uidetur audientibus, illi per-
petienti erat uoluptarius. non enim hilaritate, nec
lascinia, nec risu, aut ioco comite leuitatis, sed sæ-
pe etiam tristes firmitate, & constantia sunt beati.
Stuprata per uim Lucretia a regis filio, testata cri-
men, se ipsam interemit. hic dolor populi, duce et
auctore Bruto, caussa ciuitati libertatis fuit: ob e-
iusq. mulieris memoriam primo anno & uir, et pa-
ter eius consul est factus. Tenuis L. Virginus, u-
nusq. de multis, sexagesimo anno post libertatem
receptam,

DE FINIBVS

receptam, Virginiam filiam sua manu occidit, potius quàm ea Ap. Claudij libidini, qui tum erat summo in imperio, dederetur. Aut hæc tibi Torquate sunt uituperanda: aut patrocinium uoluptatis repudiandum. quod autem patrocinium, aut quæ ista causa est uoluptatis, quæ nec testes ullos e claris uiris, nec laudatores poterit adhibere? ut enim nos ex annalium monumentis testes excitamus eos, quorum omnis uita consumpta est in laboribus gloriosis, qui uoluptatis nomen audire non possent: sic in uestris disputationibus historia muta est. nunquam audiui in Epicuri schola Lycurgum, Solonem, Milciadem, Themistoclem, Epaminondam nominari; qui in ore sunt ceterorum omnium philosophorum. nunc uero, quoniam hæc nos etiam tractare cæpimus, suppeditabit nobis Atticus de thesauris suis, quot, & quantos uiros habere testium sat est. non ne melius est de his aliquid, quàm tantis uoluminibus de Themistocle loqui? sint ista Græcorum: quâquam ab his philosophiam, et omnes ingenuas disciplinas habemus: sed tamen est aliquid, quod nobis non liceat, liceat illis. Pugnant Stoici cum Peripateticis. alteri negant quidquam esse bonum, nisi quod honestum sit: alteri, plurimum se, & longe, longeque plurimum tribuere honestati, sed tamen & in corpore, & extra esse quædam bona. et certamen honestum, & disputatio splendida. omnis est enim de uirtutis dignitate contentio. at cū tuis cum differas, multa sunt audienda etiam de

de obscenis uoluptatibus, de quibus ab Epicuro sæ-
pissime dicitur. Non potes ergo ista tueri, Torqua-
te, mihi crede, si te ipse, & tuas cogitationes, et
studia perspexeris. pudebit te, inquā, illius tabula,
quam Cleanthes, sane commode, uerbis pingere
solebat. iubeat eos, qui audiebant, secum ipsos co-
gitare pictam in tabula uoluptatem, pulcherrimo
uestitu, & ornatu regali, in solio sedentem: præ-
sto esse uirtutes, ut ancillulas; quæ nihil aliud age-
rent, nullum suum officium ducerent, nisi ut uolu-
ptati ministrarent; & eam tantum ad aurem ad-
monerent, (si modo id pictura intelligi posset) ut
caueret, ne quid perficeret imprudens, quod offen-
deret animos hominum; aut quidquam, e quo ori-
retur aliquis dolor. nos quidem uirtutes sic natæ
sumus, ut tibi seruiremus: aliud negotij nihil habe-
mus. At negat Epicurus (hoc enim uestrum lu-
men est) quenquam, qui honeste non uiuat, iu-
cunde posse uiuere. Quasi ego id curem, quid ille
aiat, aut neget. illud quero, quid ei, qui in uolu-
ptate summum bonum putat, consentaneum sit di-
* cere. quid affers, cur Thorius Postumius, cur Chi-
us, cur omnium magister Orata non iucundissime
uixerit? ipse negat, ut ante dixi, luxuriosorum ui-
tam reprehendendam, nisi plane fatui sint, id est
nisi aut cupiant, aut metuant. quarum ambarum
rerum cum medicinam pollicetur, luxuriæ licetiam
pollicetur. his enim rebus detractis, negat se repe-
rire in asotorum uita, quod reprehendat. Non igi-
tur

D E F I N I B V S

*tur potestis uoluptate omnia dirigentes aut tueri,
aut retinere uirtutem. nam nec uir bonus, ac iu-
stus haberi debet, qui, ne malum habeat, absti-
net se ab iniuria. nosti credo illud;*

Nemo pius est, qui pietatem cauet.

*caue quidquam putes esse uerius. nec enim, dum
metuit, iustus est; & certe, si metuere destiterit,
non erit. non metuet autem, siue celare poterit, si-
ue opibus magnis, quidquid fecerit, obtinere: cer-
teq. malet existimari bonns uir, ut non sit; quam
esse, ut non putetur. ita, quod certissimum est, pro
uera, certa. iustitia simulationem nobis iustitie
traditis; praeipitisq. quodam modo, ut nostra sta-
bilem conscientiam contemnamus, aliorum erran-
tem opinionem aucupemur. Quae dici eadem de ce-
teris uirtutibus possunt: quarum omnium fundamen-
ta uos in uoluptate, tanquam in aqua, ponitis. quid
enim? fortem ne possumus dicere eundem illum Tor-
quatum? delector enim, quanquam te non possum,
ut ais, corrumpere; delector, inquam, & fami-
lia uestra, & nomine. et hercule modo, uir opti-
mus, nostriq. amantissimus, A. Torquatus uersa-
tur ante oculos: cuius quantum studium, & quam
insigne fuerit erga me temporibus illis, quae nota
sunt omnibus, scire necesse est utrunque uestrum.
quae mihi ipsi, qui uolo & esse, & haberi gratus,
grata non essent, nisi eum perspicerem mea causa
mihi amicum fuisse, non sua. nisi hoc dicis sua, quod
interest omnium recte facere. si id dicis; uicimus.
id*

id enim uolumus, id contendimus, ut officij fructus sit ipsum officium. hoc ille tuus non uult, omnibusq. ex rebus uoluptatem, quasi mercedem, exigit. Sed ad illum redeo. Si uoluptatis caussa cum Gallo apud Anienem depugnauit prouocatus; & ex eius spolijs sibi & torquem, & cognomen induit ullam aliam ob caussam, nisi quod ei talia facta digna uiro uidebantur: fortem non puto. Iam, si modestia, si pudicitia, si uno uerbo temperantia pœnæ aut infamiæ metu coercebuntur, non sanctitate sua se tuebuntur: quod adulterium, quod stuprum, quæ libido non se proripiet, & proijciet, aut occultatione proposita, aut impunitate, aut licentia? Quid illud, Torquate, quale tandem uidetur? te, isto nomine, ingenio, gloria, quæ facis, quæ cogitas, quæ contendis, quod referas, cuius rei caussa perficere, quæ conaris, uelis, quid optimum denique in uita iudices, non audere in conuentu dicere? quid enim mereri uelis iam, cum magistratum inieris, & in concionem ascenderis, (est enim tibi edicendum, quæ sis obseruaturus in iure dicendo: & fortasse etiam, si tibi erit uisum, aliquid de maioribus tuis, & de te ipso dices more maiorum) quid merearis igitur, ut te dicas in eo magistratu omnia uoluptatis caussa facturum esse? teq. nihil fecisse in uita, nisi uoluptatis caussa? An me, inquis, tam amentem putas, ut apud imperitos isto modo loquar? At tu eadem ista dic in iudicio: aut, si coronam times, dic in senatu. nunquam facies. cur, nisi

D E F I N I T I O N E S

si quodd turpis est oratio? Mene ergo, & Triarium dignos existimas, apud quos turpiter loquare? Verum esto: uerbum ipsum uoluptatis non habet dignitatem: nec nos fortasse intelligimus. Loc enim identidem dicitis, non intelligere nos, uoluptatem quam dicatis. rem uidelicet difficilem, & obscuram. indiuidua, & intermundia, quæ nec sunt ulla, nec possunt esse, intelligimus: uoluptas, quæ passeribus omnibus nota est, a nobis intelligi non potest? quid, si efficio, ut fateare me non modo, quid sit uoluptas, scire, (est enim iucundus motus in sensu) sed etiam, quid eam tu uelis esse? tum enim eam ipsam uis, quam modo ego dixi; et nomen imponis, in motu ut sit, & faciat aliquam uarietatem: tum aliam quandam summam uoluptatem, cui addi nihil possit. eam tu adesse, cum dolor omnis absit, eamque stabilem appellas. sit sane ista uoluptas. dic in quouis conuentu, te omnia facere, ne doleas. si ne hoc quidem satis ample, satis honeste dici putas; dic te omnia & in isto magistratu, & in omni uita utilitatis tuæ causa facturum, nihil, nisi quod expediat, nihil denique, nisi tua causa: quem clamorem concionis, aut quam spem consulatus eius, qui tibi paratissimus est, futuram putes? eam ne rationem sequare, quatecum ipse, & cum tuis utare; profiteri autem, & in medium proferre non audeas? at uero illa, quæ Peripatetici, quæ Stoici dicunt, semper tibi in ore sunt, in iudicijs, in senatu, officium, æquitatem, dignitatem, fidem, recta, honesta,

nesta, digna imperio, digna populo R. omnia pericula pro rep. mori pro patria. hæc cū loqueris, nos Barones stupemus, tu uidelicet tecum ipse rides. nam inter ista tam magnifica uerba, tamq. præclara non habet ullum uoluptas locum, non modo illa, quam in motu esse dicitis, quam omnes urbani, rustici, omnes, inquam, qui latine loquuntur, uoluptatem uocant; sed ne hæc quidem stabilis, quam, præter uos, nemo appellat uoluptatem. uide, ne non debeas uerbis nostris uti, sententijs tuis. quòd si uultum tibi, si incessum fingeres, quo grauior uiderere; non esses tui similis: uerba tu fingas, & ea dicas, quæ non sentias, aut etiam, ut uestitum, sic sententiam habeas aliam domesticam, aliam forensem, ut in fronte ostentatio sit, intus ueritas occultetur? uide, quæso, rectum ne sit. mihi quidem eæ ueræ uidentur opiniones, quæ honestæ, quæ laudabiles, quæ gloriose, quæ in senatu, quæ apud populum, quæ in omni cætu, concilioq. proferendæ sint; ne id non pudeat sentire, quod pudeat dicere. Amicitia uero locus ubi esse potest, aut quis amicus esse cuiquam, quem non ipsum amet propter ipsum? quid autem est amare, ex quo nomen amicitiaë ductum est, nisi; uelle bonis aliquem affici quammaximis, etiam si ad se ex ijs nihil redeat? Ecquid prodest, inquis, mihi eo esse animo? Immo, uideri, fortasse. esse enim, nisi eris, non potes: qui autem esse poteris, nisi te amor ipse ceperit? quod non sub dubia utilitatis ratione effici solet, sed ipsum a se oritur,

DE FINIBVS

oritur, & sua sponte nascitur. At enim sequor utilitatem. Manebit ergo amicitia tam diu, quàm diu sequetur utilitas: &, si utilitas amicitiam constituet, tollet eadem. Sed quid ages tandem, si utilitas ab amicitia, ut sit sepe, defecerit? relinques ne? quæ ista amicitia est? retinebis? qui conuenit? quid enim de amicitia statueris utilitatis causa expetenda, uides. Ne in odium ueniam, si amicum destitero tueri. Primum cur ista res digna odio est? num quid est turpe, nisi quod est? si, ne quo incommodo afficiare, non relinques amicum: tamen, ne sine fructu alligatus sis, ut moriatur, optabis. quòd si non modo utilitatem tibi nullam afferet, sed iactu ræ rei familiaris erunt faciunda, labores suscipiendi, adeundum uitæ periculum: ne tum quidem te respicies, & cogitabis sibi quenque natum esse, & suis uoluptatibus? uadem te ad mortem tyranno dabis pro amico, ut Pythagoreus ille fecit Siculo tyranno? aut, Pylades cum sis, dices te esse Orestem, ut mori pro amico? aut, si esses Orestes, Pyladem refelleres, te indicares? &, si id non probares, quo minus ambo una necaremini, non deprecare? faceres tu quidem, Torquate, hæc omnia. nihil enim arbitror magna laude dignum, quod te prætermisurum credam aut mortis, aut doloris metu. non queritur autem, quid naturæ tuæ consentaneum sit, sed quid disciplinæ. ratio ista, quam defendis, præcepta, quæ didicisti, quæ probas, funditus euertunt amicitiam: quamuis eam Epicurus, ut

ut facit, in cælum efferat laudibus. At coluit ipse
amicitias. Quasi quis illum neget & bonum uirum,
& comem, & humanum fuisse. de ingenio eius in
his disputationibus, non de moribus, quæritur. sit
ista in Græcorum leuitate peruersitas, qui maledi-
ctis insectantur eos, a quibus de ueritate dissentiunt.
sed quamuis comis in amicitijs tuendis fuerit; ta-
men, si hæc uera sunt, (nihil enim affirmo) non sa-
tis acutus fuit. At multis se probauit. Et quidem
iure fortasse: sed tamen non grauissimum est testi-
monium multitudinis. in omni enim arte, uel stu-
dio, uel quauis scientia, uel in ipsa uirtute, opti-
mum quidque rarissimum est. Ac mihi quidem,
quod & ipse bonus uir fuit, & multi Epicurei fue-
runt, & hodie sunt & in amicitijs fideles, & in o-
mni uita constantes, & graues, nec uoluptate, sed
officio consilia moderantes, hoc uidetur maior uis
honestatis, & minor uoluptatis. ita enim uiuunt
quidam, ut eorum uita refellatur oratio. atque ut
ceteri existimantur dicere melius, quàm facere: sic
hi mihi uidentur facere melius, quàm dicere. Sed
hæc nihil sane ad rem. illa uideamus, quæ a te de a-
micitia dicta sunt: è quibus unum mihi uidebar ab
ipso Epicuro dictum agnoscere: amicitiam a uolupta-
te non posse diuelli, ob eamq. rem colendam esse,
quod sine ea tuto, & sine metu uiui non posset, nec
iucunde quidem posset. Satis est ad hoc responsum.
Attulisti aliud humanius horum recentiorum, nun-
quam dictum ab ipso illo, quod sciam: primo utili-
tatis

D E F I N I T I O N E S

tatis causa amicum expeti: cum autem usus accessisset, tum ipsum amari propter se, etiam ommissa spe uoluptatis. hoc etsi multis modis reprehendi potest: tamen accipio, quod dat: mihi enim satis est, ipsis non satis. nam aliquando posse recte fieri dicunt nulla expectata, nec quaesita uoluptate. Posuisti etiam, dicere alios, foedus quoddam inter se facere sapientes, ut, quemadmodum sint in se ipsos animati, eodem modo sint erga amicos; & id & fieri posse, & saepe esse factum, & ad uoluptates percipiendas maxime pertinere. Hoc foedus facere si potuerunt, faciant etiam illud, ut aequitatem, modestiam, uirtutes omnes per se ipsas gratis diligant. at uero si fructibus, & emolumentis, & utilitatibus amicitias colemus; si nulla caritas erit, quae faciat amicitiam ipsam sua sponte, ui sua, ex se, & propter se expetendam: dubium est, quin fundos, & insulas amicis anteponamus? Licet hic rursus ea commemorare, quae optimis uerbis ab Epicuro de laudibus amicitiae dicta sunt: non quaero, quid dicat, sed quid conuenienter rationi possit, & sententiae suae dicere. Utilitatis causa amicitia est quaesita: num igitur utiliore tibi hunc Triarium putas esse posse, quam si tua sint Puteolis gramina? Collige omnia, quae soletis: praesidium amicorum satis est tibi in te, satis in legibus, satis & in mediocribus amicitijs praesidij: contemni iam non poteris: odium autem, & inuidiam facile uitabis: ad eas enim res ab Epicuro praecepta dantur: & tamen non tantis

tis uestigalibus ad liberalitatem utens, etiam sine hac Pyladea amicitia, multorum te benevolentia preclare & tuebere, & munies. At quicum ioca, seria, ut dicitur, quicum arcana, quicum occulta omnia? tecum optime, deinde etiam cum mediocri amico. sed fac ista esse non importuna: quid ad utilitatem tantæ pecuniæ? Vides igitur, si amicitiam sua caritate metiare, nihil esse præstantius; sin emolumento, summæ familiaritates prædiorum pretiorum mercede superari. me ipsum igitur ames oportet, non mea; si ueri amici futuri sumus. Sed in rebus apertissimis nimium longi sumus. perfecto enim, & concluso, nec uirtutibus, nec amicitijs usquam locum esse, si ad uoluptatem omnia referantur, nihil præterea magnopere dicendum. attamen, ne cui loco non uideatur esse responsum, pauca etiâ nunc dicam ad reliquam orationem tuam. Quoniam igitur omnis summa philosophiæ ad beate uiuendum refertur; idq. unum expetentes homines se ad hoc studium contulerunt; beate autem uiuere alij in alio, uos in uoluptate ponitis, contra, miseriam omnem in dolore: id primum uideamus, beate uiuere uestrum quale sit. atque hoc dabitur, ut opinor, si modo sit aliquid, esse beatum, id oportere totum poni in potestate sapientis: nam si amitti uita beata potest, beata esse non potest. quis enim confidit, semper sibi illud stabile, & firmum permansurum, quod fragile et caducum sit? qui autem diffidet perpetuitati bonorum suorum; timeat, ne-

n 2 cesse

DE FINIBVS

cesse est, ne aliquando, amissis illis, sit miser: beatus autem esse in maximarum rerum timore nemo potest: nemo igitur esse beatus potest. neque enim in aliqua parte, sed in perpetuitate temporis uita beata dici solet: neque appellatur omnino uita beata, nisi confecta, atque absoluta: nec potest ququam alias beatus esse, alias miser. qui enim existimabit posse se miserum esse, beatus non erit. nam, cum semel est suscepta beata uita; tam permanet, quam ipsa illa effectrix beatæ uitæ sapientia; neque expectat ultimum tempus ætatis: quod Cræso scribit Herodotus præceptum a Solone. etenim, quemadmodum tute dicebas, negat Epicurus diuturnitatem quidem temporis ad beate uiuendum aliquid afferre, nec minorem uoluptatem percipi in breuitate temporis, quam si illa sit sempiterna. hæc dicuntur inconstantissime. cum enim summum bonum in uoluptate ponat, negat infinito tempore ætatis uoluptatem fieri maiorem, quam finito, atque modico. qui bonum omne in uirtute ponit, is potest dicere, perfici beatam uitam perfectione uirtutis: (negat enim summo bono afferre incrementum diem) qui autem uoluptate uitam effici beatam putabit; qui sibi is conueniet, si negabit uoluptatem crescere longinquitate? igitur ne dolorem quidem. an dolor longissimus quisque miserrimus, uoluptatem non optabiliorem diuturnitas facit? quid est igitur, cur ita semper deum appellet Epicurus beatum, & æternum? dempta enim æternitate, nihilo

nihilo beatior Iupiter, quàm Epicurus. uterque enim summo bono fruitur, id est uoluptate. at enim hic etiam dolore: nam eum nihili facit: ait enim se, si iuratur, quàm hoc suaue, dicturum. qua igitur re a deo uincitur, si aternitate non uincitur? in qua quid est boni, præter summam uoluptatem, et eam sempiternam? quid ergo attinet gloriose loqui, nisi constanter loquare? In uoluptate corporis; (addam, si uis, animi, dum in ea ipsa, ut uultis, sit, quod & in corpore) situm est uiuere beate. Quid? istam uoluptatem perpetuam quis potest præstare sapienti? nam, quibus rebus efficiuntur uoluptates, hæ non sunt in potestate sapientis. non enim in ipsa sapientia positum est, beatum esse, sed in ijs rebus, quas sapientia comparat ad uoluptatem. totum autem id externum: &, quod externum, id in casu est. ita fit beatæ uitæ domina fortuna: quam Epicurus ait exiguam interuenire sapienti. Age, inquires, ista parua sunt. sapientem locupletat ipsa natura: cuius diuitias Epicurus ipse parabiles esse docuit. Hæc bene dicuntur: nec ego repugno: sed inter se ipsa pugnant. negat enim tenuissimo uictu, id est contemptissimis escis, & potionibus, minorem uoluptatem percipi, quàm rebus exquisitissimis ad epulandum. Huic ego, si negaret quidquam interesse ad beate uiuendum, quali uteretur uictu; concederem, laudarem etiam: uerum enim diceret: idq. Socratem, qui uoluptatem nullo loco numerat, audio dicentem, cibi condimentum

DIE FINIBVS

esse famem, potionis sitim: sed qui, ad uoluptatem omnia referens, uiuit ut Gallonius, loquitur ut Frugi ille Piso, non audio. nec enim eum, quod sentiat, dicere existimo. Naturales diuitias dixit parabiles esse, quod paruo esset natura contenta. Certe, nisi uoluptatem tanti aestimaretis. Non minor, inquit, uoluptas percipitur tam ex uilissimis rebus, quam ex pretiosissimis. Hoc est non modo cor non habere, sed ne palatum quidem. qui enim uoluptatem ipsam contemnunt, ijs licet dicere, se acipenserem menæ non antepondere: cui uero in uoluptate summum bonum est, huic omnia sensu, non ratione, sunt iudicanda: eaq. dicenda optima, quæ sint suauissima. Verum isto modo consequatur summas uoluptates non modo paruo, sed ferme nihilo, si potest: sit uoluptas non minor in nasturtio illo, quo uesti Persas esse solitos scribit Xenophon, quam in Syracusanis mensis, quæ a Platone grauius uituperantur: sit, inquam, tam facilis, quam uultis, uoluptatis comparatio: quid de dolore dicemus? cuius tanta tormenta sunt, ut in his beata uita, si modo dolor summum malum est, esse non possit. ipse enim Metrodorus, pæne alter Epicurus, beatum esse describit his fere uerbis: cum corpus bene constitutum sit, & sit exploratum ita futurum. an id exploratum cuiquam potest esse, quo modo sese habiturum sit corpus non dico ad annum, sed ad uesperam? dolor igitur, id est summum malum, metuetur semper, etiam si non

non

nō aderit. iam enim adesse poterit. qui potest igitur habitare in beata uita summi mali metus? Traditur, inquit, ab Epicuro ratio negligendi doloris. Iam ipsum absurdum, maximum malum negligi: sed quæ tandem ista ratio est? Maximus dolor, inquit, breuis est. Primum, quid tu dicis breue? deinde, dolorem tam maximum? quid enim? summus dolor plures dies manere non potest? uide, ne etiam menses. nisi forte eum dicis, qui, simul atque arripuit, interficit. quis istum dolorem timet? illum, mallet, leuares, quo optimum, atque humanissimum uirum, Cn. Octauium, M. filium, familiarum meum, confici uidi; nec uero semel, nec ad breue tempus, sed & saepe plane, & diu. quos, dii immortales, ille, cum omnes artus ardere uiderentur, cruciatus perferebat? nec tamen miser esse, quia summum id malum non erat, tantummodo laboriosus uidebatur. at miser, si in uitiosa, & flagitiosa uita afflueret uoluptatibus. Quod autem magnum dolorem breuem, longinquum leuem esse dicitis: id, non intelligo, quale sit. uideo enim & magnos, & eosdem longinquos dolores. quædam alia toleratio est uerior: qua uti uos non potestis, qui honestatem ipsam per se non amatis. fortitudinis quædam præcepta sunt, ac pæne leges, quæ effeminari uirum uetant in dolore. quamobrè turpe putandum est, non dico dolere, (nam id quidem est interdum necesse) sed saxum illud Lemnium clamore Philoctetæo funestare:

D E F I N I T I O N I S

Quod eiulatu, questu, gemitu, fremitibus
 Resonando multum flebiles uoces refert.
 huic Epicurus comparet se, si potest:
 Cui uiperino morsu uenæ uiscerum
 Veneno imbutæ tetros cruciatus cient.
 sit Epicurus Philocteta. Si grauis dolor, breuis. at
 iam decimum annum in spelunca iacet. Si longus,
 leuis: dat enim interualla, & relaxat. primum,
 non sepe: deinde, quæ est ista relaxatio, cum &
 præteriti doloris memoria recens est, & futuri at-
 que impendentis torquet timor? Moriatur, inquit.
 fortasse id optimum: sed ubi illud, plus semper uo-
 luptatis? si enim ita est; uide ne facinus facias, cum
 mori suadeas. potius ergo illa dicantur, turpe esse
 uiro debilitari, dolore frangi, succumbere. nam ista
 uestra; si grauis, breuis; si longus, leuis; dictata
 sunt. uirtutis, magnitudinis animi, patientiæ, for-
 titudinis fomētis dolor mitigari solet. audi, (ne lon-
 ge abeam,) moriens quid dicat Epicurus: & intelli-
 ge facta eius cum dictis discrepare. Epicurus Her-
 macho salutem. Cum ageremus, inquit, uitæ bea-
 tum, & eundem supremum diem, scribebamus
 hæc. tanti autem morbi aderant uesicæ, & uisce-
 rum, ut nihil ad eorum magnitudinem posset acce-
 dere. Ecce miserum hominem, si dolor summum
 malum est. dici aliter non potest. sed audiamus ip-
 sum. Compensabatur tamen, inquit, cum his om-
 nibus animi lætitia, quam capiebam memoria ra-
 tionum, inuentorumq. nostrorum. Sed tu, ut di-
 gnum

gnum est tua erga me, et erga philosophiam uoluntate, ab adolescentia suscepta, fac ut Metrodori tueare liberos. Non ego iam Epaminondæ, non Leonidæ mortem huius morti antepono. quorum alter, cum uicisset Lacedæmonios apud Mantineam, simulq. ipse graui uulnere exanimari se uideret; ut primum despexit, quæsiuit, saluus ne esset clypeus: cum saluum esse flentes sui respondissent, rogauit, essent ne fusi hostes: cumq. id quoque, ut cupiebat, audiuiisset, euelli iussit eam, qua erat transfixus, hastam. ita, multo sanguine profuso, in lætitia, & in uictoria est mortuus. Leonidas autem, rex Lacedæmoniorum, se in Thermopylis, trecentosq. eos, quos eduxerat Sparta, cum esset proposita aut fuga turpis, aut gloriosa mors, opposuit hostibus. præclaræ mortes sunt imperatoriæ: philosophi autem in suis lectulis plerunque moriuntur. refert tamen, quod sibi uidetur esse morienti magna laus. Compensabatur, inquit, cum summis doloribus lætitia. audio equidem philosophi uocem, Epicure: sed, quid tibi dicendum sit, oblitus es. primum enim, si uera sunt ea, quorum recordatione te gaudere dicis, hoc est, si uera sunt tua scripta, et inuenta; gaudere non potes. nihil enim iam habes, quod ad corpus referas. est autem a te semper dictum, nec gaudere quenquam, nisi propter corpus, nec dolere. Præteritis, inquit, gaudeo. Quibusnam præteritis? si ad corpus pertinentibus: rationes tuas te uideo compensare cum istis doloribus,

non

non memoriam corpore perceptarum uoluptatum.
si autem ad animum: falsum est, quod negas animi
ullum esse gaudium, quod non referatur ad corpus.
Cur deinde Metrodori liberos commendas? quid
ex isto tuo egregio officio, & tanta fide (sic enim
existimo) ad corpus refers? Huc, et illuc, Torqua
te, uos uersetis licet: nihil in hac præclara epistola
scriptum ab Epicuro congruens et conueniens decre
tis eius reperietis. ita redarguitur ipse a sese, ue
neuntq. scripta eius probitate ipsius, ac moribus.
nam ista commendatio puerorum, memoria, & ca
ritas amicitiae, summorum officiorum in extremo
spiritu conseruatio, indicat innatam esse homini pro
bitatem gratuitam, non mutuam uoluptatibus,
nec præmiorum mercedibus euocatam. quod enim
testimonium maius quærimus, quæ honesta, & re
cta sint, ipsa esse optabilia per sese, cum uideamus
tanta esse officia morientis? sed ut epistolam laudan
dam arbitror eam, quam modo totidem fere uerbis
interpretatus sum: (quanquam ea cum sententia
eius philosophi nullo modo congruebat) sic eiusdem
testamentum non solum a philosophi grauitate, sed
etiam ab ipsius sententia iudico discrepare. scripsit
enim & multis sæpe uerbis, & breuiter, apteq.
in eo libro, quem modo nominaui, mortem nihil ad
nos pertinere: quod enim dissolutum sit, id esse sine
sensu: quod autem sine sensu sit, id nihil omnino ad
nos pertinere. hoc ipsum elegantius poni, meliusq.
potuit. nam quod ita positum est, quod dissolutum
sit,

sit, id esse sine sensu; id eiusmodi est, ut non satis
 plane dicat, quid sit dissolutum. sed tamen intelli-
 go, quid uelit: quero autem, quid sit, quod cum dis-
 solutione, id est morte, sensus omnis extinguatur;
 & cum reliqui nihil sit omnino, quod pertineat
 ad nos, tam accurate, tamq. diligenter caueat, &
 sanciat, ut Amynomachus, et Timocrates, heredes
 sui, de Hermachi sententia dent, quod satis sit ad
 diem agendum natalem suum quotannis mense Ga-
 melione; itemq. omnibus mensibus uicesimo die lu-
 nae dent ad eorum epulas, qui una secum philoso-
 phati sint; ut & sui, & Metrodori memoria co-
 latur. Hæc ego non possum dicere non esse hominis
 & belli, & humani; sapientis uero nullo modo,
 physici præsertim, quem se ille esse uult, putare
 ullum esse cuiusquam diem natalem. quid? uere ne
 potest esse dies sæpius, qui semel fuit? certe non
 potest. an eiusdem modi? ne id quidem, nisi cum
 multa annorum intercesserint millia, & omnium
 siderum eodem, unde profecta sint, fiat ad unum
 tempus reuersio. nullus est igitur cuiusquam dies
 natalis. at habetur. et ego scilicet id nesciebam.
 sed, ut sit, etiam ne post mortem coletur? idq. te-
 stamento cauebit is, qui uobis quasi oraculum edi-
 derit, nihil ad nos post mortem pertinere? hæc non
 erant eius, qui innumerabiles mundos, infinitasq.
 regiones, quarum nulla esset ora, nulla extremitas,
 mente peragrauisset. nunquid tale Democritus?
 (ut alios omittam) hunc appello, quem ille unum
 secutus

D E F I N I B V S

ecutus est. quòd si dies notandus fuit; eum ne potius, quo natus, an eum, quo sapiens factus est? non potuit, inquires, fieri sapiens, nisi natus esset. isto modo, ne si auia quidem eius nata non esset. Res tota, Torquate, non doctorum hominum, uelle post mortem epulis celebrari memoriã sui nominis. quos quidem dies quemadmodum agatis, & in quantam hominum facetorum urbanitatem incurrais, non dico. nihil opus est litibus. tantum dico, magis fuisse uestrum, agere Epicuri diem natalem, quàm illum testamento cauere, ut ageretur. Sed, ut ad propositum reuertamur, (de dolore enim cum dice remus, ad istam epistolam delati sumus) nunc totum illud concludi sic licet. Qui in summo malo est, iste, cum in eo est, non est beatus. sapiens autem semper beatus est, & est aliquando in dolore: non est igitur summum malum dolor. Iam illud quale tandem est? bona præterita non effluere sapienti, mala meminisse non oportere. Primum, in nostra ne potestate est, quid meminerimus? Themistocles quidem, cum ei Simonides, an quis alius, artem memoriæ polliceretur, obliuionis, inquit, mallet: nam meminisse etiam quæ nolo, obliuisci non possum quæ uolo. magno hic ingenio; sed res se tamen sic habet, ut nimis imperiosi philosophi sit, uetare meminisse. uide, ne ista sint Manliana uestra, aut maiora etiam, si imperes quod facere nõ possim. Quid, si etiam iucunda memoria est præteritorum malorum? ut proverbia non nulla ueriora sint, quàm

ue-

uestra dogmata. uulgo enim dicitur, iucundi acti labores. nec male Euripides, (concludam, si poterō, latine: græcū enim hunc uersum nostis omnes) Suavis est laborum præteritorum memoria.

Sed ad bona præterita redeamus. quæ si a uobis talia dicerentur, qualibus C. Marius uti poterat, ut, expulsus, egens, in palude demersus, trophæorum recordatione leuaret dolorem suum: audirem, & plane probarem: nec enim absolui beata uita sapientis nec ad exitum perducī poterit, si prima quæque, bene ab eo consulta, atque facta, ipsius obliuione obruentur: sed uobis uoluptatum perceptarum recordatio beatam uitam facit, & quidem corpore perceptarum. nam si quæ sunt aliæ; falsum est, omnes animi uoluptates esse e corporis societate. Corporis autem uoluptas etiam si præterita delectat; non intelligo, cur Aristoteles Sardana-pali epigramma tantopere derideat, in quo ille rex Assyriæ gloriatur se omnes secum libidinum uoluptates abstulisse. quod enim ne uiuus quidem, inquit, diutius sentire poterat, quàm dum fruebatur; quo modo id potuit mortuo permanere? fluit igitur uoluptas corporis, & prima quæque auolat, ut aiebat; sapiusq. relinquit causas pænitendi, quàm recordandi. itaque beatior Africanus cum patria illo modo loquens,

Desine Roma tuos hostes:—

reliqua præclare,

Nanque tibi monumenta mei peperere labores.

labori—

DE FINIBVS

laboribus hic præteritis gaudet: tu iubes uoluptatibus. hic se ad ea reuocat, e quibus nihil unquam retulerit ad corpus: tu totus hæres in corpore. Illud autem ipsum qui obtineri potest, quod dicitis omnes animi & uoluptates, & dolores ad corporis uoluptates, & dolores pertinere? nihil ne te delectat unquam? uideo, qui cum loquar. te igitur, Torquate, ipsum per se nihil delectat? omitto dignitatem, honestatem, speciem ipsam uirtutum, de quibus ante dictum est: hæc leuiora ponam: poema, aut orationem cum aut scribis, aut legis, cum omnium factorum, cum regionum conquiris historiam: signum, tabula, locus amœnus, ludi, uenatio, uilla Luculli, (nam si tuam dicerem, latebram haberes, ad corpus diceres pertinere) sed ea, quæ dixi, ad corpus ne refers? an est aliquid, quod te sua sponte delectet? aut pertinacissimus fueris, si in eo perstiteris, ad corpus ea, quæ dixi, referre: aut deserueris totam Epicuri uoluptatem, si negaueris. Quod uero a te disputatum est, maiores esse uoluptates, & dolores animi, quàm corporis; quia trium temporum particeps animus sit, corpore autem presentia solum sentiantur: qui probari potest, ut is, qui propter me aliquid gaudeat, plus, quàm ego ipse, gaudeat? animi uoluptas oritur propter uoluptatē corporis; & maior est animi uoluptas, quàm corporis: ita fit, ut gratulator latior sit, quàm is, cui gratuletur. Sed, dum efficere uultis beatum sapientem, cum maximas animo uoluptates percipiat, omni-

omnibusq. partibus maiores, quàm corpore; quid
 occurrat, non uidetis. animi enim quoque dolores
 percipiet omnibus partibus maiores, quàm corpo-
 ris. ita, miser sit aliquando, necesse est, is, quem
 uos beatum semper uultis esse. nec uero id, dum o-
 mnia ad uoluptatem, doloremq. referetis, efficie-
 tis unquam. quare aliud aliquid, Torquate, ho-
 minis summum bonum reperiendum est: uolupta-
 tem bestiis concedamus: quibus uos de summo bo-
 no testibus uti soletis. quid, si etiam bestia multa fa-
 ciunt duce sua quæque natura partim indulgenter,
 uel cum labore, ut in gignendo, in educando per-
 facile appareat aliud quiddam ijs propositum, non
 uoluptatem? turtures & cursu, & peregrinatio-
 ne lætantur: congregatione aliæ cætum quodam mo-
 do ciuitatis imitantur. uidemus in quodam uolu-
 crum genere non nulla indicia pietatis, cognitionem,
 memoriam, in multis etiam disciplinam. ergo in
 bestiis erunt secreta a uoluptate humanarum quæ-
 dam simulacra uirtutū: in ipsis hominibus uirtus,
 nisi uoluptatis causa, nulla erit; & homini, qui ce-
 teris animantibus plurimum præstat, præcipui a na-
 tura nihil datum esse dicemus? nos uero, siquidem
 in uoluptate sunt omnia, longe multumq. supera-
 mur a bestiis: quibus ipsa terra fundit ex sese pa-
 stus uarios, atque abundantes, nihil laborantibus:
 nobis autem aut uix, aut ne uix quidem, suppetit,
 multo labore quærentibus. Nec tamen ullo modo
 summum pecudis bonum, & hominis, idem mihi
 uide-

uideri potest. quid exim tanto opus est instrumen-
to in optimis artibus comparandis, quid tanto con-
cursu honestissimorum studiorum, tanto uirtutum
comitatu, si ea nullam ad aliam rem, nisi ad uolu-
ptatem, conquiruntur? ut, si Xerxes, cum tantis
classibus, tantisq. equestribus, & pedestribus co-
pijs, Hellesponto iuncto, Athone perfosso, maria
ambulauisset, terramq. nauigauisset; si, cum tan-
to impetu in Graciam uenisset, causam eius quis
ex eo quæreretur tantarum copiarum, tantiq. belli;
mel se afferre ex Hymetto uoluisse diceret; certe si-
ne causa uideretur tanta conatus: sic nos sapien-
tem, plurimis, & grauissimis artibus, atque uirtu-
tibus instructum, & ornatum, non ut illum, ma-
ria pedibus peragrantem, classibus montes, sed om-
ne cælum, totamq. cum uniuerso mari terram men-
te complexum, uoluptatem petere si dicemus, mel-
lis causa dicemus tanta molitum. ad altiora quæ-
dam, & magnificentiora, mihi crede, Torquate,
nati sumus: nec id ex animi solum partibus; in qui-
bus inest memoria rerum innumerabilium, uitæ
quidem infinita; inest coniectura consequentium,
non multum a diuinatione differens; inest modera-
tor cupiditatis pudor; inest ad humanam societatem
iustitiæ fida custodia; inest in perpetiendis laboribus,
adeundisq. periculis firma & stabilis doloris mor-
tisq. contemptio: ergo hæc in animis: tu autem e-
tiam membra ipsa, sensusq. considera: qui tibi, ut
reliquæ corporis partes, non comites solum uirtu-
tum

tum, sed ministri etiam uidebuntur. Quid, si in ipso corpore multa uoluptati præponenda sunt, ut uires, ualetudo, uelocitas, pulchritudo? quid tandem in animis censes? in quibus doctissimi illi ueteres inesse quiddam caeleste & diuinum putauerunt. quod si esset in uoluptate summum bonum, ut dicitis: optabile esset, in uoluptate maxima, nullo interuallo interiecto, dies noctesq. uersari, cum omnes sensus dulcedine omni quasi perfusi mouerentur. quis est autem dignus nomine hominis, qui unum diem totum uelit esse in isto genere uoluptatis? Cyrenaici quidem non recusant. uestri hæc uerecundius: illi fortasse constantius. sed lustremus animo, non has maximas artes, quibus qui carebant, inertes a maioribus nominabantur: sed quæro, num existimes, non dico Homerum, Archilochum, Tindarum, sed Phidiam, Polycletum, Zeuxin ad uoluptates artes suas direxisse? ergo opifex plus sibi proponet ad formarum, quam ciuis excellens ad factorum pulchritudinem? quæ autem est alia causa erroris tanti, tam longe, lateq. diffusi, nisi quod is, qui uoluptatem summum bonum esse decernit, non cum ea parte animi, in qua inest ratio, atque consilium, sed cum cupiditate, id est cum animi leuissima parte, deliberat? Quæro enim de te: si sunt dii, ut uos etiam putatis; qui possunt esse beati, cum uoluptates corpore percipere non possint? aut, si sine eo genere uoluptatis beati sunt; cur similem animi usum in sapiente esse nolitis? lege laudationes,

DE FINIBVS

Torquate, non eorum, qui sunt ab Homero laudati, non Cyri, non Agesilai, non Aristidis, non Themistoclis, non Philippi, non Alexandri, lege nostrorum hominum, lege uestrae familiae: neminem uidebis ita laudatum, ut artifex callidus comparandarum uoluptatum diceretur. non elogia monumentorum id significant? uelut hoc ad portam: Vno ore cui plurimae consentiunt gentes, populi primarium fuisse uirum. id ne consensisse de Calatino plurimas gentes arbitramur, primarium populi fuisse, quod praestantissimus fuisset in conficiendis uoluptatibus? Ergo in ijs adolescentibus bonam spem esse dicemus, & magnam indolem, quos suis commodis inseruituros, & quidquid ipsis expediat, facturos arbitramur? non ne uidemus, quanta perturbatio rerum omnium consequatur, quanta confusio? tollitur beneficium: tollitur gratia: quae sunt uincula concordiae. nec enim, si tuam ob causam cuiquam commodas, beneficium illud habendum est, sed feneratio: nec gratia deberi uidetur ei, qui suam ob causam commodauerit. Maximas uero uirtutes iacere omnes necesse est, uoluptate dominante. Sunt etiam turpitudines plurimae, quae, nisi honestas natura plurimum ualeat, cur non cadant in sapientem, non est facile defendere. Ac, ne plura complectar, (sunt enim innumerabilia) bene laudata uirtus uoluptatis aditus intercludat necesse est. quod iam a me expectare noli: tute introspecte in mentem tuam ipse: eamque omni cogitatione pertractans, percun-
etare

Etare ipse te, perpetuis ne malis uoluptatibus perfluens, in ea, quam sæpe usurpabas, tranquillitate degere omnem ætatem sine dolore, assumpto etiam illo, quod uos quidem adiungere soletis, sed fieri non potest, sine doloris metu; an, cum de omnibus gentibus optime mererere, cum opem indigentibus salutemque ferres, uel Herculis perpeti æumnas: sic enim maiores nostri labores non fugiendos, tristissimo tamen uerbo, æumnas etiam in deo nominauerunt. exigerem ex te; cogeremque, ut responderes: nisi uererer, ne Herculem ipsum ea, quæ pro salute gentium summo labore gessisset, uoluptatis causa gessisse diceres. Quæ cum dixissem, habeo, inquit Torquatus, ad quos ista referam: &, quamquam aliquid ipse poteram, tamen inuenire malo paratiores familiares nostros. Credo, Syronem dicis, & Polidemum, cum optimos uiros, tum doctissimos homines. Recte, inquit, intelligis. Age sane, inquam: sed erat æquius, Triarium aliquid de nostra dissensione iudicare. Immo, inquit arridens, iniquum, hac quidem de re. tu enim ista lenius: hic Stoicorum more nos uexat. Tum Triarius, posthac quidem, inquit, audacius: nam hæc ipsa mihi erunt in promptu, quæ modo audiui: nec ante aggrediar, quam te ab istis, quos dicis, instructum uidero. Quæ cum essent dicta, finem fecimus & ambulandi, & disputandi.

M. TVLLII CICERONIS
DE FINIBVS BONORVM
ET MALORVM
LIBER III.

VOLVPTATEM equidem, Brute, si ipsa pro se loquatur, nec tam pertinaces habeat patronos, concessuram arbitror, conuictam superiore libro, dignitati. etenim sit impudens, si uirtuti diutius repugnet; aut si honestis iucunda anteponat; aut plurius esse contendat dulcedinem corporis, titillantem ex ea re natam lætitiā, quā grauitatem animi, atque constantiam. quare illam quidem dimittamus, & suis se finibus tenere iubeamus; ne blanditijs eius, illecebrisq. impediatur disputandi seueritas. quærendum est enim, ubi sit illud summum bonum, quod reperire uolumus; quoniam & uoluptas ab eo remota est; & eadem fere contra eos dici possunt, qui uacuitatem doloris finem bonorum esse uoluerunt. nec uero ita ullum probetur summum bonum, ut uirtute careat, qua nihil potest esse præstantius. itaque, quanquam in eo sermone, qui cum Torquato est habitus, non remissi fuimus: tamen hæc acrior est cum Stoicis parata contentio. quæ enim de uoluptate dicuntur, ea nec acutissime, nec abscondite differuntur. neque enim, qui defendunt eam, uersuti in differendo sunt: nec, qui contra dicunt, causam difficilem repellunt. ipse etiam dicit
Epi-

Epicurus, ne argumentandum quidem esse de uoluptate, quod sit positum eius iudicium in sensibus; ut commoneri nos satis sit, nihil attineat doceri. quare illa nobis simplex fuit in utranque partem disputatio. nec enim in Torquati sermone quidquam implicatum, aut tortuosum fuit; nostraque, ut mihi uidetur, dilucida oratio. Stoicorum autem, non ignoras, quam sit subtile, uel spinosum potius differendi genus, idque cum Græcis, tum magis nobis, quibus etiam uerba parienda sunt, imponendaque noua rebus nomina. quod quidem nemo mediocriter doctus mirabitur, cogitans, in omni arte, cuius usus uulgaris communisque non sit, multam nouitatem nominum esse; cum constituentur earum rerum uocabula, quæ in quaque arte uersentur. itaque & dialectici, & physici uerbis utuntur ijs, quæ ipsi Græciæ nota non sunt. geometræ uero, musici, grammatici etiam more quodam loquuntur suo. item ipsæ rhetorum artes, quæ sunt totæ forenses, atque populares, uerbis tamen in docendo quasi priuatis utuntur, ac suis. Atque, ut omittam has artes elegantes, & ingenuas, ne opifices quidem tueri sua artificia possent, nisi uocabulis uterentur nobis incognitis, usitatis sibi. Quin etiam agricultura, quæ abhorret ab omni politiore elegantia, tamen eas res, in quibus uersatur, nominibus notauit nouis. Quo magis hoc philosopho faciendum est. ars est enim philosophia uitæ: de qua differens arripere uerba de foro non potest. quanquam ex omnibus philo-

D E F I N I B V S

Sophis Stoici plurima nominauerunt. Zeno quoque, eorum princeps, non tam rerum inuentor fuit, quàm nouator uerborum. quòd si in ea lingua, quã plerique uberiores putant, concessum a Græcia est, ut doctissimi homines de rebus non peruulgatis inusitatis uerbis uterentur: quanto id uel nobis magis est concedendum, qui ea nunc primum audemus attingere? et si, quod saepe diximus, & quidem cum aliqua querela non Græcorum modo, sed etiam eorum, qui se Græcos magis, quàm nostros, haberi uolunt, nos non modo non uinci a Græcis uerborum copia, sed esse in ea etiam superiores: elaborandum est, ut hoc non in nostris solum artibus, sed etiam in illorum ipsorum consequamur. quamquam ea uerba, quibus ex instituto ueterum utimur pro latinis, ut ipsa philosophia, ut rhetorica, dialectica, grammatica, geometria, musica, quamquam latine ea dici poterant, tamen, quoniam usu percepta sunt, nostra ducamus. Atque hæc quidem de rerum nominibus. De ipsis rebus autem, sæpenumero, Brute, uereor ne reprehendar, cum hæc ad te scribam, qui tum in philosophia, tum in optimo genere philosophiæ tantum processeris. quod si facerem quasi te erudiens, iure reprehenderer: sed ab eo plurimum absom: neque, ut ea cognoscas, quæ tibi notissima sunt, ad te mitto; sed quia facillime in nomine tuo acquiesco, et quia te habeo æquissimum eorum studiorum, quæ mihi communia tecum sunt, æstimatorem, & iudicem. attendes igitur,

tur, ut soles, diligenter, eamq. cōtrouersiam diu
dicabis, quæ mihi fuit cum auunculo tuo, diuino,
ac singulari uiro. Nam in Tusculano cum essem,
uellemq. e bibliotheca pueri Luculli quibusdam li-
bris uti, ueni in eius uillam, ut eos ipse, ut solebam,
inde promerem. quò cum uenissem, M. Catonem,
quem ibi esse nescieram, uidi in bibliotheca seden-
tem, multis circumfusus Stoicorum libris. erat
enim, ut scis, in eo inexhausta auuiditas legendi,
nec satiari poterat, quippe qui, ne reprehensionem
quidem uulgi inanem reformidans, in ipsa curia so-
leret legere saepe, dum senatus cogeretur, nihil ope-
ræ reip. detrahens. quo magis tum, in summo otio,
maximaq. copia, quasi helluo librorum (si hoc uer-
bo in tam clara re utendum est) uidebatur. quod
cum accidisset, ut alter alterum necopinato uidere-
mus; surrexit statim: deinde prima illa, quæ in
congressu solemus: quid tu, inquit, huc? a uilla
enim, credo: & si ibi te esse scissem, ad te ipse ue-
nissem. Heri, inquam, ludis commissis, ex urbe
profectus ueni ad uesperam. caussa enim fuit huc ue-
niendi, ut quosdam hinc libros promerem. et qui-
dem, Cato, totam hanc copiam iam Lucullo no-
stro notam esse oportebit. nam his libris eum ma-
lo, quàm reliquo ornatu uillæ, delectari. est enim
mihi magnæ curæ. quāquam quidem hoc proprium
tuum munus est, ut ita erudiatur, ut & patri, &
Capioni nostro, & tibi, tam propinquo, respon-
deat. laboro autem non sine caussa. nam & aui eius

D E F I N I T I O N E S

memoria moueor: (nec enim ignoras, quanti fecerim Capionem; qui, ut opinio mea fert, in principibus iam esset, si uiueret) & Lucullus mihi uersatur ante oculos, uir tum omnibus excellens, tum mecum & amicitia, & omni uoluntate, sententiaq. coniunctus. Præclare, inquit, facis, cum & eorum memoriam tenes, quorum uterque tibi testamento liberos suos commendauit; & puerum diligis. quod autem meum munus dicis, non equidem recusor, sed te adiungo socium. addo etiam illud, multa iam mihi dare signa puerum & pudoris, et ingenij. sed ætatem uides. Video equidem, inquam: sed infici tamen iam debet ijs artibus, quas si, dum est tener, combiberit, ad maiora ueniet paratior.

Sic equidem, diligentius sæpiusq. ista loquemur inter nos, agemusq. communiter: sed resideamus, inquit, si placet. itaq. fecimus. Tum ille: tu autem, cum ipse tantum librorum habeas, quos hic tandem requiris? Commentarios quosdam, inquam, Aristotelicos, quos hic sciebam esse, ueni ut auferrem, quos legerem, dum essem otiosus: quod quidem nobis, ut scis, non sæpe contingit.

Quàm uellem, inquit, ut te ad Stoicos inclinasses. erat enim, si cuiusquam, certe tuum, nihil præter uirtutem in bonis ducere. Vide, ne magis, inquam, tuum fuerit, cum in re idem tibi, quod mihi, uide retur, non noua te rebus nomina imponere. ratio enim nostra cõsentit: oratio pugnat. Minime uero, inquit ille, consentit. quidquid enim præter id, quod hone-

honestum fa
numeraueri
lumen, exte
Dicuntur i
des ne uerbo
dictione, q
de quibus, c
ri, inquit, s
fortes, iusto
fuisse, aut ip
torem ipsam
melius a nati
posset a philo
præter eam,
reptum, nihil
phorum discip
sed tamen om
tem aut in bon
modo nihil ad
meliores sum
nam, si hoc n
quod honestu
tam uitam na
philosophie
quis miser es
morabilem q
tem. Que
inquam, dici
Aristonem.

honestum sit, expetendum esse dixeris, in bonisq. numeraueris: & honestum ipsum, quasi uirtutis lumen, extinxeris; & uirtutem penitus euerteris.

Dicuntur ista, Cato, magnifice, inquam: sed uides ne uerborum gloriam tibi cum Pyrrhone, & Aristone, qui omnia exaequant, esse communem? de quibus, cupio scire, quid sentias. Ego ne, quaeris, inquit, scire quid sentiam? quos bonos uiros, fortes, iustos, moderatos aut audiui in rep. fuisse, aut ipsi uidimus; qui sine ulla doctrina, naturam ipsam secuti, multa laudabilia fecerunt; eos melius a natura institutos fuisse, quam institui possent a philosophia, si ullam aliam probauissent, praeter eam, quae nihil aliud in bonis habet, nisi honestum, nihil, nisi turpe, in malis. cetera philosophorum disciplinae, omnino alia magis, alia minus, sed tamen omnes, quae rem ullam uirtutis expertem aut in bonis, aut in malis numerent, eas non modo nihil adiuuare arbitror, neque afferre, quo meliores simus, sed ipsam deprauare naturam. nam, si hoc non obtineatur, id solum bonum esse, quod honestum sit: nullo modo probari possis, beatam uitam uirtute effici. quod si ita sit: cur opera philosophiae sit danda, nescio. si enim sapiens aliquis miser esse possit: nae ego istam gloriosam, memorabilemque uirtutem non magno aestimandam putem. Quae adhuc, Cato, a te dicta sunt, eadem, inquam, dicere posses, si sequerere Pyrrhonem, aut Aristonem. nec enim ignoras, his istud honestum,

non

non summum modo, sed etiam, ut tu uis, solum bonum uideri. quod si ita est; sequitur id ipsum, quod te uelle uideo, omnes semper beatos esse sapientes. hos ne igitur laudas, & hanc eorum sententiam sequi nos censes oportere? Minime uero istorum quidem, inquit. cum enim uirtutis hoc proprium sit, earum rerum, quæ secundum naturam sint, habere delectum: qui omnia sic exæquauerunt, ut in utraque parte ita paria redderent, uti nulla selectione uteretur eius, uirtutem ipsam sustulerunt.

Istud quidem, inquam, optime dicis: sed quæro, num ne tibi faciendum idem sit, nihil dicenti bonum, quod non rectum, honestumque sit, reliquarum rerum discrimen omne tollenti? Siquidem, inquit, tollerem; sed relinquo. Quonam modo, inquam? si una uirtus, unum istud, quod honestum appellas, rectum, laudabile, decorum, (erit enim notius, quale sit, pluribus notatum uocabulis idem declarantibus) id ergo, inquam, si solum est bonum: quid habebis præterea, quod sequare? aut, si nihil malum, nisi quod turpe, inhonestum, indecorum, prauum, flagitiosum, fædum: (ut hoc quoque pluribus nominibus insigne faciamus) quid præterea dices esse fugiendum? Non ignoranti, inquit, tibi, quid sim dicturus, sed aliquid, ut ego suspicor, ex mea breui responsione arripere cupienti, non respondebo ad singula: explicabo potius, quoniam otiosi sumus, nisi alienum putas, totam Zenonis, Stoicorumque sententiam. Minime id quidem,

dem, inquam, alienum: multumq. ad ea, quæ
querimus, explicatio tua ista profecerit. Experia-
mur igitur, inquit. etsi habet hæc Stoicorū ratio dif-
ficilius quiddam, & obscurius. nam cum in græco
sermone hæc ipsa quōdam rerum nomina nouarum
* non uidebantur, quæ nunc consuetudo diuturna tri-
uit: quid censes in latino fore? Facillimum id qui-
dem est, inquam. si enim Zenoni licuit, cum rem
aliquam inuenisset inusitatam, inauditum quoque
ei rei nomen imponere: cur non liceat Catoni? nec
tamen exprimi uerbum e uerbo necesse erit, ut in-
terpretes indiferti solent; cum sit uerbum, quod
idem declaret, magis, minus ue usitatum. equidem
soleo etiam, quod uno Græci, si aliter non possum,
idem pluribus uerbis exponere. et tamen puto con-
cedi nobis oportere, ut græco uerbo utamur, si quan-
do minus occurret latinum; ne hoc ephippijs, &
acratophoris potius, quàm proegmenis, & apo-
proegmenis, concedatur. quanquam hæc quidem
præposita recte, & reiecta dicere licebit. Bene fa-
cis, inquit, quod me adiuuas: & istis quidem, quæ
modo dixisti, utar potius latinis: in ceteris subue-
nies, si me hærentem uidebis. Sedulo, inquam,
faciam: sed fortuna fortes. quare conare, quæso.
quid enim hoc possumus agere diuinius? Placet
ijs, inquit, quorum ratio mihi probatur, simul
atque natum sit animal, (hinc enim est ordiendum)
ipsum sibi conciliari, & commendari ad se conser-
uandum, & ad suum statum, & ad ea, quæ con-
ser-

DE FINIBVS

seruantia sunt eius status, diligenda; alienari autem ab interitu, ijsq. rebus, quæ interitum uideantur asferre. id ita esse sic probant; quod, ante quàm uoluptas, aut dolor attigerit, salutaria appetant parui, aspernenturq. contraria. quod non fieret, nisi statum ipsum diligerent, interitum timerent. fieri autem non posset, ut appeterent aliquid, nisi sensum haberent sui, eoq. se, & sua diligerent. ex quo intelligi debet, principium ductum esse a se diligendi. In principijs autem naturalibus diligendi sui plerique Stoici non putant uoluptatem esse ponendam. quibus ego uehementer assentior: ne, si uoluptatem natura posuisset in ijs rebus uideatur, quæ primæ appetuntur, multa turpia sequantur. Satis esse autem argumenti uidetur, quamobrem illa, quæ natura prima sunt ascita, natura diligamus; quòd est nemo, quin, cum utrum uis liceat, aptas malit, & integras omnes partes corporis, quàm eodem usu imminutas, & detortas habere. Cognitiones autem, (uel, si hæc uerba minus placeant, aut minus intelliguntur, καταλήψεις appellemus licet) eas igitur ipsas propter se asciscendas arbitramur, quòd habeant quiddam in se quasi complexum, & continens ueritatem. id autem in paruis intelligi potest: quos delectari uideamus, etiam si eorum nihil intersit, si quid ratione per se ipsi inuenerunt. Artes etiam ipsas propter se assumendas putamus, tum quia sit in his aliquid dignum assumptione, tum quòd constent ex cognitionibus, &

& contineant quiddam in se ratione constitutum,
 & uia. a falsa autem assensione magis nos aliena-
 tos esse, quàm a ceteris rebus, quæ sunt contra na-
 turam, arbitrantur. Iam membrorum, id est par-
 tium corporis, alia uidentur propter eorum usum a
 natura esse donata, ut manus, crura, pedes, &
 ea, quæ sunt intus in corpore; quorū utilitas quan-
 ta sit, a medicis etiam disputatur: alia autem nul-
 lam ob utilitatem, quasi ad quendam ornatum, ut
 cauda pavoni, plumæ uersicolores columbis, uiris
 mammae, atque barba. Hæc dicuntur fortasse ie-
 iunius: sunt enim quasi prima elementa naturæ:
 quibus ubertas orationis adhiberi uix potest. nec
 equidem eam cogito consecrari. ueruntamen, cum
 de rebus grandioribus dicas, ipsæ res uerba rapiunt.
 ita fit cum grauior, tum etiam splendidior oratio.
 Est ut dicis, inquam: sed tamen omne, quod de re
 bona dilucide dicitur, mihi præclare dici uidetur.
 istiusmodi autem res dicere ornate uelle, puerile est:
 plane autem, & perspicue expedire posse, docti,
 & intelligentis uiri. Progrediamur igitur, quo-
 niam, inquit, ab his principijs naturæ discessimus:
 quibus congruere debent, quæ sequuntur. sequitur
 autem prima diuisio hæc. Æstimabile esse dicitur
 (sic enim, ut opinor, appellamus *) id, quod aut
 ipsum secundum naturam sit, aut tale quid efficiat,
 ut selectione dignum propterea sit, quòd aliquod
 pondus habeat dignum æstimatione: quàm ille ἀξιό-
 uocat: contraq. inæstimabile, quod sit superiori
 con-

contrarium. Initijs igitur ita constitutis, ut ea, quæ secundum naturam sunt, ipsa propter se sumenda sint, contrariaq. item reiicienda; primum est officium, (id enim appello καθήκον) ut se conseruet in naturæ statu; deinceps, ut ea teneat, quæ secundum naturam sint, pellatq. contraria: quæ inuenta selectione, & item reiectione sequuntur: deinceps cum officio selectio, deinde ea perpetua, tum ad extremum constas consentanea q. naturæ: in qua primum inesse incipit, & intelligi, quid sit, quod uere bonum possit dici. prima est enim conciliatio hominis ad ea, quæ sunt secundum naturam. Simul autem cepit intelligentiam, uel notionem potius, quam appellant ἐννοίαν illi; uiditq. rerum agendarum ordinem, & ut ita dicam, concordiam: multo eam pluris æstimauit, quàm omnia illa, quæ prius dilexerat: atque ita cognitione, & ratione collegit, ut statueret in ea collocatum summum illud hominis per se laudandum, & expetendum bonum. quod cum positum sit in eo, quod ὁμολογίαν Stoici, nos appellemus conuenientiam, si placet; cum igitur in eo sit id bonum, quod referenda sunt omnia: honeste facta, ipsumq. honestum, quod in bonis ducitur, quanquam post oritur, tamen id solum ui sua, & dignitate expetendum est: eorum autem, quæ sunt prima natura, propter se nihil est expetendum. cum uero illa, quæ officia esse dixi, profisciscantur ab initijs naturæ: ad ea hæc referri necesse est: ut recte dici possit, omnia officia eò referri, ut
adi-

adipiscamur principia naturæ, nec tamen ut hoc sit bonorum ultimum: propterea quod non inest in primis naturæ conciliationibus honesta actio: consequens enim, est & post oritur, ut dixi: est tamen ea secundum naturam, multoq. nos ad se expetendam magis hortatur, quam superiora omnia. Sed ex hoc primum error tollendus est, ne quis sequi existimet, ut duo sint ultima bonorum. ut enim, si cui sit propositum collineare hastam aliquod, aut sagittam, sicut nos ultimum in bonis diximus: sic illi facere omnia quæ possit, ut collineet: huic in eius similitudine omnia sint facienda, ut collineet: tum, ut omnia faciat, quo propositum assequatur. sed hoc quasi ultimum, quale nos summum in uita bonum dicimus: illud autem, ut feriat, quasi seligendum, non expetendum. Cum autem omnia officia a principiis naturæ proficiantur; ab iisdem necesse est proficisci ipsam sapientiam. sed quemadmodum sæpe fit, ut is qui commendatus sit alicui, pluris eum faciat, cui commendatus sit, quam illum, a quo sit: minime mirum est, primo nos sapientiæ commendari ab initijs naturæ, post autem ipsam sapientiam nobis cariorem fieri, quam illa sint, a quibus ad hanc uenerimus. Atque ut membra nobis ita data sunt, ut ad quandam rationem uiuendi data esse appareant: sic appetitio animi, quæ ὁπὸν græce uocatur, non ad quoduis genus uitæ, sed ad quandam formam uiuendi uidetur data; itemq. & ratio, & perfecta ratio. ut enim histrioni actio, saltatori motus, non quiuis, sed

D E F I N I B V S

sed certus quidam est datus: sic uita agenda est certo genere quodam, non quolibet: quod genus conueniens, consentaneumq. dicimus. nec enim gubernationi, aut medicinae similem sapientiam esse arbitramur, sed actioni illi potius, quam modo dixi, & saltationi; ut in ipsa arte insit, non foris petatur extremum, id est artis effectio. Et tamen est etiam alia cum his ipsis artibus sapientiae dissimilitudo: propterea quod in illis, quae recte facta sunt, non continent tamen omnes partes, ex quibus constant: quae autem nos aut recta, aut recte facta dicamus, si placet; illi autem appellant κατ'ὀρθώματα; omnes numeros uirtutis continent. sola enim sapientia in se tota conuersa est. quod idem in ceteris artibus non fit. Inscite autem medicinae, et gubernationis ultimum cum ultimo sapientiae comparatur. sapientia enim & animi magnitudinem complectitur, & iustitiam, & ut omnia, quae homini accidunt, infra se esse iudicet. quod idem in ceteris artibus non contingit. Tenere autem uirtutes eas ipsas, quarum modo mentionem feci, nemo poterit, nisi statuerit nihil esse, quod intersit, aut differat aliud ab alio, praeter honesta, & turpia. Videamus nunc, quam sint praeclare illa ijs, quae iam posui, consequentia. Cum enim hoc sit extremum, (sentis enim credo me iam diu, quod τέλος Graeci dicunt, id dicere tum extremum, tum ultimum, tum summum: licebit etiam finem pro extremo, aut ultimo dicere) cum ergo hoc sit extremum, congruen-

ter

ter natura
tur, omnes
fortunate m
ri, nulla eg
cam discipli
tuasq. nostr
lam bonum
copiose, &
miqua sentent
sed consuetar
lectant. con
sic, quod est
autem laudat
igitur quod
clausum uidet
his duobus,
conclusum.
clauso est, c
bonum esse
laudabile eff
dum, bonum
fit; aut exp
si id, non e
dum; ita eti
fit, ut, quo
Deinde quae
ri, aut non
efficitur, gl
tam uitam

ter naturæ, conuenienterq. uiuere; necessario sequitur, omnes sapientes semper feliciter, absolute, fortunate uiuere, nulla re impediri, nulla prohiberi, nulla egere. Quod autem continet non magis eam disciplinam, de qua loquor, quàm uitam, fortunasq. nostras, id est ut, quod honestum sit, id solum bonum iudicemus: potest id quidem fuisse, & copiose, & omnibus electissimis uerbis, grauissimisq. sententijs rhetorice & augeri, & ornari: sed consuetaria me Stoicorum breuia, & acuta delectant. concluduntur igitur eorum argumenta sic. quod est bonum, omne laudabile est: quod autem laudabile est, omne honestum est: bonum igitur quod est, honestum est. Satis ne hoc conclusum uidetur? certe: quod enim efficiebatur ex his duobus, quæ erant sumpta in eo, uides esse conclusum. duorum autem, e quibus effecta conclusio est, contra superius dici solet, non omne bonum esse laudabile. nam, quod honestum sit, laudabile esse conceditur: illud autem perabsurdum, bonum esse aliquid, quod non expetendum sit; aut expetendum, quod non placens; aut, si id, non etiam diligendum; ergo & probandum; ita etiam laudabile; id autem honestum. ita fit, ut, quod bonum sit, id etiam honestum sit. Deinde quæro, quis aut de misera uita possit gloriari, aut non de beata? de sola igitur beata. ex quo efficitur, gloriatione, ut ita dicam, dignam esse beatam uitam. quod non possit quidem, nisi honestæ

p uitæ,

DE FINIBVS

uita, iure contingere. ita fit, ut honesta uita, beata uita sit. Et quoniam is, cui contingit ut iure laudetur, habet insigne quiddam ad decus, & ad gloriam, ut ob ea, quae tanta sint, beatus dici iure possit: idem de uita talis uiri rectissime dicitur. ita, si beata uita honestate cernitur, quod honestum est, id bonum solum habendum est. Quod uero negari nullo modo possit, quem unquam stabili, & firmo, & magno animo, quem fortem uirum dicimus effici posse, nisi constitutum sit, non esse malum dolorem? ut enim, qui mortem in malis ponit, non potest eam non timere: sic nemo ulla in re potest id, quod malum esse decernit, non curare, idq. contemnere. quo posito, & omnium assensu approbato, illud assumitur, eum, qui magno sit animo, atque forti, omnia, quae cadere in hominem possint, despiciere, & pro nihilo putare. Quae cum ita sint, effectum est, nihil esse malum, quod turpe non sit. Atque iste uir, altus, & excellens, magno animo, uere fortis, infra se omnia humana ducens, is, inquam, quem efficere uolumus, quem querimus certe, & considerare sibi debet, & suae uitae, & actus, & consequenti, & bene de se iudicare, statuens nihil mali posse incidere sapienti. ex quo intelligitur idem, illud solum bonum esse, quod honestum sit, idq. esse beate uiuere, & honeste, id est cum uirtute uiuere. Nec uero ignoro uarias philosophorum fuisse sententias, eorum dico, qui summum bonum, quod ultimum appello, in animo ponerent. quas

quas quanquam uitiose quidam secuti sunt : tamen non modo his tribus , qui uirtutem a summo bono segregauerunt , cum aut uoluptatem , aut uacuitatem doloris , aut prima natura in summis bonis ponerent ; sed etiam alteris tribus , qui mancā fore putauerunt sine aliqua accessione uirtutē , ob eamq. rem trium earum rerum , quas supra dixi , singulas singulis addiderunt ; his tamen omnibus eos antepo-
no , cuiusmodi sunt , qui summum bonum in animo , atque in uirtute posuerunt . Sed sunt tamen perabsurdi & ij , qui , cum scientia uiuere , ultimum bonorum , & qui nullam rerum differentiam esse dixerunt , atque ita sapientē beatum fore , nihil aliud alij momento ullo anteponentem : ut quidam Academici constituisse dicuntur , extremum bonorum , & summum munus esse sapientis , obsistere uisis , assensusq. suos firme sustinere . His singulis copiose responderi solet : sed , quæ perspicua sunt , longa esse non debent . quid autem apertius , quā , si selectio nulla sit ab ijs rebus , quæ contra naturam sint , earum rerum , quæ sint secundum naturam , tollatur omnis ea , quæ quærat , laudeturq. prudentia ? Circumscriptis igitur ijs sententijs , quas posui , & ijs , quæ similes earum sunt , relinquitur , ut summum bonum sit , uiuere scientiam adhibentem earum rerum , quæ natura eueniant ; seligentem , quæ secundum naturam ; & , si quæ contra naturam sunt , reiicientem ; id est conuenienter , congruēterq. naturæ uiuere . Sed in ceteris artibus ,

DE FINIBVS

cum dicitur artificiose, posterum quodam modo, et consequens putandum est: quod illi ἐπιγεννηματικὸν appellant. quod autem in quo sapienter dicimus, id apprimè recte dicitur. quidquid enim a sapiente proficiscitur, id continuo debet expletum esse omnibus suis partibus. in eo enim positum est id, quod dicimus esse expetendum. nam ut peccatum est, patriam prodere, parentes uiolare, fana depeculari, quæ sunt in effectu: sic, timere, sic, mædere, sic, in libidine esse, peccatum est, etiam sine effectu. uerum, ut hæc non in posteris, & in consequentibus, sed in primis continuo peccata sunt: sic ea, quæ proficiscuntur a uirtute, susceptione prima, non perfectione, recta sunt iudicanda. Bonum autem, quod in hoc sermone toties usurpatum est, id etiam definitione explicetur. sed eorum definitiones paulum oppido inter se differunt, & tamen eodem spectant. ego assentior Diogeni, qui bonum definierit, id, quod esset natura absolutum. id autem sequens, illud quod prodesset, (ὠφέλεια enim sic appellamus) motum, aut statum esse dixit, a natura absoluta. Cumq. rerum notiones in animis fiant, si aut usu aliquid cognitum sit, aut coniunctione, aut similitudine, aut collatione rationis: hoc quarto, quod extremum posui, bonorum notitia facta est. cum enim ab ijs rebus, quæ sunt secundum naturam, ascendit animus collatione rationis; tum ad notionem boni peruenit. hoc autem ipsum bonum non accessione, neque crescendo, aut cum ceteris

com-

comparandi
appellamus
est, suo tam
tione cum a
de quo agim
dum, sed ea
dine, nam cu
in bonis nom
tuncunque e
alia est igitur
re, non cresce
res animorum
uerbamq. re
teram ego,
appellare; se
misericordiam
ut dicere? at
no, que nomi
he perturbati
neq. hæc sum
agritudo, for
nomine corpo
littiam app
voluptariam
si commouet
dicia leuitati
Omne autem
expetendum
aliorum ph

comparando, sed propria ui sua & sentimus, & appellamus bonum. ut enim mel, etsi dulcissimum est, suo tamen proprio genere saporis, non comparatione cum alijs, dulce esse sentitur: sic bonum hoc, de quo agimus, est illud quidem plurimi aestimandum, sed ea aestimatio genere ualet, non magnitudine. nam cum aestimatio, quæ ἀξία dicitur, neque in bonis numerata sit, nec rursus in malis: quantumcunque eò addideris, in suo genere manebit. alia est igitur propria aestimatio uirtutis: quæ genere, non crescendo, ualet. Nec uero perturbationes animorum, quæ uitam insipientium miseram, acerbamq. reddunt, quas Græci πᾶθη appellāt: (poteram ego, uerbum ipsum interpretans, morbos appellare; sed non conueniret ad omnia: quis enim misericordiam, aut ipsam iracundiam, morbum solet dicere? at illi dicunt πᾶθος: sit igitur perturbatio, quæ nomine ipso uitiosa declarari uidetur) nec hæ perturbationes ui aliqua naturali mouentur: omnesq. hæ sunt genere quattuor, partibus plures, ægritudo, formido, libido, quamq. Stoici, communi nomine corporis, et animi, ἰσθμὸν appellāt; ego malo lætitiā appellare, quasi gestientis animi elationem uoluptariam. perturbationes autem nulla naturæ ui commouentur: omniaq. ea sunt opiniones, ac iudicia leuitatis. itaque his sapiens semper uacabit. Omne autem, quod honestum sit, id esse propter se expetendum, commune nobis est cum multorum aliorum philosophorum sententijs. præter enim

D E F I N I T I O N E S

tres disciplinas, quæ uirtutem a summo bono excludunt, ceteris omnibus philosophis hæc est tuenda sententia, maxime tamen his Stoicis; qui nihil aliud in bonorum numero, nisi honestum, esse uoluerunt. sed hæc quidem est perfacilis, & perexpedita defensio. quis est enim, aut quis unquam fuit aut auaritia tam ardenti, aut tam effrenatis cupiditatibus, ut eandem illam rem, quam adipisci scelere quouis uelit, non multis partibus malit ad sese, etiam omni impunitate proposita, sine facinore, quàm illo modo, peruenire? quam uero utilitatem, aut quem fructum petentes, scire cupimus, illa, quæ occulta nobis sunt, quo moueantur, quibusq. de causis ea uersentur in celo? quis autem tam agrestibus institutis uiuit, aut quis contra studia naturæ tam uehementer obduruit, ut a rebus cognitione dignis abhorreat, easq. sine uoluptate, aut utilitate aliqua non requirat, & pro nihilo putet? aut quis est, qui, maiorum, aut Africanorum, aut eius, quem tu in ore semper habes, proauis mei, ceterorumq. uirorum fortium, atque omni uirtute præstantium facta, dicta, consilia cognoscens, nulla animo afficiatur uoluptate? quis autem, honesta in familia institutus, & educatus ingenue, non ipsa turpitudine, etiam si eum læsura non sit, offenditur? quis animo æquo uidet eum, quem impure, ac flagitiose putet uiuere? quis non odit sordidos, uanos, leues, futiles? quid autem dici poterat, si turpitudinem non ipsam per se fugiendam esse statueremus,

remus, quo
nem nati,
per se fedit.
merabilia dā
neceffe est.
possit, quā
dem modo tu
tem illo, de q
id esse solum
quod honestū
cia, quæ ex e
temeritatem
cum dicimus
ipsi eueniant
positum est,
hac pugnare
non ad corpo
turpes action
Græci rarias
as, nominare
lustribus, &
mibi uideris
ficiuitatem
Roma uideb
bus: & ista
rerum, &
quosdam, q
nullis tamen
tuntur ipsi.

remus, quo minus homines, tenebras, & solitudinem nacti, nullo dedecore se abstineant, nisi eos per se seditate sua turpitudine ipsa deterreat? Innummerabilia dici possunt in hanc sententiam: sed non necesse est. nihil est enim, de quo minus dubitari possit, quam & honesta expetenda per se, & eodem modo turpia per se fugienda. Constituto autem illo, de quo ante diximus, quod honestum sit, id esse solum bonum; intelligi necesse est, pluris id, quod honestum sit, aestimandum esse, quam illa media, quæ ex eo comparentur. Stultitiam autem, et temeritatem, & iniustitiam, & intemperantiam cum dicimus esse fugienda propter eas res, quæ ex ipsis eueniant; non ita dicimus, ut cum illo, quod positum est, solum id esse malum, quod turpe sit, hæc pugnare uideatur oratio: propterea quod ea non ad corporis incommodum referuntur, sed ad turpes actiones, quæ oriuntur è uitijs. quas enim Græci *xaias* appellant, uitia malo, quam malitias, nominare. Hæc tu, inquam, Cato, uerbis illustribus, & id, quod uis, declarantibus. itaque mihi uideris latine docere philosophiam, & ei quasi ciuitatem dare, quæ quidem adhuc peregrinari Romæ uidebatur, nec offerre sese nostris sermonibus: & ista maxime propter limatam quandam & rerum, & uerborum tenuitatem. scio enim esse quosdam, qui quamuis lingua philosophari possint, nullis tamen partitionibus, nullis definitionibus utuntur ipsi, qui dicunt ea se modo probare, quibus

D E F I N I T I O N E S

natura tacita assentiatur. itaque in rebus minime obscuris non multus est apud eos differendi labor. quare attendo te studiosè, & quacunque rebus ijs, de quibus hic sermo est, nomina imponis, memoria mando. mihi enim erit ijsdem istis fortasse iam utendum. Virtutibus igitur rectissime mihi uideris, & ad consuetudinem nostræ orationis, uitia posuisse contraria. quod enim uituperabile est per se ipsum, id eo ipso uitium nominatum puto, uel etiam a uitio dictum uituperari. *sin κακία* malitiam dixisses; ad aliud nos unum certum uitium consuetudo latina traduceret: nunc omni uirtuti uitium, contrario nomine, opponitur. Tum ille, his igitur ita positis, inquit, sequitur magna contentio: quæ pertractata est a Peripateticis mollius. est enim eorum consuetudo dicendi non satis acuta, propter ignorantiam dialecticæ. Carneades tuus, egregia quadam exercitatione in dialecticis, summaq. eloquentia, rem in summum discrimen adduxit: propterea quod pugnare non destitit, in omni hac quæstione, quæ de bonis, & malis appelletur, non esse rerum Stoicis cum Peripateticis controuersiam, sed nominum. Mihi autem nihil tam perspicuum uidetur, quàm has sententias eorum philosophorum re inter se magis, quàm uerbis, dissidere, maiorem multo habere Stoicos et Peripateticos rerum omnino discrepantiam, quàm uerborum; quippe cum Peripatetici omnia, quæ ipsi bona appellant, pertinere dicant ad beate uiuendum; nostri uero, quod æstimatione

matione om
tam uitam p
esse, qua
his ponunt, n
equaleo torq
malis non ha
tormentis con
si dolores eos
pant eos pro
opinio facit, i
aut minorem
ut, si, cum tr
na est Peripa
sit corporis, a
approbandum
in corpore ma
corporis con
nostri nihil ma
quidem bonor
frequentia be
rendam, an
beatam uitam
dorum. eten
uolare: conu
sit, quàm sa
sit æstimatio
sapere ipsum
matione ali
tam in boni

matione omnino aliqua dignum sit, complecti beatam uitam putent. An uero certius quidquam potest esse, quàm illa ratio eorum, qui dolorem in malis ponunt, non posse sapientem beatum esse, cum equuleo torqueatur? eorum autem, qui dolorem in malis non habent, ratio certe cogit, uti in omnibus tormentis conseruetur beata uita sapienti. etenim, si dolores eosdem tolerabilius patiantur, qui excipiunt eos pro patria, quàm qui leuiore de causa: opinio facit, non natura, uim doloris aut maiorem, aut minorem. Ne illud quidem est consentaneum, ut, si, cum tria genera bonorum sint, quæ sententia est Peripateticorum, eo beatior quisque sit, quo sit corporis, aut externis bonis plenior; ut hoc idem approbandum sit nobis, ut, qui plura habeat, quæ in corpore magni æstimantur, sit beatior. illi enim corporis commodis compleri uitam beatam putant: nostri nihil minus. nam cum ita placeat, ne eorum quidem bonorū, quæ nos bona naturæ appellemus, frequentia beatiorē uitam fieri, aut magis expetendam, aut pluris æstimandam: certe minus ad beatam uitam pertinet multitudo corporis commodorum. etenim si et, sapere, expetendum sit, & ualere: coniunctum utrumque magis expetendum sit, quàm sapere solum. neque tamen, si utrumque sit æstimatione dignum, pluris sit coniunctū, quàm sapere ipsum separatū. nam qui ualetudinem æstimatione aliqua dignam iudicamus, neque tamen eam in bonis ponimus; ijdem censemus, nullam esse tantam

D E F I N I B V S

tantam æstimationem, ut ea uirtuti anteponatur, quod idem Peripatetici non tenent: quibus dicendum est, quæ & honesta actio sit, & sine dolore, eam magis esse expetendam, quàm si esset eadem actio cum dolore. nobis aliter uidetur: recte, secus ne, postea. Sed potest ne rerum maior esse dissensio? ut enim obscuratur, & offunditur luce solis lumen lucernæ; et ut interit magnitudine maris Aegei stil- la muræ; & ut in diuitijs Cræsi teruncij accessio, & gradus unus in ea uia, quæ est hinc in Indiam: sic, cum sit is bonorum finis, quem Stoici dicunt, omnis ista rerum in corpore sitarum æstimatio splendore uirtutis, & magnitudine obscuretur, & ob- ruatur, atque intereat, necesse est. & quemadmo- dum oportunitas (sic enim appellemus *Ἐκπρωπία*) non sit maior productione temporis: (habent enim suum modum, quæcunque oportuna dicuntur) sic recta effectio (*κατόρθωσις* enim ita appello; quo- niam rectum factum *κατόρθωμα*) recta igitur effe- ctio, item conuenientia, denique ipsum bonum, quod in eo positum est, ut naturæ consentiat, cre- scendi accessionem nullam habet. ut enim oportuni- tas illa, sic hæc, de quibus dixi, non sunt tempo- ris productione maiora: ob eamq. causam Stoicis non uidetur optabilior, nec magis expetenda beata uita, si sit longa, quàm si breuis: utunturq. simi- li. ut, si cothurni laus illa esset, ad pedem apte con- uenire; neque multi cothurni paucis anteponeren- tur, nec maiores minoribus: sic, quorum omne bo- num

num conuenientia, atque oportunitate finitur, nec
plura paucioribus, nec longinquiora breuioribus an
teponentur. Nec uero satis acute dicunt: si bona
ualetudo pluris æstimanda sit longa, quàm breuis;
sapientiæ quoque usus longissimus quisque sit pluri-
mi. non intelligunt ualetudinis æstimationem spatio
iudicari; uirtutis, oportunitate. ut uideantur, qui
illud dicant, iisdem hoc esse dicturi, bonam mortem,
& bonum partum meliorem longum esse, quàm
breuem. non uident alia breuitate pluris æstimari,
alia diuturnitate. itaque consentaneum est his, quæ
dicta sunt, ratione illorum, qui illum bonorum fi-
nem, quod appellamus extremum, quod ultimum,
crescere putant posse, iisdem placere, esse alium a-
lio etiam sapientiore, itemq. alium magis alio uel
peccare, uel recte facere. quod nobis non licet dice-
re: qui crescere bonorum finem non putamus. ut e-
nim qui demersi sunt in aqua, nihilo magis respira-
re possunt, si longe non absint a summo, ut iam
iamq. possint emergere, quàm si etiam tum essent
in profundo; nec catulus ille, qui iam appropinquat
ut uideat, plus cernit, quàm is, qui modo est na-
tus: item, qui processit aliquantum ad uirtutis adi-
tum, nihilo minus in miseria est, quàm ille, qui ni-
hil processit. Hæc mirabilia uideri intelligo: sed,
cum certe superiora firma, ac uera sint, his autem
ea consentanea, & consequentia; ne de eorum qui-
dem ueritate est dubitandum. Sed quanquam ne-
gent, nec uirtutes, nec uitia crescere: attamen u-
trunque

trunque eorum fundi quodam modo, & quasi dilata-
 tari putant. Diuitias autem Diogenes censet non
 eam modo uim habere, ut quasi duces sint ad uolu-
 ptatem, & ad ualetudinem bonam, sed etiam ut
 ea contineant: non idem facere eas in uirtute, ne-
 que in ceteris artibus, ad quas esse dux pecunia po-
 test, continere autem non potest: itaque, si uolu-
 ptas, aut si bona ualetudo sit in bonis, diuitias quo-
 que in bonis esse ponendas: at, si sapientia bonum
 sit, non sequi ut etiam diuitias bonum esse dicamus:
 nec ab ulla re, quæ non sit in bonis, id, quod sit in
 bonis, contineri potest. ob eamq. causam, quia co-
 gitationes, comprehensionesq. rerum, e quibus ef-
 ficiuntur artes, appetitiones mouent; cum diuitiæ
 non sint in bonis, nulla ars diuitijs contineri potest.
 quod si de artibus concedamus: uirtutis tamen non
 sit eadem ratio: propterea quod hæc plurimæ com-
 mentationis, & exercitationis indigeat; quod idem
 in artibus non sit; & quod uirtus stabilitatem, fir-
 mitatem, constantiam totius uitæ complectatur;
 nec eadem hæc in artibus esse uideamus. Deinceps
 explicatur differentia rerum: quam si non ullam ef-
 se diceremus, confunderetur omnis uita, ut ab Ari-
 stote; nec ullum sapientiæ munus, aut opus inueni-
 retur; cum inter res eas, quæ ad uitam degendam
 pertinerent, nihil omnino interesse, neque ullum
 delectum adhiberi oporteret. itaque, cum esset sa-
 tis constitutum, id solum esse bonum, quod esset ho-
 nestum, & id malum solum, quod turpe: tum in-
 ter

ter hæc, &
 rep. uiuend
 se uoluerunt
 contra, alia
 corum in ali
 lam antepo
 gritate sensu
 diuitiarum,
 eiusmodi: ite
 qua essent, p
 reuerentur,
 bonem, p. uir
 partim non:
 Zeno & p. uir
 uiuant; cum
 men nominib
 lingua non co
 rem etiam di
 cilis uis uer
 ciendi Zenon
 dicit, in regi
 dignitatem,
 in aliquo bon
 dit, ut secun
 ta non ea, q
 dum locum
 mimentur:
 enerbo) ue
 sta, uel pr

ter hæc, & illa, quæ nihil ualerent ad beate, misereq. uiuendum, aliquid tamen, quo differrent, esse uoluerunt; ut essent eorum alia æstimabilia, alia contra, alia neutrum: quæ autem æstimanda essent, eorum in alijs satis esse causæ, quamobrem quibusdam anteponerentur, ut in ualetudine, ut in integritate sensuum, ut in doloris uacuitate, ut gloriæ, diuitiarum, similium rerum; alia autem non esse eiusmodi: itemq. eorum, quæ nulla æstimatione digna essent, partim satis habere causæ, quamobrem reijcerentur, ut dolorem, morbum, sensuum amissionem, paupertatem, ignominiam, similia horum; partim non: itemq. hinc esse illud exortum, quod Zeno *ὑποτιθέμενον*, contraq. quod *ἀποτιθέμενον* nominauit; cum uteretur in lingua copiosa factis tamen nominibus, ac nouis: quod nobis in hac inopi lingua non conceditur. quanquam tu hanc copiosiorum etiam dicere soles. sed non alienum est, quo facilius uis uerbi intelligatur, rationem huius uerbi faciendi Zenonis exponere. Vt enim, inquit, nemo dicit, in regia regem ipsum quasi productum esse ad dignitatem, (id enim est *ὑποτιθέμενον*) sed eos, qui in aliquo honore sint, quorum ordo proxime accedit, ut secundus sit ad regium principatum: sic in uita non ea, quæ primario loco sunt, sed ea, quæ secundum locum obtinent, *ὑποτιθέμενα*, id est producta, nominentur: quæ uel ita appellemus, (id erit uerbum e uerbo) uel promota, uel, ut dudum diximus, præposita, uel præcipua; & illa reiecta. re enim intellecta,

DE FINIBVS

Et, in uerborum usu faciles esse debemus. quoniam autem omne, quod est bonum, primum locum tenere dicimus: necesse est, nec bonum esse; nec malum hoc, quod prepositum, uel præcipuum nominamus. itaque id definimus, quod sit indifferens, cum æstimatione mediocri. quod enim illi ἀδιάφορον dicunt, id mihi ita occurrit, ut indifferens dicerem. neque enim illud fieri poterat ullo modo, ut nihil relinqueretur in medijs, quod aut secundum naturam esset, aut contra, nec, cum id relinqueretur, nihil in his poni, quod satis æstimabile esset: nec, hoc posito, non aliqua essent præposita. recte igitur hæc facta distinctio est. Atque etiam ab ijs, quo facilius res perpici possit, hoc simile ponitur. ut enim, inquiunt, si hoc fingamus esse quasi finem, & ultimum, ita iacere talum, ut rectus assistat; qui ita talus erit iactus, ut cadat rectus, præpositum quiddam habebit ad finem; qui aliter, contra; neque tamen illa præpositio tali ad eum, quem dixi, finem pertinebit: sic ea, quæ sunt præposita, referuntur illa quidem ad finem, sed ad eius uim, naturamque. nihil pertinent. Sequitur illa diuisio, ut bonorum alia sint ad illud ultimum pertinentia, (sic enim appello, quæ τελικὰ dicuntur: iam hoc ipsum instituamus, ut placuit, pluribus uerbis dicere, quod uno non poterimus; ut res intelligatur) alia autem efficientia, quæ Græci ποικτικὰ, alia utrunque. de pertinentibus nihil est bonum, præter actiones honestas: de efficientibus, nihil præter amicum. sed

&

& pertinentem & efficientem sapientiam uolunt
 esse. nam quia sapientia est conueniens actio; erit
 cum illo pertinenti genere, quod dixi. quod autem
 honestas actiones affert, & efficit, id efficiens dici
 potest. Hæc, quæ præposita dicimus, partim sunt
 per se ipsa præposita, partim quod aliquid effi-
 ciunt, partim utrunque: per se, ut quidam habi-
 tus oris, & uultus, ut status, ut motus; in qui-
 bus sunt & præponenda quædam, & reijcienda:
 alia ob eam rem præposita dicuntur, quod ex se ali-
 quid efficiant, ut pecunia: alia autem ob utranque
 rem, ut integri sensus, ut bona ualetudo. De bo-
 na autem fama (quam enim appellant *ἁδοξία*,
 aptius est hoc loco bonam famam appellare, quam
 gloriam) Chrysippus quidem, & Diogenes, de-
 tracta utilitate, ne digitum quidem eius causa por-
 rigendum esse dicebant. quibus ego uehementer as-
 sentior. qui autem post eos fuerunt, cum Carnea-
 dem sustinere non possent, hanc, quam dixi, bonam
 famam ipsam propter se præpositam, & sumen-
 dam esse dixerunt; esseq. hominis ingenui, & libe-
 raliter educati, uelle bene audire a parëtibus, a pro-
 pinquis, a bonis etiã uiris, idq. propter rem ipsam,
 non propter usum: dicuntq., ut liberis consultũ ue-
 limus, etiam si posthumi futuri sint, propter ipsos;
 sic futuræ post mortẽ famæ tamen esse propter rem,
 etiam detractõ usu, consulendum. Sed cum, quod
 honestum sit, id solum bonũ esse dicamus: consenta-
 neum tamen est, fungi officio; cum id officium nec
 in

D E F I N I T I O N E S

in bonis ponamus, nec in malis. est enim aliquid in his rebus probabile, & quidem ita, ut eius ratio reddi possit. est autem officium, quod ita factum est, ut eius probabilis ratio reddi possit. ex quo intelligitur, officium medium quoddam esse, quod neque in bonis ponatur, neque in contrariis. quoniamq. in ijs rebus, quæ neque in uirtutibus sunt, neque in uitijs, est tamen quiddam, quod usui possit esse: tollendum id non est. Est autem eius generis actio quoque quedam, & quidem talis, ut ratio postulet agere aliquid, & facere eorum. quod autem ratione actum sit, id officium appellamus. est igitur officium eius generis, quod nec in bonis ponatur, nec in contrariis. Atque perspicuum etiam illud est, in istis rebus medijs aliquid agere sapientem. iudicat igitur, cum agit, officium illud esse. quod, quoniam nunquam fallitur in iudicando, erit in medijs rebus officium. quod efficitur etiam hac conclusione rationis. quoniam enim uidemus esse quiddam, quod recte factum appellemus; id autem est perfectum officium: erit autem etiam inchoatum, ut, si, iuste depositum reddere, in recte factis sit, in officijs ponatur depositum reddere: illo enim addito, iuste, facit recte factum: per se autem hoc ipsum, reddere, in officio ponitur. quoniamq. non dubium est, quin in ijs, quæ media dicimus, sit aliud sumendum, aliud reiiciendum: quidquid ita sit, aut dicitur, communi officio continetur. ex quo intelligitur, quoniam se ipsos omnes

nes natura diligunt; tam insipientem, quam sapien-
tem sumpturum, quæ secundum naturam sint, re-
iecturumque contraria. ita est quoddam commune of-
ficiū sapientis, & insipientis. ex quo efficitur,
uersari in ijs, quæ media dicamus. sed, cum ab his
omnia proficiantur officia; non sine causa dici-
tur, ad ea referri omnes nostras cogitationes, in
his & excessum e uita, & in uita mansionem. in
quo enim plura sunt, quæ secundum naturam sunt;
huius officium est in uita manere: in quo autem
aut sunt plura contraria, aut fore uidentur; hu-
ius officium est e uita excedere. ex quo apparet,
& sapientis esse aliquando officium, excedere e
uita, cum beatus sit; & stulti, manere in uita, cum
sit miser. nam bonum illud, & malum, quod sæpe
iam dictum est, postea consequitur. prima autem
illa naturæ, siue secunda, siue contraria, sub iudi-
cium sapientis, & delectum cadunt: estque illa sub-
iecta quasi materia sapientiæ. itaque & manendi
in uita, & migrandi ratio omnibus ijs rebus, quas
supra dixi, metienda. nam neque ijs, qui uirtute
retinentur in uita, neque ijs, qui sine uirtute sunt,
mors est oppetenda; ut sæpe officium est sapientis de-
sciscere a uita, cum sit beatissimus, si id oportune
facere possit, quod est conuenienter naturæ uiuere.
sic enim censent, oportunitatis esse beate uiuere.
itaque a sapientia præcipitur, se ipsam, si iusserit,
sapientis ut relinquat. Quamobrem cum uitiorum
ista uis non sit, ut causam afferant mortis uolunta-
ria:

q ria:

D E F I N I T I O N E S

*ria: perspicuum est, etiam stultorum, qui iidem mi-
seri sint, officium esse, manere in uita, si sint in ma-
iore parte earum rerum, quas secundum naturam
esse dicimus. et quoniam excedens e uita, & ma-
nens, aequè miser est; nec diuturnitas magis ei ui-
tam fugiendam facit: nō sine causa dicitur, ijs, qui
pluribus naturalibus frui possint, esse in uita manen-
dum. Pertinere autem ad rem arbitrantur, intelli-
gi, natura fieri, ut liberi a parentibus amentur: a
quo initio profectam communem humani generis so-
cietatem persequimur. quod primum intelligi debet
figura, membrisq. corporum: quæ ipsa declarant,
procreandi a natura habitam esse rationem. neque
uero hæc inter se congruere possent, ut natura &
procreari uellet, & diligere procreatos non curaret.
Atque etiā in bestiis uis naturæ perspicui potest: qua-
rum in fœtu, et educatione laborem cum cernimus,
naturæ ipsius uocem uidemur audire. Quare ut per-
spicuum est, natura nos a dolore abhorrere: sic ap-
paret, a natura ipsa, ut eos, quos genuerimus, ame-
mus, impelli. Ex hoc nascitur, ut etiam communis
hominum inter homines naturalis sit commendatio,
ut oporteat hominem ab homine ob id ipsum, quod
homo sit, non alienum uideri. ut enim in membris
alia sunt tanquam sibi nata, ut oculi, ut aures; alia
etiam ceterorum membrorum usum adiuuant, ut
crura, ut manus: sic immanes quædam bestię sibi
solum natæ sunt: at illa, quæ in concha patula pin-
na dicitur, isq., qui enat e concha, qui, quod eam
custo-*

custodiat, pinnoteres uocatur, in eamq. cum se recepit, includitur; ut uideatur monuisse, ut caueret; itemq. formicæ, apes, ciconiæ aliorum etiam caussa quædam faciunt. multo magis hæc coniunctio est hominis: itaque natura sumus apti ad cætus, concilia, ciuitates. Mundum autem censent regi numine deorum, eumq. esse quasi communem urbem, & ciuitatem hominum, & deorum, & unumquemque nostrum eius mundi esse partem: ex quo illud natura consequi, ut communem utilitatem nostræ anteponamus. ut enim leges omnium salutem singulorum saluti anteponunt: sic uir bonus, & sapiens, & legibus parens, & civilis officij non ignarus, utilitati omnium plus, quàm unius alicuius, aut suæ, consulit: nec magis uituperandus est proditor patriæ, quàm communis utilitatis, aut salutis desertor propter suam utilitatem, aut salutem. ex quo fit, ut laudandus sit is, qui mortem appetat pro rep. qui doceat cariorem nobis esse patriam, quàm nosmet ipsos. quoniamq. illa uox inhumana, & scelerata dicitur, eorum, qui negant se recusare, quo minus, ipsis mortuis, terrarum omnium deflagratio consequatur; quod uulgari quodam uersu græco pronuntiari solet: certe uerum est, etiam ijs, qui aliquando futuri sint, esse propter ipsos consulendum. ex hac animorum affectione testamenta, commendationesq. morientium natæ sunt. Quodq. nemo in solitudine uitam agere uelit, ne cum infinita quidem uoluptatum abundantia; facile intelligitur, nos ad

coniunctionem, congregationemq. hominum, et ad naturalem communitatem esse natos. Impellimur autem natura, ut prodesse uelimus quamplurimis, in primisq. docendo, rationibusq. prudentiae tradendis. itaque non facile est inuenire, qui, quod sciat ipse, non tradat alteri. ita non solum ad discendum propensi sumus, uerum etiam ad docendum. atque ut tauris natura datum est, ut pro uitulis contra leones summa ui impetuq. contendat: sic ij, qui ualent opibus, atque id facere possunt, ut de Hercule, & Libero accepimus, ad seruandum genus hominum natura incitantur. atque etiam, Iouem cum optimum, & maximum dicimus, cumq. eundem salutarem, hospitalem, statorem; hoc intelligi uolumus, salutem hominum in eius esse tutela. minime autem conuenit, cum ipsi inter nos abiecti neglectiq. simus, postulare, ut dijs immortalibus cari simus, & ab his diligamur. Quemadmodum igitur membris utimur prius, quam didicimus, cuius ea utilitatis causa habeamus: sic inter nos natura ad civilem communitatem coniuncti, & consociati sumus. quod ni ita se haberet; nec iustitiae ullus esset, nec bonitati locus. et, quo modo hominum inter homines iuris esse uincula putant, sic homini nihil iuris esse cum bestiis. praclare enim Chrysippus: cetera nata esse hominum causa, & deorum, eos autem communitatis & societatis suae: ut bestiis homines uti ad utilitatem suam possint, sine iniuria: quoniamq. ea natura esset hominis, ut cum genere huma

no

no quasi civile ius intercederet; qui id conseruaret, eum iustum; qui migraret, iniustum fore. sed quem admodum, theatrum cum commune sit, recte tamen dici potest, eius esse eum locum, quem quisque occuparit: sic in urbe, mundo ue communi non aduersatur ius, quo minus suum quidque cuiusque sit. Cum autem ad tuendos, conseruandosq. homines hominem natum esse uideamus: consentaneum est huic naturæ, ut sapiens uelit gerere, & administrare remp. atque, ut e natura uiuat, uxorem adiungere, & uelle ex ea liberos procreare. Ne amores quidem sanctos a sapiente alienos esse arbitrantur. Cy- nicorum autem rationem atque uitam alij cadere in sapientem dicunt; si quis eiusmodi forte casus inciderit, ut id faciendum sit: alij, nullo modo. Vt uero conseruetur omnis homini erga hominem societas, coniunctio, caritas; & emolumenta, & detri- menta, quæ ὠφελήματα, & βλάμματα appellant, communia esse uoluerunt: quorum altera profunt, nocent altera: neque solum ea communia, uerum etiam paria esse dixerunt. Incommoda autem, & cōmoda (ita δ' ἄχρημάτα, & δυσχρημάτα appello) cōmunia esse uoluerunt, paria noluerunt. illa enim, quæ profunt, aut quæ nocent, aut bona sunt, aut mala; quæ sint paria, necesse est: commoda autem, aut incommoda in eo genere sunt, quæ præposita, et re- iecta dicimus. ea possunt paria non esse. sed emolu- menta communia esse dicuntur: recte autem facta, & peccata non habentur communia. Amicitiam

D E F I N I T I O N E S

autem adhibendam esse censent ; quia sit ex eo genere, quæ prosunt . quanquam autem in amicitia alij dicant, æque caram esse sapienti rationem amici, ac suam ; alij autem , sibi cuique cariorem suam : tamen hi quoque posteriores fatentur alienum esse a iustitia, ad quam nati esse uideamur, detrachere quid de aliquo , quod sibi assumat . Minime uero probatur huic disciplinæ , de qua loquor, aut amicitiam, aut iustitiam propter utilitates ascisci , aut probari. eadem enim uoluptates poterunt eas labefactare , atque pervertere . etenim nec iustitia, nec amicitia esse omnino poterunt , nisi ipsæ per se expetantur . Ius autem quod ita dici, appellariq. possit, id esse naturam ; alienumq. esse a sapiente, non modo iniuriâ cui facere, uerum etiam nocere . Nec uero rectum est, cum amicis, aut bene meritis consociare, aut coniungere iniuriam : grauissimeq. , & uerissime defenditur, nunquam æquitatem ab utilitate posse seiungi ; & , quidquid æquum , iustumq. esset , id etiam honestum, uicissimq. , quidquid esset honestum, id iustum etiam, atque æquum fore . Ad easq. uirtutes, de quibus disputatum est , dialecticam etiam adiungunt , & physicam : easq. ambas uirtutum nomine appellant ; alteram, quod habeat rationem, ne cui falso assentiamur, ne ue unquam captiosa probabilitate fallamur , eaq. , quæ de bonis , & malis dicemus , ut tenere , tueriq. possimus . nam sine hac arte quemuis arbitrantur a uero abduci , falliq. posse . Recte igitur, si omnibus in rebus temeritas, ignorantioq.

tioq. uitiosa est, ars ea, quæ tollit hæc, uirtus nominata est. Physicæ quoque non sine caussa tributus idem est honos: propterea quod, qui conuenienter naturæ uicturus sit, ei et proficiscendum est ab omni mundo, & ab eius procuratione. Nec uero potest quisquam de bonis, et malis uere iudicare, nisi omni cognita ratione naturæ, & uitæ, etiam deorum, et utrū conueniat, nec ne, natura hominis cum uniuersa. Quæq. sunt uetera præcepta sapientium, qui iubent tempori parere, & sequi deum, & se noscere, & nihil nimis, hæc sine physicis quam uim habeant, (& habent maximam) uidere nemo potest. Atque etiam ad iustitiam colendam, ad tuendas amicitias, & reliquas caritates quid natura ualeat, hæc una cognitio potest tradere. Nec uero pietas aduersus deos, nec quanta his gratia debeatur, sine explicatione naturæ intelligi potest. Sed iam sentio me esse longius prouectum, quàm proposita ratio postulare. uerum admirabilis compositio disciplinæ, incredibilisq. rerum traxit ordo. quem, per deos immortales, non ne miraris? quid enim aut in natura, qua nihil est aptius, nihil descriptius, aut in operibus manu factis tam compositum, tamq. compactum, et coagmentatum inueniri potest? quid posterius priori non conuenit? quid sequitur, quod non respondeat superiori? quid non sic aliud ex alio necitur, ut non, si ulla litteram moueris, labent omnia? nec tamen quidquam est, quod moueri possit. quàm grauis uero, quàm magnifica, quàm con-

D E F I N I T I O N E S

stans conficitur persona sapientis? qui, cum ratio docuerit, quod honestum esset, id esse solum bonum, semper sit, necesse est, beatus, uereq. omnia ista nomina possideat, quæ irrideri ab imperitis solent. rectius enim appellabitur rex, quàm Tarquinius, qui nec se, nec suos regere potuit: rectius magister populi, (is enim est dictator) quàm Sylla, qui triumphiferorum uitiorum, luxuriæ, auaritiæ, crudelitatis, magister fuit: rectius diues, quàm Crassus, qui, nisi egiisset, nunquam Euphratem, nulla belli causa, transire uoluisset. recte eius omnia dicuntur, quiscit uti solus omnibus. recte etiam pulcher appellabitur. animi enim lineamenta, sunt pulchriora, quàm corporis. recte solus liber, nec dominationi cuiusquam parens, neque obediens cupiditati. recte inuictus, cuius etiam si corpus constringatur, animo tamen uincula iniici nulla possint, neque expectet ullum tempus ætatis, ut tum denique indicetur, beatus ne fuerit, cum extremum uitæ diem morte confecerit: quod ille unus e septem sapientibus non sapienter Cræsum monuit. nam, si beatus unquam fuisset, beatam uitam usque ad illum a Cyro extructum rogam protulisset. Quod si ita est, ut neque quisquam, nisi bonus uir, & omnes boni beati sint: quid philosophia magis colendum, aut quid est uirtute diuinius?

M. TVL-

125

M. TVLLII CICERONIS
DE FINIBVS BONORVM
ET MALORVM
LIBER IIII.

*Q*VAE cum dixisset, finem ille. ego autem, nā tu, inquam, Cato, ista exposuisti tam multa memoriter, tam obscura dilucide. itaque aut omittamus contra omnino uelle aliquid, aut spatium sumamus ad cogitandum. tam enim diligenter, etsi minus uere, (nam non dum id quidem audeo dicere) sed tamen accurate non modo fundatam, uerum etiam extructam disciplinam non est facile perdiscere. Tum ille, ain tandem? inquit: cum ego te hac noua lege uideam eodem die accusatori respondere, & tribus horis perorare, in hac me caussa tempus dilaturum putas? quæ tamen a te agetur non melior, quàm illæ sunt, quas interdum obtines. quare istam quoque aggredere, tractatam præsertim et ab alijs, & a te ipso sæpe, ut tibi deesse non possit oratio. Tum ego, non mehercule soleo temere contra Stoicos: non quo illis admodum assentiar: sed pudore impeditor: ita multa dicunt, quæ uix intelligam. Obscura, inquit, quædam esse confiteor: nec tamen ab illis ita dicuntur de industria: sed inest in rebus ipsis obscuritas. Cur igitur, easdem res, inquam, Peripateticis dicentibus, uerbum nullum est, quod non intelligatur? Easdem ne res, inquit? an parum differui,

D E F I N I B V S

differui, non uerbis Stoicos a Peripateticis, sed uni-
 uersa re, & tota sententia dissentire? Atqui, in-
 quam, Cato, si istud obtinueris, traducas me ad te
 totum licebit. Putabam equidem satis, inquit, me
 dixisse. quare ad ea primum, si uidetur: sin aliud
 quid uoles, postea. Immo isto quidem, inquam,
 loco, nisi iniquum postulo, responde arbitrato meo.
 Ut placet, inquit. etsi illud erat aptius, æquum
 cuique concedere. Existimo, inquam, Cato, uete-
 res illos Platonis auditores, Spensippum, Aristote-
 telem, Xenocratem, deinde eorum Polemonem,
 Theophrastum, satis & copiose, & eleganter ha-
 buisse constitutam disciplinam; ut non esset causa
 Zenoni, cum Polemonem audisset, cur & ab eo ip-
 so, & a superioribus dissideret. quorum fuit hæc
 institutio. in qua animaduertas, uelim, quid putes
 mutandum; nec expectes, dum ad omnia dicam,
 quæ a te dicta sunt. uniuersa enim illorum ratione
 cum tota uestra confligendum puto. Qui cum uide-
 rent nos ita esse natos, ut & communiter ad eas uir-
 tutes apti essemus, quæ notæ, illustresq. sunt; iusti-
 tiam, dico, temperantiam, ceterasq. generis eius-
 dem; quæ omnes similes artium reliquarum, mate-
 ria tantum ad meliorem partem, & tractatione dif-
 ferunt; easq. ipsas uirtutes uiderent nos magnificen-
 tius appetere, & ardentius, habere etiam insitam
 quandam, uel potius innatam cupiditatem scientiæ,
 natosq. esse ad congregationem hominum, & ad so-
 cietatem, communitatemq. generis humani, eaq.

in

in maximis ingenijs maxime elucere, totam philosophiam tres in partes diuiserunt: quam partitionem a Zenone retentam esse uidemus. quarum cum una sit, qua mores conformari putantur: differo eam partem, quæ quasi stirps est huius quæstionis: (qui sit enim finis bonorum, mox) hoc loco tantum dico, a ueteribus Peripateticis, Academicisq., qui, re consentientes, uocabulis differebant, eum locum, quem ciuilem recte appellaturi uidemur, græce πολιτικόν, grauiter, & copiose esse tractatū. quàm multa illi de rep. scripserunt? quàm multa de legibus? quàm multa non solum præcepta in artibus, sed etiam exempla in orationibus bene dicendi reliquerunt? primum enim ipsa illa, quæ subtiliter differenda erant, polite, apteq. dixerunt, cum definientes, tum partientes: ut uestri etiam: sed uos squalidius: illorum, uides, quàm niteat oratio. deinde ea, quæ requirebant orationem ornatam, & grauem, quàm magnifice sunt dicta ab illis? quàm splendide? de iustitia, de fortitudine, de amicitia, de ætate degenda, de philosophia, de capeßenda rep. de temperantia, de fortitudine hominum, *

de spinis uellentium, ut Stoici, nec ossa nudantium, sed eorum, qui grandia ornate uellent, enucleate minora dicere. itaque quæ sunt eorum consolationes? quæ cohortationes? quæ etiam monita, et consilia scripta ad summos uiros? erat enim apud eos, ut est rerum ipsarum natura, sic dicendi exercitatio duplex. nam quidquid quæritur, id habet

aut

aut generis ipsius sine personis, temporibusq., aut,
 is adiunctis, facti, aut iuris, aut nominis contro-
 uersiam. ergo in utroque exercebantur: eaq. disci-
 plina effecit tantam illorum utroque in genere dicen-
 di copiam. Totum genus hoc & Zeno, & ab eo qui
 sunt, aut non potuerunt, aut noluerunt, certe reli-
 querunt. quanquam scripsit artē rhetoricam Clean-
 thes, Chrysippus etiam, sed sic, ut, si quis obmu-
 tescere concupierit, nihil aliud legere debeat. itaque
 uides, quo modo loquantur. noua uerba fingunt,
 deserunt usitata. at quanta conantur? mundū hunc
 omnem oppidum esse nostrum. incendit igitur eos,
 qui audiunt. uides, quantam rem agat: ut, Circeis
 qui habitet, totum hunc mundum suum municipium
 esse existimet. quid ille incendat? restinguet citius,
 si ardentem acceperit. ista ipsa, quæ tu breuiter, re-
 gem, dictatorem, diuitem solum esse sapientem, a
 te quidem apte, ac rotunde: quippe: habes enim a
 rhetoribus: illorum uero ista ipsa quàm exilia de
 uirtutis ui: quam tantam uolunt esse, ut beatū per
 se efficere possit. pungunt, quasi aculeis, interroga-
 tiunculis angustis. quibus etiam qui assentiuntur, ni-
 hil commutantur animo, & ijdem abeunt, qui ue-
 nerant. res enim fortasse ueræ, certe graues, non ita
 tractantur, ut debent, sed aliquanto minutius. Se-
 quitur differendi ratio, cognitioq. naturæ. nam de
 summo bono mox, ut dixi, uidebimus, & ad id
 explicandum disputationem omnem conferemus. In
 ijs igitur partibus duabus nihil erat, quod Zeno
 com-

commutare gestiret. res enim præclare se habent,
 & quidem in utraque parte. quid enim ab antiquis
 ex eo genere, quod ad differendum ualet, præter-
 missum est? qui & definierunt plurima; & defi-
 niendi artes reliquerunt: quodq. est definitioni ad-
 iunctum, ut res in partes diuidatur, id & fit ab il-
 lis, &, quemadmodum fieri oporteat, traditur.
 item de contrarijs: a quibus ad genera, formasq.
 generum deuenerunt. Iam, argumenti ratione con-
 clusi caput esse faciunt ea, quæ perspicua dicunt:
 deinde ordinem sequuntur: tum, quid uerum sit in
 singulis. Extrema conclusio est. quanta autem ab
 illis uarietas argumentorum ratione cõcludentium,
 eorumq. cum captiosis interrogationibus dissimilitu-
 do? Quid, quod pluribus locis quasi denuntiant, ut
 neque sensuum fidem sine ratione, nec rationes si-
 ne sensibus exquiramus, atque ut eorum alterum
 ab altero separemus? Quid? ea, quæ dialectici nunc
 tradunt, & docent, non ne ab illis instituta sunt,
 & inuenta? de quibus etsi a Chrysippo maxime est
 elaboratum; tamen a Zenone minus multo, quàm
 ab antiquis; ab hoc autem quædã non melius, quàm
 ueteres; quædam omnino relicta. Cumq. duæ sint
 artes, quibus perfecte ratio, & oratio compleatur,
 una inueniendi, altera differendi: hanc posteriorem
 & Stoici, & Peripatetici, priorem autem illi egre-
 gie tradiderunt, hi omnino ne attigerunt quidem.
 nam, e quibus locis, quasi thesauris, argumenta
 depromerentur, uestri ne suspicati quidem sunt;
 supe-

D E F I N I T I O N E S

superiores autem artificio, & uia tradiderunt. quæ quidem res efficit, ne necesse sit, iisdem de rebus semper quasi dictata decantare, neque a commentariolis suis discedere. nam qui sciet, ubi quidque positum sit, quaq. eò ueniat, is, etiam si quid obrutum erit, poterit eruere, semperq. esse in disputando suus. quod etsi ingenijs magnis præditi quidam dicendi copiam sine ratione consequuntur: ars tamen est dux certior, quàm natura. aliud est enim, poetarum more uerba fundere; aliud, ea, quæ dicat, ratione, & arte distinguere. Similia dici possunt de explicatione naturæ; qua hi utuntur, & ueluti: neque uero ob duas modo causas, quod Epicuro uidetur, ut pellatur mortis, & religionis metus: sed etiam modestiam quandam cognitio rerum celestium affert ijs, qui uideant, quanta sit etiam apud deos moderatio, quantus ordo; & magnitudinem animi, deorum opera, & facta cernentibus; iustitiam etiam, cum cognitum habeas, quod sit summi rectoris, & domini numen, quod consilium, quæ uoluntas: cuius ad naturam apta ratio, uera illa, & summa lex a philosophis dicitur. Inest in eadem explicatione naturæ insatiabilis quædam e cognoscendis rebus uoluptas: in qua una, confectis rebus necessarijs, uacui negotijs, honeste ac liberaliter possumus uiuere. Ergo in hac ratione tota de maximis fere rebus Stoici illos secuti sunt, ut & deos esse, & quattuor ex rebus omnia constare dicerent. Cum autem quæreretur res admodum difficilis, num

quinta

quinta quædam natura uideretur esse, ex qua ratio, et intelligentia oriretur; in quo etiam de animis, cuius generis essent, quæreretur: Zeno id dixit esse ignem: non nulla deinde aliter, sed ea pauca: de maxima autem re, eodem modo, diuina mente, atque natura mundum uniuersum, atque eius maximas partes administrari. materiam uero rerum, et copiam apud eos exilem, apud illos uberrimam reperiemus. Quam multa ab his conquisita, & collecta sunt de omnium animantium genere, ortu, membris, ætatibus? quam multa de rebus ijs, quæ gignuntur e terra? quam multæ, quamq. de rebus uarijs et causæ cur quidque fiat, et demonstrationes quemadmodum quæque fiant? qua ex omni copia, plurima, et certissima argumenta sumuntur ad cuiusque rei naturam explicandam. Ergo adhuc, quantum equidem intelligo, causa non uidetur fuisse mutandi nominis. non enim, si omnia non sequebatur, iccirco non erat ortus illinc. Equidem etiam Epicurum in physicis quidem Democritum puto. pauca mutat, uel plura sane. at cum de plurimis eadem dicit, tum certe de maximis. quod item cum uestri faciant, non satis magnam tribuunt inuentoribus gratiam. Sed hæc hætenus. Nunc uideamus, quæso, de summo bono, quod continet philosophiam, ecquid tandem attulerit, quamobrem ab inuentoribus, tanquam a parentibus, dissentiret. Hoc igitur loco, quamquam a te, Cato, diligenter est explicatus finis hic bonorum, qui continet philosophiam, & qui a Stoicis,

cis, & quemadmodum diceretur; tamen ego quoque exponam; ut perspiciamus, si potuerimus, quidnam a Zenone noui sit allatum. Cum enim superiores, e quibus planissime Polemo, secundum naturam uiuere, summum bonum esse dixissent; his uerbis significari Stoici tria dicunt; unum eiusmodi, uiuere adhibentem scientiam earum rerum, quæ natura euenirent. hunc ipsum Zenonis aiunt finem esse, declarantem illud, quod a te dictum est, conuenienter naturæ uiuere. Alterum significare idem, ut diceretur, officia omnia media, aut pleraque seruantem uiuere. hoc sic expositum dissimile est superiori. illud enim rectum, quod κατόρθωμα dicebas, contingit sapienti soli: hoc autem inchoati cuiusdam officij est, non perfecti; quod cadere in non nullos insipientes potest. Tertium autem, omnibus, aut maximis rebus ijs, quæ secundum naturam sint, fruenter uiuere. hoc non est positum in nostra actione: completur enim & ex eo genere uitæ, quod uirtute fruitur; & ex ijs rebus, quæ secundum naturam sunt, neque sunt in nostra potestate. sed hoc summum bonum, quod certa significatione intelligitur, eaq. uita, quæ ex summo bono degitur, quia coniuncta ei uirtus est, in sapientem solum cadit: isq. finis bonorum, ut ab ipsis Stoicis scriptum uidemus, a Xenocrate, atque ab Aristotele constitutus est. itaque ab his constitutio illa prima natura, a qua tu quoque ordiebare, his prope uerbis exponitur: Omnis natura uult esse conseruatricis sui; ut & salua sit,

&

& in genere conseruetur suo . Ad hanc rem aiunt
 artes quoque requisitas , quæ naturam adiuuarent:
 in quibus ea numeretur in primis , quæ est uiuendi
 ars , ut tueatur quod a natura datum sit ; quod de-
 sit , acquirat . Iidemq̃. diuiserunt naturam hominis
 in animum , & corpus . cumq̃. eorum utrunque per
 se expetendum esse dixissent ; uirtutes quoque utri-
 usque eorum per se expetendas esse dicebant . cum
 animum quadam infinita laude anteponerent corpo-
 ri ; uirtutes quoque animi bonis corporis antepone-
 bant . sed cum sapientiam totius hominis custodem,
 & procuratricem esse uellent , quæ esset naturæ co-
 mes , & adiutrix : hoc sapientiæ munus esse dice-
 bant , ut eum tueretur , qui constaret ex animo , &
 corpore , in utroque iuuaret eum , atque contineret .
 Atque ita , re primo simpliciter collocata , reliqua
 subtilius persequentes , corporis bona facilem quan-
 dam rationem habere censebant . De animi bonis
 accuratius exquirebant : in primisq̃. reperiabant ,
 in his inesse iustitiæ semina : primi q̃. ex omnibus phi-
 losophis a natura tributum esse docuerunt , ut ij ,
 qui procreati essent , a procreatoribus amarentur ;
 & id , quod temporum ordine antiquius est , ut con-
 iugia uiroꝝ , & uxorū natura coniuncta esse
 dicerent ; qua ex stirpe orirentur amicitiae cogna-
 tionum . atque ab his initijs profecti , omnium uir-
 tutum et originem , et progressionem persecuti sunt .
 ex quo magnitudo quoque animi existebat ; qua fa-
 cile posset repugnari , obsistiq̃. fortunæ ; quod ma-

D E F I N I B V S

ximæ res essent in potestate sapientis . uarietates autem , iniuriasq. fortunæ facile ueterum philosophorum præceptis instituta uita superabat . Principijs autem a natura datis , amplitudines quædam bonorum excitabantur , partim profectæ a contemplatione rerum occultiorum , quod erat insitus menti cognitionis amor ; ex quo etiam rationis , explicandi , differendiq. cupiditas consequebatur ; quodq. hoc solum animal natum est pudoris ac uerecundie particeps , appetensq. coniunctionum hominum , ac societatum , animaduertensq. in omnibus rebus , quas ageret , aut diceret , ne quid ab eo fieret , nisi honeste , & decore : his initijs , ut ante dixi , tanquam seminibus , a natura datis , temperantia , modestia , iustitia , & omnis honestas perfecte absoluta est . Habes , inquam , Cato formam eorum , de quibus loquor , philosophorum . qua exposita , scire cupio , quæ caussa sit , cur Zeno ab hac antiqua institutione descuerit ; quidnam horum ab eo non sit probatum ; quod ne omnem naturam conseruatricem sui dixerit ; an quod omne animal ipsum sibi commendatum , ut se & saluum in suo genere , incolu- meq. uellet ; an , cum omnium artium finis is esset , quid natura maxime quæreret , idem statui debere de totius arte uitæ ; an quod , cum animo constaremus , & corpore , & hæc ipsa , & eorum uirtutes per se esse sumendas . an uero displicuit ea , quæ tributa est animi uirtutibus , tanta præstantia ? an quæ de prudentia , de cognitione rerum , de coniunctione generis

generis humani, quæq. ab eisdem de temperantia, de modestia, de magnitudine animi, de omni honestate dicuntur? Fatebuntur Stoici, hæc omnia dicta esse præclare: neque enim eam causam Zenoni desciscendi fuisse. alia quædam dicent, credo, magna antiquorum esse peccata, quæ ille, ueri inuestigandi cupidus, nullo modo ferre potuerit. quid enim peruersius, quid intolerabilius, quid stultius, quàm bonam ualetudinem, quàm dolorum omnium uacuitatem, quàm integritatem oculorū, reliquorumq. sensuum ponere in bonis potius, quàm dicere, nihil omnino inter eas res, ijsq. contrarias interesse? ea enim omnia, quæ illi bona dicerent, præposita esse, non bona: itemq. illa, quæ in corpore excellerent, stulte antiquos dixisse per se esse expetenda; & sumenda potius, quàm expetenda. eademq. de omni uita, quæ in una uirtute consisteret; illam uitam, quæ etiam ceteris rebus, quæ essent secundum naturam, abundaret, magis expetendam non esse, sed magis sumendam: cumq. ipsa uirtus efficiat ita beatam uitā, ut beatior esse non possit; tamen quædam deesse sapientibus tum, cum sunt beatissimi: itaque eos id agere, ut a se dolores, morbos, debilitates repellant. O magnam uim ingenij, causamq. iustam, cur noua existeret disciplina. perge porro. sequentur enim, quæ tu scientissime complexus es; omnem insipientiam, iniustitiam, alia uitia similia esse, omniaq. peccata esse paria, eosq., qui natura, doctrinaq. longe ad uirtutem processissent, nisi

DE FINIBVS

eam plene consecuti essent, summe esse miseros; neque inter eorum uitam, & improbissimorum quidquam omnino interesse: ut Plato, tantus ille uir, si sapiens non fuerit, nihilo melius, quàm quiuis improbissimus, nec beatius uixerit. Hæc uidelicet est correctio philosophiæ ueteris, & emendatio. quæ omnino aditum habere nullum potest in urbem, in forum, in curiam. quis enim ferre posset ita loquentem eum, qui se auctorem uitæ graui-ter, & sapienter agendæ profiteretur, nomina rerum commutantem; cumq. idem sentiret, quod omnes, quibus rebus eandem uim tribueret, alia nomina imponentem, uerba modo mutantem, de opinionibus nihil detrahentem? Patronus ne causæ, in epilogo pro reo dicens, negaret esse malum exilium, publicationem bonorum? hæc reiicienda esse, non fugienda? nec misericordem iudicem esse oportere? in concione autem si loqueretur; si Annibal ad portas uenisset, murumq. iaculo traiecisset; negaret esse in malis, capi, uenire, interfici, patriam amittere? An, senatus cū triumphum Africano decerneret, quid de eius uirtute, aut felicitate posset dicere, si neque uirtus in ullo, nisi sapiente, nec felicitas uere dici potest? Quæ est igitur ista philosophia, quæ communi more in foro loquitur; in libello, suo? præsertim cum, quod illi uerbis suis significant, in eo nihil moueatur, de ipsis rebus nihil mutetur, eadem res maneant, alio modo. quid enim interest, diuitias, opes, ualeitudinem, bona dicas,

dicas, an ne præposita; cum ille, qui ista bona dicit, nihilo plus his tribuat, quàm tu, qui eadem illa præposita nominas? itaque, homo in primis ingenuus, & gravis, dignus illa familiaritate Scipionis, & Lælij, Panætius, cum ad Q. Tiberonem de dolore patiendo scriberet; quod esse caput debebat, si probari posset, nunquam posuit, non esse malum dolorem; sed quid esset, & quale, quantumq. in eo inesset alieni; deinde, quæ ratio esset perferendi. cuius quidem, quoniam Stoicus fuit, sententia condemnata mihi uidetur esse immanitas ista uerborum. Sed, ut propius ad ea, Cato, accedam, quæ a te dicta sunt; pressius agamus; eaq., quæ modo dixisti, cum ijs conferamus, quæ tuis antepono. Quæ sunt igitur communia uobis cum antiquis, his sic utamur, quasi concessis: quæ in controuersiam ueniunt, de ijs, si placet, differamus. Mihi uero, inquit, placet agi subtilius, et, ut ipse dixisti, pressius. quæ enim adhuc protulisti, popularia sunt: ego autem a te elegantiora desidero. A me tu, inquam? sed tamen enitar, & si minus mihi multa occurrent, non fugiam ista popularia. Sed primum positum sit, nosmet ipsos commendatos esse nobis, primamq. ex natura hanc habere appetitionem, ut conseruemus nosmet ipsos. hoc conuenit: sequitur illud, ut animaduertamus, qui sumus ipsi; ut nos, quales oportet esse, seruemus. sumus igitur homines: ex animo constamus, & corpore: quæ sunt cuiusdam modi: nosq. oportet, ut prima appetitio na-

D E F I N I T I O N I S

turalis postulat, hæc diligere, constituereq. ex his finem illum summi boni, atque ultimi. quem, si prima uera sint, ita constitui necesse est; earum rerum, quæ sunt secundum naturam, quamplurima, & quammaxima adipisci. hunc igitur finem illi tenuerunt: quodq. ego pluribus uerbis, illi breuius, secundum naturam uiuere, hoc his bonorum uidetur extremum. Age nunc isti doceant, uel tu potius, (quis enim ista melius?) quonam modo, ab iisdem principijs profecti, efficiatis, ut honeste uiuere, (id est enim uel ex uirtute, uel naturæ congruenter uiuere) summum bonum sit; & quonam modo, aut quo loco corpus subito deserueritis; omniaq. ea, quæ, cum secundum naturam sint, absint a nostra potestate; ipsum denique officium. quæro igitur, quo modo hæ tantæ commendationes a natura profectæ, subito a sapientia relictæ sint. quod si non hominis summum bonum quæreremus, sed cuiusdam animantis; is autem esset nihil, nisi animus: (licet enim fingere aliquid eiusmodi, quo uerum facilius reperiamus) tamen illi animo non esset hic uester finis. desideraret enim ualetudinem, uacuitatem doloris: appeteret etiam conseruationem sui, earumq. rerum custodiam: finemq. sibi constitueret, secundum naturam uiuere: quod est, ut dixi, habere ea, quæ secundum naturam sunt, uel omnia, uel plurima, & maxima. cuiuscunque enim modi animal constitueris; necesse est, etiam si id sine corpore sit, ut fingimus, tamen esse in animo quædam similia eorum,

eorum, quæ sint in corpore: ut nullo modo, nisi ut
exposui, constitui possit finis bonorum. Chrysippus
autem, exponens differentias animantium, ait alias
earum corpore excellere, alias autem animo, non
nullas ualere utraque re: deinde disputat, quod cu-
iusque generis animantis statui deceat extremum.
cum autem hominem in eo genere posuisset, ut ei
tribueret animi excellentiam: summum bonum id
constituit, non ut excelleret animo, sed uti nihil ef-
se, præter animum, uideretur. uno autem modo in
uirtute sola summum bonum recte poneretur, si
quod esset animal, quod totum ex mente constaret,
id ipsum tamen sic, ut ea mens nihil haberet in se,
quod esset secundum naturam; ut uoletudo est. sed
id, ne cogitari quidem potest, quale sit, ut non re-
pugnet ipsum sibi. Sin dicis obscurari quædam, nec
apparere, quia ualde parua sint: nos quoque conce-
dimus, quod dicit Epicurus de uoluptate, quæ mi-
nimæ sint uoluptates, eas obscurari sæpe, et obrui:
sed non sunt in eo genere tantæ commoditates cor-
poris, tamq. productæ temporibus, tamq. mul-
tæ. itaque, in quibus propter eorum exiguitatem
obscuratio consequitur; sæpe accidit, ut nihil inter-
esse nostra fateamur, sint illa, nec ne sint: ut in so-
le, quod a te dicebatur, lucernam adhibere nihil in-
terest, aut teruncium addere Cræsi pecuniæ. quibus
autem in rebus obscuratio tanta non sit, fieri tamen
potest, ut id ipsum, quod interest, non sit magnum:
ut ei, qui iucunde uixerit annos decem, si æque uita

D E F I N I B V S

iucunda menstrua addatur, quia momentum aliquod habeat ad iucundam accessionem, bonum sit: sin autem id non concedatur, non continuo uita beata tollitur. Bona autem corporis huic sunt, quod posterius posui, similia: habent enim accessionem dignam, in qua elaboretur. ut mihi in hoc Stoici iocari uideantur interdum, cum ita dicant; si ad illam uitam, quæ cum uirtute degatur, ampulla, aut strigilis accedat, sumpturum sapientem eam uitam potius, quò hæc adiecta sint, nec beatorem tamen ob eam causam fore. Hoc simile tandem est non risu potius, quam oratione, eijciendum? ampulla enim sit, nec ne sit, quis non iure optimo irrideatur, si laboret? at uero grauitate membrorum, & cruciatu dolorum si quis quem leuet, magnam ineat gratiã. nec, si ille sapiens ad tortoris equuleum a tyranno ire cogatur, similem habeat uultum, ac si ampullam perdidisset: sed, ut magnum & difficile certamen iniens, cum sibi cum capitali aduersario dolore depugnandum uideret, excitaret omnes rationes fortitudinis, ac patientiæ: quarum præsidio iniret illud difficile, ut dixi, magnumq. prælium. Deinde non quærimus, quid obscuretur, aut intereat, quia sit admodum paruum; sed quid tale sit, ut expleat summum. una uoluptas e multis obscuratur in illa uita uoluptaria: sed tamen ea, quamuis parua sit, pars est eius uitæ, quæ posita est in uoluptate. nummus in Cræsi diuitijs obscuratur: pars est tamen diuitiarum. quare obscurentur etiam hæc, quæ secundum

dum naturam esse dicimus, in uita beata: sint modo partes beatæ uitæ. atqui si, ut conuenire debet inter nos, est quædam appetitio naturalis, ea, quæ secundum naturam sunt, appetens: eorum omnium est aliqua summa facienda. quo constituto, tum licebit otiose ista quærere, de magnitudine rerum, de excellentia, quanta in quoque sit ad beate uiuendū; de istis ipsis obscurationibus, quæ propter exiguitatem uix, aut ne uix quidem appareant. Quid, de quo nulla dissensio est? nemo enim est, qui aliter dixerit, quin omnium naturarum simile esset id, ad quod omnia referuntur: quod est ultimum rerum appetendarum. omnis enim est natura diligens sui. quæ est enim, quæ se unquam deferat, aut partem aliquam sui, aut eius partis habitum, aut uim, aut ullius earum rerum, quæ secundum naturam sint, aut motum, aut statum? quæ autem natura suæ primæ institutionis oblita est? nulla profecto, quin suā uim retineat a primo ad extremum. Quo modo igitur euenit, ut hominis natura sola esset; quæ hominem relinqueret; quæ obliuisceretur corporis; quæ summum bonum non in toto homine, sed in parte hominis poneret? Quo modo autem, quod ipsi etiam fatentur, constat quod inter omnes, conseruabitur, ut simile sit omnium naturarum illud ultimum, de quo quæritur? tum enim esset simile, si in ceteris quoque naturis id cuique esset ultimum, quod in quaque excelleret. tale enim uisum esset ultimum Stoicorum. Quid dubitas igitur mutare principia naturæ?

DE FINIBVS

*ra? quid enim dicis, omne animal, simul atque sit
 ortum, applicatum esse ad se diligendum, esseq. in
 se conseruando occupatum? quin potius ita dicis, o-
 mne animal applicatum esse ad id, quod in eo sit o-
 ptimum, & in eius unius occupatum esse custodia,
 reliquasq. naturas nihil aliud agere, nisi ut id con-
 seruent, quod in quaque optimum sit? quo mo-
 do autem optimum, si bonum praeterea nullum est?
 si autem reliqua appetenda sunt: cur, quod est ul-
 timum rerum appetendarum, id non aut ex om-
 nium earum, aut ex plurimarum, & maxima-
 rum appetitione concluditur? ut Phidias potest a
 principio instituere signum, idq. perficere: potest
 ab alio inchoatum accipere, & absolvere. huic
 est sapientia similis. non enim ipsa genuit homi-
 nem, sed accepit a natura inchoatum. hanc igitur
 intuens, debet institutum illud quasi signum absol-
 uere. qualem igitur natura hominem inchoauit?
 ecquod est munus, quod opus sapientiae? quid est,
 quod ab ea absolui, & perfici debeat? si nihil in eo
 quidem perficiendum est, praeter motum ingenij
 quendam, id est rationem: necesse est huic ultimum
 esse, ex uirtute uitam fingere. rationis enim perfe-
 ctio est uirtus. si nihil, nisi corpus: summa erunt illa,
 ualetudo, uacuitas doloris, pulchritudo, & cetera.
 nunc de hominis summo bono quaeritur. quid ergo
 dubitamus, in tota eius natura, quaerere, quid sit ef-
 fectum? cum enim constet inter omnes, omne offi-
 cium, munusq. sapientiae in hominis cultu esse occu-
 patum:*

patum: alij (ne me existimes contra Stoicos solum dicere) eas sententias afferunt, ut summum bonum in eo genere ponant, quod sit extra nostram potestatem; tanquam de animali aliquo loquantur: alij contra, quasi nullum corpus sit hominis, ita præter animum nihil curant; cum præsertim ipse quoque animus non inane nescio quid sit, (neque enim id possum intelligere) sed in quodam genere corporis; ut ne is quidem uirtute una contentus sit, sed appetat uacuitatē doloris. Quamobrem utrique idem faciunt, ut si læuam partem negligerent, dexteram tuerentur; aut ipsius animi, ut fecit Herillus, cognitionem amplexarentur, actionem relinquerent. eorum enim omnium, multa prætermittentium, dum eligant aliquid, quod sequantur, quasi curta sententia: at uero illa perfectā, atque plena, eorum, qui, cum de hominis summo bono quærerent, nullam in eo neque animi, neque corporis partem uacuam tutela reliquerunt. Vos autem, Cato, quia uirtus, ut omnes fatemur, altissimum locum in homine, & maxime excellentem tenet; & quod eos, qui sapientes sunt, absolutos, & perfectos putamus; aciem animorum nostrorum uirtutis splendore perstringitis. in omni enim animante est summum aliquid, atque optimum, ut in equis, in canibus; quibus tamen & dolore uacare opus est, & ualere. sic igitur in homine perfectio ista, in eo potissimum, quod est optimum, id est in uirtute, laudatur. itaque mihi non satis uidemini considerare, quid

DE FINIBVS

quid intersit naturæ quæque progressio. non enim hoc, quod facit in frugibus, ut, cum ad spicam perduxerit ab herba, relinquat, & pro nihilo habeat herbam, idem facit in homine, cum eum ad rationis habitum perduxerit. semper enim ita assumit aliquid, ut ea, quæ prima dederit, ne deserat. itaque sensibus rationem adiunxit: & ratione effecta, sensus non reliquit. ut si cultura vitium, cuius hoc munus est, ut efficiat, ut vitis cum partibus suis omnibus quamoptime se habeat: (sed sic intelligamus: licet enim, ut vos quoque soletis, fingere aliquid docendi causa) si igitur illa cultura vitium in vite insit ipsa; cetera, credo, velit, quæ ad colendam vitem attinebunt, sicut antea; se autem omnibus vitis partibus præferat, statuâtque. nihil esse melius in vita, quàm se: similiter sensus, cum accessit ad naturam, tuetur illam quidem, sed etiam tuetur se: cum autem assumpta ratio est, tanto in dominatu locatur, ut omnia illa prima naturæ huius tutelæ subiiciantur. itaque non discedit ab eorum curatione, quibus præposita vitam omnem debet gubernare. ut mirari satis eorum inconstantiam non possimus. naturalem enim appetitionem, quam uocant *ὀρεξις*, itemque officium, ipsam etiam uirtutem, tuentem esse uolunt earum rerum, quæ secundum naturam sunt: cum autem ad summum bonum uolunt peruenire, transiliunt omnia, & duo nobis opera pro uno relinquunt; ut alia sumamus, alia appetamus, potius, quàm uno fine utrumque concludant. At enim

ue-

ueram dicitis uirtutem non posse constitui, si ea, quæ extra uirtutem sunt, ad beate uiuendum pertineant. quod totum contra est. introduci enim uirtus nullo modo potest, nisi omnia, quæ leget, quæq. reijciet, unam referantur ad summam. nam si omnino nos negligimus: in Aristonea uitia, & peccata incidemus; obliuiscemurq. quæ uirtuti ipsi principia dederimus. sin ea non negligimus, neque tamen ad finem summi boni referimus: non multum ab Herilli leuitate aberrabimus. duarum enim uitarum nobis erunt instituta capienda. facit enim ille duo seiuncta ultima bonorum: quæ, ut essent uera, cõiungi debuerunt: nunc ita separantur, ut disiuncta sint. quo nihil potest esse peruersius. itaque contra est, ac dicitis. nam constitui uirtus nullo modo potest, nisi ea, quæ sunt prima naturæ, ut ad summam pertinentia, tenebit. quæ sita enim uirtus est, non quæ relinqueret naturam, sed quæ tuetur. at illa, ut uobis placet, partem quandam tuetur, reliquam deserit. Atque ipsa institutio hominis si loqueretur, hæc diceret: primos suos quasi cæptus appetendi fuisse, ut se conseruaret in ea natura, in qua ortus esset. non dum autem explanatum satis erat, quod maxime natura uellet. explanetur igitur. quid ergo aliud intelligetur, nisi ut æqua pars naturæ negligatur? in qua si nihil est præter rationem; sit in una uirtute finis bonorum. sin est etiam corpus; ista explanatio naturæ nempe hoc effecerit, ut ea, quæ antè explicationem tenebamus, relin-

D E F I N I T I O N E S

relinquamus . ergo id est conuenienter natura uiuere , a natura discedere . ut quidam philosophi , cum , a sensibus profecti , maiora quædam , ac diuiniora uidissent , sensus reliquerunt : sic isti , cum ex appetitione rerum uirtutis pulchritudinem aspexissent , omnia , propter quæ uirtutem ipsam uiderant , abiecerunt , obliti naturam omnem appetendarum rerum ita late patere , ut a principijs permaneret ad fines : neque intelligunt se rerum illarum pulchrarum , atque admirabilium fundamenta subducere . itaque mihi uidentur omnes quidem illi errasse , qui finem bonorum esse dixerunt , honeste uiuere ; sed alius alio magis ; Pyrrho scilicet maxime , qui , uirtute constituta , nihil omnino , quod appetendum sit , relinquat ; deinde Aristo , qui nihil relinquere non est ausus ; introduxit autem , quibus commotus sapiens appeteret aliquid , quod cuique in mentem incideret , & quodcunque tanquam occurreret . is hoc melius , quàm Pyrrho , quod uel aliquod genus appetendi dedit ; deterior , quàm ceteri , quod penitus a natura recessit . Stoici autem , quod finem bonorum in una uirtute ponunt , similes sunt illorum : quod autem principium officij quærunt , melius , quàm Pyrrho : quod ea non occurrentia fingunt , uincunt Aristonem : quod autem ea , quæ ad naturam accommodata , et per se assumenda esse dicunt , non adiungunt ad finem bonorum , desciscunt a natura , & quodam modo sunt non dissimiles Aristonis . ille enim occurrentia nescio quæ comminiscetur :

tur: hi autem ponunt illi quidem prima naturæ; sed ea seiungunt a finibus, & a summa bonorum. quæ cum præponunt, ut sit aliqua rerum selectio; naturam uidentur sequi: cum autem negant ea quidquæ ad beatam uitam pertinere; rursus naturam relinquunt. Atque adhuc ea dixi, cur causa Zenoni non fuisset, quamobrem a superiorum auctoritate discederet: nunc reliqua uideamus. nisi aut ad hæc, Cato, dicere aliquid uis, aut nos iam longiores sumus. Neutrum uero, inquit ille: nam & a te perfici ista disputationem uolo; nec tua mihi oratio longa uideri potest. Optime, inquam: quid enim mihi potest esse optatius, quàm cum Catone, omnium uirtutum auctore, de uirtutibus disputare? sed primum illud uide, grauissimam illam uestram sententiam, quæ familiam ducit, honestum quod sit, id esse solum bonum; honesteq. uiuere, bonorum finem; communem fore uobis cum omnibus, qui in una uirtute constituunt finem bonorum. quodq. dicitis, informari non posse uirtutem, si quidquam, nisi quod honestum sit, numeretur, idem dicetur ab illis, quos modo nominaui. mihi autem æquius uidebatur, Zenonem cum Polemone disceptantem, a quo, quæ essent principia naturæ, acceperat, a communibus initijs progredientem, uidere ubi primum insisteret, & unde causa controuersia nasceretur; non, stantem cum ijs, qui ne dicerent quidem sua summa bona esse a natura profecta, uti iisdem argumentis, quibus illi uterentur, iisdemq. sententijs. Minime
uero

DE FINIBVS

uero illud probo, quod, cum docuistis, ut uobis uide-
mini, solum bonum esse, quod honestum sit, tum
rursum dicitis, initia proponi necesse esse apta, &
accommodata naturæ, quorum ex selectione uirtus
possit existere. non enim in selectione uirtus ponen-
da erat, ut id ipsum, quod erat bonorum ultimum,
aliud aliquid acquireret. nam omnia, quæ sumen-
da, quæq. legenda, aut optanda sunt, inesse debent
in summa bonorum; ut is, qui eam adeptus sit, ni-
hil præterea desideret. Vides ne, ut, quibus summa
est in uoluptate, perspicuum sit, quid ijs faciendum
sit, aut non faciendum? ut nemo dubitet, eorum o-
mnia officia quod spectare, quid sequi, quid fugere
debeant? Sit hoc ultimum bonorum, quod nunc a
me defenditur: apparet statim, quæ sint officia, quæ
actiones. Vobis autem, quibus nihil est aliud pro-
positum, nisi rectum, atque honestum, unde offi-
cij, unde agendi principium nascatur, non reperie-
tis. hoc igitur queritis omnes, & ij, qui, quodcum-
que in mentem ueniat, aut quodcumque occurrat,
se sequi dicent: et uos ad naturam reuertemini. qui-
bus natura iure responderit, non esse uerum, aliun-
de finem beate uiuendi, a se principia rei gerendæ
peti: esse enim unam rationem, qua & principia
rerum agendarum, & ultima bonorum continen-
tur: atque, ut Aristonis esset explosa sententia, di-
centis, nihil differre aliud ab alio, nec esse res ullas,
præter uirtutes, & uitia, inter quas quidquam
omnino interesset; sic errare Zenonem, qui nulla in
re,

re, nisi in uirtute, aut uitio, propensionem ne minimi quidem momenti ad summum bonum adipiscendum diceret: & cum ad beatam uitam nullum momentum ea res haberet, ad appetitionem autem rerum, esse in his momenta diceret. quasi uero hac appetitio non ad summi boni adeptionem pertineret. Quid autem minus consentaneum est, quàm, quod aiunt, cognito summo bono, reuerti se ad naturam, ut ab ea petant agendi principium, id est officij? non enim actionis, aut officij ratio impellit ad ea, quæ secundum naturam sunt, appetenda: sed ab his & appetitio, & actio commouetur. Nunc uenio ad illa tua breuia; quæ consuetaria esse dicebas: & primum illud, quo nihil potest esse breuius: bonum omne laudabile: laudabile autem omne honestum: igitur omne bonum honestum. O plumbum pugionem. quis enim tibi illud primum concesserit? quo quidem concesso, nihil opus est secundo. si enim omne bonum laudabile est, omne honestum est. quis tibi ergo istud dabit, præter Pirrhonem, Aristonem, eorum uel similes? quos tu non probas. Aristoteles uero, Xenocrates, tota illa familia non dabit, quippe qui ualetudinem, uires, diuitias, gloriam, multa alia bona esse dicant, laudabilia non dicant. et hi quidem ita non sola uirtute finem bonorum contineri putant, ut rebus tamè omnibus uirtutem anteponant. quid censes eos esse facturos, qui omnino uirtutem a bonorum fine segregauerunt, Epicurum, Hieronymum, illos etiam, si qui Carneadeum

DE FINIBVS

neadeum finem tueri uolunt? Iam aut Callipho, aut Diodorus quo modo poterunt tibi istud concedere, qui ad honestatem aliud adiungant, quod ex eodem genere non sit? Placet igitur tibi, Cato, cum res sumpseris non concessas, ex illis efficere quod uelis? iam ille sorites, quo nihil putatis esse uitiosius; quod bonum sit, id esse optabile; quod optabile, id esse expetendum; quod expetendum, laudabile: deinde reliqui gradus. sed ego in hoc resisto. eodem enim modo tibi nemo dabit, quod expetendum sit, id esse laudabile. Illud uero minime consecrarium, sed in primis hebes, illorum scilicet nominum gloriatione dignam esse beatam uitam, quæ non possit sine honestate contingere, ut iure quisquam gloriatur. dabit hoc Zenoni Polemon, etiam magister eius, & tota illa gens, & reliqui, qui uirtutem omnibus rebus multo anteponentes, adiungunt ei tamen aliquid summo in bono finiendo. si enim uirtus digna est gloriatione, ut est; tantumq. præstat ceteris rebus, ut dici uix possit: & beatus esse poterit uirtute una præditus, carens ceteris; nec tamen illud tibi concedet, præter uirtutem, nihil in bonis esse ducendum. Illi autem, quibus summum bonum sine uirtute est, non dabunt fortasse, uitam beatam habere, in quo iure possit gloriari. etsi illi quidem etiam uoluptates faciunt interdum gloriosas. Vides igitur, te aut ea sumere, quæ non concedantur; aut ea, quæ etiam concessa te nihil adiuent. equidem in omnibus istis cōclusionibus hoc putarem philosophia,

losophia, nobisq. dignum, & maxime, cum sum-
 mum bonum quæreremus; uitam nostram, consi-
 lia, uoluntates, non uerba, corrigi. quis enim po-
 test, istis, quæ te, ut ais, delectant, breuibus, &
 acutis auditis, de sententia decedere? Iam cum ea
 spectant, & auent audire, cur dolor malum non
 sit; dicunt illi asperum esse dolorem, molestum,
 odiosum, contra naturam, difficilem toleratu; sed,
 quia nulla sit in dolore nec fraus, nec improbitas,
 nec malitia, nec culpa, nec turpitudine, non esse il-
 lud malum. Hæc qui audierit, ut ridere non curet,
 discedet tamen nihilo firmior ad dolorem ferendum,
 quam uenerat. tu autem negas fortem esse quen-
 quam posse, qui dolorem malum putet. cur fortior
 sit, si illud, quod tute concedis, asperum, & uix
 ferendum putabit? ex rebus enim timiditas, non ex
 uocabulis, nascitur. Et ais, si una littera commota
 sit, fore, tota ut labet disciplina. utrum igitur tibi
 litteram uideor, an totas paginas commouere? ut
 enim sit apud illos id, quod est a te laudatum, or-
 do rerum conseruatus, & omnia inter se apta, &
 connexa; (sic enim aiebas) tamen persequi non
 debemus, si a falsis principijs profecta congruent
 ipsa sibi, & a proposito non aberrant. In prima
 igitur constitutione Zeno tuus a natura recessit:
 cumq. summum bonum posuisset in ingenij præ-
 stantia, quam uirtutem uocamus; nec quidquam
 aliud bonum esse dixisset, nisi quod esset honestum,
 nec uirtutem posse constare, si in ceteris rebus ef-

D E F I N I T I O N E S

set quidquam, quod aliud alio melius esset, aut peius; his propositis, tenuit prorsus consequentia. Recte dicis: negare enim non possum: sed ita falsa sunt ea, quæ consequuntur; ut illa, e quibus hæc nata sunt, uera esse non possint. docent enim nos, ut scis, dialectici; si ea, quæ rem aliquam consequantur, falsa sint, falsam illam ipsam esse, quam sequantur. ita fit illa conclusio non solum uera, sed ita perspicua, ut dialectici ne rationem quidem reddi putent oportere: si illud, hoc: non autem hoc, igitur ne illud quidem. sic, consequentibus uestris sublati, prima tolluntur: quæ sequuntur, igitur; omnes, qui non sunt sapientes, æque miseros esse; sapientes omnes summe beatos esse; recte facta omnia æqualia, omnia peccata paria. quæ cum magnifice primo dici uidentur, considerata minus probantur. sensus enim cuiusque, & natura rerum, atque ipsa ueritas clamabat quodam modo, non posse adduci, ut inter eas res, quas Zeno exæquaret, nihil interesset. postea tuus ille Pænulus, (scis enim Citiaeos, clientes tuos, e Phœnicia profectos) homo igitur acutus, causam non obtinens, repugnante natura uerba uersare cæpit: & primum rebus ijs, quas nos bonas dicimus, concessit, ut haberentur aptæ, habiles, & ad naturam accommodatæ: fateri quæ cæpit, sapienti, hoc est summe beato, commodius tamen esse, si ea quoque habeat, quæ bona non audet appellare, naturæ ipsi accommodata esse concedit: negat quæ. Platonem, si sapiens non sit, eadem

dem esse in caussa, qua tyrannum Dionysium: huic
mori optimum esse, propter desperationem sapien-
tia; illi, propter spem, uiuere: peccata autem par-
tim esse tolerabilia, partim nullo modo; propterea
quod alia peccata plures, alia pauciores quasi nu-
meros officij praterirent: iam, insipientes alios ita
esse, ut nullo modo ad sapientiam possent perueni-
re; alios, qui possent, si id gessissent, sapientiam
consequi. Hic loquebatur aliter, atque omnes; sen-
tiebat idem, quod ceteri. nec uero minoris aestiman-
da ducebat ea, quæ ipse bona negaret esse, quàm
illi, qui ea bona esse dicebant. Quid igitur uoluit si-
bi, qui illa mutauerit? saltem aliquid de pondere
detraxisset, & paullo minoris aestimauisset ea,
quàm Peripatetici; ut sentire quoque aliud, non
solum dicere, uideretur. Quid de ipsa beata uita,
ad quam omnia referuntur, quæ dicitis? negatis
eam esse, quæ expleta sit omnibus ijs rebus, quas
natura desideret: totamq. eam in una uirtute poni-
tis. cumq. omnis controuersia aut de re soleat, aut
de nomine esse: utraque earum nascitur, si aut res
ignoratur, aut erratur in nomine. quorum si neu-
trum est; opera danda est, ut uerbis utamur quam
usitatissimis, & quammaxime aptis, id est rem de-
clarantibus. Num igitur dubium est, quin, si in
re ipsa nihil peccatur a superioribus, uerbis illi com-
modius utantur? uideamus igitur sententias eorum:
tum ad uerba redeamus. Dicunt appetitionem ani-
mi moueri, cum aliquid ei secundum naturam esse

D E F I N I B V S

uideatur; omniaq̃., quæ secundum naturam sunt, æstimatione aliqua digna; eaq̃. pro eo, quantum in quoque sit ponderis, esse æstimanda: quæq̃. secundum naturam sint, partim nihil habere in sese eius appetitionis, de qua sæpe iam diximus, quæ nec honesta, nec laudabilia dicantur; partim quæ uoluptatem habeant in omni animante, sed in homine rationem etiam: ex eis quæ sint apta, ea honesta, ea pulchra, ea laudabilia: (illa autem superiora, naturalia nominantur: quæ coniuncta cum honestis, uitam beatam perficiunt, & absoluunt) omnium autem eorum commodorum, quibus non illi plus tribuunt, qui illa bona esse dicunt, quàm Zeno, qui negat, longe præstantissimum esse, quod honestum esset, atque laudabile: sed, si duo honesta proposita sint, alterum cum ualetudine, alterum cum morbo; non esse dubium, ad utrum eorum natura nos ipsa deductura sit: sed tamen tantam uim honestatis esse, tantumq̃. eam rebus omnibus præstare, & excellere, ut nullis nec supplicijs, nec præmijs dimoueri possit ex eo, quod rectum esse decreuerit: omniaq̃., quæ dura, difficilia, aduersa uideantur, ea uirtutibus ijs, quibus a natura essemus ornati, obteri posse; non faciles illas quidem, nec contem- *
nendas, (quid enim esset in uirtute tantum?) sed ut hoc iudicemus, non esse in his partem maximam positam aut beate, aut secus uiuendi. Ad summam, ea, quæ Zeno æstimanda, & sumenda, et apta naturæ esse dixit, eadem illi bona appellant: uitam

uitam autem beatam illi eam, quæ constaret ex ijs
rebus, quas dixi, aut plurimis, aut grauissimis.
Zeno autem, quod suam, quod propriam speciem
habeat cur appetendum sit, id solum bonum appel-
lat; beatam autem uitam eam solam, quæ cum uir-
tute degatur. Si de re disceptari oportet: nulla mi-
hi tecum, Cato, potest esse dissensio: nihil est enim,
de quo aliter tu sentias, atque ego; modo, commu-
tatis uerbis, ipsas res conferamus. nec hoc ille non
uidit; sed uerborum magnificentia est, & gloria
delectatus. qui si ea, quæ dicit, ita sentiret, ut
uerba significant: quid inter eum, & uel Pyrrho-
nem, uel Aristonem interesset? sin autem eos non
probabat: quid attinuit cum ijs, quibuscum re con-
ueniebat, uerbis discrepare? Quid, si reuiuiscant
Platonici illi, & deinceps qui eorum auditores fue-
runt, & tecum ita loquantur? Nos, cum te, M.
Cato, studiosissimum philosophiæ, iustissimum ui-
rum, optimum iudicem, religiosissimum testem au-
diremus, admirati sumus, quid esset, cur nobis Stoi-
cos anteferres; qui de rebus bonis, & malis senti-
rent ea, quæ ab hoc Polemone Zeno cognouerat;
nominibus uterentur ijs, quæ prima specie admira-
tionem, re explicata risum mouerent. tu autem, si
tibi illa probabantur, cur non proprijs uerbis illa te-
nebas? sin auctoritas commouebat: nobis ne omni-
bus, et Platoni ipsi nescio quem illum anteponebas?
præsertim cū in rep. princeps esse uelles, ad eamq.
tuendam cum summa tua dignitate maxime a no-

D E F I N I B V S

bis ornari atque instrui posses. nobis enim ista quæ-
sita, a nobis descripta, notata, præcepta sunt: nos
omnium rerump. rectiones, genera, status, muta-
tiones, leges etiam, & instituta, ac mores ciuita-
tum perscripsimus. eloquentiæ uero, quæ & prin-
cipibus maxime ornamento est, & qua te audiui-
mus ualere plurimum, quantum tibi ex monumen-
tis nostris addidisses? Ea cum dixissent, quid tan-
dem talibus uiris responderes? Rogarem te, inquit,
ut diceres pro me tu idem, qui illis orationem di-
ctauisses; uel potius paullulum loci mihi, ut his re-
sponderem, dares; nisi & te audire nunc mallet; &
istis tamen alio tempore responsurus essem, tunc
scilicet, cum tibi. Atqui, si uerum respondere uel-
les, Cato, hæc erant dicenda; non eos tibi non pro-
batos, tantis ingenijs homines, tantaq. auctoritate;
sed te animaduertisse, quas res illi, propter antiqui-
tatē, parum uidissent, eas a Stoicis esse perspectas;
eisdemq. de rebus hos tum acutius differuisse, tum
sensisse grauius, & fortius; quippe qui primum
ualetudinem bonam expetendam negent esse, eli-
gendam dicant; non quia sit bonum, ualere; sed
quia sit non nihilo æstimandum, neque tamen plu-
ris, quàm illis uideatur, qui illud non dubitant bo-
num dicere: hoc uero te ferre non potuisse, quod
antiqui illi quasi barbari, ut nos de nostris solemus
dicere, crediderint, eius, qui honeste uiueret, si
idem etiam bene ualeret, bene audiret, copiosus
esset, optabiliorem fore uitam, melioremq. &
ma-

magis expetendâ, quàm illius, qui æque uir bonus,
Multimodis esset, ut Ennii Alcæo,
- circumuentus morbo, exilio, atque inopia.

Illi igitur antiqui, non tam acute, optabiliorem illam uitam putant, præstantiorem, beatiorem, Stoici autem tantummodo præponendam in seligendo; non quo beator hæc uita sit, sed quòd ad naturam accommodatior; & qui sapientes non sunt, omnes æque miseros esse. Stoici hæc uidelicet uiderunt: illos autem id fugerat superiores; qui arbitrabantur, homines sceleribus, & paricidijs inquinatos, nihilo miseros esse, quàm eos, qui cum caste & integre uiuerent, nondum perfectam illam sapientiam essent consecuti. Atque hoc loco similitudines eas, quibus illi uti solent, dissimillimas proferbas. quis enim ignorat, si plures ex alto emergere uelint, propius fore eos quidè ad respirandum, qui ad summam iam aquam appropinquant, sed nihilo magis respirare posse, quàm eos, qui sunt in profundo? nihil ergo adiuuat procedere, et progredi in uirtute, quo minus miserrimus sit, ante quàm ad eam peruenerit; quoniam in aqua nihil adiuuat. et quoniam catuli, qui iam despecturi sunt, cæci æque, ut ij, qui modo nati: Platonem quoque necesse est, quoniam non dum uidebat, æque cecum animo, ac Phalarim fuisse. Ista similia non sunt, Cato: in quibus quamuis multum processeris, tamen illud in eadem caussa est, a quo abesse uelis, donec euaseris. nec enim ille respirat, ante quàm emerfit:

D E F I N I B V S

emerfit: & catuli æque cæci, prius quàm despexerunt, ac si ita futuri semper essent. Illa sunt similia. Hebes acies est cuiusdam oculorum: corpore alius languescit: hi, curatione adhibita, leuantur in dies: alter ualet plus quotidie, alter uidet. His similes sunt omnes, qui uirtuti student. leuantur uitij: leuantur erroribus. nisi forte censes Ti. Gracchum patrem non beatiorem fuisse, quàm filium; cum alter stabilire remp. studuerit, alter euertere. nec tamen ille erat sapiens: quis enim hoc? aut quando? aut ubi? aut unde? sed, quia studebat laudi, & dignitati, multum in uirtute processerat. Conferam autem auum tuum Drusum cum C. Graccho, eius fere æquali. quæ hic reip. uulnera imponebat, eadem ille sanabat. Sed nihil est, quod tã miseros faciat, quàm impietas, & scelus. ut iam omnes insipientes sint miseri; quod profecto sunt: non est tamen æque miser, qui patriæ consulit, & is, qui illam extinctam cupit. Leuatio igitur uitiorum magna fit ijs, qui habent ad uirtutem progressionis aliquantulum. uestri autem progressionem ad uirtutem fieri aiunt, leuationem uitiorum fieri negant. at, quo utuntur homines acuti argumento ad probandum, operæpretium est considerare. Quarum, inquit, artium summa crescere potest, earum etiam contrarium summa poterit augeri. ad uirtutis autem summam accedere nihil potest: ne uitia quidem igitur crescere poterunt, quæ sunt uirtutum contraria. utrum igitur tandem, perspicuis ne dubia aperiuntur,

tur, an du
cum est
bium, ad
nam fieri p
dubia debe
tollere. ita
usius, hered
miora non
eum, quem
quoniam pe
ria, finis b
eum illud m
sum sit, illu
uerum. Qu
gloriosa oſte
com enim, q
confirmatur
familiaris,
negotiorum
sum, in qu
quæ diligen
Chrysippo
ait Attius
tia, ubi ped
cys omnib
ni, & disc
rebus omni
teresset? E
quàm Ar

tur, an dubijs perspicua tolluntur? atqui hoc perspicuum est, uitia alia in alijs esse maiora: illud dubium, ad id, quod summum bonum dicitis, ecquænam fieri possit accessio. Vos autem cum perspicuis dubia debeatis illustrare, dubijs perspicua conamini tollere. itaque eadem ratione, qua sum paullo ante usus, hærebitis. si enim propterea uitia alia alijs maiora non sunt, quia ne ad finem quidem bonorum eum, quem uos facitis, quidquam potest accedere: quoniam perspicuum est uitia non esse omnium paria, finis bonorum uobis mutandus est. teneamus enim illud necesse est; cum consequens aliquod falsum sit, illud, cuius id consequens sit, non posse esse uerum. Quæ est igitur caussa istarum angustiarum? gloriosa ostentatio in constituendo summo bono. cum enim, quod honestum sit, id solum bonum esse confirmatur: tollitur cura ualetudinis, diligentia rei familiaris, administratio reip. ordo gerendorum negotiorum, officia uitæ; ipsum denique illud honestum, in quo uno uultis esse omnia, deferendum est. quæ diligentissime contra Aristonem dicuntur a Chrysippo. ex ea difficultate illæ fallaciloquæ, ut ait Attius, malitiæ natæ sunt. quid enim? sapientia, ubi pedem poneret, non habebat, sublatis officijs omnibus: officia autem tollebantur, deletu omni, & discrimine remoto. quæ enim esse poterant, rebus omnibus sic exæquatis, ut inter eas nihil interesset? Ex his angustijs ista euaserunt, deteriora, quàm Aristonis. illa tamen simplicia, uestra uersuta.

D E F I N I T I O N E S

suta. roges enim Aristonem, bona ne ei uideantur
hæc, uacuitas doloris, diuitiæ, ualetudo? neget.
quid, quæ contraria sunt his, mala ne? nihilo ma-
gis. Zenonem roges: respondeat totidem uerbis.
admirantes quæramus ab utroque, quonam modo
uitam agere possimus, si nihil interesse nostra pute-
mus, ualeamus, ægri ne simus; uacemus, an cru-
ciemur dolore; frigus, famem propulsare possimus,
nec ne possimus. Vires, inquit Aristo, magnifice,
atque præclare: quod erit cunque uisum, ages; nun-
quam angere, nunquam cupies; nunquam timebis.
Quid Zeno? portenta hæc esse dicit, nec ea ratione
ullo modo posse uiui; sed differre inter honestum, &
turpe nimium quantum, nescio quid immensum,
inter ceteras res nihil omnino interesse. Idem ad-
huc, (audi reliqua, & risum contine, si potes) me-
dia illa, inquit, inter quæ nihil interest, tamen eius-
modi sunt, ut eorum alia eligenda sint, alia reijcien-
da, alia omnino negligenda; hoc est, ut eorum alia
uelis, alia nolis, alia non cures. At modo dixeras,
nihil in his rebus esse, quod interesset. et nunc idem
dico, inquires; sed ad uirtutem, & ad uitia nihil in-
teresse. quis istud, quæso, nesciebat? uerum audia-
mus. Ista, inquit, quæ dixisti, ualere, locupletem
esse, non dolere, bona non dico, sed dicam græce
ἀπονημένα, latine autem producta: sed præposita,
aut præcipua malo: sic tolerabilius, & mollius: illa
autem, egestatem, morbum, dolorem, non appel-
lo mala, sed, si libet, reiectanea. itaque illa non
dico

dico me ex
re; contrari
Quid ait A
omnia, quæ
que autem
ium cum
cum Aristot
re? cur igitu
nitate loqui
nendam pecu
quæ si in bo
lore, si enim a
tra naturam
McPlo, fam
Stoicos irrid
seduitas, pr
ritiam ne min
longius uerba
rem. ne sit si
quo appellat
quod præpon
itaque diceb
eas in præpo
bonum esse
num, & pr
despiciendum
noq. de om
disputabat
quæ mala.

dico me expetere, sed legere; nec optare, sed sumere; contraria autē non fugere, sed quasi discernere. Quid ait Aristoteles, reliquiq. Platonis alumni? se omnia, quæ secundum naturā sint, bona appellare; quæ autem contra, mala. Vides ne igitur Zenonem tuum cum Aristotele uerbis consentire, re dissidere? cum Aristotele et illis re consentire, uerbis discrepare? cur igitur, cum de re conueniat, non malimus usitate loqui? aut doceat, paratiorem me ad contemnendam pecuniam fore, si illam in rebus præpositis, quàm si in bonis duxero; fortioresq. in patiendo dolore, si eum asperum, et difficilem perpeßu, & contra naturam esse, quàm si malum dixerō. Facete M. Piso, familiaris noster, et alia multa, et hoc loco Stoicos irridebat. quid enim, aiebat, bonum negas esse diuitias, præpositū esse dicis? quid adiuuas? avaritiam ne minuis? quod si uerbum sequimur; primū, longius uerbum præpositum, quàm bonum. nihil ad rem. ne sit sane: at certe grauius. nam, bonum ex quo appellatum sit, nescio; præpositum ex eo credo, quod præponatur alijs. id mihi magnum uidetur. Itaque dicebat plus tribui diuitijs a Zenone, qui eas in præpositis poneret; quàm ab Aristotele, qui bonum esse diuitias fateretur, sed nec magnum bonum, & præ reßtis honestisq. contemnendum, ac despiciendum, nec magnopere expetendum. Omni- noq. de omnibus istis uerbis a Zenone mutatis ita disputabat; & quæ bona negarentur esse ab eo, & quæ mala, illa lætioribus nominibus ab eo appella-
ri,

D E F I N I T I O N E S

ri, quàm a nobis, hæc tristioribus. Piso igitur hoc modo, uir optimus, tuiq., ut scis, amantissimus. nos, paucis ad hæc additis, finem faciamus aliquando. longum est enim ad omnia respondere, quæ a te dicta sunt. nam ex eisdem uerborum prestigijs & regna nata uobis sunt, & imperia, & diuitiæ, & tantæ quidem, ut omnia, quæ ubique sint, sapientis esse dicatis; solum præterea formosum, solum liberum, solum ciuem: stultorum omnia contraria; quos etiam insanos esse uultis. hæc παραδόξα illi, nos admirabilia dicamus. quid autem habent admirationis, cum prope accesseris? conferam tecum, quam cuique uerbo rem subiicias: nulla erit controuersia. Omnia peccata paria dicitis. non ego tecum iam ita loquar, ut iisdem his de rebus, cum L. Murenæ, te accusante, defenderem. apud imperitos tum illa dicta sunt: aliquid etiam coronæ datum: nunc agendum est subtilius. Peccata paria. quonam modo? quia nec honesto quidquam honestius, nec turpi turpius. perge porro: nam de isto magna dissensio est. illa argumenta propria uideamus, cur omnia peccata sint paria. Vt, inquit, in fidibus plurimis, si nulla earum ita contenta numeris sit, ut concentum seruare possit, omnes æque incontentæ sint: sic peccata, quia discrepant, æque discrepant: paria sunt igitur. Hic ambiguo ludimur. æque enim contingit omnibus fidibus, ut incontentæ sint: illud non continuo, ut æque incontentæ. collatio igitur ista te nihil inuat. nec enim, omnes auarities

ritias si aq
tiam, ut aq
mile. ut en
palearum n
cat, qui par
Hæc non uia
gubernatori
paleam ue p
nihil intereff
interfit, inter
nando nihil,
nere peccetur
est nanis eue
in palea. om
esse eam, qua
omnes, qui c
re. Ita ne b
Urgent tamen
quint, omni
stantia est; b
magna sunt:
uero aut con
gna esse uita
stantia L. T
denatus est
biliter res
terfit; ut, s
que peccen
nora. itaq

ritias si æque auaritias esse dixerimus; sequitur etiam, ut æquas esse dicamus. Ecce aliud simile dissimile. ut enim, inquit, gubernator æque peccat, si palearum nauem euertit, & si auri: item æque peccat, qui parentem, & qui seruum iniuria uerberat. Hæc non uidere, cuius generis onus nauis uehat, ad gubernatoris artem nihil pertinere: itaque, aurum paleam, ne portet, ad bene, aut ad male gubernandū nihil interesse. at, quid inter parentem, et seruulum intersit, intelligi & potest, & debet. ergo in gubernando nihil, in officio, plurimum interest, quo in genere peccetur: et si in ipsa gubernatione negligentia est nauis euersa, maius est peccatum in auro, quàm in palea. omnibus enim artibus uolumus attributā esse eam, quæ communis appellatur prudentia: quā omnes, qui cuique artificio præsunt, debent habere. Ita ne hoc modo paria quidem peccata sunt. Urgent tamen, & nihil remittunt. Quoniam, inquit, omne peccatum imbecillitatis, & inconstantie est; hæc autem uitia in omnibus stultis æque magna sunt: necesse est paria esse peccata. Quasi uero aut concedatur, in omnibus stultis æque magna esse uitia, & eadem imbecillitate, & inconstantia L. Tubulum fuisse, qua illum, cuius is condemnatus est rogatione, P. Scauolam: & quasi nihil inter res quoque ipsas, in quibus peccatur, intersit; ut, quo hæc maiores, minores ue sint, eo, quæ peccentur in his rebus, aut maiora sint, aut minora. itaque (iam concludatur oratio) hoc uno uicio

D. E F. I N I B V S

tio maxime mihi premi uidentur tui Stoici, quòd se posse putant duas contrarias sententias obtinere. quid enim est tam repugnans, quàm eundem dicere, quod honestum sit, solum id bonum esse, qui dicat appetitionem rerum ad uiuendum accommodatarum à natura profectam? ita cum ea uolunt retinere, quæ superiori sententiæ conueniunt, in Aristonem incidunt: cum id fugiunt, re eadem defendunt, quæ Peripatetici, uerba tenent mordicus. quæ rursus dum sibi euelli ex ore nolunt, horridiores euadunt, asperiores, & duriores & oratione, & moribus. quam illorum tristitiam, atque asperitatem fugiens Panætius, nec acerbicatem sententiarum, nec differendū spinas probauit; fuitq. in altero genere mitior, in altero illustrior; semperq. habuit in ore Platonem, Aristotelem, Xenocratem, Theophrastum, Dicaearchum, ut ipsius scripta declarant: quos quidem tibi studiose, & diligenter tractandos, magnopere censeo. Sed quoniam aduesperascit; & mihi ad uillam reuertendum est: nunc quidem hætenus; uerum hoc idem sæpe faciamus. Nos uero, inquit ille. nam quid possumus facere melius? & hanc quidem primam exigam a te operam, ut audias me, quæ a te dicta sunt, resellentem. sed memento, te, quæ nos sentiamus, omnia probare, nisi quòd uerbis aliter utamur; mihi autem uestrorum nihil probari. Scrupulum, inquam, abeunti: sed uidebimus. Quæ cum essent dicta, discessimus.

M. TVL-

M. TVL
DE

C

T. Pompon
tione patre
ter nos, ut a
remus in Ac
u turba id te
ad Platonem
Diplo stadi
in Academi
solitudo erat
naturæ ne no
rore quodam
memoria dig
uersatos, m
rum ipsorum
quid legamus
mihi Platon
mum hic di
propinqua
ipsum uide
Speusippus

145

M. TVLLII CICERONIS
DE FINIBVS BONORVM
ET MALORVM
LIBER V.

VM audiuissem Antiochum, Brute, ut
solebat, cum M. Pisone disputantem
in eo gymnasio, quod Ptolemæium uo-
catur; unaq. nobiscum Q. frater, &
T. Pomponius, & L. Cicero, frater noster cogna-
tione patruelis, amore germanus; constituimus in-
ter nos, ut ambulationem postmeridianam confice-
remus in Academia, maxime quòd is locus ab om-
ni turba id temporis uacuus esset. itaque ad tempus
ad Pisonem omnes. inde, uario sermone, sex illa a
Dipylo stadia confecimus. cum autem uenissemus
in Academiam, non sine causa nobilitata spatia;
solitudo erat ea, quam uolueramus. Tum Piso,
natura ne nobis hoc, inquit, datum dicam, an er-
rore quodam, ut, cum ea loca uideamus, in quibus
memoria dignos uiros acceperimus multum esse
uersatos, magis moueamur, quàm si quando eo-
rum ipsorum aut facta audiamus, aut scriptum ali-
quid legamus? uelut ego nunc moueor. uenit enim
mibi Platonis in mentem: quem accepimus pri-
mum hic disputare solitum: cuius etiam illi hortuli
propinqui non memoriam solum mihi afferunt, sed
ipsum uidentur in conspectu meo hic ponere. hic
Speusippus, hic Xenocrates, hic eius auditor Pole-

t

mo:

D E F I N I B V S

mo: cuius ipsa illa sessio fuit, quam uidemus. equidem etiam curiam nostram, Hostiliam dico, non hanc nouam, quæ mihi minor esse uidetur, postea quàm est maior, solebam, intuens, Scipionem, Catonem, Lælium, nostrum uero in primis auum cogitare. tanta uis admonitionis inest in locis: ut non sine causa ex his memoriæ ducta sit disciplina. Tum Quintus, est plane, Piso, ut dicis, inquit. nam me ipsum, huc modo uenientem, conuertebat ad sese Coloneus ille locus, cuius incola Sophocles ob oculos uersabatur: quem, scis, quàm admirer, quàmq. eo delecter. me quidem ad altiorememoriam Oedipodis huc uenientis, & illo mollissimo carmine, quænam essent ipsa hæc loca, requirentis, species quædam commouit, inanis scilicet, sed commouit tamen. Tum Pomponius: at ego, quem uos, ut deditum Epicuro, insectari soletis, sum multum equidem cum Phædro, quem unice diligo, ut scitis, in Epicuri hortis, quos modo præteribamus: sed, ueteris prouerbij admonitu, uiuorum memini: nec tamen Epicuri licet obliuisci, si cupiam; cuius imaginem non modo in tabulis nostri familiares, sed etiam in poculis, & in anellis habent. Hic ego, Pomponius quidem, inquam, noster iocari uidetur: & fortasse suo iure. ita enim Athenis se collocauit, ut sit pæne unus ex Atticis, ut id etiam cognomine uideatur habiturus. ego autem tibi, Piso, assentior, usu hoc euenire, ut acrius aliquanto, & attentius de claris uiris, locorum admonitu, cogitemus.

mus. scis e
uenisse tec
quàm Pyti
diderat, se
multa in on
iudicia sum
neor exedra
dere uideor
ta ingenij m
cem puto.
nes, quid L
ter multat, a
decentare so
me ducitur.
ex me quere
rim: quo ta
Demosthene
re. modo eti
nani, ut ad
quàm id quæ
que enim in
gium ponim
ista studia,
ingenioforma
teris memo
hortamur o
eos, quos
go, et si fac
ea, quæ p

mus. scis enim me quodam tempore Metapontum uenisse tecum, nec ad hospitem ante diuertisse, quam Pythagoræ ipsum illum locum, ubi uitam ediderat, sedemq. uiderim. hoc autem tempore, etsi multa in omni parte Athenarum sunt in ipsis locis indicia summorum uirorum: tamen ego illa moueor exedra: modo enim fuit Carneades: quem uidere uideor: est enim nota imago: a sedeq. ipsa, tanta ingenij magnitudine orbata, desiderari illam uocem puto. Tum Piso, quoniam igitur aliquid omnes, quid Lucius noster, inquit? an eum locum libenter inuisit, ubi Demosthenes, & Aeschines inter se decertare soliti sunt? suo enim quisque studio maxime ducitur. Et ille, cum erubisset, noli, inquit, ex me querere, qui in Phalericum etiam descendere: quo in loco ad fluctum aiunt declamare solitum Demosthenem, ut fremitum assuesceret uoce uincere. modo etiam paullulum ad dextram de uia declinaui, ut ad Periclis sepulcrum accederem. quamquam id quidem infinitum est in hac urbe. quacunque enim ingredimur, in aliquam historiam uestigium ponimus. Tum Piso, atqui, Cicero, inquit, ista studia, si ad imitandos summos uiros spectant, ingeniosorum sunt; sin tantummodo ad indicia ueteris memoriæ cognoscenda, curiosorum. te autem hortamur omnes, currentem quidem, ut spero, ut eos, quos nouisse uis, etiam imitari uelis. Hic ego, etsi facit hic quidem, inquam, Piso, ut uides, ea, quæ præcipis: tamen mihi grata est hortatio

t 2 tua.

D E F I N I B V S

tua. Tum ille amicissime, ut solebat, nos uero, inquit, omnes omnia ad huius adolescentiam conferamus, in primisq. ut aliquid suorum studiorum philosophiae quoque impertiat; uel ut te imitetur, quem amat; uel ut illud ipsum, quod studet, facere possit ornatius. sed utrum hortandus es nobis Luci, inquit, an etiam tua sponte propensus es? mihi quidem Antiochum, quem audis, satis belle uideris attendere. Tum ille timide, uel potius uerecunde, facio, inquit, equidem: sed audisti ne modo de Carneade? rapior illuc: reuocat autem Antiochus: nec est praeterea, quem audiamus. Tum Piso, etsi hoc, inquit, fortasse non poterit sic abire, cum hic adsit: (me autem dicebat) tamen audebo te ab hac Academia noua ad ueterem illam uocare. in qua, ut dicere Antiochum audiebas, non ij soli numerantur, qui Academici uocantur, Speusippus, Xenocrates, Polemo, Crantor, ceteriq., sed etiam Peripatetici ueteres, quorum princeps Aristoteles, quem, excepto Platone, haud scio an recte dixerim principem philosophorum. ad eos igitur conuerte te, quaeso. ex eorum enim scriptis, & institutis cu omnis historia, omnis doctrina liberalis, omnis sermo elegans sumi potest; tum uarietas est tanta artium, ut nemo sine eo instrumento ad ullam rem illustriorem satis ornatus possit accedere. ab his oratores, ab his imperatores, ac rerump. principes extiterunt. ut ad minora ueniam, mathematici, poetae, musici, medici denique ex hac tanquam ex omnium artium officina profe-

Eti

Et sunt. Ad quæ ego, scis me, inquam, istud idem sentire, Piso: sed a te oportune mentio facta est. Studet enim meus audire Cicero, quænam sit istius ueteris, quam commemoras, Academiae de finibus bonorum, Peripateticorumq. sententia. censemus autem te facillime id explanare posse, quod & Staseam Neapolitanum multos annos habueris apud te, & complures iam menses Athenis hæc ipsa te ex Antiocho uidemus exquirere. Et ille ridens, age, age, inquit, (satis enim scite me nostri sermonis principium esse uoluisti) exponamus adolescenti, si qua forte possumus. dat enim id nobis solitudo, quod si quis deus diceret, nunquam putarem; me in Academia, tanquam philosophum, disputaturum. sed ne, dum huic obsequor, uobis molestus sim. Mihi, inquam, qui te id ipsum rogavi? Tum Quintus, & Pomponius cum idem se uelle dixissent, Piso exorsus est. cuius oratio, attende quæso Brute, satis ne uideatur Antiochi complexa esse sententiâ: quam tibi, qui fratrem eius Aristum frequenter audieris, maxime probatam existimo. sic est igitur locutus. Quantus ornatus in Peripateticorum disciplina sit, satis est a me, ut breuissime potui, paulo ante dictum: sed est forma eius disciplinæ, sicut fere ceterarum, triplex. una pars est, natura; differendi, altera; uiuendi, tertia. Natura sic ab ijs inuestigata est, ut nulla pars cælo, mari, terra (ut poetice loquar) prætermissa sit. quin etiam, cum de rerû initijs, omniq. mundo locuti essent, ut mul-

D E F I N I B V S

ta non modo probabili argumentatione, sed etiam necessaria mathematicorum ratione concluderent; maximam materiam ex rebus per se inuestigatis ad rerum occultarum cognitionem attulerunt. persecutus est Aristoteles animantium omnium ortus, uictus, figuras: Theophrastus autem stirpium naturas, omniumq. fere rerum, quæ e terra gignerentur, causas, atque rationes. qua ex cognitione faciliior facta est inuestigatio rerum occultissimarum. differendiq. ab iisdem non dialectice solum, sed etiam oratorie præcepta sunt tradita: ab Aristoteleq. principe de singulis rebus in utranque partem dicendi exercitatio est instituta; ut non contra omnia semper, sicut Arcesilas, diceret, & tamen ut in omnibus rebus, quidquid ex utraque parte dici posset, expromeret. Cum autem tertia pars bene uiuendi præcepta quæreretur; ea quoque est ab iisdem non solum ad priuatæ uitæ rationem, sed etiam ad rerum publicarum rectionem relata. omnium fere ciuitatum non Græciæ solum, sed etiam barbariæ ab Aristotele mores, instituta, disciplinas, a Theophrasto leges etiam cognouimus. cumq. uterque eorum docuisset, qualem in rep. principem esse conueniret; pluribus præterea cum scripsisset, qui esset optimus reip. status: hoc amplius Theophrastus, quæ essent in rep. inclinationes rerum, & momenta temporis, quibus esset moderandum, utcunque res postulare. Vitæ autem degendæ ratio maxime quidem illis placuit quæta, in contemplatione, & cognitione posita

ta rerum : quæ quia deorum erat uitæ simillima, sapiente uisa est dignissima . Atque his de rebus & splendida est eorum , & illustris oratio . De summo autem bono, quia duo genera librorum sunt, unum populariter scriptum, quod ἱστορικὸν appellabant; alterum limatius, quod in commentarijs reliquerunt; non semper idem dicere uidentur. nec in summa tamen ipsa aut uarietas est ulla, apud hos quidem, quos nominari; aut inter ipsos dissensio: sed, cum beata uita quæretur; idq. sit unum, quod philosophia spectare, & sequi debeat; sit ne ea tota sita in potestate sapientis, an possit aut labefactari, aut eripi rebus aduersis, in eo non nunquam uariari inter eos, & dubitari uidetur. quod maxime efficit Theophrasti de beata uita liber: in quo multum admodum fortunæ datur. quod si ita se habeat; non possit beatam præstare uitam sapientia. Hæc mihi uidetur delicatior, ut ita dicam, molliorq. ratio, quàm uirtutis uis, grauitasq. postulat. quare teneamus Aristotelem, & eius filium Nicomachum: cuius accurate scripti de moribus libri dicuntur illi quidem esse Aristotelis; sed non uideo, cur non potuerit patri similis esse filius. Theophrastum tamen adhibeamus ad pleraque; dum modo plus in uirtute eneamus, quàm ille tenuit, firmitatis, & roboris. simus igitur contenti his. nanque horum posteri meliores illi quidem, mea sententia, quàm reliquarum philosophi disciplinarum, sed ita degenerant, ut ipsi ex se nati esse uideantur. Primum Theophrasti Stra

D E F I N I T I O N E S

to physicum se uoluit. in quo etsi est magnus; tamen noua pleraque, & perpauca de moribus. Huius Lysias et oratione locuples, rebus ipsis ieiunior. concinnus deinde, & elegans huius Aristo: sed ea, quae desideratur a magno philosopho, grauitas in eo non fuit. scripta sane et multa, & polita: sed nescio quo pacto auctoritatem oratio non habet. praetereo multos, in his, doctum hominem, & suauem, Hieronymum: quem iam cur Peripateticum appellem, nescio. summum enim bonum exposuit, uacuitatem doloris. qui autem de summo bono dissentit, de tota philosophiae ratione dissentit. Critolaus imitari antiquos uoluit: et quidem est grauitate proximus: & redundat oratio: attamen is quidem in patrijs institutis manet. Diodorus, eius auditor, adiungit ad honestatem uacuitatem doloris. hic quoque suus est; de summoq. bono dissentiens, dici uere Peripateticus non potest. Antiquorum autem sententiam Antiochus noster mihi uidetur persequi diligentissime; quam eandem Aristotelis fuisse, & Polemonis docet. Facit igitur Lucius noster prudenter, qui audire de summo bono potissimum uelit. hoc enim constituto in philosophia, constituta sunt omnia. nam ceteris in rebus siue praetermissum, siue ignoratum est quippiam, non plus incommodi est, quam quanti quaeque earum rerum est, in quibus neglectum est aliquid: summum autem bonum si ignoretur, uiuendi rationem ignorari necesse est. ex quo tantus error consequitur, ut, quem in portum se recipiant, scire

scire non possint. cognitis autem rerum finibus, cum intelligitur quid sit & bonorum extremum, & malorum, inuenta uita uia est, conformatioq. omnium officiorum. est igitur, quod quidque referatur, ex quo id, quod omnes expetunt, beate uiuendi ratio inueniri, & comparari potest. quod, quoniam, in quo sit, magna dissensio est; Carneadea nobis adhibenda diuisio est, qua noster Antiochus libenter uti solet. Ille igitur uidit, non modo quot fuissent adhuc philosophorum de summo bono, sed quot omnino esse possent sententiae. negabat igitur ullam esse artem, quae ipsa a se proficisceretur. etenim semper illud extra est, quod arte comprehenditur. nihil opus est exemplis hoc facere longius. est enim perspicuum, nullam artem in se uersari, sed esse aliud artem ipsam, aliud quod propositum sit arti. quoniam, ut medicina uoletudinis, nauigationis gubernatio, sic uiuendi ars est prudentia: necesse est quodque eam ab alia re esse constitutam, & profectam. Constitit autem fere inter omnes, id, in quo prudentia uersaretur, & quod assequi uellet, aptum, & accommodatum naturae esse oportere, & tale, ut ipsum per se inuitaret, & alliceret appetitum animi: quem ὁπρὸν Græci uocant. quid autem sit, quod ita moueat, itaq. a natura in primo ortu appetatur, non constat, deq. eo est inter philosophos, cum summum bonum exquiritur, omnis dissensio. totius enim quaestionis eius, quae habetur de finibus bonorum, & malorum, cum quaeritur in his quid sit extremum,

tremum, & ultimum, fons reperiendus est, in quo sint prima inuitamenta naturæ. quo inuento, omnis ab eo, quasi capite, de summo bono, & malo disputatio ducitur. Voluptatis alij primum appetitum putant; & primam depulsionem, doloris. alij censent primum ascitum, doloris uacuitatem; & primum declinatum, dolorem. ab his alij, quæ prima secundum naturam nominant, proficiscuntur: in quibus numerant incolumitatem, conseruationemq. omnium partium, ualetudinem, sensus integros, doloris uacuitatem, uires, pulchritudinem, ceteraq. generis eiusdem: quorum similia sunt prima in animis, quasi uirtutum igniculi, & semina. Ex his tribus cum unum aliquod sit, quo primum natura moveatur uel ad appetendum, uel ad repellendum; nec quidquam omnino præter hæc tria possit esse: necesse est omnino, officium aut fugiendi, aut sequendi ad eorum aliquid referri; ut illa prudentia, quam artem uitæ esse diximus, in earum trium rerum aliqua uersetur, a qua totius uitæ ducat exordium. Ex eo autem quod statuerit esse, quo primum natura moveatur, existet etiam recti ratio, atque honesti, quæ eum uno aliquo ex tribus illis congruere possit: ut aut id honestum sit, facere omnia aut uoluptatis causa, etiam si eam non consequare; aut non dolendi, etiam si id assequi nequeas; aut eorum, quæ secundum naturam sunt, adipiscendi. ita fit, ut, quanta differentia est in principijs naturalibus, tanta sit in finibus bonorum, malorumq. dissimi-

dissimili
officium
lendum
tinenda.
sententij
ptatis, A
endi rebu
se diximu
defensor,
rant, qua
sa, eaq. n
cere omni
men ipsu
tendum, e
dicit. Ne
quiquam
entare po
mur que
assequam
expetenda
igitur hæ
rumq. sen
se. Iuncta
boni, tres
tus rerum
uoluptas
ni, Diodo
Diodoro
dem. Ac

disimilitudo. Alij rursus iisdem a principijs omne officium referunt aut ad uoluptatem, aut ad non dolendum, aut ad prima illa secundum naturam obtinenda. Expositis iam igitur sex de summo bono sententijs, trium proximarum hi principes; uoluptatis, Aristippus; non dolendi, Hieronymus; fruendi rebus ijs, quas primas secundum naturam esse diximus, Carneades, non ille quidem auctor, sed defensor, differendi causa, fuit. Superiores tres erant, quae esse possent: quarum est una sola defensa, eaq. uehementer. Nam, uoluptatis causa facere omnia; cum, etiam si nihil consequamur, tamen ipsum illud consilium ita faciendi per se expetendum, & honestum, & solum bonum sit; nemo dicit. Ne uitationem quidem doloris ipsam per se quisquam in rebus expetendis putauit, ne si etiam euitare posset. At uero, facere omnia, ut adipiscamur quae secundum naturam sint, etiam si ea non assequamur, id esse & honestum, & solum per se expetendum, & solum bonum Stoici dicunt. Sex igitur haec sunt simplices de summo bonorum, malorumq. sententiae, duae sine patrono, quattuor defensae. Iunctae autem, & duplices expositiones summi boni, tres omnino fuerunt: nec uero plures, si penitus rerum naturam uideas, esse potuerunt. nam aut uoluptas adiungi potest ad honestatem, ut Calliphoni, Dinomachoq. placuit; aut doloris uacuitas, ut Diodoro; aut prima naturae, ut antiquis, quos eosdem Academicos, et Peripateticos nominamus. sed

quo-

quoniam non possunt omnia simul dici; hæc in præsentia nota esse debebunt, uoluptatem semouendam esse: quando ad maiora quadam, ut iam apparebit, nati sumus. De uacuitate doloris eadem fere dici solent, quæ de uoluptate. Quoniam igitur & de uoluptate cum Torquato, & de honestate, in qua una omne bonum poneretur, cum Catone est disputatum: primum, quæ contra uoluptatem dicta sunt, eadem fere cadunt contra uacuitatem doloris. Nec uero alia sunt querenda contra Carneadeam illam sententiam. quocunque enim modo summum bonum sic exponitur, ut id uacet honestate; nec officia, nec uirtutes in ea ratione, nec amicitie constare possunt. coniunctio autem cum honestate uel uoluptatis, uel non dolendi, id ipsum honestum, quod amplecti uult, efficit turpe. ad eas enim res referre, quæ agas, quarum una, si quis malo careat, in summo eum bono dicat esse, altera uersetur in leuissimâ parte naturæ; obscurantis est omnem splendorem honestatis, ne dicam inquinantis. Restant Stoici: qui cum a Peripateticis, & Academicis omnia transtulissent, nominibus alijs easdem res secuti sunt. hos contra singulos dici est melius. sed nunc, quod agimus: de illis, cum uolemus. Democriti autem securitas, quæ est animi tanquam tranquillitas, quâ appellant & *ἡσυχία*, eo separanda fuit ab hac disputatione: quia ista animi tranquillitas ea ipsa est beata uita. querimus autem, non quæ sit, sed unde sit. Iam, explosæ, eiectæq. sententiæ Pyrrhonis, Aristonis,

Stonis, Herilli, quòd in hunc orbem, quem circum-
 scripsimus, incidere non possunt, adhibendæ omni-
 no non fuerunt. nam cum omnis hæc quæstio de fini-
 bus, & quasi de extremis bonorum, & malorum
 ab eo proficiscatur, quod diximus naturæ esse aptū,
 & accommodatum, quodq. ipsum per se primum
 appetatur: hoc totum & ij tollunt, qui in rebus ijs,
 in quibus nihil, quod non aut honestum, aut turpe
 sit, negant esse ullam causam, cur aliud alij ante-
 ponatur; nec inter eas res quidquam omnino putant
 interesse: & Herillus, si ita sensit, nihil esse bonum
 præter scientiam, omnem consilij capiendi causam,
 inuentionemq. officij sustulit. Sic, exclusis senten-
 tijs reliquorum, cum præterea nulla esse possit, hæc
 antiquorum ualeat necesse est. ergo instituto uete-
 rum, quo etiam Stoici utuntur, hinc capiamus exor-
 dium. Omne animal se ipsum diligit; & simul ac-
 ortum est, id agit, ut se conseruet; quòd hic ei pri-
 mus ad omnem uitam tuendam appetitus a natura
 datur, se ut conseruet, atque ita sit affectum, ut
 optime secundum naturam affectum esse possit. hæc
 initio constitutionem confusam habet, & incertam,
 ut tantummodo se tueatur, quaecunque sit: sed
 nec, quid sit, nec, quid possit, nec, quid ipsius na-
 tura sit, intelligit. cum autem processit paullulum,
 & quatenus quidquid se attingat, ad seq. perti-
 neat, perspicere cœpit; tum sensim incipit progre-
 di, seseq. agnoscere, & intelligere. quam ob caus-
 sam habet eum, quem diximus, animi appetitum;

cæ-

D E F I N I B V S

ceptatq. & ea, quæ natura apta sentit, appetere,
 & propulsare contraria. Ergo omni animali illud,
 quod appetit, positum est in eo, quod natura est
 accommodatum. ita finis bonorum existit, secun-
 dum naturam uiuere, sic affectum, ut optime affi-
 ci possit, ad naturamq. accommodatissime. quoniam
 autem sua cuiusque animantis natura est; necesse est
 quoque, finem omnium hunc esse, ut natura explea-
 tur. nihil enim prohibet, quædam esse & inter se
 animalibus reliquis, & cum bestiis homini commu-
 nia; quoniam omnium est natura communis. Sed
 extrema illa, & summa, quæ quærimus, inter ani-
 malium genera distincta, & dispersita sunt, et sua
 cuique propria, & ad id apta, quod cuiusque natu-
 ra desiderat. quare cum dicimus, omnibus anima-
 libus extremum esse, secundum naturam uiuere:
 non ita accipiendum est, quasi dicamus, unum esse
 omnium extremum: sed, ut omnium artium recte
 dici potest commune esse, ut in aliqua scientia uer-
 sentur, scientiam autem suam cuiusque artis esse;
 sic commune animalium omnium, secundum natu-
 ram uiuere, sed naturas esse diuersas, ut aliud equo
 sit natura, aliud bovi, aliud homini, & tamen in
 omnibus summa communis, & quidem non solum
 in animalibus, sed etiam in rebus omnibus ijs, quas
 natura alit, auget, & tuetur: in quibus uidemus,
 ea, quæ gignuntur e terra, multa quodam modo ef-
 ficere ipsa sibi per se, quæ ad uiuendum, crescen-
 dumq. ualeant, & suo genere perueniant ad extre-
 mum.

*mum. ut iam liceat una comprehensione omnia com-
plecti; non dubitemq. dicere, omnem naturam esse
conseruatricem sui; idq. habere propositum quasi
finem, & extremum, se ut custodiat in quamopti-
mo sui generis statu. ut necesse sit, omnium rerum,
quæ natura uigeant, similem esse finem, non eun-
dem. ex quo intelligi debet, homini id esse in bonis
ultimum, secundum naturam uiuere: quod ita in-
terpretemur, uiuere ex hominis natura undique
perfecta, & nihil requirente. Hæc igitur nobis ex-
plicanda sunt: sed, si enodatus, uos ignoscetis. hu-
ius enim ætati, & huic, nunc hæc primum fortasse
audienti, seruire debemus. Ita prorsus, inquam:
etsi ea quidem, quæ adhuc dixisti, quamuis ad æta-
tem recte isto modo dicerentur. Exposita igitur,
inquit, terminatione rerum expetendarum; cur i-
sta se res ita habeat, ut dixi, deinceps demonstnan-
dum est. quamobrem ordiamur ab eo, quod pri-
mum posui, quod idem reapse primum est; ut in-
telligamus omne animal se ipsum diligere. quod
quanquam dubitationem non habet: (est enim in-
fixum in ipsa natura, comprehenditur suis cuius-
que sensibus, sic, ut, contra si quis dicere uelit, non
audiatur) tamen, ne quid prætermittamus, ratio-
nes quoque, cur hoc ita sit, afferendas puto. et si qui
potest intelligi, aut cogitari, esse aliquod animal,
quod se oderit? res enim concurrent contrariæ. nam
cum appetitus ille animi aliquid ad se trahere cæpe-
rit consulto, quod sibi obsit, quia sit sibi inimicus:*

cum

D E F I N I T I O N E S

cum id sua caussa faciet; & oderit se, & simul diliget. quod fieri non potest. necesse est quidem, si quis sibi ipsi inimicus est, eum, quæ bona sunt, mala putare; bona contra, quæ mala; & quæ appetenda, fugere; & quæ fugienda, appetere. quæ sine dubio uitæ sunt euersio. neque enim, si non nulli reperiuntur, qui aut laqueos, aut alia exitia quarant; aut, ut ille apud Terentium, qui decreuit tantisper se minus iniuriæ suo gnato facere, (ut ait ipse) dum fiat miser; inimicum ipse sibi putandus est. sed alij dolore mouentur, alij cupiditate: iracundia etiam multi efferuntur: &, cum in mala scientes ruunt, tamen se optime sibi consulere arbitrantur: itaque dicunt, nec dubitant, Mihi sic est usus: tibi ut opus est facto, face. uelut, qui ipsi sibi bellum indixissent, cruciari dies, noctes torqueri uellent: nec uero sese ipsi accusarent ob eam causam, quod sese male rebus suis consuluisse dicerent. eorum enim est hæc querela, qui sibi cari sunt, seseq. diligunt. Quare, quotiescunque dicetur male de se quis mereri, sibiq. esse inimicus, atque hostis, uitam denique fugere; intelligatur aliquam subesse eiusmodi causam, ut ex eo ipso possit intelligi, sibi quenque esse carum. nec uero id satis est, neminem esse, qui ipse se oderit: sed illud quoque intelligendum est, neminem esse, qui, quomodo se habeat, nihil sua censeat interesse. tolletur enim appetitus animi, si, ut in ijs rebus, inter quas nihil interest, neutram in partem propensiores simus,

mus, nihil nostra arbitramur interesse. Atque etiam illud, si quis dicere uelit, perabsurdum sit; ita diligere a sese quenquam, ut ea uis diligendi ad aliam rem quampiam referatur, non ad eum ipsum, qui sese diligit. hoc cum in amicitijs, cum in officijs, cum in uirtutibus dicitur; quomocunque dicitur, intelligi tamen, quid dicatur, potest; in nobis autem ipsis ne intelligi quidem, ut propter aliam quampiam rem, uerbi gratia propter uoluptatem, nos amemus. propter nos enim illam, non propter eam nosmet ipsos, diligimus. Quanquam quid est, quod magis perspicuum sit, quam non modo carum sibi quenque, uerum etiam uehementer carum esse? quis est enim, aut quotus quisque, cui mors cum appropinquet,

Nō refugiat timido sanguen, atq. exalbescat metu? etsi hoc quidem est in uitio, dissolutionem naturæ tam ualde perhorrescere. quod item est reprehendendum in dolore. sed quia fere sic afficiuntur omnes; satis argumenti est, ab interitu naturam abhorre. idque quo magis quidam ita faciunt, ut iure etiam reprehendantur: hoc magis intelligendum est, hæc ipsa nimia in quibusdam futura non fuisse, nisi quædam essent modica natura. nec uero dico eorum metum mortis, qui quia priuari se uitæ bonis arbitrentur, aut quia quasdam post mortem formidines extimescant, aut si metuant ne cum dolore moriantur, iccirco mortem fugiant. in paruis enim sepe, qui nihil eorum cogitant, si quando his

u

ludentes

D E F I N I B V S

ludentes minamur præcipituros alicunde, extimescunt. quin etiam fera, inquit Pacuvius, Quibus abest ad præcauendum intelligendi astutia, sibi iniecto terrore mortis horrescunt. Quis autem de ipso sapiente aliter existimat? qui, etiam cum decreuerit esse moriendum, tamen discessu a suis, atque ipsa relinquenda luce moveatur. Maxime autem in hoc quidem genere uis est perspicua naturæ, cum & mendicitatem multi perpetiantur, ut uiuant; & angantur appropinquatione mortis confecti homines senectute; & ea perferant, quæ Philoſtetam uidemus in fabulis: qui cum cruciaretur non ferendis doloribus, propagabat tamen uitam aucupio sagittarum; Configebat tardus celeres, stans uolantes, ut apud Attium est; pinnarumq. contextu corpori tegumenta faciebat. De hominum genere, aut omnino de animalium loquor, cum arborum, & stirpium eadem pene natura sit? siue, ut doctissimis uiris uisum est, maior aliqua caussa, atque diuinior hanc uim ingenuit: siue hoc ita sit fortuito. uideamus ea, quæ terra gignit, corticibus, & radicibus ualida seruari: quod contingit animalibus sensuum distributione, & quadam compactione membrorum. qua quidem de re, quanquam assentior ijs, qui hæc omnia regi natura putant; quæ si natura negligat, ipsa esse non possint: tamen concedo, ut, qui, de hoc dissentiunt, existiment quod uelint, ac uel hoc intelligant, si quando naturam hominis dicam,

cam, hominem dicere me. nihil enim hoc differt. nam prius poterit a se quisque discedere, quam appetitum earum rerum, quæ sibi conducant, amittere. Iure igitur gravissimi philosophi initium summi boni a natura petiuerunt, & illum appetitum rerum ad naturam accommodatarum ingeneratum putauerunt omnibus, qui continentur ea commendatione naturæ, qua se ipsi diligunt. Deinceps uidentum est, quoniam satis apertum est, sibi quæque natura esse carum, quæ sit hominis natura. id est enim, de quo quærimus. Atqui perspicuum est, hominem e corpore, animoq. constare, cum primæ sint animi partes, secundæ corporis. deinde id quoque uidemus, & ita figuratum corpus, ut excellat alijs; animumq. ita constitutum, ut & sensibus instructus sit, & habeat præstantiam mentis, cui tota hominis natura pareat, in qua sit mirabilis quædam uis rationis, & cognitionis, & scientiæ, uirtutumq. omnium. nam quæ corporis sunt, ea nec auctoritatem cum animi partibus comparandam, & cognitionem habent faciliorem: itaque ab his ordiamur. Corporis igitur nostri partes, totaq. figura, & forma, & statura quàm apta ad naturam sit, apparet: neque est dubium, quin frons, oculi, aures, & reliquæ partes, quales propriæ sunt hominis, intelligatur. sed certe opus est ea ualere, & uigere, & naturales motus, ususq. habere; ut nec absit quid eorum, nec egrum debilitatum ue sit. id enim natura desiderat. Est etiam actio quædam

DE FINIBVS

corporis, quæ motus, & status naturæ congruentes tenet: in quibus si peccetur distortionem, & depravationem quadam, aut motu, statu ue deformi, ut si aut manibus ingrediatur quis, aut non ante, sed retro; fugere plane se ipse, & hominem ex homine exuens, naturam odisse uideatur. quamobrem etiam sessiones quædam, & flexi, fractiq. motus, quales proteruorum hominum, aut mollium esse solent, contra naturam sunt: ut, etiam si animi uitio id eueniat, tamen in corpore immutari hominis natura uideatur. itaque e contrarijs moderati, æquabilesq. habitus, effectiones, ususq. corporis, apta esse ad naturam uidentur. Iam uero animus non esse solum, sed etiam cuiusdam modi debet esse; ut & omnes partes suas habeat incolumes; & de uirtutibus nulla desit. atqui in sensibus est sua cuiusque uirtus, ut ne quid impediatur, quo minus suo sensus quisque munere fungatur in ijs rebus celeriter, expediteq. percipiendis, quæ subiectæ sunt sensibus: animi autem, & eius animi partis, quæ princeps est, quæq. mens nominatur, plures sunt uirtutes: sed duo prima genera; unum earum, quæ ingenerantur suapte natura, appellanturq. non uoluntaria; alterum earum, quæ in uoluntate positæ, magis proprio nomine appellari solent: quarum est excellens in animorum laude præstantia. prior generis est docilitas, memoria: quæ fere omnia appellantur uno ingenij nomine: easq. uirtutes qui habent, ingeniosi uocantur. alterum autem genus est magna-

magnarum, uerarumq. uirtutum: quas appella-
mus uoluntarias. ut prudentiam, temperantiam,
fortitudinem, iustitiam, & reliquas eiusdem gene-
ris. Et summatim quidem hæc erant de corpore,
animoq. dicenda. quibus quasi informatum est, quid
hominis natura postulet. ex quo perspicuum est,
quoniam ipsi a nobis diligamur, omniaq. & in ani-
mo, & in corpore perfecta uelimus esse, ea nobis
ipsa cara esse propter se, et in ijs esse ad bene uiuen-
dum momenta maxima. nam cui proposita sit con-
seruatio sui, necesse est huic partes quoque sui ca-
ras esse, carioresq., quo perfectiores sint, & ma-
gis in suo genere laudabiles. ea enim uita expeti-
tur, quæ sit animi, corporisq. expleta uirtutibus:
in eoq. summum bonum poni necesse est: quando
quidem id tale esse debet, ut rerum expetendarum
sit extremum. quo cognito, dubitari non potest,
quin, cum ipsi homines sibi sint per se, & sua spon-
te cari, partes quoque & corporis, & animi, &
earum rerum, quæ sunt in utriusque motu, & sta-
tu, sua caritate colantur, & per se ipsæ appetan-
tur. Quibus expositis, facilis est coniectura, ea
maxime esse expetenda ex nostris, quæ plurimum
habent dignitatis, ut optimæ cuiusque partis, quæ
per se expetatur, uirtus sit expetenda maxime. ita
fiet, ut animi uirtus corporis uirtuti anteponatur,
animiq. uirtutes non uoluntarias uincant uirtutes
uoluntariæ: quæ quidem proprie uirtutes appellan-
tur, multumq. excellunt, propterea quod ex ratio-

D E F I N I T I O N E S

ne gignuntur: qua nihil est in homine diuinius. et enim omnium rerum, quas & creat natura, & tuetur, quæ aut sine animo sint, aut non multo secus, eorum summum bonum in corpore est. ut non inscite illud dictum uideatur in sue, animum illi pecudi datum pro sale, ne putresceret. Sunt autem bestię quædam, in quibus inest aliquid simile uirtutis, ut in leonibus, ut in canibus, ut in equis; in quibus non corporum solum, ut in suis, sed etiam animorum aliqua ex parte motus quosdam uidemus. in homine autem summa omnis animi est, & in animo rationis: ex qua uirtus est: quæ rationis absolutio definitur: quam etiam atque etiam explicandam putant. Earum etiam rerum, quas terra gignit, educatio quædam, & perfectio est, non dissimilis animantium. itaque &, uiuere uitem, &, mori, dicimus, arboremq. & nouellam, & uetulam, & uigere, & senescere. ex quo non est alienum, ut animantibus, sic illis & apta quædam ad naturam aptare, & aliena amputare, earumq. augendarum, & alendarum quandam cultricem esse, quæ sit scientia, atque ars agricolarum, quæ circumcidat, amputet, erigat, extollat, adminiculetur; ut, quod natura ferat, eò possit ire: ut ipsæ uites, si loqui possint, ita se tractandas, tuendasq. esse fateantur. et nunc quidem, quod eam tuetur, (ut de uite potissimum loquar) est id extrinsecus. in ipsa enim parum magna uis est, ut quamoptime se habere possit, si nulla cultura adhibeatur. At uero, si

ro, si ad uitam sensus accesserit, ut appetitum quen-
dam habeat, & per se ipsa moueatur; quid factu-
ram putas? an ea, quæ per uinitorem antea conse-
quebatur, etiam per se ipsam curabit? sed uides ne
accessuram ei curam, ut sensus quoque suos, eo-
rumq. omnium appetitum, & si qua sunt ei mem-
bra adiuncta, tueatur? sic ad illa, quæ semper ha-
buit, iunget ea, quæ postea accesserint; nec eun-
dem finem habebit, quem cultor eius habebat;
sed uolet secundum eam naturam, quæ postea ei
adiuncta sit, uiuere. ita similis erit finis boni, at-
que antea fuerat; nec idem tamen. non enim iam
stirpis bonum quæret, sed animalis. quod si non
sensus modo ei sit datus, uerum etiam animus ho-
minis: non necesse est, & illa pristina manere, ut
tuenda, & inter hæc multo esse cariora, quæ acce-
serint, animiq. optimam quancunque partem carissi-
mam, in eaq. expletione naturæ summi boni finem
consistere, cum longe multumq. præstent mens,
atque ratio? sic & extremum omnium appeten-
dorum, atque ductum a prima communitate natu-
ræ, multis gradibus ascendit, ut ad summum per-
ueniret: quod cumulatur ex integritate corporis,
& ex mentis ratione perfecta. Cum igitur ea sit,
quam exposui, forma naturæ: si, ut initio dixi, si-
mul atque ortus esset, se quisque cognosceret, iudi-
careq. posset quæ uis & totius esset naturæ, & par-
tium singularum; continuo uideret quid esset hoc,
quod quærimus, omnium rerum, quas expetimus,

u 4 sum-

D E F I N I E V S

summum, & ultimum, nec ulla in re peccare posset. nunc uero a primo quidem mirabiliter occulta natura est, nec perspicere, nec cognosci potest: progredientibus autem ætatibus, sensim, tarde uero potius quasi nosmet ipsos cognoscimus. itaque illa prima commendatio, quæ a natura nostri facta est, nobis obscura, & incerta est; primusque appetitus ille animi tantum agit, ut salui, atque integri esse possimus. cum autem dispicere cœperimus, & sentire quid simus, & quid ab animantibus ceteris differamus; tum ea sequi incipimus, ad quæ nati sumus, quam similitudinem uidemus in bestiis. quæ primo, in quo loco nata sunt, ex eo se non commouent: deinde suo quæque appetitu mouetur. serpente anguiculos, nare anaticulas, euolare merulas, cornibus uti uidemus boues, uestpas aculeis, suam denique cuique naturam esse ad uiuendum ducem. quæ similitudo in genere etiam humano apparet. parui enim primo ortu sic iacent, tanquam omnino sine animo sint: cum autem paululum firmitatis accesserit, & animo utuntur, & sensibus; connitunturque, ut sese erigant, & manibus utuntur; & eos agnoscunt, a quibus educantur; deinde æqualibus delectantur, libenterque se cum his congregant; dantque se ad ludendum; fabellarumque auditione ducuntur; deque eo, quod ipsis superat, alijs gratificari uolunt; animaduertuntque ea, quæ domi sunt, curiosius; incipiuntque commentari aliquid, & discere; & eorum, quos uident, uolunt non ignorare nomina; qui-

quibusq. rebus cum aequalibus decertant, si uincunt, efferunt se letitia, uicti debilitantur, animosq. demittunt. quorum sine caussa fieri nihil putandum est. est enim natura sic generata uis hominis, ut ad omnem uirtutem percipiendam facta uideatur: ob eamq. caussam parui uirtutum simulacris, quarum in se habent semina, sine doctrina mouentur. sunt enim prima elementa naturæ: quibus auctis, uirtutis quasi carmen efficitur. nam cum ita nati, factiq. simus, ut & agendi aliquid, & diligendi aliquos, & liberalitatis, & referendæ gratiæ principia in bonis contineremus; atque ad scientiam, prudentiam, fortitudinemq. aptos animos haberemus, a contrarijsq. rebus alienos: non sine caussa eas, quas dixi, in pueris uirtutum quasi scintillulas uidemus. e quibus accendi philosophi ratio debet, ut eam, quasi deum, ducem subsequens, ad naturæ perueniat extremum. nam, ut sæpe iam dixi, in infirma ætate, imbecillaq. mente uis naturæ per caliginem cernitur. cum autem progrediens confirmatur animus, agnoscit ille quidem naturæ uim, sed ita, ut progredi possit longius, per se sit tamen inchoata. Intrandum est igitur in rerum naturam, & penitus, quid ea postulet, peruidendum. aliter enim nosmet ipsos nosse non possumus. quod præceptum quia maius erat, quam ut ab homine uideretur; iccirco assignatum est deo. iubet igitur nos Pythius Apollo noscere nosmet ipsos. cognitio autem hæc est una, ut uim nostri corporis, animiq. norimus,

DE FINIBVS

norimus, sequamurq. eam uitam, quæ rebus ipsis
perfruatur. Quoniam autem is animi appetitus à
principio fuit, ut ea, quæ dixi, quamperfectissima a
natura haberemus: confitendum est, cum id adepti
simus, quod appetitum sit, in eo quasi ultimo con-
sistere naturam, atque id esse summum bonum:
quod certe uniuersum sua sponte ipsum expeti, &
propter se necesse est: quoniam ante demonstratum
est, etiam singulas eius partes esse per se expeten-
das. In enumerandis autem corporis commodis si
quis prætermittam a nobis uoluptatem putabit; in
aliud tempus quæstio differatur. utrum enim sit uo-
luptas in ijs rebus, quas primas secundum naturam
esse diximus; nec ne sit, ad id, quod agimus, nihil
interest. si enim, ut mihi quidem uidetur, non ex-
plet bona naturæ uoluptas: iure prætermittitur. si
est in ea; quod quidam uolunt; nihil impedit no-
stram hanc comprehensionem summi boni. quæ e-
nim constituta sunt prima naturæ, ad ea si uoluptas
accesserit, unum aliquod accesserit commodum cor-
poris, neque eam constitutionem summi boni, quæ
est proposita, mutauerit. Et adhuc quidem ita no-
bis progressa ratio est, ut ea duceretur omnis a pri-
ma commendatione naturæ: nunc autem aliud iam
argumentandi sequamur genus; ut non solum, quia
nos diligamus, sed quia cuiusque partis naturæ &
in corpore, & in animo sua quæque uis sit, ideo
in his rebus summa nostra sponte moueamur. At-
que, ut a corpore ordiar, uides ne, ut, si qua in
membris

membris praua, aut debilitata, aut imminuta sint, occultent homines? ut etiam contendant, & elaborarent, si efficere possint, ut aut non appareat corporis uitium, aut quamminimū appareat; multosq. etiam dolores curationis causa perferant; ut, si ipse usus membrorum non modo non maior, uerum etiam minor futurus sit, eorum tamen species ad naturam reuertatur. etenim cum omnes natura totos se expetendos putent, nec id ob aliam rem, sed propter ipsos: necesse est eius etiam partes propter se expeti, quod uniuersum propter se expetatur. Quid? in motu, et in statu corporis nihil inest, quod animaduertendum esse ipsa natura indicet? quemadmodum quis ambulet, sedeat, qui ductus oris, qui uultus in quoque sit. nihil ne est in his rebus, quod dignum libero, aut indignum esse ducamus? non ne odio dignos multos putamus, qui quodam motu, aut statu uidentur naturæ legem, & modum contempsisse? Et quoniam hæc ducuntur de corpore; quid est, cur non recte pulchritudo etiam ipsa propter se expetenda ducatur? nam si prauitatem, imminutionemq. corporis propter se fugiendam putamus: cur non etiam, ac fortasse magis, propter se formæ dignitatem sequamur? & si turpitudinem fugiamus in statu, & motu corporis: quid est, cur pulchritudinem non sequamur? Atque etiam ualitudinem, uires, uacuitatem doloris non propter utilitatem solum, sed etiam ipsas propter se expetemus. quoniam enim natura suis omnibus expleri

par-

D E F I N I B V S

partibus uult, hunc statum corporis per se ipsum expetit, qui est maxime e natura: quæ tota perturbatur, si aut ægrum corpus est, aut dolet, aut caret uiribus. Videamus animi partes: quarum est aspectus illustrior: quæ quo sunt excelsiores, eo dant clariora indicia naturæ. Tantus igitur est innatus in omnibus cognitionis amor, & scientiæ, ut nemo dubitare possit, quin ad eas res hominū natura, nullo emolumento inuitata, rapiatur. Videmus ne, ut pueri ne uerberibus quidem a contemplandis rebus, perquirendisq. deterreantur? ut pulsi requirant, & aliquid scire se gaudeant? ut alijs narrare gestiant? ut pompa, ludis, atque eiusmodi speculis teneantur, ob eamq. rem uel famem, & sitim perferant? Quid uero, qui ingenuis studijs, atque artibus delectantur, non ne uidemus eos nec uoletudinis, nec rei familiaris habere rationem? omniaq. perpeti, ipsa cognitione, et scientia captos? & cum maximis curis, & laboribus compensare eam, quam ex discendo capiant, uoluptatem? mihi quidem Homerus huiusmodi quiddam uidisse uidetur in ijs, quæ de Sirenum cantibus finxerit. neque enim uocum suauitate uidentur, aut nouitate quadam, & uarietate cantandi reuocare eos solitæ, qui præteruehebantur; sed quia multa se scire profitebantur, ut homines ad earum saxa discendi cupiditate adhærescerent, ita enim inuitant Vlyxem: (nam uerti, ut quædam Homeri, sic istum ipsum locum)

O decus

O decus Argolicum, quin puppim flectis Vlyxes,
Auribus ut nostros possis agnoscere cantus?
Nā nemo hæc unquā est transuectus cæcula cursu,
Quin prius astiterit uocum dulcedine captus,
Post, uarijs auido satiatus pectore musis,
Doctior ad patrias lapsus peruenerit oras.
Nos graue certamen belli, clademq. tenemus,
Græcia quam Troiæ diuino numine uexit,
Omniaq. e latis rerum uestigia terris.
uidit Homerus probari fabulam non posse, si can-
tiunculis tantus uir irretitus teneretur. scientiam
pollicentur: quam non erat mirum sapientiæ cupi-
do patria cariorem. Atque omnia quidem scire, cu-
iuscunque modi sunt, cupere, curiosorum; duci ue-
ro maiorum rerum contemplatione ad cupiditatem
scientiæ, summorum uirorum est putandum. quem
enim ardorem studij censetis fuisse in Archimede,
qui, dum in puluere quædam describit attentus, ne
patriam quidem captam esse senserit? quantum A-
ristoxeni ingenium consumptum uidemus in musi-
cis? quo studio Aristophanem putamus ætatem in
litteris duxisse? quid de Pythagora, quid de Plato-
ne, aut Democrito loquar? a quibus propter discen-
di cupiditatem uidemus ultimas terras esse peragra-
tas. quæ qui non uident, nihil unquam magna co-
gnitione dignum amauerunt. Atque hoc loco, qui
propter animi uoluptates coli dicunt ea studia, quæ
dixi; non intelligunt, iccirco esse ea propter se expe-
tenda, quòd, nulla utilitate obiecta, delectentur ani-

mi

D E F I N I B V S

mi, atque ipsa scientia, etiam si incommoda datura sit, gaudeant. Sed quid attinet de rebus tam apertis plura requirere? ipsi enim quæramus a nobis; stellarum motus, contemplationesq. rerum celestium, eorumq. omnium, quæ naturæ obscuritate occultantur, cognitiones quæ admodum nos moveant; & quid historia delectet; quam solemus persequi usque ad extremum; prætermissa repetimus; inchoata persequimur. Nec uero sum inscius esse utilitatem in historia, non modo uoluptatem. quid, cum fictas fabulas, e quibus utilitas nulla duci potest, cum uoluptate legimus? quid, cum uolumus nomina eorum, qui quid gesserint, nota nobis esse, parentes, patriam, multa præterea minime necessaria? Quid, quod homines infima fortuna, nulla spe rerum gerendarum, opifices denique delectentur historia? maximeq. eos uidere possumus res gestas audire, et legere uelle, qui a spe gerendi absint confecti senectute. Quocirca intelligi necesse est, in ipsis rebus, quæ discuntur, & cognoscuntur, inuitamenta inesse, quibus ad discendum cognoscendumq. moueamur. Ac ueteres quidem philosophi, in beatorum insulis, fingunt, qualis natura sit uita sapientium; quos cura omni liberatos, nullum necessarium uitæ cultum, aut paratum requirentes, nihil aliud esse acturos putant, nisi ut omne tempus in quærendo, ac discendo, in naturæ cognitione consumant: nos autem non solum beatæ uitæ istam oblectationem uidemus, sed etiam leuamentum miseriarum. itaque
multi

multi cum in potestate essent hostium, aut tyrannorum, multi in custodia, multi in exilio, dolorem suum doctrinae studiis leuauerunt. princeps huius ciuitatis Phalereus Demetrius, cum patria pulsus esset iniuria, ad Ptolemæum se regem Alexandriam contulit. qui cum in hac ipsa philosophia, ad quam te hortamur, excelleret, Theophrasti. esset auditor; multa præclara in illo calamitoso otio scripsit, non ad usum aliquem suum, quo erat orbatus; sed animi cultus ille erat ei quasi quidam humanitatis cibus. Equidem e Cn. Aufidio, prætorio, erudito homine, oculis capto, sæpe audiebam, cum se lucis magis, quam utilitatis desiderio moueri diceret. somnum denique nobis, nisi quietem corporibus, et medicinam quandam laboris afferret, contra naturam putaremus datum. aufert enim sensus, actionemque tollit omnem. itaque, si aut quietem natura non quæreret, aut eam posset alia quadam ratione consequi, facile pateremur; qui etiam nunc, agendi aliquid, discendi. causa, prope contra naturam uigilias suscipere soleamus. Sunt autem clariora, uel plane perspicua, minimeque dubitanda indicia naturæ, maxime scilicet in homine, sed in omni animali, ut appetat animus aliquid agere semper, neque ulla conditione quietem sempiternam possit pati. facile est hæc cernere in primis puerorum ætate. quanquam enim uereor, ne nimius in hoc genere uidear: tamen omnes ueteres philosophi, maxime nostri, ad incunabula accedunt; quod in pueritia

tia facillime se arbitrentur naturæ uoluptatem posse cognoscere. uidemus igitur, ut conquirere ne infantes quidem possint: cum uero paulum processerint, lusionibus uel laboriosis delectantur, ut ne uerberibus quidem deterreri possint: eaq. cupiditas agendi aliquid adolescit una cum ætatibus. itaque, ne si iucundissimis quidem nos somnijs usuros putemus, Endymionis somnum nobis uelimus dari: idq. si accadat, mortis instar putemus. Quin etiam inertissimos homines, nescio qua singulari nequitia præditos, uidemus tamen & animo, & corpore moueri semper, & cum re nulla impediuntur necessaria, aut alueolum poscere, aut querere quempiam ludum, aut sermonem aliquem requirere; cumq. non habeant ingenuas ex doctrina oblectationes, circulos aliquos, & semicirculos consectari. Ne bestie quidem, quas delectationis causa concludimus, cum copiosius alantur, quam si essent liberæ, facile patiuntur sese contineri; motusq. solutos, & uagos, a natura sibi tributos, requirunt. Itaque, ut quisque optime natus, institutusq. est, esse omnino nolit in uita, si gerendis negotijs orbatus, possit paratissimis uesci uoluptatibus. nam aut priuatim aliquid gerere malunt: aut, qui altiore animo sunt, capeffunt remp. honoribus, imperijsq. adipiscendis: aut totos se ad studia doctrinæ conferunt. qua in uita, tantum abest, ut uoluptates consectentur: etiam curas, sollicitudines, uigilias perferunt: optimaq. parte hominis, quæ in nobis diuina ducenda est, ingenij

genij & mentis acie fruuntur, nec uoluptates requi-
rentes, nec fugientes laborem. nec uero intermit-
tunt aut admirationem earum rerum, quæ sunt ab
antiquis repertæ, aut inuestigationem nouarum.
quo studio cum satiari non possunt, omnium cetera-
rum rerum obliti, nihil abiectum, nihil humile co-
gitant. tantaq. est uis talibus in studijs, ut eos etiã,
qui sibi alios proposuerunt fines bonorum, quos uti-
litate, aut uoluptate dirigunt, tamen in rebus quæ-
rendis, explicandisq. naturis ætates conterere ui-
deamus. Ergo hoc quidem apparet, nos ad agen-
dum esse natos. Actionum autem genera plura, ut
obscrentur etiam minora maioribus. maximæ au-
tem sunt, primum, ut mihi quidem uidetur, & ijs,
quorum nunc in ratione uersamur, consideratio, co-
gnitioq. rerum celestium, & earum, quas a natura
occultas, & latentes indagare ratio potest: dein-
de rerump. administratio, aut administrandi, scien-
diq. prudens, temperata, fortis, & iusta ratio, reli-
quæq. uirtutes, & actiones uirtutibus congruen-
tes; quæ, uno uerbo complexi omnia, honesta dici-
mus. ad quorum etiam cognitionem, & usum iam
corroborati, natura ipsa præeunte deducimur. om-
nium enim rerum principia parua sunt, sed suis pro-
gressionibus usa augentur: nec sine causa. in primo
enim ortu inest teneritas, & mollietates quædam, ut
nec res uidere optimas, nec agere possint. uirtutis
enim, beatæq. uitæ, quæ duo maxime expetenda
sunt, serius lumen apparet; multo etiam serius, ut

x

plane,

D E F I N I T I O N E S

plane, qualia sint, intelligantur. præclare enim Plato, beatum, cui etiam in senectute contigerit, ut sapientiam, uerasque opiniones assequi possit. Quare, quoniam de primis naturæ commodis satis dictum est, nunc de maioribus, consequentibusque uideamus. Natura igitur corpus quidem hominis sic et genuit, & formauit, ut alia in primo ortu perficeret, alia progrediente ætate fingeret, neque sane multum adiuuentis externis, & aduenticijs uteretur: animum autem reliquis rebus ita perfecit, ut corpus: sensibus enim ornauit ad res percipiendas idoneis, ut nihil, aut non multum adiumento ullo ad suam conformationem indigeret: quod autem in homine præstantissimum, atque optimum est, id deseruit. etsi dedit talem mentem, quæ omnem uirtutem iam accipere posset; ingenuitque sine doctrina notitias paruas rerum maximarum; & quasi instituit docere, & induxit in ea, quæ inerant, tanquam elementa uirtutis. sed uirtutem ipsam inchoauit: nihil amplius: itaque nostrum est, (quod nostrum dico, artis est) ad ea principia, quæ accepimus, consequentia exquirere, quoad sit id, quod uolumus, effectum: quod quidem pluris sit haud paullo, magisque ipsum propter se expetendum, quam aut sensus, aut corporis ea, quæ diximus: quibus tantum præstat mentis excellens perfectio; ut uix cogitari possit, quid intersit. itaque omnis honos, omnis admiratio, omne studium ad uirtutem, et ad eas actiones, quæ uirtuti sunt consentaneæ, refertur. eaque omnia, quæ aut
ita

ita in animis sunt, aut ita geruntur, uno nomine honesta dicuntur. quorum omnium quæq. sint notitiæ, quæq. significantur rerum uocabulis, quæq. cuiusque uis, & natura sit, mox uidebimus. hoc autem loco tantum explicemus; hæc, honesta quæ dico, præterquam quod nosmet ipsos diligamus, præterea suapte natura per se esse expetenda. indicant pueri: in quibus, ut in speculis, natura cernitur. quanta studia decertantium sunt? quanta ipsa certamina? ut illi efferuntur lætitiæ, cum uicerint? ut pudet uictos? ut se accusari nolunt? quàm cupiunt laudari? quos illi labores non perferunt, ut æqualium principes sint? quæ memoria est in his bene merentium? quæ referendæ gratiæ cupiditas? atque ea in optima quaque indole maxime apparent. in qua hæc honesta, quæ intelligimus, a natura tanquã adumbrantur. Sed hæc in pueris expressa: in ijs uero ætatibus, quæ iam confirmatæ sunt, quis est tam dissimilis homini, qui non moueatur & offensione turpitudinis, & comprobatione honestatis? quis est, qui non oderit libidinofam, proteruam adolescentiam? quis contra in illa ætate pudorem, constantiam, etiam si sua nihil intersit, non tamen diligit? quis Pullum Numitorem, Fregellanum proditorem, quanquam reip. nostræ profuit, non odit? quis urbis conseruatorem Codrum, quis Erechthei filias non maxime laudat? cui Tubuli nomen odio non est? quis Aristidem mortuum non diligit? An obliuiscimur, quantopere in audiendo, legendoq. moueamur,

DE FINIBVS

ueamur, cum pie, cum amice, cum magno animo
aliquid factum cognoscimus? Quid loquar de nobis,
qui ad laudem, & ad decus nati, suscepti, instituti
sumus? qui clamores vulgi, atque imperitorum ex-
citantur in theatris, cum illa dicuntur?

Ego sum Orestes:

contraq. ab altero:

Immo enim uero ego sum, inquam, Orestes.
cum autem etiam exitus ab utroque datur contur-
bato, errantiq. regi: ambos ergo una uiuere preca-
mur. quoties hoc agitur, quando ue, nisi admira-
tionibus maximis? Nemo est igitur, qui non hanc
affectionem animi probet, atque laudet: qua non
modo utilitas nulla quaeritur; sed contra utilitatem
etiam conseruatur fides. Talibus exemplis non fi-
etæ solum fabulae, uerû etiam historiae refertæ sunt,
& quidem maxime nostræ. nos enim ad sacra Idæa
concupienda optimum uirum delegimus: nos tuto-
res misimus regibus: nostri imperatores pro salute
patriæ sua capita uouerunt: nostri consules regem
inimicissimum, mœnibus iam appropinquantē, mo-
nuerunt, a ueneno ut caueret: nostra in rep. et, quæ
per uim oblatum stuprum uoluntaria morte lueret,
inuenta est; et, qui interficeret filiam, ne stupraretur.
Quæ quidem omnia, & innumerabilia prate-
rea, quis est, qui non intelligat, et eos, qui fecerunt,
dignitatis splendore ductos, immemores fuisse utili-
tatum suarum; nosq., cum ea laudemus, nulla alia
re, nisi honestate, duci? Quibus rebus breuiter ex-
positis,

positis, (dubitatio
concludit
suum illud
haret, effi
sio, de quo
latius pate
num, & q
utilitatem
ta a primo
tur, & tot
serpit sensu
nitibus, a
ciubus, &
deinde toti
affectio sua
dico, societ
& aque ta
pietas, bo
qua q. sunt
propria su
nia. nam e
beat quida
re, quod
quæque m
posui, car
rebit: uic
ras uirtu
nisi a for

positis, (nec enim sum copiam, quam potui, quia
dubitatio in re nulla erat, persecutus) sed his rebus
concluditur profecto, & uirtutes omnes, & hone-
stum illud, quod ex his uirtutibus exoritur, et in his
hæret, esse per se expetendum. In omni autem hone-
sto, de quo loquimur, nihil est tam illustre, nec quod
latius pateat, quam coniunctio inter homines homi-
num, & quasi quædam societas, & communicatio
utilitatum, & ipsa caritas generis humani: quæ na-
ta a primo satu, quo a procreatoribus nati diligun-
tur, & tota domus coniugio, & stirpe coniungitur,
serpit sensim foras cognationibus primum, tum affi-
nitatibus, deinde amicitijs, post uicinitatibus, tum
ciuibus, & ijs, qui publice socij, atque amici sunt,
deinde totius complexu gentis humanæ. quæ animi
affectio suum cuique tribuens, atque hanc, quam
dico, societatem coniunctionis humanæ munifice,
& æque tuens, iustitia dicitur. cui adiunctæ sunt
pietas, bonitas, liberalitas, benignitas, comitas,
quæq. sunt generis eiusdem. Atque hæc ita iustitiæ
propria sunt, ut sunt uirtutum reliquarum commu-
nia. nam cum sic hominis natura generata sit, ut ha-
beat quiddam innatum quasi ciuile, atque popula-
re, quod Græci πολιτικὸν uocant: quidquid aget
quæque uirtus, id a communitate, & ea, quam ex-
posui, caritate, atque societate humana non abhor-
rebit: uicissimq. iustitia, ut ipsa se fundet usu in cete-
ras uirtutes, sic illas expetet. seruari enim iustitia,
nisi a forte uiro, nisi a sapiente, non potest. Qualis

x 3 est

D E F I N I T I O N E S

est igitur omnis hæc, quam dico, conspiratio, consensusq. uirtutū: tale est illud ipsum honestum: quandoquidem honestum aut ipsa uirtus est, aut res gestata uirtute. quibus in rebus uita consentiens, uirtutibusq. respondens, recta, & honesta, & constans, & nature congruens existimari potest. Atque hæc coniunctio, confusioq. uirtutum tamen a philosophis ratione quadam distinguitur. nam cum ita copulata, connexaq. sunt, ut omnes omnium participes sint, nec alia possit separari: tamen proprium suum cuiusque munus est, ut fortitudo in laboribus, periculisq. cernatur; temperantia in prætermittendis uoluptatibus, prudentia in delectu bonorum, et malorum, iustitia in suo cuique tribuendo. quando igitur inest in omni uirtute cura quædam quasi foras spectans, aliosq. appetens, atque complectens; existit illud, ut amici, ut fratres, ut propinqui, ut affines, ut ciues, ut omnes denique, quando unam societatem hominum esse uolumus, propter se expetendi sint. atque eorum nihil est eius generis, ut sit in fine, atque extremo bonorū. ita fit, ut duo genera propter se expetendorum reperiantur: unum, quod est in ijs, quibus completur illud extremum: quæ sunt aut animi, aut corporis. hæc autem, quæ sunt extrinsecus, id est quæ neque in animo sunt, neque in corpore, ut amici, ut parentes, ut liberi, ut propinqui, ut ipsa patria, sunt illa quidem sua sponte cara, sed eodem in genere, quo illa, non sunt. nec uero quisquam summum bonum assequi unquam posset,

posset, si omnia illa, quæ sunt extra, quanquam expetenda, summo bono continerentur. Quo modo igitur, inquires, uerum esse poterit, omnia referri ad summum bonum, si amicitia, si propinquitates, si reliqua externa summo bono non continentur? hac uidelicet ratione; quod ea, quæ externa sunt, ijs tuemur officijs, quæ oriuntur a suo cuiusque genere uirtutis. nam & amici cultus, & parentis, et qui officio fungitur, in eo ipso prodest, quod, ita fungi officio, in recte factis est: quæ sunt orta uirtutibus. quæ quidem sapientes sequuntur utentes tanquam duce natura. non perfecti autem homines, et tamen ingenijs excellentibus præditi, excitantur spe gloriæ: quæ habet formam honestatis, & similitudinem. quod si ipsam honestatem undique perfectam, & absolutam, rem unam præclarissimam omnium, maximeq. laudandam, penitus uiderent: quoniam gaudio complerentur; cum tantopere eius adumbrata opinione latentur? quem enim deditum uoluptatibus, cupiditatum incendijs inflammatum, in ijs potiendis, quæ acerrime concupiuiisset, tanta lætitia perfundi arbitramur, quanta aut superiorem Africanum Annibale uictō, aut posteriorem Carthagine euersa? quem Tiberina decursio festo illo die tanto gaudio affecit, quanto L. Paullum, cum regem Persen captum adduceret, eodem flumine inuectum? Age nunc, Luci noster, extrue animo altitudinem, excellentiamq. uirtutum: iam non dubitabis, quin earum compotes homines, magno ani-

x 4 mo,

D E F I N I B V S

mo, erectoq. uiuentes, semper sint beati: qui omnes motus fortunæ, mutationesq. rerum, & temporum leues, & imbecilles fore intelligant, si in uirtutis certamen uenerint. illa enim, quæ sunt a nobis bona corporis numerata, complent ea quidem beatissimam uitam, sed ita, ut sine illis possit beata uita existere. ita enim parua, & exigua sunt istæ accessiones bonorum, ut, quemadmodum stellæ in radio solis, sic istæ in uirtutum splendore ne cernantur quidem. atque, hæc, ut uere dicitur, parua esse ad beate uiuendum momenta ista corporis commodorum: sic nimis uiolentum est, nulla esse, dicere. qui enim sic disputant, obliti mihi uidentur, quæ ipsi egerint principia naturæ. tribuendum est igitur his aliquid, dummodo, quantum tribuendum sit, intelligas. est tamen philosophi non tam gloriosa, quàm uera quærentis, nec pro nihilo putare ea, quæ secundum naturam illi ipsi gloriosi esse fatebantur, & uidere tantam uim uirtutis, tantamq., ut ita dicam, auctoritatem honestatis, ut reliqua non illa quidem nulla, sed ita parua sint, ut nulla esse uideantur. Hæc est non omnia spernentis præter uirtutem, & uirtutem ipsam suis laudibus amplificantis oratio. denique hæc est undique completa, & perfecta explicatio summi boni. hinc ceteri particulas arripere conati, suam quisque uideri uoluit afferre sententiam. Sæpe ab Aristotele, & Theophrasto mirabiliter est laudata per se ipsa rerum scientia. hoc uno captus Herillus, scientiam summum bonum esse defendit,

fendit, nec rem ullam aliam per se expetendam.

Multa sunt dicta ab antiquis de contemnendis, ac despiciendis rebus humanis. hoc unum Aristo tenuit: præter uitia, atque uirtutes, negauit rem esse ullam aut fugiendam, aut expetendam. Positum est a nostris in ijs rebus, quæ secundum naturam essent, non dolere. hoc Hieronymus summum bonum esse dixit. at uero Callipho, et post eum Diodorus, cum alter uoluptatem adamauisset, alter uacuitatem doloris, neuter honestate carere potuit, quæ est a nostris laudata maxime. Quin etiam ipsi uoluptarij diuerticula quærant, et uirtutes habeant in ore totos dies; uoluptatemq. primo duntaxat expeti dicant, deinde consuetudine quasi alteram quandam naturam effici; qua impulsī multa faciunt, nullam quærentes uoluptatem. Stoici restant. hi quidem non unam aliquam, aut alteram a nobis, sed totam ad se nostram philosophiam transtulerunt: atque, ut reliqui fures earum rerum, quas ceperunt, signa commutant: sic illi, ut sententijs nostris pro suis uterentur, nomina, tanquam rerum notas, mutauerunt. ita relinquitur sola hæc disciplina digna studiosis ingenuarum artium, digna eruditīs, digna claris uiris, digna principibus, digna regibus.

Quæ cum dixisset, paululumq. institisset, quid est, inquit? satis ne uobis uideor pro meo iure in uestris auribus commentatus? Et ego, tu uero, inquam, Piso, ut sæpe alias, sic hodie ita ista nosse uisus es, ut, si tui copia nobis semper fieret, non multum

Græcis

Gracis supplicandum putarem. quod quidem eo probavi magis, quia memini Staseam Neapolitanum, doctorem illum tuum, nobilem sane Peripateticum, aliquanto ista secus dicere solitum, assentientem ijs, qui multum in fortuna secunda, aut aduersa, multum in bonis, aut malis corporis ponerent. Est ut dicis, inquit: sed hæc ab Antiocho, nostro familiari, dicuntur multo melius, & fortius, quam a Stasea dicebantur. quanquam ego non quero, quid tibi a me probatum sit, sed huic Ciceroni nostro, quem discipulum cupio a te abducere. Tum Lucius: mihi uero ista ualde probata sunt: quod item fratri puero. Tum mihi Piso, quid ergo, inquit? das ne adolescenti ueniam; an eum discere ea maius, quæ cum præclare didicerit, nihil sciat? Ego uero, inquam, permitto. sed non ne meministi mihi licere probare ista, quæ sunt a te dicta? quis enim potest ea, quæ probabilia uideantur ei, non probare? An uero, inquit, quisquam potest probare, quod perceptum, quod comprehensum, quod cognitum non habet? Non est ista, inquam, Piso, magna dissensio. nihil est enim aliud, quamobrem nihil percipi mihi posse uideatur, nisi quod percipiendi uis ita definitur a Stoicis, ut negent quidquam posse percipi, nisi tale uerum, quale falsum esse non possit. itaque hæc cum illis est dissensio, cum Peripateticis nulla sane. Sed hæc omittamus: habent enim & bene longam, & satis litigiosam disputationem. Illud mihi a te nimium festinanter dictum uidetur, sapientes omnes

omnes esse semper beatos . nescio quo modo præter-
uolauit oratio . quod nisi ita efficitur ; quæ Theopha-
stus de fortuna , de dolore , de cruciatu corporis di-
xit ; cum quibus coniungi beatam uitam nullo modo
posse putauit , uereor ne uera sint . nam illud uehe-
menter repugnat , eundem & beatum esse , & mul-
tis malis oppressum . hæc quo modo conueniant , non
sane intelligo . Vtrum igitur tibi non placet , in-
quit , uirtutis tantam uim esse , ut ad beate uiuen-
dum se ipsa contenta sit : an , si id probas , ita fieri
posse negas , ut ij , qui uirtutis compotes sint , etiam
malis quibusdam affecti , beati sint ? Ego uero uo-
lo in uirtute uim esse quammaximam : sed , quanta
sit , alias : nunc tantum , possit ne esse tanta , si quid-
quam extra uirtutem habeatur in bonis . Atqui ,
inquit , si Stoicis concedis , ut uirtus sola , si adsit , ui-
tam efficiat beatam : concedis etiam Peripateticis .
quæ enim mala illi non audent appellare ; aspera au-
tem , & incommoda , & reijcienda , & aliena na-
tura esse , concedunt ; ea nos mala dicimus , sed exi-
gua , & porro minima . quare , si potest esse beatus
is , qui est in asperis , reijciendisq. rebus ; potest is
quoque esse , qui est in paruis malis . Et ego , Piso ,
inquam , si est quisquam , qui acute in causis uidere
soleat , quæ res agatur ; is es profecto tu . quare at-
tende , quæso . nam adhuc , meo fortasse uitio , quid
ego quæram , non perspicis . Istic sum , inquit ; ex-
pectoq. , quid ad id , quod quæram , respondeas .

Respondebo me non quærere , inquam , hoc tem-
pore ,

pore, quid uirtus possit efficere, sed quid constanter dicatur, quid ipsum a se dissentiat. Quo igitur, inquit, modo? Quia cum a Zenone, inquam, hoc magnifice, tanquam ex oraculo, editur, uirtus ad beate uiuendum se ipsa contenta est. Quare, inquit? Respondet: quia, nisi quod honestum est, nullum est aliud bonum. non quaro iam, uerum ne sit: illud dico, ea, quæ dicat, præclare inter se coherere. dixerit hoc quidem Epicurus, semper beatum esse sapientem: quod quidem solet ebullire non nunquam. quem quidem, cum summis doloribus conficiatur, ait dicturum, quàm suaue est, quàm nihil curo. non pugnem cum homine, cur tantum habeat in natura boni: illud urgeam, non intelligere eum quid sibi dicendum sit, cum dolorem summum malum esse dixerit. eadem nunc mea aduersum te oratio est. Dicis eadem omnia & bona, & mala; quæ quidem dicunt, qui nunquam philosophum pietum, ut dicitur, uiderunt; ualitudinem, uires, staturam, formam, integritatem unguiculorum omnium; deformitatem, morbum, debilitatem, mala. iam illa externa parce tu quidem. sed hæc cum corporis bona sint, eorum conscientia certe in bonis numerabis, amicos, liberos, propinquos, diuitias, honores, opes. contra hæc attende me nihil dicere: si ista mala sunt, in quæ potest incidere sapiens; sapientem esse, non esse ad beate uiuendum satis. Immo uero, inquit, ad beatissime uiuendum parum est, ad beate uero satis. Animaduerti, inquam,

quam, te isto modo paullo ante ponere: & scio ab Antiocho nostro dici sic solere: sed quid minus probandum, quàm esse aliquem beatum, nec satis beatum? quod autem satis est, eò quidquid accesserit, nimium est; & nemo nimium beatus est; & nemo beato beatior. Ergo, inquit, tibi Q. Metellus, qui tres filios consu'es uidit, e quibus unum etiam & censorem, & triumphantem, quartum autem prætorem, eosq. saluos reliquit, & tres filias nuptas, cum ipse consul, censor etiam, augurq. fuisset, & triumphasset; ut sapiens fuerit, non ne beatior, quàm, ut item sapiens fuerit, qui in potestate hostium uigilijs, et inedia necatus est, Regulus? Quid me istud rogas, inquam? Stoicos roga. Quid igitur, inquit, eos responsuros putas? Nihilo beatiorum esse Metellum, quàm Regulum. Inde igitur, inquit, audiendum est. Tamen a proposito, inquam, aberrauimus. non enim, inquam, quæro, quid uerum, sed quid cuique dicendum sit. utinam quidem dicerent alium alio beatiorum: iam ruinas uideres. in uirtute enim sola, & in ipso honesto cum sit bonum positum, cumq. nec uirtus, ut placet illis, nec honestum crescat; idq. bonum solum sit, quo qui potiatur, necesse est beatus sit, cum id augeri non possit, in quo uno positum est beatum esse: qui potest esse quisquã alius alio beatior? Vides ne, ut hæc concinant? et Hercule (fatendum est enim quod sentio) mirabilis est apud illos contextus rerum. respondēt extrema primis, media utriusque, omnia omni-

DE FINIBVS

omnibus: quid sequatur, quid repugnet, uident.
 in geometria prima si dederis, danda sunt omnia.
 concede nihil esse bonum, nisi quod honestum sit:
 concedendum est, in uirtute sola positam esse bea-
 tam uitam. uide rursus retro. dato hoc, dandum e-
 rit illud. quod uestri non item. Tria genera bono-
 rum. procliuius currit oratio: uenit ad extremum:
 hæret in salebra. cupit enim dicere, nihil posse ad
 beatam uitam deesse sapienti. honesta oratio, So-
 cratica, Platonis etiam. audeo dicere, inquit. non
 potest, nisi retexueris illa. Paupertas si malum est,
 mendicus beatus esse nemo potest, quamuis sit sapi-
 ens. at Zeno eum non beatum modo, sed etiam di-
 uitem dicere ausus est. Dolere malum: in crucem
 qui agitur, beatus esse non potest. Bonum liberi: mi-
 sera orbitas. Bonum patria: miserum exilium. Bo-
 num ualetudo: miserum morbus. Bonum integri-
 tas corporis: misera debilitas. Bonum incolumis a-
 cies: misera cæcitas. quæ si potest singula consolan-
 do leuare, uniuersa quo modo sustinebit? sit enim
 idem cæcus, debilis, morbo grauissimo affectus,
 exul, orbus, egens, torqueatur equuleo: quem hunc
 appellas Zeno? beatum, inquit. etiam beatissimum?
 quippe, inquiet; cum tam docuerim gradus istam
 rem non habere, quam uirtutem, in qua sit etiam
 ipsum beatum. tibi hoc incredibile, quia beatissi-
 mum. quid tuum? credibile? si enim ad populum
 me uocas; eum, qui ita sit affectus, beatum nun-
 quam probabis: si ad prudentes; alterum fortasse
 dubita-

dubitabunt, sit ne tantum in uirtute, ut ea præditi
 uel in Phalaridis tauro beati sint; alterum non du-
 bitabunt, quin & Stoici conuenientia sibi dicant, et
 uos repugnantia. Theophrasti igitur, inquit, tibi
 liber ille placet de beata uita? Tamen aberramus
 a proposito: & ne longius, prorsus, inquam, Pi-
 so, si ista mala sunt, placet. Non ne igitur tibi ui-
 dentur, inquit, mala? Id quæris, inquam; in quo
 utrum respondebo, uerses te huc atque illuc neces-
 se est. Quo tandem modo, inquit? Quia, si mala
 sunt, is, qui erit in his, beatus non erit: si mala non
 sunt, iacet omnis ratio Peripateticorum. Et ille ri-
 dens, uideo, inquit, quid agas: ne discipulum abdu-
 cas, times. Tu uero, inquam, ducas licet, si seque-
 tur. erit enim mecum, si tecum erit. Audi igitur,
 inquit, Luci. tecum enim, ut ait Theophrastus, mi-
 hi instituenda oratio est. Omnis auctoritas philoso-
 phiæ consistit in beata uita comparanda: beate enim
 uiuendi cupiditate incensi omnes sumus. hoc mihi
 cum tuo fratre conuenit. quare hoc uidendum est,
 possit ne nobis hoc ratio philosophorum dare: polli-
 cetur certe. nisi enim id faceret, cur Plato Aegy-
 ptum peragrauit, ut a sacerdotibus barbaris nume-
 ros, & cælestia acciperet? cur post Tarentum ad
 Architam? cur ad ceteros Pythagoreos, Ehecra-
 tem, Timæum, Acrionem Locros, ut, cum Socra-
 tem expressisset, adiungeret Pythagoreorum disci-
 plinam, eaq., quæ Socrates repudiabat, ascisceret?
 cur ipse Pythagoras & Aegyptum lustrauit, &
 Persa-

DE FINIBVS

Persarum magos adiit? cur tantas regiones barbarorum pedibus obiit? tot maria trāsmisit? cur hæc eadem Democritus? qui (uere, falso ne, quæremus) dicitur oculis se priuasse: certe, ut quamminime animus a cogitationibus abduceretur, patrimonium neglexit, agros deseruit incultos, quid quærens aliud, nisi beatam uitam? quam si etiam in rerum cognitione ponebat; tamen ex illa inuestigatione naturæ consequi uolebat, ut esset bono animo. id enim ille summum bonum δὲ Δουλιαν, & sæpe ἀκακίαν appellat, id est animum terrore liberum. sed hæc etsi præclare, non dum tamen et perpolita. pauca enim, neque ea ipsa enucleate, ab hoc de uirtute quidem dicta: post enim hæc in hac urbe primum a Socrate quæri cæpta, deinde in hunc locum delata sunt: nec dubitatum, quin in uirtute omnis ut bene, sic etiam beate uiuendi spes poneretur. quæ cū Zeno didicisset a nostris, ut in actionibus perscribi solet, de re eadem fecit alio modo. hoc tu nunc in illo probas. scilicet, uocabulis rerum mutatis, inconstantia crimen ille effugit, nos effugere non possumus? ille Metelli uitam negat beatiorē, quā Regulī, præponendam tamen, nec magis expetendā, sed magis sumendam, & si optio esset, eligendam Metelli, reijciendam Regulī: ego, quam ille præponendam, & magis eligendam, beatiorē hanc appello; nec ullo minimo momento plus ei uitæ tribuo, quā Stoici. quid interest, nisi quod ego res notas notis uerbis appello, illi nomina noua quærent, qui
bus

bus idem dicant? ita, quemadmodum in senatu semper est aliquis, qui interpretem postulet: sic isti nobis cum interprete audiendi sunt. bonum appello, quidquid secundum naturam est; quod contra, malum: nec ego solus; sed tu etiam Chrysippe in foro, domi, in schola definis. quid ergo? aliter homines, aliter philosophos loqui putes oportere, quâti quidque sit, aliter doctos, et indoctos? sed, cum constiterit inter doctos, quanti res quæque sit; si homines essent, usitate loquerentur. dum res maneant, uerba fingant arbitrati suo. Sed uenio ad inconstantiae crimen; ne sæpius dicas me aberrare: quam tu ponis in uerbis, ego positâ in re putabam. Si satis erit hoc perceptum, in quo adiutores Stoicos optimos habemus, tantam uim esse uirtutis, ut omnia, si ex altera parte ponantur, ne appareant quidem, cum omnia, quæ illi commoda certe dicunt esse, et sumenda, et eligenda, et præposita, quæ ita definiunt, ut satis magno æstimanda sint: hæc igitur cum ego, tot nominibus a Stoicis appellata, partim nouis, et cōmenticijs, ut ista producta, & reiecta, partim idem significantibus, (quid enim interest, expetas, an eligas? mihi quidem etiam laudatius uidetur, quod eligitur, & ad quod delectus adhibetur) sed cum ego ista bona omnia dixero, tantû refert, quàm magna dicam, quàm expetenda, quàm ualde. sin autē nec expetenda ego magis, quàm tu eligenda; nec illa pluris æstimanda ego, qui bona, quàm tu, qui producta appellas: omnia ista necesse est obscurari, nec

y

appa-

DE FINIBVS

apparere, & in uirtutis, tanquam in solis, radios
incurrere. At enim, qua in uita est aliquid mali, ea
esse beata non potest. Nec seges quidem igitur spi-
cis uberibus, & crebris, si auenam uspiam uideris;
nec mercatura quæstiuosa, si in maximis lucris pa-
rum aliquid damni contraxerit. an hoc usquequa-
que aliter in uita, & non ex maxima parte de tota
iudicabis? an dubium est, quin uirtus ita maximā
partem obtineat in rebus humanis, ut reliquas ob-
ruat? audebo igitur, quæ secundum naturam sunt,
bona appellare, nec fraudare suo ueteri nomine,
quàm aliquid potius nouum exquirere, uirtutis au-
tem amplitudinem quasi in altera libræ lance pone-
re. terrā, mihi crede, ea lanx, & maria deprimet.
semper enim ex eo, quod maximas partes continet,
latissimeq. funditur, tota res appellatur. Dicimus
aliquem hilare uiuere: igitur, si semel tristior effe-
ctus est, hilara uita amissa est? at hoc in eo M. Cras-
so, quem semel ait in uita risisse Lucillius, non con-
tigit, ut ea re minus ἀγέλασος, ut ait idem, uocare-
tur. Policratem Samium felicem appellant: nihil
acciderat ei, quod nollet, nisi quoddam annulū, quo de-
lectabatur, in mare abiecerat. ergo infelix una mo-
lestia. felix rursus, cum is ipse annulus in præcor-
dijs piscis inuentus est. ille uero, si insipiens; quod
certe, quoniam tyrannus; nunquam beatus: si sa-
piens; ne tum quidem miser, cum ab Oronte, præto-
re Darei, in crucem actus est. at multis malis affe-
ctus. quis negat? sed ea mala uirtutis magnitudine
obru-

obruerantur. An ne hoc quidem Peripateticis cōcedis, ut dicant, omnium uirorum bonorum, id est sapientum, omnibusq. uirtutibus ornatorum, uitam omnibus partibus plus habere semper boni, quàm mali? quis hoc dicit? Stoicis licet minime: sed isti ipsi, qui uoluptate, et dolore omnia metiuntur, non ne clamant, sapienti plus semper adesse, quod uelit, quàm quod nolit? cum tantum igitur in uirtute ponant ij, qui se fatentur uirtutis causa, nisi ea uoluptatem acciret, ne manum quidem uersuros fuisse: quid facere nos oportet, qui quamuis minimam animi præstantiam omnibus bonis corporis anteire dicamus, ut ea ne in conspectu quidem relinquuntur? quis enim est, qui, hæc cadere in sapientē, dicere audeat, ut, si fieri possit, uirtutem in perpetuum abiciat, ut dolore omni liberetur? quis nostrum dixerit, quos non pudet ea, quæ Stoici aspera dicunt, mala dicere, melius esse, turpiter aliquid facere cum uoluptate, quàm honeste cum dolore? nobis Heracleotes ille Dionysius flagitiose descivisse uidetur a Stoicis propter oculorum dolorem. quis uero hoc didicisset a Zenone, non dolere, cum doleret? illud audierat, nec tamen didicerat, malum illud non esse, quia turpe non esset, & esset ferendum uiro. hic si Peripateticus fuisset, permansisset, credo, in sententia; quoniam dolorem dicunt malum esse. de asperitate autem eius fortiter ferenda præcipiunt eadem, quæ Stoici. et quidē Arcefilas tuus, etsi fuit in differendo pertinacior, tamē noster fuit: erat enim Po-

DE FINIBVS

lemonis: is cum arderet podagræ doloribus, uisitassetq. hominem Carneades, Epicuri perfamilia-
ris, & tristis exiret, mane, quaeso, inquit, Carneade no-
ster: nihil illinc huc peruenit: ostendit pedes, & pe-
ctus: attamen hic mallet non dolere. Hæc igitur est
nostra ratio; quæ tibi uidetur inconstans: cum pro-
pter uirtutis celestem quandam, et diuinam, tan-
tamq. præstantiam, ut, ubi uirtus sit, resq. magnæ
sumendæ, laudabilesq. uirtute gestæ, ibi esse mise-
ria, et ærumna non possit, tamen labor possit, et mo-
lestia; non dubitem dicere, omnes sapientes semper
beatos esse, sed tamen fieri posse, ut sit alius alio bea-
tior. Atqui iste locus est, Piso, tibi etiam atque e-
tiam confirmandus, inquam: quem si tenueris, non
modo meum Ciceronem, sed etiam me ipsum abdu-
cas licebit. Tum Quinctus, mihi quidem, inquit, sa-
tis hoc confirmatum uidetur. lætor quidem, philoso-
phiam, cuius antea supellestem pluris æstimabam,
quàm possessiones reliquorum; (ita mihi diues uide-
batur, ut ab ea petere possem, quidquid in studiis no-
stris concupissem) hanc igitur lætor etiam acutiorẽ
reperitã, quàm ceteras: quod quidam ei deesse dice-
bant. Num quàm nostrã quidem? inquit Póponius
iocãs. sed mehercule pergrata mihi oratio tua. quæ
enim dici latine posse non arbitrabar, ea dicta sunt
a te, nec minus plane, quàm dicuntur a Græcis, uer-
bis aptis. Sed tẽpus est, si uidetur: et recta quidem
ad me. Quod cum ille dixisset; et satis disputatũ ui-
deretur; in oppidũ ad Póponiũ perreximus omnes.

M. TVL-

171
M. TVLLII CICERONIS
TV SCVLANARVM

DISPV TATIONVM,

AD M. BRVTVM,

LIBER I.

de contemnenda morte.

CVM defensionum laboribus, senatorijsq. muneribus aut omnino, aut magna ex parte essem aliquando liberatus; retuli me, Brute, te hortante maxime, ad ea studia, quæ retenta animo, remissa temporibus, longo intervallo intermissa reuocaui. et cū omnium artium, quæ ad rectam uiuendi uiam pertinerent, ratio & disciplina studio sapientiæ, quæ philosophia dicitur, contineretur: hoc mihi latinis litteris illustrandum putavi: non quia philosophia græcis & litteris, & doctoribus percipi non posset: sed meum iudicium semper fuit, omnia nostros aut inuenisse per se sapientius, quàm Græcos; aut accepta ab illis, fecisse meliora, quæ quidem digna statuisent, in quibus elaborarent. nam mores, & instituta uitæ, resq. domesticas, ac familiares nos profecto & melius tuemur, & lautius: rem uero publicam nostri maiores certe melioribus temperauerunt & institutis, & legibus. Quid loquar de re militari? in qua cum uirtute nostri multum ualuerunt, tum plus etiam disciplina. Iam illa, quæ na-

y 3 tura,

TVSC. DISPVT.

tura, non litteris, affecuti sunt, neque cum Græcis, neque ulla cum gente sunt conferenda. quæ enim tanta grauitas, quæ tanta constantia, magnitudo animi, probitas, fides, quæ tam excellens in omni genere uirtus in ullis fuit, ut sit cum maioribus nostris comparanda? doctrina Græcia nos, & omni litterarum genere superabat. in quo erat facile uincere non repugnantes. nam cum apud Græcos antiquissimum e doctis sit genus poetarum; siquidem Homerus fuit, et Hesiodus ante Romam conditam, Archilochus regnante Romulo: serius poeticam nos accepimus. annis enim fere D X post Romam conditam Liuius fabulam dedit, C. Claudio Cæci filio, M. Tuditano cos. anno ante natum Ennium: qui fuit maior natu, quàm Plautus, & Næuius. sero igitur a nostris poetæ uel cogniti, uel recepti. quàmquam est in Originibus, solitos esse in epulis canere conuiuias ad tibicinem de clarorum hominum uirtutibus. honorem tamen huic generi non fuisse, declarât oratio Catonis, in qua obiecit ut probrum M. Nobiliori, quòd is in prouinciam poetas duxisset. duxerat autem consul itte in Aetoliam, ut scimus, Ennium. Quo minus ergo honoris erat poetis, eo minora studia fuerunt. nec tamen, si qui magnis ingenijs in eo genere extiterunt, non satis Græcorum gloriæ responderunt. An censemus, si Fabio, nobilissimo homini, laudi datum esset, quòd pingeret, non multos etiam apud nos futuros Polycleptos, et Parrhasios fuisse? honos alit artes: omnesq. incen-

incenduntur ad studia gloria; iacentq. ea semper,
quæ apud quosque improbantur. Summam erudi-
tionem Græci sitam censebant in nervorum, vo-
cumq. cantibus: igitur & Epaminondas, princeps
meo iudicio Græciæ, fidibus præclare cecinisse dici-
tur: Themistoclesq. aliquot ante annis, cū in epulis
recusasset lyram, habitus est indoctior. ergo in Græ-
cia musici floruerunt; discebantq. id omnes; nec, qui
nesciebat, satis excultus doctrina putabatur. In
summo apud illos honore geometria fuit: itaque ni-
hil mathematicis illustrius. at nos metiendi, ratioci-
nandiq. utilitate huius artis terminauimus modum.
at contra oratorem celeriter complexi sumus, nec
eum primo eruditum, aptum tamen ad dicendum,
post autem eruditum. nam, Galbam, Africanum,
Lælium doctos fuisse, memoriæ traditum est, stu-
diosum autem eum, qui hos ætate anteibat, Cato-
nem, post uero Lepidum, Carbonem, Gracchos,
deinde ita magnos nostram ad ætatem, ut non mul-
tum, aut nihil omnino Græcis cederetur. Philoso-
phia iacuit usque ad hanc ætatem, nec ullum habuit
lumen litterarum latinarū: quæ illustranda, & ex-
citanda nobis est; ut, si occupati profuimus aliquid
ciuibus nostris, prosumus etiam, si possumus, otio-
si. in quo eo magis nobis est elaborandum, quòd
multi iam esse latini libri dicuntur, scripti inconside-
rate ab optimis illis quidem uiris, sed non satis eru-
ditis. fieri autem potest, ut recte quis sentiat, et id,
quod sentit, polite eloqui non possit: sed, mandare

TVSC. DISPVT.

quenquam litteris cogitationes suas, qui eas nec disponere, nec illustrare possit, nec delectatione aliqua allicere lectorem, hominis est intemperanter abutentis & otio, & litteris. itaque suos libros ipsi legunt cum suis, nec quisquam attingit, præter eos, qui eandem licentiam scribendi sibi permitti uolunt. Quare, si aliquid oratoriæ laudi nostra attulimus industria; multo studiosius philosophiæ fontes aperiemus, e quibus etiam illa manabant. sed ut Aristoteles, uir summo ingenio, scientiæ copia, cum motus esset Isocratis rhetoris gloria, dicere etiam cæpit adolescentes docere, & prudentiam cum eloquentia iungere: sic nobis placet nec pristinum dicendi studium deponere, & in hac maiore, & uberiore arte uersari. hanc enim perfectam philosophiam semper iudicaui, quæ de maximis quæstionibus copiose posset, ornatèq. dicere. in quam exercitationem ita nos studiose operam dedimus, ut iam etiam scholas Græcorum more habere auderemus: ut nuper, tuum post discessum, in Tusculano, cum essent complures mecum familiares, tentavi quid in eo genere possem. ut enim antea declamitabam causas; quod nemo me diutius fecit: sic hæc mihi nunc senilis est declamatio. ponere iubebam, de quo quis audire uellet: & id aut sedens, aut ambulans disputabam. itaque dierum quinque scholas, ut Græci appellant, in totidem libros contuli. fiebat autem ita, ut, cum is, qui audire uellet, dixisset, quid sibi uideretur, tum ego contra dicerem. hæc est enim, ut scis, uetus,

tus, & Socratica ratio, contra alterius opinionem differendi. nam, ita facillime, quod ueri simillimum esset, inueniri posse, Socrates arbitrabatur. Sed, quo commodius disputationes explicentur, sic eas exponam, quasi agatur res, non quasi narretur. ergo ita nascatur exordium.

AUDITOR. Malum mihi uidetur esse mors.

MARCUS. Iis ne, qui mortui sunt, an ijs, quibus moriendum est? A. Vtrisque. M. Est igitur miserum, quoniam malum. A. Certe. M. Ergo & ij, quibus euenit iam, ut morerentur, & ij, quibus euenturum est, miseri. A. Mihi ita uidetur. M. Nemo ergo non miser. A. Prorsus nemo. M. Et quidem, si tibi constare uis, omnes, quicunque nati sunt, erunt ue, non solum miseri, sed etiam semper miseri. nam si solos eos diceres miseros, quibus moriendum esset: neminem tu quidem eorum, qui uiuerent, exciperes: moriendum est enim omnibus: esset tamen miserie finis in morte. quoniam autem etiam mortui miseri sunt; in miseriam nascimur sempiternam. necesse est enim miseros esse eos, qui centum millibus annorum ante occiderunt, uel potius omnes, quicunque nati sunt. A. Ita prorsus existimo. M. Dic quaeso, num te illa terrent, triceps apud inferos Cerbarus, Cocyti fremitus, transuectio Acherontis, mento summam aquam attingens siti enectus Tantalus? num illud,

- quod Sisyphus uersat,

Saxum, sudans nitendo, neque proficit hilum?

fortasse

TVSC. DISPVT.

fortasse etiam, inexorabiles iudices, Minos, & Rhadamanthus? apud quos nec te L. Crassus defendet, nec M. Antonius; nec, quoniam apud Græcos iudices res agetur, poteris adhibere Demosthenem: tibi ipsi pro te erit maxima corona causa dicenda. hæc fortasse metuis, & ideo mortem censes esse sempiternum malum. A. Adeo ne me delirare censes, ut ista esse credam? M. An tu hæc non credis? A. Minime uero. M. Male hercule narras: cur, quæso? A. Quia disertus esse possem, si contra ista dicerem. quis enim non in eiusmodi causa? aut quid negotij est, hæc poetarum & pictorum portenta conuincere? M. Atqui pleni sunt libri philosophorum contra ista ipsa differentium. A. Inepte sane. quis est enim tam excors, quem ista moueant? M. Si ergo apud inferos miseri non sunt; ne sunt quidem apud inferos ulli. A. Ita prorsus existimo. M. Vbi ergo sunt ij, quos miseros dicis? aut quem locum incolunt? si enim sunt, nusquam esse non possunt. A. Ego uero nusquam esse illos puto. M. Igitur ne esse quidem. A. Prorsus isto modo: & tamen miseros ob id ipsum quidem, quia nulli sunt. M. Iam malletm Cerberum metuere, quàm ista tam inconsiderate diceres. A. Qui tandem? M. Quem esse negas, eundem esse dicis: ubi est acumen tuum? cum enim miserum esse dicis, tum eum, qui non sit, dicis esse. A. Non sum ita hebes, ut ista dicam. M. Quid dicis igitur? A. Miserum esse, uerbi causa, M. Crassum, qui illas fortunas morte dimiserit; miserum

Cn.

Cn. Pompeium, qui tanta gloria sit orbatus; omnes denique miseros, qui hac luce careant. M. Reuolueris eodem. sint enim oportet, si miseri sunt. tu autem modo negabas eos esse, qui mortui essent. si igitur non sunt, nihil possunt esse: ita ne miseri quidem sunt. A. Non dico fortasse etiam, quod sentio. nam istud ipsum, non esse, cum fueris, miserimum puto. M. Quid miserius, quam omnino nunquam fuisse? ita, qui nondum nati sunt, quia non sunt, miseri iam sunt: & nos ipsi, si post mortem miseri futuri sumus, miseri fuimus, ante quam nati. ego autem non commemini, ante quam sum natus, me miserum. tu, si meliore memoria es, uelim scire, ecquid de te recordere. A. Ita iocaris, quasi ego dicam eos esse miseros, qui nati non sunt, & non eos miseros, qui mortui sunt. M. Esse ergo eos dicis. A. Immo, quia non sunt, cum fuerint, eos miseros esse. M. Pugnantia te loqui non uides? quid enim tam pugnat, quam non modo miserum, sed omnino quidquam esse, qui non sit? an tu, egressus porta Capena, cum Calatini, Scipionum, Seruiliorum, Metellorum sepulcra uides, miseros putas illos? A. Quoniam me uerbo premis, posthac non ita dicam, miseros esse, sed tantum miseros, ob id ipsum, quia non sunt. M. Non dicis igitur, miser est M. Crassus, sed tantum, miser M. Crassus. A. Ita plane. M. Quasi non necesse sit, quidquid isto modo pronunties, id aut esse, aut non esse. an tu dialecticis ne imbutus quidem es? in primis enim

TVSC. DISPVT.

enim hoc traditur . omne pronuntiatum (sic enim ,
 mihi in praesentia occurrit , ut appellarem ἀγλαΐα :
 utar post alio , si inuenero melius) id ergo est pro-
 nuntiatum , quod aut uerum , aut falsum esse dici-
 tur . cum igitur dicis , miser M. Crassus ; aut hoc di-
 cis , miser est M. Crassus ; ut possit iudicari , uerum
 id , falsum ne sit ; aut nihil dicis omnino . A. Age ,
 iam concedo non esse miseros , qui mortui sunt ; quo-
 niam extorsisti ut faterer , qui omnino non essent ,
 eos ne miseros quidem esse posse : quid ? qui uiuimus ,
 cum moriendum sit , non ne miseri sumus ? quæ e-
 nim potest in uita esse iucunditas , cum dies & no-
 ctes cogitandum sit , iam iamq. esse moriendum ? M.
 Ecquid ergo intelligis , quantum mali ex humana
 conditione deieceris ? A. Quonam modo ? M. Quia ,
 si mori etiam mortuis miserum esset , infinitum
 quoddam et sempiternum malum haberemus in ui-
 ta . nunc uideo calcem ; ad quem cum sit decursus ,
 nihil sit praeterea extimescendum . sed tu mihi uide-
 ris Epicharmi , acuti , nec insulsi hominis , ut Siculi ,
 sententiam sequi . A. Quam ? non enim noui . M. Di-
 cam , si potero , latine . scis enim me græce loqui in la-
 tino sermone non plus solere , quàm in græco latine .
 A. Et recte quidem . sed quæ tandem est Epicharmi
 ista sententia ? M.
 Emori nolo : sed , me esse mortuum , nihili aestimo .
 A. Iam agnosco græcum : sed quoniam coegisti , ut
 concederem , qui mortui essent , eos miseros non es-
 se ; perfice , si potes , ut ne moriendum quidem esse
 miserum

miserum putem. M. Iam istuc quidem nihil negotij est: sed etiam maiora molior. A. Quo modo hoc nihil negotij est? aut quæ tandem sunt ista maiora? M. Quoniam, si post mortem nihil est mali, ne mors quidem est malum; cui proximum tempus est post mortem, in quo mali nihil esse concedis. ita ne moriendum quidem esse malum est. id est enim, perueniendum esse ad id, quod non esse malum confitemur. A. Vberius ista, quæso. hæc enim spinosiora prius, ut confitear, me cogunt, quàm ut assentiar. sed quæ sunt ea, quæ dicis te maiora moliri? M. Ut doceam, si possim, non modo malum non esse, sed bonum etiam esse mortem. A. Non postulo id quidem, aueo tamen audire. ut enim non efficias, quod vis; tamen, mors ut malum non sit, efficies. sed nihil te interpellabo: continentem orationem audire malo. M. Quid, si te rogauero aliquid, non ne respondebis? A. Superbi id quidem esset; sed, nisi quid necesse erit, malo ne roges. M. Geram tibi morem, & ea, quæ vis, ut potero, explicabo, nec tamen quasi Pythius Apollo, certa ut sint, & fixa, quæ dixero, sed ut homunculus unus e multis, probabilia coniectura sequens. ultra enim quò progrediar, quàm ut ueri similia uideam, non habeo. certa dicent ij, qui & percipi ea posse dicunt, & se sapientes esse profitentur. A. Tu, ut uidetur: nos ad audiendum parati sumus. M. Mors igitur ipsa, quæ uidetur notissima res esse, quid sit, primum est uidendum. sunt enim, qui discessum animi a corpore putent

TVSC. DISPVTV.

putent esse mortem. sunt, qui nullum censeant fieri
discessum, sed una animum & corpus occidere, ani-
mumq. cum corpore extinguere. Qui discedere ani-
mum censent, alij statim dissipari, alij diu permane-
re, alij semper. quid sit porro ipse animus, aut ubi,
aut unde, magna dissensio est. alijs cor ipsum ani-
mus uidetur: ex quo excordes, uecordes, concor-
desq. dicuntur: & Nasica ille prudens, bis consul,
Corculum; &
Egregie cordatus homo, Catus Aeliu' Sextus.
Empedocles animum esse censet, cordi suffusum
sanguinem. alijs pars quædam cerebri uisa est ani-
mi principatum tenere. alijs nec cor ipsum placet,
nec cerebri quandam partem esse animum: sed alij
in corde, alij in cerebro dixerunt animi esse sedem,
& locum: animum autem alij animam, ut fere no-
stri declarant, nominari. nam & agere animam,
& efflare dicimus, & animosos, & bene animatos,
& ex animi sententia. ipse autem animus ab anima
dictus est. Zenoni Stoico animus ignis uidetur. Sed
hec quidem, quæ dixi, cor, sanguinem, cerebrum,
animam, ignem, uulgo: reliqua fere singuli, ut mul-
ti ante ueteres. proxime autem Aristoxenus musi-
cus, idemq. philosophus, intentionem ipsius corpo-
ris quandam, uelut in cantu, & fidibus quæ har-
monia dicitur; sic ex corporis totius natura, & fi-
gura uarios motus cieri, tanquam in cantu sonos.
hic ab artificio suo non recessit, & tamen dixit ali-
quid, quod ipsum quale esset, erat multo ante &
dictum,

dictum, & explanatum a Platone. Xenocrates animi figuram, et quasi corpus negavit esse, uerum numerum dixit esse, cuius uis, ut iam antea Pythagoræ uisum erat, in natura maxima esset. eius doctor Plato triplicem finxit animam: cuius principatum, id est rationem, in capite, sicut in arce, posuit; & duas partes separare uoluit, iram, & cupiditatem: quas locis disclussit; iram in pectore, cupiditatem subter præcordia locauit. Dicaearchus autem in eo sermone, quem Corinthi habitum tribus libris exponit doctorum hominum disputantium, primo libro multos loquentes facit; duobus Pherecratem quendam Phthiotam senem, quem ait a Deo calione ortum, differentem inducit, nihil esse omnino animum, & hoc esse nomen totum inane, frustra. & animalia, & animantes appellari; neque in homine inesse animum, uel animam, nec in bestia; uimque omnem eam, qua uel agamus quid, uel sentiamus, in omnibus corporibus uiuis æquabiliter esse fusam, nec separabilem a corpore esse, quippe quæ nulla sit, nec sit quidquam nisi corpus unum, & simplex, ita figuratum, ut temperatione naturæ uigeat, & sentiat. Aristoteles, longe omnibus (Platonem semper excipio) præstans & ingenio, & diligentia, cum quattuor illa genera principiorum esset complexus, e quibus omnia orirentur, quintam quandam naturam censet esse, e qua sit mens. cogitare enim, & providere, & discere, et docere, & inuenire aliquid, & tam multa alia meminisse;

TVSC. DISPVT.

minisse; amare, odisse; cupere, timere; angi, lætari; hæc, & similia eorum, in horum quattuor generum nullo inesse putat: quintum genus adhibet uacans nomine; & sic ipsum animum ἐντελεχίαν appellat nouo nomine, quasi quandam continuatam motionem, & perennem. Nisi quæ me forte fugiunt, hæ sunt fere omnium de animo sententiæ. Democritum enim, magnum quidem illum uirum, sed leuibus & rotundis corpusculis efficientem animum concursu quodam fortuito, omittamus. nihil est enim apud istos, quod non atomorum turba conficiat. Harum sententiarum quæ uera sit, deus aliquis uiderit; quæ ueri simillima, magna quæstio est. utrum igitur inter has sententias diiudicare malumus, an ad propositum redire? A. Cuperem equidem utrunque, si posset: sed est difficile non confundere. quare, si, ut ista non differamus, liberari mortis metu possumus; id agamus. sin id non potest, nisi hac quæstione animorum explicata; nunc, si uidetur, hoc, illud alias. M. Quod malle te intelligo, id puto esse commodius. efficiet enim ratio, ut, quæcunque uera sit earum sententiarum, quas exposui, mors aut malum non sit, aut sit bonum potius. nam si cor, aut sanguis, aut cerebrum est animus; certe, quoniam est corpus, interibit cum reliquo corpore: si anima est, fortasse dissipabitur: si ignis, extinguetur: si est Aristoxeni harmonia, dissoluetur. quid de Dicæarcho dicam, qui nihil omnino animum dicat esse? His sententijs omnibus nihil post mortem pertinere

pertinere ad quenquam potest. pariter enim cum uita sensus amittitur. non sentientis autem, nihil est, ullam in partem quod intersit. reliquorum sententiæ spem asserunt, si te forte hoc delectat, posse animos, cum e corporibus exceßerint, in cælum quasi in domicilium suum peruenire. A. Me uero delectat: idq., primum ita esse, deinde, etiam si non sit, mihi tamen persuaderi uelim. M. Quid tibi ergo opera nostra opus est? num eloquentia Platonem superare possumus? euolue diligenter eius eum librum, qui est de animo: amplius quod desideres, nihil erit. A. Feci mehercule, & quidem sapius: sed nescio quo modo, dum lego, assentior; cum posui librum, et mecum ipse de immortalitate animorum cæpi cogitare, assensio omnis illa elabitur. M. Quid hoc? das ne aut manere animos post mortem, aut morte ipsa interire? A. Do uero. M. Quid, si maneant? A. Beatos esse concedo. M. Si intereant? A. Non esse miseros, quoniam ne sint quidem. iam istuc coacti a te paullo ante concessimus. M. quo modo igitur, aut cur mortem malum tibi uideri dicis, quæ aut beatos nos efficiet animis manentibus, aut non miseros sensu carentes? A. Expone igitur, nisi molestum est, primum animos, si potes, remanere post mortem: tum, si minus id obtinebis, (est enim arduum) docebis carere omni malo mortem. ego enim istuc ipsum uereor ne malum sit, non dico carere sensu, sed carendum esse. M. Auctoribus quidem ad istam sententiam, quam uis obtineri, uti

℥ optimis

TVSC. DISPVT.

optimis possumus; quod in omnibus causis et debet,
 & solet ualere plurimum; & primum quidem om-
 ni antiquitate: quæ quo propius aberat ab ortu, &
 diuina progenie, hoc melius ea fortasse, quæ erant
 uera, cernebat. itaque unum illud erat insitum pri-
 scis illis, quos cascos appellat Ennius, esse in morte
 sensum, neque excessu uitæ sic deleri hominem, ut
 funditus interiret. idq. cum multis alijs rebus, tum
 e pontificio iure, & cæremonijs sepulcrorum intelli-
 gi licet: quas maximis ingenijs præditi nec tanta cu-
 ra coluissent, nec uiolatas tam inexplabili religione
 sanxissent, nisi hæssisset in eorum mentibus, mortem
 non interitum esse, omnia tollentem, atque delen-
 tem, sed quandam quasi migrationem, commuta-
 tionemq. uitæ, quæ in claris uiris, et feminis dux in
 cælum soleret esse; in ceteris humi retineretur, &
 permaneret tamen. ex hoc & nostrorum opinione,
 Romulus in cælo cum dijs agit æuum,
 ut famæ assentiens dixit Ennius: & apud Græcos,
 indeq. perlapsus ad nos, et usque ad Oceanum, Her-
 cules tantus, & tam præsens habetur deus. hinc Li-
 ber, Semele natus; eademq. famæ celebritate Tyn-
 darida fratres: qui non modo adiutores in prælijs
 uictoriæ populi R. sed etiam nuntij fuisse perhiben-
 tur. quid? Ino, Cadmi filia, non ne Leucothea nomi-
 nata a Græcis, Matuta habetur a nostris? quid? to-
 tum prope cælum, (ne plures persequar) non ne hu-
 mano genere completum est? si uero scrutari uete-
 ra, & ex his ea, quæ scriptores Græciæ prodide-
 runt,

runt, eruere coner: ipsi illi, maiorum gentium dii
qui habentur, hinc a nobis profecti in cælum repe-
rientur. quære, quorum demonstrantur sepulcra in
Græcia: reminiscere, quoniam es initiatus, quæ tra-
dantur mysterijs: tum denique, quàm hoc late pa-
teat, intelliges. sed qui nondum ea, quæ multis post
annis tractari cœpissent, physica didicissent, tantum
sibi persuaferant, quantum, natura admonente,
cognouerant; rationes, & causas rerum non tene-
bant; uis quibusdam sæpe mouebantur, hisq. ma-
xime nocturnis, ut uiderentur ij, qui uita excessse-
rant, uiuere. Vt porro firmissimum hoc afferri ui-
detur, cur deos esse credamus, quòd nulla gens tam
fera, nemo omnium tam sit immanis, cuius men-
tem non imbuerit deorum opinio. Multi de dijs pra-
ua sentiunt: (id enim uitioso more effici solet) om-
nes tamen esse uim, & naturam diuinam arbitran-
tur. nec uero id collocutio hominum, aut consensus
efficit: non institutis opinio est confirmata, non legi-
bus. omni autem in re consensus omnium gentium
lex naturæ putanda est. Quis est igitur, qui suorum
mortem primum non eo lugeat, quòd eos orbatos
uitæ commodis arbitretur? tolle hanc opinionem: lu-
etum sustuleris. nemo enim meret suo incommodo.
dolent fortasse, & anguntur: sed illa lugubris la-
mentatio, fletusq. mærens ex eo, quòd eum, quem
dileximus, uitæ commodis priuatum arbitramur,
idq. sentire. atque hæc ita sentimus natura duce,
nulla ratione, nullaq. doctrina. Maximum uero

Σ 2

. argu-

TVSC. DISPVT.

argumentum est, naturam ipsam de immortalitate animorum tacitam iudicare, quod omnibus curæ sunt, & maximæ quidem, quæ post mortem futura sint. serit arbores, quæ alteri sæculo prosint, ut ait Statius in Synephræbis, quid spectans, nisi etiam postera sæcula ad se pertinere? ergo arbores seret diligens agricola, quarum aspiciet bacam ipse nunquam: uir magnus leges, instituta, remp. conseret. Quid procreatio liberorum, quid propagatio nominis, quid adoptiones filiorum, quid testamentorum diligentia, quid ipsa sepulcrorum monumenta, quid elogia significant, nisi nos futura etiam cogitare? Quid illud? num dubitas, quin specimen naturæ capi deceat ex optima quaque natura? quæ est igitur melior in hominum genere natura, quam eorum, qui se natos ad homines iuuandos, tutandos, cõseruandos arbitrantur? abiit ad deos Hercules: nunquam abiisset, nisi, cum inter homines esset, eam sibi uiam muniuisset. Vetera iam ista, & religione omnium consecrata: quid in hac rep. tot, tantosq. uiros, ob remp. interfectos, cogitasse arbitramur? iisdem ne ut finibus nomen suum, quibus uita, terminaretur? nemo unquam sine magna spe immortalitatis se pro patria offerret ad mortem. licuit esse otioso Themistocli, licuit Epaminondæ, licuit (ne et uetera, et externa quæram) mihi: sed nescio quomodo inhaeret in mentibus quasi sæculorũ quoddam augurium futurorum: idq. in maximis ingenijs, altissimisq. animis & existit maxime, & apparet
facil-

facillime. quo quidem dempto, quis tam esset amens, qui semper in laboribus, & periculis uiueret? loquor de principibus. Quid poetæ? non ne post mortem nobilitari uolunt? unde ergo illud?

Aspicite o ciues senis Ennij imaginis urnam:

Hic uestrum panxit maxima facta patrum.
mercedem gloriæ flagitat ab ijs, quorum patres af-
fecerat gloria. idemq.:

Nemo me lacrymis decoret, nec funera fletu

Faxit: cur? uolito uiu' per ora uirum.

Sed quid poetas? opifices post mortem nobilitari uolunt. quid enim Phidias sui similem speciem inclusit in clypeo Mineruæ, cum inscribere non liceret? Quid nostri philosophi? non ne in his ipsis libris, quos scribunt de contemnenda gloria, sua nomina inscribunt? quod si omnium consensus, naturæ uox est; omnesq., qui ubique sunt, consentiunt esse aliquid, quod ad eos pertineat, qui e uita cesserunt: nobis quoque idem existimandum est. et si, quorum aut ingenio, aut uirtute animus excellit, eos arbitramur, quia natura optima sint, cernere naturæ uim maxime: ueri simile est, cum optimus quisque maxime posteritati seruiat, esse aliquid, cuius is post mortem sensum sit habiturus. Sed ut deos esse natura opinamur; qualesq. sint, ratione cognoscimus: sic permanere animos arbitramur consensu nationum omnium; qua in sede maneant, qualesq. sint, ratione discendum est. cuius ignoratio finxit inferos, easq. formidines, quas tu contemnere non si-

TVSC. DISPVT.

ne caussa uidebare . in terram enim cadentibus corporibus , hisq. humo tectis , ex quo dictum est humari , sub terra censebant reliquam uitam agi mortuorum . quam eorum opinionem magni errores consecuti sunt : quos auxerunt poetæ . frequens enim confessus theatri , in quo sunt mulierculæ , & pueri , mouetur audiens tam grande carmen :

Adsum , atque aduenio Acheronte , uix , uia alta ,
atque ardua ,

Per speluncas saxis struētas asperis , pendentibus ,
Maximis , ubi rigida constat crassa caligo inferum .
tantumq. ualuit error , qui mihi quidem iam sublatus uidetur , ut , corpora cremata cum scirent , tamē ea fieri apud inferos fingerent , quæ sine corporibus nec fieri possent , nec intelligi . animos enim per se ipsos uiuentes non poterant mente complecti : formam aliquam , figuramq. quærebant . inde Homeri tota uerū : inde ea , quæ meus amicus Appius *ἡρώδης* faciebat : in uicinia nostra Auerni lacus , Vnde animæ excitātur obscura umbra , aperto ostio Alti Acherōtis , falso sanguine mortuorū imagines . has tamen imagines loqui uolunt : quod fieri nec sine lingua , nec sine palato , nec sine faucium , laterum , pulmonum ui , & figura potest . nihil enim animo uidere poterant : ad oculos omnia referebant . magni autem est ingenij reuocare mentem a sensibus , & cogitationem a consuetudine abducere . itaque credo equidem etiam alios tot sæculis disputasse de animis : sed , quod litteris extet ,
There-

Pherecides Syrus primum dixit animos hominum esse sempiternos. antiquus sane: fuit enim meo regnante gentili. hanc opinionem discipulus eius Pythagoras maxime confirmavit: qui cum, Superbo regnante, in Italiam uenisset, tenuit magnam illam Graciam cum honore, & disciplina, tum etiam auctoritate: multa quæ. sæcula postea sic uiguit Pythagoreorum nomen, ut nulli alij docti uiderentur. Sed redeo ad antiquos. rationem illi sententiæ suæ non ferre reddebant, nisi quid erat numeris, aut descriptionibus explicandum. Platonem ferunt, ut Pythagoreos cognosceret, in Italiam uenisse, & in ea cum alios multos, tum Architam, Timæumque. cognouisse, et didicisse Pythagorea omnia; primumque de animorum æternitate non solum sensisse idem, quod Pythagoras, sed rationem etiam attulisse. quam, nisi quid dicis, prætermittamus, & hanc totam spem immortalitatis relinquamus. A. An tu, cum me in summam expectationem adduxeris, deseris? errare mehercule malo cum Platone, quem tu quanti facias scio, & quem ex tuo ore admiror, quam cum istis uera sentire. M. Maeste uirtute: ego enim ipse cum eodem ipso non inuitus errauerim.

Num igitur dubitamus, an, sicut pleraque, sic et hoc? quanquam hoc quidem minime. persuadent enim mathematici, terram in medio mundi sitam, ad uniuersi cæli complexum quasi puncti instar obtinere, quod *κέντρον* illi uocant: eam porro naturam esse quattuor omnia gignentium corporum, ut

Σ 4

quasi

T V S C. D I S P V T.

quasi partita habeant inter se, & diuisa momenta; ut terrena, et humida, suoapte nutu, et suo pondere ad pares angulos in terram, & in mare ferantur; reliquæ duæ partes, una ignea, altera animalis, ut illæ superiores in medium locum mundi gravitate ferantur, & pondere, sic hæ sursum rectis lineis in caelestem locum subuolent; siue ipsa natura superiora appetente; siue quoddam a grauioribus leuiora natura repellantur. quæ cum constent; perspicuum debet esse, animos, cum e corpore exceßerint, siue illi sint animales, id est spirabiles, siue ignei, sublimæ ferri. Si uero aut numerus quidam sit animus; quod subtiliter magis, quàm dilucide dicitur; aut quintæ illa non nominata magis, quàm non intellecta natura: multo etiam integriora, ac puriora sunt, ut a terra longissime se efferant. Horum igitur aliquid animus est; ne tam uegeta mens aut in corde, cerebro ue, aut in Empedocleo sanguine demersa iaceat. Dicæarchum uero cum Aristoxeno, æquali, & condiscipulo suo, doctos sane homines, omittamus. quorum alter ne condoluisse quidem unquam uidetur, qui animum se habere non sentiat: alter ita delectatur suis cantibus, ut eos etiam ad hæc transferre conetur. harmoniam autem ex interuallis sonorum nosse possumus, quorum uaria compositio etiam harmonias efficit plures: membrorum uero situs, & figura corporis uacans animo quam possit harmoniam efficere, non uideo. sed hic quidem, quamuis eruditus sit, sicut est, hæc magistro

stro concedat Aristoteli; canere ipse doceat. bene enim illo prouerbio Græcorum præcipitur; Quam quisque norit artem, in hac se exerceat. Illam uero funditus ejiciamus indiuiduorum corporum, lenium, & rotundorum concursiōem fortuitam: quam tamen Democritus concalescētam, & spirabilem, id est animale, esse uoluit. is autem animus, qui si est horum quattuor generum, ex quibus omnia constare dicuntur, ex inflammata anima constat, ut potissimum uideri uideo Panætio, superiora capeſſat necesse est. nihil enim habent hæc duo genera proni, & supera semper petunt. ita, siue dissipantur procul a terris, id euenit; siue permanent, & conseruant habitum suum; hoc etiam magis necesse est ferantur ad cælum, & ab his perumpatur, & diuidatur crassus hic & concretus aer, qui est terræ proximus. calidior est enim, uel potius ardentior animus, quàm est hic aer, quem modo dixi crassum, atque concretum. quod ex eo sciri potest, quia corpora nostra terreno principiorum genere confecta, ardore animi concalescunt. Accedit, ut eo facilius animus euadat ex hoc aere, quem sæpe iam appello crassum, eumq. perumpat, quòd nihil est animo uelocius, nulla est celeritas, quæ possit cum animi celeritate contendere. qui si permanet incorruptus, suiq. similis: necesse est, ita feratur, ut penetret, et diuidat omne cælum hoc, in quo nubes, imbres, uentiq. coguntur, quod, & humidum, et caliginosum est propter exhalatio-

nes

TVSC. DISPVT.

nes terræ . quam regionem cum superauit animus,
 naturamq. sui similem contigit , & agnouit ; iun-
 ctus ex anima tenui , & ex ardore solis temperato,
 ignibus insistit, et finem altius se efferendi facit. cum
 enim sui similem et leuitatem, & calorem adeptus
 est ; tanquam paribus examinatus ponderibus, nul-
 lam in partem mouetur ; eaq. ei demum naturalis
 est sedes, cum ad sui simile penetrauit : in quo nulla
 re egens aletur ; & sustentabitur iisdem rebus, qui-
 bus astra sustentantur, & aluntur. cumq. corporis
 facibus inflammari soleamus ad omnes fere cupidi-
 tates, eoq. magis incendi, quod ijs æmulemur, qui
 ea habeant, quæ nos habere cupiamus : profecto
 beati erimus, cum, corporibus relictis, et cupidita-
 tum, & æmulationum erimus expertes : quodq.
 nunc facimus, cum laxati curis sumus, ut spectare
 aliquid uelimus, & uisere ; id multo tum faciemus
 liberius, totosq. nos in contemplandis rebus, perspi-
 ciendisq. ponemus : propterea quod et natura inest
 mentibus nostris insatiabilis quædam cupiditas ueri-
 uidendi ; & oræ ipsæ locorum illorum, quod perue-
 nerimus, quo faciliorem nobis cognitionem rerum
 cælestium, eo maiorem cognoscendi cupiditatem da-
 bunt . hæc enim pulchritudo etiam in terris patritâ
 illam, & auitam, ut ait Theophrastus, philosophi-
 am, cognitionis cupiditate incensam, excitauit. præ-
 cipue uero fruentur ea, qui tum etiam, cum has ter-
 ras incolentes circumfusi erant caligine, tamen acie
 mentis dispicere cupiebant . etenim, si nunc aliquid
 assequi

assequi se putant, qui ostium Ponti uiderunt, et eas
angustias, per quas penetrauit ea, quæ est nominata
Argo, quia Argini in ea delecti uiri
Vecti petebant pellem inauratam arietis;
aut ij, qui Oceani freta illa uiderunt,
Europam Libyamq. rapax ubi diuidit unda:
quod tandem spectaculum fore putamus, cum to-
tam terram tueri licebit, eiusq. cum situm, formã,
circumscriptionem, tum & habitabiles regiones, et
rursum omni cultu propter uim frigoris, aut caloris
uacantes? nos enim ne nunc quidem oculis cerni-
mus ea, quæ uidemus. neque enim est ullus sensus
in corpore: sed, ut non solum phisici docent, ue-
rum etiam medici, qui ista aperta & patefacta ui-
derunt, uia quasi quædam sunt ad oculos, ad aures,
ad nares a sede animi perforata. itaque sæpe, aut
cogitatione, aut aliqua ui morbi impediti, apertis
atque integris & oculis, & auribus, nec uidemus,
nec audimus: ut facile intelligi possit, animum et ui-
dere, et audire, non eas partes, quæ quasi fenestræ
sunt animi; quibus tamen sentire nihil queat mens,
nisi id agat, & adsit. Quid, quod eadem mente res
dissimillimas comprehendimus, ut colorem, saporem,
calorem, odorem, sonum? quæ nunquam quinque
nuntijs animus cognosceret, nisi ad eum omnia re-
ferrentur, ut idem omnium iudex solus esset. atque
ea profecto tum multo puriora, & dilucidiora cer-
nentur, cum, quod natura fert, liber animus perue-
nerit. nam nunc quidem, quanquam foramina illa,
quæ

T V S C. D I S P V T.

quæ patent ad animum a corpore, callidissimo artificio natura fabricata est; tamen terrenis, concretisq. corporibus sunt intersepta quodam modo. cum autem nihil erit, præter animum; nulla res obiecta impediet, quo minus percipiat, quale quidque sit. Quamvis copiose hæc diceremus, si res postularet, quàm multa, quàm uaria spectacula animus in locis caelestibus esset habiturus. quæ quidem cogitans, soleo sæpe mirari non nullorum insolentiam philosophorum, qui naturæ cognitione admirantur, eiusq. inuentori, & principi gratias exultantes agunt, eumq. uenerantur ut deum. liberatos enim se per eum dicunt grauissimis dominis, terrore sempiterno, et diurno ac nocturno metu. quo terrore? quo metu? quæ est anus tā delira, quæ timeat ista, quæ uos uidelicet, si physica non didicissetis, timeretis? Acherontia templa, alta orci, pallida Leti, obnubila, obsita tenebris loca. non pudet philosophum in eo gloriari, quod hæc non timeat, & quod falsa esse cognouerit? ex quo intelligi potest, quàm acuti natura sint, qui hæc sine doctrina credituri fuerint. Præclarum autem nescio quid adepti sunt, qui didicerunt, se, cum tempus mortis uenisset, totos esse perituros. quod ut ita sit; (nihil enim pugno) quid habet ista res aut letabile, aut gloriosum? nec tamen mihi sane quidquam occurrit, cur non Pythagoræ sit & Platonis uera sententia. ut enim rationem Plato nullam asferret, (uide, quid homini tribuam) ipsa auctoritate

tate me frangeret. tot autem rationes attulit, ut uelle ceteris, sibi certe persuasisse uideatur. Sed plurimi contra nituntur, animosq. quasi capite damnatos morte multant. neque aliud est quidquam, cur incredibilis his animorum uideatur aternitas, nisi quodd nequeunt, qualis animus sit uacans corpore, intelligere, & cogitatione comprehendere. quasi uero intelligant, qualis sit in ipso corpore, quæ conformatio, quæ magnitudo, qui locus: ut, si iam posset in homine uno cerni omnia, quæ nunc tecta sunt, casurus ne in conspectum uideatur animus, an tanta sit eius tenuitas, ut fugiat aciem. hæc reputent isti, qui negant animum sine corpore se intelligere posse: uidebunt, quem in ipso corpore intelligant. Mihi quidem, naturam animi intuenti, multo difficilior occurrit cogitatio, multoq. obscurior, qualis animus in corpore sit tanquam alienæ domui, quàm qualis, cum exierit, & in liberum celum quasi in domum suam uenerit. si enim, quod nunquam uidimus, id quale sit, intelligere non possumus: certe & deum ipsum, & diuinum animum, corpore liberatum, cognitione completi non possumus. Dicæarchus quidem, & Aristoxenus, quia difficilis erat animi, quid, aut qualis esset, intelligentia, nullum omnino animum esse dixerunt. Est illud quidem uel maximum, animo ipso animum uidere: et nimirum hanc habet uim præceptum Apollinis, quo monet, ut se quisque noscat. non enim, credo, id præcipit, ut membra nostra, aut staturam figuram

figuram ue noscamus: neque nos corpora sumus: neque ego, tibi dicens hoc, corpori tuo dico. cum igitur, nosce te, dicit, hoc dicit, nosce animum tuum. nam corpus quidem quasi uas est, aut aliquod animi receptaculum: ab animo tuo quidquid agitur, id agitur a te. hunc igitur nosse, nisi diuinum esset; non esset hoc acrioris cuiusdam animi præceptum, sic, ut tributum deo sit. sed si, qualis sit animus, ipse animus nesciat; dic, quaeso, ne esse quidem se sciet? ne moueri quidem se? ex quo illa ratio nata est Platonis, quæ a Socrate est in Phædro explicata, à me autem posita est in sexto libro de rep.

Quod semper mouetur, id æternum est. quod autem motum affert alicui, quodq. ipsum agitur aliunde; quando finem habet motus, uiuendi quoque finem habeat necesse est. solum igitur, quod se ipsum mouet, quia nunquam deseritur a se, nunquam ne moueri quidem desinit. quin etiam ceteris, quæ mouentur, hic fons, hoc principium est mouendi. principij autem nulla est origo. nam ex principio oriuntur omnia: ipsum autem nulla ex re alia nasci potest. nec enim esset id principium, quod gigneretur aliunde. quod si nunquam oritur, ne occidit quidem unquam. nam principium extinctum nec ipsum ab alio renascetur, nec a se aliud creabit; siquidem necesse est a principio oriri omnia. ita fit, ut motus principium ex eo sit, quod ipsum a se mouetur. id autem nec nasci potest, nec mori. uel concidat omne cælum, omnisq. natura consistat, necesse

se

se est, nec vim ullam nanciscatur, qua primo impulsu moueatur. Cum pateat igitur æternum id esse, quod se ipsum moueat: quis est, qui hanc naturam animis esse tributam neget? inanimum est enim omne, quod pulsu agitur externo. quod autem est animatum, id motu cietur interiore, et suo. nam hæc est propria natura animi, atque uis: quæ si est una ex omnibus, quæ se ipsam semper moueat; neque nata certe est, & æterna est. Licet concurrant plebeij omnes philosophi: (sic enim ij, qui a Platone, & Socrate, & ab illa familia dissident, appellandi uidentur) non modo nihil nunquam tam eleganter explebunt, sed ne hoc quidem ipsum quàm subtiliter conclusum sit intelligent. Sentit igitur animus se moueri: quod dum sentit, illud una sentit, se ui sua, non aliena, moueri; nec accidere posse, ut ipse unquam a se deseratur. ex quo efficitur æternitas. nisi quid habes ad hæc. A. Ego uero facile sum passus ne in mentem quidem mihi aliquid contra uenire: ita isti faueo sententiae. M. Quid illa tandem? num leuiores censeres? quæ declarant inesse in animis hominum diuina quædam: quæ si cerne-rem quemadmodum nasci possent, etiam, quemadmodum interirent, uiderem. Nam sanguinem, bilem, pituitam, ossa, neruos, uenas, omnem denique membrorum & totius corporis figuram uideo posse dicere, unde concreta, & quo modo facta sint: per animum ipsum, si nihil esset in eo, nisi id, ut per eum uiueremus, tam natura putarem
hominis

TVSC. DISPVT.

hominis uitam sustentari, quàm uitis, quàm arboris. hæc enim etiam dicimus uiuere. Item, si nihil haberet animus hominis, nisi ut appeteret, aut refugeret; id quoque esset ei commune cum bestiis. habet primum memoriam, & eam infinitam rerum innumerabilium: quam quidem Plato recollectionem esse uult superioris uitæ. nam in illo libro, qui inscribitur Memnon, pusionem quendam Socrates interrogat quædam geometrica de dimensione quadrati. ad ea sic ille respondit, ut puer: et tamen ita faciles interrogationes sunt, ut gradatim respondens eò perueniat, quasi geometrica didicisset. ex quo effici uult Socrates, ut, discere, nihil aliud sit, quàm recordari. quem locum multo etiam accuratius explicat in eo sermone, quem habuit eo ipso die, quo excessit e uita. docet enim, quemuis, qui omnium rerum rudis esse uideatur, bene interroganti respondentem, declarare, se non tum illa discere, sed reminiscendo recognoscere: nec uero fieri ullo modo posse, ut a pueris tot rerum, atque tantarum insitas, et quasi consignatas in animis notiones, quas evolas uocant, haberemus, nisi animus, ante quàm in corpus intrasset, rerum cognitione uigisset. cumq. nihil esset, ut omnibus locis a Platone differitur; (nihil enim ille putat esse, quod oriatur, & intereat, idq. solum esse, quod semper tale sit, qualem ideam appellat ille, nos speciem) non potuit animus hæc in corpore inclusus cognoscere, cognita attulit: ex quo tam multarum rerum cognitionis

cognitionis admiratio tollitur: neque ea plane uidet animus, cum tam repente in tam insolitum, tamq. perturbatum domicilium immigrauit; sed, cum se collegit, atque recreauit, tum agnoscit ea reminiscendo. ita nihil aliud est, discere, nisi recordari. Ego autem maiore etiam quodam modo memoriam admiror. quid est enim illud, quo meminimus? aut quam habet uim? aut unde? non quaero, quanta memoria Simonides fuisse dicatur, quanta Theodektes, quanta is, qui a Pyrrho legatus ad senatum est missus, Cyneas, quanta nuper Carneades, quanta, qui modo fuit, Sceptius Metrodorus, quanta noster Hortensius: de communi hominum memoria loquor, & eorum maxime, qui in aliquo maiore studio, & arte uersantur: quorum quanta mens sit, difficile est existimare: ita multa meminerunt. Quorsum igitur haec spectat oratio? quae sit illa uis, & unde sit, intelligendum puto. non est certe nec cordis; nec sanguinis, nec cerebri, nec atomorum. anima sit animus, ignis ue, nescio: nec me pudet, ut istos, fateri nescire, quod nesciam: illud, si ulla alia de re obscura affirmare possem, siue anima, siue ignis sit animus, eum iurarem esse diuinum. quid enim, obsecro te, terra ne tibi, aut hoc nebuloso, & caliginoso caelo aut sata, aut concreta uidetur tanta uis memoriae? si, quid sit hoc, non uides: at, quale sit, uides. si ne id quidem: at, quantum sit, profecto uides. Quid igitur? utrum capacitatem aliquam in animo putamus esse, quò tan-

a a quam

— sic
Horatius
de Arte Poet.
quod non dicitur
ci, sane ne-
scire fateri.

TVSC. DISPVT.

quam in aliquod uas ea, quæ meminimus, infundantur? absurdum id quidem: qui enim fundus, aut quæ talis animi figura intelligi potest? aut quæ tanta omnino capacitas? An imprimi quasi ceram animum putamus, & memoriam esse signatarum rerum in mente uestigia? quæ possunt uerborum, quæ rerum ipsarum esse uestigia? quæ porro tam immensa magnitudo, quæ illa tam multa possit effingere? Quid illa uis, quæ tandem est, quæ inuestigat occulta, quæ inuentio atque excogitatio dicitur? ex hac ne tibi terrena, mortaliq. natura, & caduca, concreta ea uidetur? aut qui primus, quod summæ sapientiæ Pythagoræ uisum est, omnibus rebus imposuit nomina? aut qui dissipatos homines congregauit, et ad societatem uitæ conuocauit? aut qui sonos uocis, qui infiniti uidebantur, paucis litterarum notis terminauit? aut qui errantium stellarum cursus, progressiones, institutiones notauit? omnes magni: etiam superiores, qui fruges, qui uestitum, qui tecta, qui cultum uitæ, qui præsidia contra feras inuenerunt; a quibus mansuesacti, & exculti, a necessarijs artificijs ad elegantiora defluximus. nam & auribus oblectatio magna parta est, inuenta, & temperata uarietate, & natura sonorum: & astra suspeximus, tum ea, quæ sunt infixæ certis locis, tum illa non re, sed uocabulo errantia. quorum conuersiones, omnesq. motus qui animo uidit, is docuit similem animum suum eius esse, qui ea fabricatus in cælo esset. nam cum Archi-

chi-

chimedes lunæ, solis, quinque errantium motus in
sphæram illigauit, effecit idem, quod ille, qui in Ti
mæo mundum ædificauit, Platonis deus, ut tardi
tate & celeritate dissimillimos motus una regeret
conuersio. quod si hoc in mundo fieri sine deo non po
test: ne in sphæra quidem eosdem motus Archime
des sine diuino ingenio potuisset imitari. Mihi ue
ro ne hæc quidem notiora, & illustriora carere ui
diuina uidentur, ut ego aut poetam graue plerunque
carmen sine cælesti aliquo mentis instinctu putem
fundere, aut eloquentiam sine maiore quadam ui
fluere, abundantem sonantibus uerbis, uberibusq.
sententijs. Philosophia uero, omnium mater ar
tium, quid est aliud, nisi, ut Plato ait, donum,
ut ego, inuentum deorum? hæc nos primum ad il
lorum cultum, deinde ad ius hominum, quod situm
est in generis humani societate, tum ad modestiam,
magnitudinemq. animi erudiuit: eademq. ab ani
mo, tanquam ab oculis, caliginem dispulit, ut om
nia supera, infera, prima, ultima, media uidere
mus. prorsus hæc diuina mihi uidetur uis, quæ tot
res efficiat, & tantas. quid est enim memoria re
rum, & uerborum? quid porro inuentio? profe
cto id, quo nec in deo quidquam maius intelligi po
test. non enim ambrosia deos, aut nectare, aut
Iuuentate pocula ministrante letari arbitror. nec
Homerum audio, qui Ganymedem a dijs raptum
ait propter formam, ut Ioui pocula ministraret.
non iusta causa, cur Laomedonti tanta fieret iniu

ria. fingeat hæc Homerus, & humana ad deos transferebat. diuina, mallem, ad nos: quæ autem diuina? uigere, sapere, inuenire, meminisse. ergo animus, qui, ut ego dico, diuinus, ut Euripides audit dicere, deus est. et quidem, si deus aut anima, aut ignis est, idem est animus hominis. nam ut illa natura cælestis & terra uacat, & humore: sic utriusque harum rerum humanus animus est expers. sin autem est quintæ quædam natura, ab Aristotele inducta primum: hæc & deorum est, et animorum. hanc nos sententiam secuti, his ipsis uerbis in Consolatione hæc expressimus. Animorum nulla in terris origo inueniri potest. nihil enim est in animis mixtum, atque concretum, aut quod ex terra natum, atque fictum esse uideatur; nihil ne aut humidum quidem, aut flabile, aut igneum. his enim in naturis nihil inest, quod uim memoriæ, mentis, cogitationis habeat; quod & præterita teneat, & futura provideat, & complecti possit præsentia: quæ sola diuina sunt; nec inuenietur unquam, unde ad hominem uenire possint, nisi a deo. Singularis est igitur quædam natura, atque uis animi, seiuncta ab his usitatis, notisq. naturis. Ita, quidquid est illud, quod sentit, quod sapit, quod uult, quod uiget, cæleste, & diuinum est, ob eamq. rem æternum sit necesse est. Nec uero deus ipse, qui intelligitur a nobis, alio modo intelligi potest, nisi mens soluta quædam, & libera, segregata ab omni concretionem mortali, omnia sentiens, & omnia mouens,

uens, ipsaq. prædita motu sempiterno. Hoc e genere, atque eadem e natura est humana mens. Vbi igitur, aut qualis est ista mens? ubi tua, aut qualis? potes ne dicere? an, si omnia ad intelligendum non habeo, quæ habere uellem; ne ijs quidem, quæ habeo, mihi per te uti licebit? non ualet tantum animus, ut sese ipse uideat: at, ut oculus, sic animus, sese non uidens, alia cernit. non uidet autem, quod minimum est, formam suam. fortasse: quanquam id quoque: sed relinquamus: uim certe, sagacitatem, memoriam, motum, celeritatem uidet. hæc magna, hæc diuina, hæc sempiterna sunt. qua facie quidem sit, aut ubi habitet, ne quærendum quidem est. ut, cum uidemus speciem primum, candoremq. cæli, deinde conuersionis celeritatem tantam, quantam cogitare non possumus; tum uicissitudines dierum, atque noctium, commutationesq. temporum quadripartitas, ad maturitatem frugum, & ad temperationem corporum aptas, eorumq. omnium moderatorem & ducem solem, lunamq. accretione, & diminutione luminis quasi fastorum notantem & significantem dies; tum in eodem orbe, in XII partes distributo, quinque stellas ferri, eosdem cursus constantissime seruantes, disparibus inter se motibus; nocturnamq. cæli formam undique sideribus ornatam; tum globum terræ eminentem e mari, fixum in medio mundi uniuersi loco, duabus oris distantibus habitabilem & cultum; quarum altera, quam nos incolimus, sub

a a 3 axe

axe posita ad stellas septem, unde
 Horrifer Aquilonis stridor gelidas molitur niues;
 altera australis, ignota nobis, quam uocant Græci
 ἀνταρctica; ceteras partes incultas, quod aut frigore
 rigeant, aut urantur calore; hic autem, ubi habi-
 tamus, non intermitti, suo tempore
 Cælum nitescere, arbores frondescere,
 Vites latificas pampinis pubescere,
 Ramos bacarum ubertate incuruescere,
 Segetes largiri fruges, florere omnia,
 Fontes scatere, herbis prata conuestirier;
 tum multitudinem pecudum partim ad uestendum,
 partim ad cultus agrorum, partim ad uehendum,
 partim ad corpora uestienda; hominemq. ipsum
 quasi contemplatorem cæli, ac deorum, ipsorumq.
 cultorem, atque hominis utilitati agros omnes &
 maria parentia: hæc igitur, & alia innumerabilia
 cum cernimus, possumus ne dubitare, quin his præ-
 sit aliquis uel effector, si hæc nata sunt, ut Platoni
 uidetur, uel, si semper fuerint, ut Aristoteli pla-
 cet, moderator tanti operis, & muneris? sic men-
 tem hominis, quamuis eam non uideas, ut deum non
 uides, tamen, ut deum agnoscis ex operibus eius,
 sic ex memoria rerum, & inuentione, & celerita-
 te motus, omniq. pulchritudine uirtutis uim diui-
 nam mentis agnoscito. In quo igitur loco est? credo
 equidem, in capite; & cur credam, afferre pos-
 sum: sed de hoc alias: nunc, ubi ubi sit animus, certe
 quidem in te est. Quæ est ei natura? propria puto,
 &

& sua . sed fac igneam , fac spirabilem : nihil ad id ,
de quo agimus . illud modo uideto , ut deum noris ,
etsi eius ignores & locum , & faciem , sic animum
tibi tuum notum esse oportere , etiam si eius igno-
res & locum , & formam . In animi autem cogni-
tione dubitare non possumus , nisi plane in physicis
plumbei sumus , quin nihil sit animis admixtum , ni-
hil concretum , nihil copulatum , nihil coagmenta-
tum , nihil duplex . quod cum ita sit , certe nec secer-
ni , nec diuidi , nec discerpi , nec distrahi potest : nec
interire igitur . est enim interitus quasi discessus ,
& secretio , ac diremptus earum partium , quæ an-
te interitum iunctione aliqua tenebantur . His , &
talibus adductus Socrates , nec patronum quæsiuit
ad iudicium capitis ; nec iudicibus supplex fuit ; ad-
hibuitq. liberam contumaciam , a magnitudine ani-
mi ductam , non a superbia ; & supremo uitæ die
de hoc ipso multa disseruit ; & paucis ante diebus ,
cum facile posset educi e custodia , noluit ; & , cum
pæne in manu iam mortiferum illud teneret pocu-
lum , locutus ita est , ut non ad mortem trudi , ue-
rum in cælum uideretur ascendere . ita enim cense-
bat , itaq. disseruit : duas esse uias , duplicesq. cur-
sus animorum e corpore excedentium : nam qui se
humanis uitijs contaminassent , & se totos libidini-
bus dedidissent , quibus cæcati uel in domesticis ui-
tijs , atque flagitijs se inquinassent , uel in rep. uiol-
landa fraudes inexpiabiles concepissent , ijs deuium
quoddam iter esse , seclusum a concilio deorum : qui

autem se integros, castosq. seruauissent, quibusq. fuisset minima cum corporibus contagio, seseq. ab his semper seuocassent, essentq. in corporibus humanis uitam imitati deorum, his ad illos, a quibus essent profecti, reditum facilem patere: itaque commemorat, ut cygni, qui non sine caussa Apollini dicati sunt, sed quod ab eo diuinationem habere uideantur, quia, providentes quid in morte boni sit, cum cantu, & uoluptate moriantur; sic omnibus & bonis, & doctis esse faciendum. Nec uero de hoc quisquam dubitare posset, nisi idem nobis accederet diligenter de animo cogitantibus, quod ijs saepe usu uenit, qui acriter oculis deficientem solem intuerentur, ut aspectum omnino amitterent. sic mentis acies, se ipsam intuens, non nunquam hebescit: ob eamq. caussam contemplandi diligentiam amittimus. itaque dubitans, circumspiciens, haesitans, Multa aduersa reuerens, tanquam ratis in mari immenso, nostra uehitur oratio. Sed haec & uetera, & a Graecis. Cato autem sic abiit e uita, ut caussam moriendi nactum se esse gauderet. uetat enim dominans ille in nobis deus iniussu hinc nos suo demigrare. cum uero caussam iustam deus ipse dederit, ut tunc Socrati, nunc Catoni, saepe multis: nae ille mediusfidius uir sapiens latus ex his tenebris in lucem illam excesserit: nec tamen illa uincula carceris ruperit: leges enim uetant: sed, tanquam a magistratu, aut ab aliqua potestate legitima, sic a deo euocatus, atque emissus, exierit. tota enim philosophorum

phorum uita, ut ait idem, commentatio mortis est. nam quid aliud agimus, cum a uoluptate, id est a corpore, cum a re familiari, quæ est ministra & famula corporis, cum a rep. cum a negotio omni seuo camus animum? quid, inquam, tum agimus, nisi animum ad se ipsum aduocamus, secum esse cogimus, maximeq. a corpore abducimus? secernere autem a corpore animum, nequidquam aliud est, quàm emori discere. Quare hoc commentemur, mihi crede, disiungamusq. nos a corporibus, id est consueſcamus mori. hoc &, dum erimus in terris, erit illi cælesti uitæ simile; &, cum illuc ex his uinculis emissi feremur, minus tardabitur cursus animorum. nam qui in compedibus corporis semper fuerunt; etiam cum soluti sunt, tardius ingreditur, ui ij, qui ferro uincti multos annos fuerunt. quò cum uenerimus, tum denique uiuemus. nam hæc quidem uita, mors est: quam lamentari possem, si liberet. A. Satis tu quidem in Consolatione es lamentatus: quam cum lego, nihil malo, quàm has res relinquere; his uero auditis, multo magis. M. Veniet tempus, & quidem celeriter, & siue retardabis, siue properabis. uolat enim ætas. tantum autem abest ab eo, ut malum mors sit, quod tibi dudum uidebatur; ut uerear, ne homini nihil sit non malum aliud certe, sed nihil bonum aliud potius; siquidem uel dii ipsi, uel cum dijs futuri sumus. A. Quid refert? adsunt enim, qui hæc non probent. M. Ego autem nunquam ita te in hoc sermone

mone dimittam ulla uti ratione, ut mors tibi uideri
 malum possit. A. Qui potest, cum ista cognouerim?
 M. Qui possit, rogas? cateruæ ueniunt contradicen-
 tium, non solum Epicureorum, quos equidem non
 despicio, sed nescio quo modo doctissimus quisque
 contemnit: acerrime autem, deliciæ meæ, Dicæar-
 chus contra hanc immortalitatem differuit. is enim
 tres libros scripsit, qui Lesbiaci uocantur, quod Mi-
 tylenis sermo habetur; in quibus uult efficere, ani-
 mos esse mortales. Stoici autem usuram nobis lar-
 giuntur, tanquam cornicibus: diu mansuros aiunt
 animos, semper negant. Num uis igitur audire,
 cur, etiam si ita sit, mors tamen non sit in malis?
 A. Ut uidetur: sed me nemo de immortalitate de-
 pellet. M. Laudo id quidem: etsi nihil nimis oportet
 confidere. mouemur enim saepe aliquo acute con-
 cluso: labamus, mutamusq. sententiam clariori-
 bus etiam in rebus: in his est enim aliqua obscuri-
 tas. id igitur si acciderit, simus armati. A. Sane
 quidem: sed, ne accadat, providebo. M. Num
 quid igitur est causæ, quin amicos nostros Stoicos
 dimittamus, eos, dico, qui aiunt animos manere,
 e corpore cum excesserint, sed non semper?
 A. istos uero: qui, quod tota in hac causâ diffi-
 cillimum est, suscipiant, posse animum manere cor-
 pore uacantem; illud autem, quod non modo facile
 ad credendum est, sed, eo concessso, quod uolunt, con-
 sequens, id certe non dant, ut, cum diu permanserit,
 ne intreat. M. Bene reprehendis; & se isto modo
 res

res habet. Credamus igitur Panatio, a Platone suo
dissentienti. quem enim omnibus locis diuinum, quē
sapientissimum, quem sanctissimum, quem Home-
rum philosophorum appellat, huius hanc unam sen-
tentiam de immortalitate animorum non probat.
uult enim, quod nemo negat, quidquid natum sit,
interire; nasci autem animos, quod declarat eorum
similitudo, qui procreantur; quæ etiam in ingenijs,
non solum corporibus, appareat. Alteram autem
affert rationem: nihil esse, quod doleat, quin id æ-
grum esse quoque possit; quod autem in morbum ca-
dat, id etiam interiturum: dolere autem animos;
ergo etiam interire. Hæc refelli possunt. sunt enim
ignorantis, cum de æternitate animorum dicatur,
de mente dici, quæ omni turbido motu semper ua-
cet, non de partibus ijs, in quibus ægritudines, iræ,
libidinesq. uersentur: quas is, contra quem hæc di-
cantur, semotas a mente, & disclusas putat. nam
similitudo magis apparet in bestijs: quarum animi
sunt rationis expertes. hominum autem similitudo
in corporum figura magis extat: & ipsi animi, ma-
gni refert, quali in corpore locati sint. multa enim e
corpore existunt, quæ acuant mentem; multa, quæ
obtundant. Aristoteles quidem ait, omnes inge-
niosos melancholicos esse: ut ego me tardiozem esse
non moleste feram. enumerat multos: idq. quasi
constet, rationem, cur ita fiat, affert. Quod si tanta
uis est ad habitum mentis in ijs, quæ gignuntur in
corpore; ea sunt autem, quæcunque sunt quæ simi-
litudinem

litudinem faciant: nihil necessitatis affert, cur nascantur animi, similitudo. omitto similitudines. uellem adesse posset Panætius. uixit cum Africano. quærerem ex eo, cuius suorum similis fuisset Africani fratris nepos. facie uel patris, uita omnium perditorum ita similis, ut esset facile deterrimus. cuius etiam similis P. Crassi, & sapientis, & eloquentis hominis, nepos; multorumq. aliorum, clarorum uirorum, quos nihil attinet nominare, nepotes, & filij. Sed quid agimus? obliti ne sumus, hoc nunc nobis esse propositum, cum satis de æternitate dixissemus, ne si interirent quidem animi, quidquam mali esse in morte? A. Ego uero memineram: sed te, de æternitate dicentem, aberrare a proposito facile patiebar. M. Video te alta spectare, & uelle in cælum migrare. spero fore, ut contingat id nobis: sed fac, ut isti uolunt, animos non remanere post mortem: uideo nos, si ita sit, priuari spe beatoris uitæ; mali uero quid affert ista sententia? fac animum sic interire, ut corpus: num igitur aliquis dolor, aut omnino post mortem sensus in corpore est? nemo id quidem dicit: etsi Democritum insimulat Epicurus: Democritici negant. ne in animo quidem igitur sensus remanet. ipse enim nusquam est. ubi igitur malum est, quoniam nihil tertium? an, quoniam ipse animi discessus a corpore non fit sine dolore? ut credam ita esse, quàm est id exiguum? & falsum esse arbitror: & fit plerumque sine sensu, non nunquam etiam cum uoluptate: totumq. hoc

hoc leue est, qualecunque est. fit enim ad punctum
temporis. illud angit, uel potius excruciat, discessus
ab omnibus ijs, quæ sunt bona in uita. uide, ne a
malis dici uerius possit. quid ego nunc lugeam uitã
hominum? uere, & iure possum: sed quid necesse
est, cum id agam, ne post mortem miseros nos pu-
temus fore, uitam etiam efficere deplorando mise-
riorem? fecimus hoc in eo libro, in quo nosmet ipsos,
quantum potuimus, consolati sumus. A malis igi-
tur mors abducit, non a bonis, uerum si querimus.
hoc quidem a Cyrenaico Hegesia sic copiose disputa-
tur, ut is a rege Ptolemæo prohibitus esse dicatur il-
la in scholis dicere; quod multis, his auditis, mor-
tem sibi ipsi consciscerent. Callimachi quidem epi-
gramma in Ambraciotam Cleombrotum est: quem
ait, cum nihil ei accidisset aduersi, e muro se in ma-
re abiēcisse, lecto Platonis libro. eius autem, quæ
dixi, Hegesia liber est. ἀποκαρτερῶν; quod a uita
quidam per inediam discedens, reuocatur ab ami-
cis; quibus respondens, uitæ humanæ enumerat in-
commoda. possem id facere, etsi minus, quàm ille,
qui omnino uiuere expedire nemini putat. Omitto
alios: etiam ne nobis expedit, qui, et domesticis, et
forensibus solatijs, ornamentisq. priuati, certe, si
ante occidissimus, mors nos a malis, non a bonis
abstraxisset? sit igitur aliquis, qui nihil mali habe-
at, nullum a fortuna uulnus acceperit. Metellus ille
honoratus quattuor filijs: at quinquaginta Pria-
mus, e quibus decem & septem iusta uxore natis.

in

TVSC. DISPVT.

in utroque eandem habuit fortuna potestatem, sed
usa in altero est. Metellum enim multi filij, filia,
nepotes, neptes in rogam imposuerunt: Priamum
autem, tanta progenie orbatum, cum in aram con-
fugisset, hostis manus interemit. hic si, uiuis filiis,
incolumi regno, occidisset,

- Astante ope barbarica,

Teētis cælatis, laqueatis;

utrum tandem a bonis, an a malis, discessisset? tum
profecto uideretur a bonis. at certe ei melius eue-
nisset; nec tam flebiliter illa canerentur:

Hæc omnia uidi inflammari,

Priamo ui uitam euitari,

Iouis aram sanguine turpari.

quasi uero ista uel quidquam tum potuerit ei me-
lius accidere. quod si ante occidisset, tamen euen-
tum omnino amisisset, hoc autem tempore sensum
malorum amisit. Pompeio, nostro familiari, cum
grauiter ægrotaret Neapoli, melius est factum. co-
ronati Neapolitani fuerunt. nimirum. etiam Pu-
teolani uulgo ex oppidis publice gratulabantur. ine-
ptum sane negotium, & græculum, sed tamen for-
tunatum. utrum igitur, si tum esset extinctus, a bo-
nis rebus, an a malis, discessisset? certe a miseris.
non enim cum socero bellum gessisset: non impara-
tus arma sumpsisset: non domum reliquisset: non
ex Italia fugisset: non, exercitu amisso, nudus in
seruorum ferrum, & manus incidisset: non liberi
defleti: non fortunæ omnes a uictoribus possessæ.

qui

qui, si mortem tum obisset, in amplissimis fortunis occidisset; is, propagatione uitæ, quot, quantas, quàm incredibiles hausit calamitates? hæc morte effugiuntur, etiam si non euenerint, tamen quia pos- sunt euenire. sed homines ea sibi accidere posse non cogitant: Metelli sperat sibi quisque fortunam. pro- inde quasi aut plures fortunati sint, quàm infelices; aut certi quidquam sit in rebus humanis; aut spera- re sit prudentius, quàm timere. Sed hoc ipsum con- cedatur, bonis rebus homines morte priuari: ergo etiam carere mortuos uitæ commodis, idq. esse mi- serum? certe, ita dicant, necesse est. An potest is, qui non est, re ulla carere? triste enim est nomen ipsum carendi; quia subijcitur hæc uis: habuit, non habet, desiderat, requirit, indiget. opinor. hæc in- commoda sunt carentis: caret oculis, odiosa caci- tas: liberis, orbitas. ualet hoc in uiuis: mortuo- rum autem non uitæ modo commodis, sed ne uita quidem ipsa quisquam caret. de mortuis loquor, qui nulli sunt. nos, qui sumus, num, aut si cornibus ca- remus, aut pennis, sit qui id dixerit? certe nemo. quid ita? quia, cum id non habeas, quod tibi nec u- su, nec natura aptum sit, non careas, etiam si sen- tias te non habere. hoc premendum etiam atque e- tiam est argumentum, confirmato illo, de quo, si mortales animi sunt, dubitare non possumus, quin tantus interitus in morte sit, ut ne minima quidem suspicio sensus relinquatur. hoc igitur probe stabi- lito, & fixo, illud excutiendum est, ut sciatur quid sit

*fit carere ; ne relinquatur aliquid erroris in uerbo .
 carere igitur hoc significat , egere eo , quod habere
 uelis . inest enim , uelle , in carendo : nisi cum sic , tan
 quam in febris , dicitur , alia quadam notione uerbi .
 dicitur enim alio modo etiam carere , cum aliquid
 non habeas , & non habere te sentias , etiam si id fa
 cile patiare . carere enim malo , id non dicitur ; non
 enim esset dolendum : dicitur illud , bono carere ;
 quod est malum . sed ne uiuus quidem bono caret ,
 si eo non indiget : sed in uiuo intelligi tamen potest .
 regno carere , dici hoc in te satis subtiliter non po
 test : posset in Tarquinio , cum regno esset expulsus :
 at in mortuo ne intelligi quidem potest . carere e
 nim sentientis est : nec sensus in mortuo est : ne ca
 rere quidem igitur in mortuo est . quanquam quid
 opus est in hoc philosophari , cum rem non magno
 pere egere philosophia uideamus ? quoties non mo
 do ductores nostri , sed uniuersi etiam exercitus ad
 non dubiam mortem concurrerunt ? quæ quidem si
 timeretur , non L. Brutus , arcens eum reditu tyran
 num , quem ipse expulerat , in prælio concidisset :
 non cum Latinis decertans pater Decius , cum Etru
 scis filius , etiam cum Pyrrho nepos , se hostium telis
 obiecisset : non uno bello pro patria cadentes Scipio
 nes Hispania uidisset , Paulum Aemilium Cannæ ,
 Venusia Marcellum , Latini Albinū , Lucani Grac
 chum . num quis horum miser hodie ? ne tum qui
 dem post spiritum extremum ? nec enim potest esse
 miser quisquam , sensu perempto . at id ipsum odio
 sum*

sum est, sine sensu esse. odiosum, si id esset carere. cum uero perspicuum sit, nihil posse in eo esse, qui ipse non sit: quid potest esse in eo odiosum, qui nec careat, nec sentiat? quanquam hoc quidem nimis sæpe, sed eo quod in hoc inest omnis animi contractio ex metu mortis. qui enim satis uiderit, id quod est luce clarius, animo, & corpore consumpto, totoq. animante deleta, & facto interitu uniuerso, illud animal, quod fuerit, factum esse nihil; is plane perspiciet, inter hippocentaurum, qui nunquam fuerit, & regem Agamemnonem nihil interesse; nec pluris nunc facere M. Camillum hoc ciuile bellum, quam, illo uiuo, ego fecerim Romam captam. cur igitur & Camillus doleret, si hæc post trecentos & quinquaginta fere annos euentura putaret: & ego doleam, si ad decem millia annorum gentem aliquam urbe nostra potituram putem? quia tanta caritas patriæ est, ut eam non sensu nostro, sed salute ipsius metiamur. itaque non deterret sapientem mors, quæ propter incertos casus quotidie imminet, propter breuitatem uitæ nunquam longe potest abesse, quo minus in omne tempus reip. suisq. consulat, & posteritatem ipsam, cuius sensum habiturus non sit, ad se putet pertinere. Quare licet etiam, mortalem esse animum iudicantem, æterna moliri, non gloriæ cupiditate, quam sensurus non sit, sed uirtutis, quam necessaria gloria, etiam si tu id non agas, consequatur. Natura uero se sic habet, ut, quo modo initium nobis rerum omnium ortus

b b noster

TVSC. DISPVT.

noſter afferat, ſic exitum mors. quæ ut nihil perti-
nuit ad nos ante ortum, ſic nihil poſt mortem per-
tinebit. in quo quid poteſt eſſe mali, cum mors nec
ad uiuos pertineat, nec ad mortuos? alteri nulli
ſunt, alteros non attingit. quam qui leuiorem fa-
ciunt, ſomni ſimillimam uolunt eſſe. quaſi uero
quiſquam ita nonaginta annos uelit uiuere, ut, cum
ſexaginta confecerit, reliquos dormiat. ne ſues
quidem id uelint, non modo ipſe. Endymion uero,
ſi fabulas audire uolumus, nescio quando in Lat-
mo obdormiuit, qui eſt mons Cariæ, nondum, opi-
nor, experrectus. num igitur eum curare cenſes,
cum Luna labore, a qua conſopitus putatur, ut
eum dormientem oſcularetur? quid curet autem,
qui ne ſentit quidem? habes ſomnum imaginem
mortis; eamq. quotidie induis: & dubitas, quin
ſenſus in morte nullus ſit, cum in eius ſimulacro ui-
deas eſſe nullum ſenſum? Pellantur ergo iſtæ ine-
ptiæ pæne aniles, ante tempus mori miſerum eſſe.
quod tandem tempus? naturæ ne? at ea quidem
dedit uſuram uitæ, tanquam pecuniæ, nulla præ-
ſtituta die. quid eſt igitur, quod querare, ſi repe-
tit cum uult? ea enim conditione acceperas. Iidem,
ſi puer paruus occidit, æquo animo ferendum pu-
tant; ſi uero in cunis, ne querendum quidem.
Atqui ab hoc acerbius exegit natura, quod dede-
rat. nondum guſtauerat, inquit, uitæ ſuaui-
tatem: hic autem iam ſperabat magna, quibus frui
cæperat. At id quidem ipſum in ceteris rebus me-
lius

lius putatur, aliquam partem, quàm nullam, attingere: cur in uita secus? quanquam non male ait Callimachus, multo sapius lacrymasse Priamum, quàm Troilum. Eorum autem, qui exacta ætate moriuntur, fortuna laudatur: cur? nam, reor, non illis, si uita longior daretur, posset esse iucundior. nihil est enim profecto homini prudentia dulcius: quam, ut cetera auferat, affert certe senectus. quæ uero ætas longa est? aut quid omnino homini longum? non ne modo pueros, modo adulescentes in cursu a tergo insequens nec opinantes affecuta est senectus? sed, quia ultra nihil habemus, hoc longum dicimus. omnia ista, perinde ut cuique data sunt, pro rata parte aut longa, aut breuia dicuntur. Apud Hipanin fluium, qui ab Europæ parte in pontum influit, Aristoteles ait bestiolas quasdam nasci, quæ unum diem uiuant. ex his igitur hora octaua quæ mortua est, prouecta ætate mortua est; quæ uero occidente sole, decrepita; eo magis, si etiam solstitiali die. confer nostram longissimam ætatem cum eternitate: in eadē propemodum breuitate, qua illæ bestiolæ, reperiemur. Contemnamus igitur omnes ineptias; (quod enim leuius huic leuitati nomē imponam?) totamq. uim bene uiuendi in animi robore, ac magnitudine, & in omnium rerum humanarum contemptione, ac despicientia, & in omni uirtute ponamus. nam nūc quidem cogitationibus mollissimis effeminamur; ut, si ante mors aduentet, quàm Chaldaeorum promiss-

TVSC. DISPUT.

sa consecuti sumus, spoliati magnis quibusdam bonis, illusi, destitutiq. uideamur. quod si expectando, & desiderando pendemus animis, cruciamur, angimur: pro dii immortales, quam optabiliter illud iter ineundum esse debet, quo confecto, nulla reliqua cura, nulla sollicitudo futura sit? Quam me delectat Theramenes, quamq. elato animo est? et si enim flemus, cum legimus: tamen non miserabiliter uir clarus emoritur. qui cum, coniectus in carcerem triginta iussu tyrannorum, uenenum ut sitiens obbibisset; reliquum sic e poculo eiecit, ut id resonaret. quo sonitu reddito, ridens, propino, inquit, hoc pulchro Critia, qui in eum fuerat teterri mus. Græci enim in conuiujs solent nominare, cui poculum tradituri sint. Iussit uir egregius extremo spiritu, cum iam præcordijs conceptam mortem contineret: uereq. ei, qui uenenum præbuerat, mortem est eam auguratus, quæ breui consecuta est. quis hanc animi maximi æquitatem in ipsa morte laudaret, si mortem malum iudicaret? Vadit in eundem carcerem, atque in eundem paucis post annis scyphum Socrates, eodem scelere iudicium, quo tyrannorum Theramenes. quæ est igitur eius oratio, qua facit eum Plato usum apud iudices, iam morte multatum? Magna me, inquit, spes tenet, iudices, bene mihi euenire, quod mittar ad mortem. necesse est enim sit alterum de duobus, ut aut sensus omnino mors omnes auferat, aut in alium quendam locum ex his locis morte migretur. quam obrem

obrem siue sensus extinguitur, morsq. ei somno similis est, qui non nunquam, etiam sine uisis somniorum, placatissimam quietem affert: dii boni, quid lucri est emori? aut quàm multi dies reperiri possunt, qui tali nocti anteponantur, cui similis futura est perpetuitas omnis consequentis temporis? quis me beator? sin uera sunt quæ dicuntur, migrationem esse mortem in eas oras, quas, qui e uita excefferunt, incolunt: id multo iam beatius est, te, cum ab ijs, qui se iudicum numero haberi uolunt, euaseris, ad eos uenire, qui uere iudices appellantur, Minoem, Rhadamanthum, Aeacum, Triptolemum; conuenireq. eos, qui iuste & cum fide uixerint. Hæc peregrinatio mediocris uobis uideri potest? Ut uero colloqui cum Orpheo, Musæo, Homero, Hesiodo liceat, quanti tandem aestimatis? equidem sæpe mori, si fieri posset, uellem, ut ea, quæ dico, mihi liceret inuenire. Quanta delectatione autem afficerer, cum Palamedem, cum Aiacem, cum alios iudicio iniquorum circumuentos conuenirem? Tentarem etiam summi regis, qui maximas copias duxit ad Troiam, & Ulyssis, Sisyphiq. prudentiam: nec ob eam rem, cum hæc exquirerem, sicut hic faciebam, capite damnarer. Ne uos quidem iudices, ij, qui me absoluitis, mortem timueritis. nec enim cuiquam bono mali quidquam euenire potest nec uiuo, nec mortuo: nec unquam eius res a dijs immortalibus negligentur: nec mihi ipsi hoc accidit fortuito. Nec uero ijs, a quibus ac-

TVSC. DISPVT.

cusatus sum, aut a quibus condemnatus, habeo quod succenseam, nisi quod mihi nocere se crediderunt. & hoc quidem hoc modo: nihil autem melius æstimo. Sed tempus est, inquit, iam hinc abire me, ut moriar; uos, ut uitam agatis. utrum autem sit melius, dii immortales sciunt; homines quidem scire arbitror neminem. Næ ego haud paullo hunc animum malim, quàm eorum omnium fortunas, qui de hoc iudicauerunt. et si, quod præter deos negat scire quenquam, id scit ipse, utrum melius sit: nam dixit ante: sed suum illud, nihil ut affirmet, tenet ad extremum. nos autem teneamus, ut nihil censeamus esse malum, quod sit a natura datum omnibus; intelligamusq., si mors malum sit, esse sempiternum malum. nam uitæ miserae mors finis esse uidetur: mors si est misera, finis esse nullus potest. Sed quid ego Socratem, aut Theramenē, præstantes uiros uirtutis, & sapientiæ gloria, commemoro, cum Lacedæmonius quidam, cuius ne nomen quidem proditum est, mortem tantopere contempserit, ut, cum ad eam duceretur damnatus ab Ephoris, & esset uultu hilari, atque leto, dixissetq. ei quidam inimicus, contemnis ne leges Lycurgi? responderit; ego uero illi maximam gratiam habeo, qui me ea pœna multauerit, quam sine mutatione, & sine uersura possem dissoluere. O uirum Sparta dignum: ut mihi quidem, qui tam magno animo fuerit, innocens damnatus esse uideatur. Tales innumerabiles nostra ciuitas tulit. sed quid dic

ces,

ces, & principes nominem, cum legiones scribat
Cato saepe alacres in eum locum profectas, unde re-
dituras se non arbitrarentur? Pari animo Lace-
dæmonij in Thermopylis occiderunt: in quos Si-
monides:

Dic hospes Spartæ, nos te hic uidisse iacentes,

Dum sanctis patriæ legibus obsequimur.

Quid ille dux Leonidas dicit? pergite animo forti
Lacedæmonij: hodie apud inferos fortasse cenabi-
mus. fuit hæc gens fortis, dum Lycurgi leges uige-
bant. e quibus unus, cum Perses hostis in colloquio
dixisset glorians, solem præ iaculorum multitudine
& sagittarum non uidebitis; in umbra igitur, in-
quit, pugnabimus. Viros commemoro: qualis tan-
dem Lacæna? quæ cum filium in prælium misisset,
& interfectum audisset, iccirco, inquit, genue-
ram, ut esset qui pro patria mortem non dubitaret
occumbere. Esto: fortes, & duri Spartiata: ma-
gnam habet uim reip. disciplina: quid? Cyrenæum
Theodorum, philosophum non ignobilem, non ne
miramur? cui cum Lysimachus rex crucem mina-
retur; istis, quæso, inquit, ista horribilia minitare
purpuratis tuis: Theodori quidem nihil interest,
humine, an sublime putrescat. cuius hoc dicto ad-
moneor, ut aliquid etiam de humatione, & sepul-
tura dicendum existimem. rem non difficilem, ijs
præsertim cognitis, quæ de nihil sentiendo paullo an-
te dicta sunt. de qua Socrates quidem quid senserit,
apparet in eo libro, in quo moritur: de quo iam tam

bb 4 multa

multa diximus. cum enim de immortalitate animo-
rum disputauisset, & iam moriendi tempus urge-
ret, rogatus a Critone quemadmodum sepeliri uel-
let, Multam uero, inquit, operam amici frustra
consumpsi: Critoni enim nostro non persuasi, me
hinc auolaturum, neque quidquam mei relicturum.
ueruntamen Crito, si me assequi potueris, aut si-
cubi nactus eris; ut tibi uidebitur, sepelito. sed,
mihi crede, nemo me uestrum, cum hinc excessero,
consequetur. Praclare id quidem, qui & amico
permiserit, & se ostenderit de hoc toto genere nihil
laborare. Durior Diogenes, & id quidem sentiens,
sed, ut Cynicus, asperius, proijci se iussit inhumatum.
tum amici, uolucris ne, & feris? minime
uero, inquit: sed bacillum prope me, quo abigam,
ponitote. qui poteris, illi? non enim senties. quid
igitur mihi ferarum laniatus oberit nihil sentienti?
Praclare Anaxagoras: qui cum Lampfaci morere
tur, quarentibus amicis, uellet ne Clazomenas in
patriam, si quid accidisset, afferri; nihil necesse
est, inquit: undique enim ad inferos tantundem uia
est. Totaq. de ratione humationis unum tenendum
est; ad corpus illam pertinere, siue occiderit ani-
mus, siue uigeat: in corpore autem, perspicuum est,
uel extincto animo, uel elapso, nullum residere sen-
sum. Sed plena errorum sunt omnia. trahit Hector
rem ad currum religatum Achilles: lacerari eum,
& sentire credo putat. ergo hic ulciscitur, ut quidē
sibi uidetur: at illa sicut acerbissimam rem mæret:
Vidi,

*Vidi, uidere quod me passa ægerrime,
Curru Hectorem quadriiugo raptarier.
quem Hectorem? aut quam diu ille erit Hector?
melius Attius, & aliquando sapiens Achilles:
Immo enim uero corpus Priamo reddidi, Hecto-
rem abstuli. non igitur Hectora traxisti, sed
corpus quod fuerat Hectoris. Ecce alius exoritur
e terra, qui matrem dormire non sinat.
Mater, te appello, quæ curam, somno suspen-
sam, leuas,*

*Neque te mei miseret: surge, & sepeli natum.
hæc cum pressis & flebilibus modis, qui totis thea-
tris mæstitiam inferant, concinuntur; difficile est
non eos, qui inhumati sunt, miseros iudicare.*

- Prius quàm feræ,

Volucresque.

*metuit, ne laceratis membris minus bene utatur;
ne combustis, non extimescit.*

*Hen, reliquias semiaffi regis, denudatis ossibus,
Per terram sanie delibutam fæde diuexarier.
non intelligo, quid metuat, cum tam bonos septe-
narios fundat ad tibiam. Tenendum est igitur, ni-
hil curandum esse post mortem: cum multi inimicos
etiam mortuos puniant. Execratur luculentis sane
uersibus apud Ennium Thyestes, primum ut nau-
fragio pereat Atreus. durum hoc sane: talis enim
interitus non est sine graui sensu: illa inania;*

- Ipse summis saxis fixus asperis,

*Enisceratus, latere pendens, saxa spargens tabo,
Sanie,*

Sanie, & sanguine atro.
 non ipsa saxa magis sensu omni uacabunt, quàm il-
 le latere pendens, cui se hic cruciatum censet opta-
 re. quàm essent dura, si sentiret? nulla sine sensu.
 Illud uero perquam inane:

Neque sepulcrum, quo recipiatur habeat, portum
 corporis,

Vbi, remissa humana uita, corpus requiescat malis.
 Vides, quanto hæc in errore uersentur. portum es-
 se corporis, & requiescere in sepulcro putat mor-
 tuum. magna culpa Pelopis, qui non erudierit fi-
 lium, nec docuerit quatenus esset quidque curan-
 dum. Sed quid singulorum opiniones animaduer-
 tam, nationum uarios errores perspicere cum li-
 ceat? Condiunt Aegyptij mortuos, & eos domi
 seruant. Persæ etiam cera circumlitos condunt, ut
 quammaxime permaneant diuturna corpora. ma-
 gorum mos est, non humare corpora suorum, nisi a
 feris sint antea laniata. in Hyrcania plebs publi-
 cos alit canes; optimates, domesticos. nobile au-
 tem genus canum illud scimus esse. sed pro sua quis-
 que facultate parat, a quibus lanietur: eamq. opti-
 mam illi esse censent sepulturam. Per multa alia
 colligit Chrysippus, ut est in omni historia curiosus:
 sed ita tetra sunt quædam, ut ea fugiat, & reformi-
 det oratio. Totus igitur hic locus est contemnendus
 in nobis, non negligendus in nostris, ita tamen, ut
 mortuorum corpora nihil sentire sentiamus. quan-
 tum autem consuetudini, famæq. dandum sit, id cu-
 rent

rent uiui, sed ita, ut intelligant nihil ad mortuos pertinere. sed profecto mors tum æquissimo animo appetitur, cum suis se laudibus uita occidens consolari potest. nemo parum diu uixit, qui uirtutis perfectæ perfecto functus est munere. multa mihi ipsi ad mortem tempestiua fuerunt: quæ utinam potuissem obire. nihil enim iam acquirebatur: cumulatæ erant officia uitæ: cum fortuna bella restabant.

Quare, si ipsa ratio minus perficiet, ut mortem negligere possimus: at uita acta perficiat, ut satis superq. uixisse uideamur. quanquam enim sensus abierit; tamen summis, & proprijs bonis & laudis, & gloriæ, quamuis non sentiant, mortui non carent. etsi enim nihil in se habeat gloria, cur expectatur; tamen uirtutem tanquam umbra sequitur. uerum multitudinis iudicium de bonis, si quando est, magis laudandum est, quàm illi ob eam rem beati. Non possum autem dicere, (quoquo modo hoc accipiatur) Lycurgum, Solonem legum & publicæ disciplinæ carere gloria; Themistoclem, Epaminondam bellicæ uirtutis. ante enim Salamina ipsam Neptunus obruet, quàm Salaminij trophæi memoriâ: priusq. Bæotia Leuctra tollentur, quàm pugnæ Leuctricæ gloria. Multo etiam tardius fama deseret Curium, Fabricium, Calatinum, duos Scipiones, duos Africanos, Maximum, Marcellum, Paullum, Catonem, Lælium, innumerabiles alios. quorum similitudinem aliquam qui arripuerit, non eam fama populari, sed uera bonorum laude metiens,

T V S C. D I S P V T.

tiens, fidenti animo, si ita res feret, gradietur ad mortem: in qua aut summum bonum, aut nullum malum esse cognouimus: secundis uero suis rebus uolet etiam mori. non enim tam cumulus bonorum incundus esse potest, quam molesta decessio. Hanc sententiam significare uidetur Laconis illa uox, qui, cum Rhodius Diagoras, Olympionices nobilis, uno die duos suos filios uictores Olympiae uidisset, accessit ad senem, & gratulatus, morere Diagora, inquit: non enim in caelum ascensurus es. Magna haec, & nimium fortasse Graeci putant, uel tum potius putabant: isq., qui hoc Diagorae dixit, permagnum existimans tres Olympionicas una ex domo prodire, cunctari illum diutius in uita, fortunae obiectum, inutile putabat ipsi. Ego autem, tibi quidem quod satis esset, paucis uerbis, ut mihi uidebar, responderam: concesseras enim, nullo in malo mortuos esse: sed ob eam causam contendi, ut plura dicerem, quod in desiderio, & luctu haec est consolatio maxima. nostrum enim, et nostra causa susceptum dolorem modice ferre debemus; ne & nosmet ipsos amare uideamur. illa suspicio intolerabili dolore cruciat, si opinamur eos, quibus orbati sumus, esse cum aliquo sensu in ijs malis, quibus uulgo opinantur. hanc excutere opinionem mihi met radicatus uolui, eoq. fui fortasse longior. A. Tu longior? non mihi quidem. prior enim pars orationis tuae faciebat, ut mori cuperem; posterior, ut modo non nollem, modo non laborarem: omni autem ratione il-

lud

lud certe perfectum est, ut mortem non ducerem
in malis. M. Num igitur etiam rhetorum epilo-
gum desideramus, an iam hanc artem plane relin-
quimus? A. Tu uero istam ne reliqueris, quam
semper ornaſti: & quidem iure: illa enim te, si ue-
re loqui uolumus, ornauerat. sed quinam est iste epi-
logus? aueo enim audire, quidquid est. M. Deo-
rum immortalium iudicia solent in scholis proferre
de morte, nec uero ea fingere ipsi, sed Herodoto au-
ctore, alijsq. pluribus. Primum Argiae sacerdotis
Cleobis & Biton filij praedicantur. nota fabula est.
cum enim illam ad sollemne, & statum sacrificium
curru uehi ius esset, satis longe, ab oppido ad fanū;
morarenturq. iumenta: tunc iuuenes ij, quos mo-
do nominaui, ueste posita, corpora oleo perunxe-
runt, ad iugum accesserunt. ita sacerdos aduecta in
fanum, cum currus esset ductus a filiis, precata a
dea dicitur, ut illis praemium daret pro pietate,
quod maximum homini dari posset a deo: post, epu-
lato cum matre adolescentes, somno se dedisse, ma-
ne inuentos esse mortuos. Simili precatatione Tropho-
nius, et Agamedes usi dicuntur: qui, cum Apollini
Delphis templum exaedificassent, uenerantes deum
petierunt mercedem non parua quidem operis, et
laboris sui, nil certi, sed quod esset optimū homini.
quibus Apollo se id daturum ostendit post eius diei
diem tertium: qui ut illuxit, mortui sunt reperti.
iudicauisse deum dicunt, & eum quidem deum, cui
reliqui dij concessissent, ut praeter ceteros diuinaret,
mortem

TVSC. DISPVT.

mortem esse optimum homini. Fertur etiam de Sileno fabella quædam: qui cum a Mida captus esset, hoc ei muneris pro sua missione dedisse scribitur; do-
cuisse regem, non nasci homini longe optimum esse;
proximum autem, quamprimum mori. qua est sen-
tentia in Cresphonte usus Euripides.

Nam nos decebat, cætus celebrantes domum,
Lugere, ubi esset aliquis in lucem editus,
Humanæ uitæ uaria reputantes mala:

At, qui labores morte finisset graues,
Omnes amicos laude, & lætitia exequi.

Simile quiddam est in consolatione Crantoris: ait e-
nim Terinæum quendam Elisium, cum grauius fi-
lij mortem mæreret, uenisse in psychomantium,
querentem quæ fuisset tantæ calamitatis causa:
huic in tabellis tres huiusmodi uersiculos datos:

Ignaris homines in uita mentibus errant.

Euthymus potitur fatorum munere læto.

Sic fuit utilius finire, ipsiq., tibi que.

His et talibus auctoribus usi, confirmant causam,
rebus a dijs immortalibus iudicatam. Alcidas
quidam, rhetor antiquus in primis nobilis, scripsit
etiam laudationem mortis, quæ constat ex enumera-
tione malorum humanorum. cui rationes eæ, quæ
exquisitijs a philosophis colliguntur, defuerunt, u-
bertas orationis non defuit. Claræ uero mortes pro
patria appetitæ, non solum gloriosæ rhetoribus, sed
etiam beatæ uideri solent. repetunt ab Erechtheo:
cuius etiam filia cupide mortem expetuerunt pro
uita

uita ciuium: Codrum, qui se in medios immisit ho-
stes famulari ueste, ne posset agnosci, si esset ornatu
regio: quòd oraculum erat datum, si rex interfe-
ctus esset, uictrices Athenas fore. Menechus uero
non pratermittitur: qui, oraculo edito, largitus est
patriæ suum sanguinem. Iphigenia Aulide duci se
immolandam iubet, ut hostium sanguis eliciatur
suo. Veniunt inde ad propiora. Harmodius in ore,
& Aristogiton: Lacedæmonius Leonidas, Theba-
nus Epaminondas uigent. nostros non norunt: quos
enumerare magnum est: ita sunt multi, quibus ui-
demus optabiles fuisse mortes cum gloria. Quæ cū
ita sint; magna tamen eloquentia est utendum, at-
que ita uelut superiore e loco concionandum, ut ho-
mines mortem uel optare incipiant, uel certe time-
re desistant. nam si supremus ille dies non extinctio-
nem, sed commutationem affert loci: quid optabi-
lius? sin autem perimit, ac delet omnino: quid me-
lius, quàm in medijs uitæ laboribus obdormiscere,
& ita conuiuentem somno consopiri sempiterno?
quod si fiat; melior Ennij, quàm Solonis, oratio.
hic enim noster,

Nemo me lacrymis coret, (inquit) nec funera
fletu Faxit. at uero sapiens ille,
Mors mea ne careat lacrymis: linguamus amicis
Mærorem, ut celebrent funera cum gemitu.
nos uero, si quid tale acciderit, ut a deo denuntia-
tum uideatur ut exeamus e uita, læti, & agentes
gratias pareamus, emittiq. nos e custodia, & le-
uari

TVSC. DISPVT.

uari uinculis arbitremur; ut aut in eternam, & plane in nostram domum remigremus; aut omni sensu, molestiaq. careamus: sin autem nihil denuntiabitur; eo tamen simus animo, ut horribile illud diem alijs, nobis faustum putemus; nihil in malis ducamus, quod sit uel a dijs immortalibus, uel a natura, parente omnium, constitutum. non enim temere, nec fortuito sati, & creati sumus: sed profecto fuit quædam uis, quæ generi consuleret humano, nec id gigneret, aut aleret, quod, cum exantlauisset omnes labores, tum incideret in mortis malum sempiternum. portum potius paratum nobis, & perfugium putemus. quò utinam uelis passis peruehi liceat. sin, reflantibus uentis, reijciemur: tamen, eodem paullo tardius referamur, necesse est. quod autem omnibus necesse est, id ne miserum esse uni potest? Habes epilogum, ne quid prætermisissum, aut relictum putes. A. Ego uero. et quidem fecit etià iste me epilogus firmiorem. M. Optime, inquam: sed nunc quidem ualetudini tribuamus aliquid: cras autem, & quot dies erimus in Tusculano, agamus hæc, & ea potissimum, quæ leuationem habeant ægritudinum, formidinum, cupiditatum. qui omni e philosophia est fructus uberrimus.

M. TVL-

201

M. TVLLII CICERONIS
TVSCVLANARVM
DISPVATIONVM
LIBER II.

de tolerando dolore.

N EOPTOLEMVS quidem apud
Ennium philosophari sibi ait necesse
esse, sed paucis; nam, omnino, haud
placere: ego autem, Brute, neces-
se quidem mihi esse arbitror philosophari; (nam
quid possum, praesertim nihil agens, agere me-
lius?) sed non paucis, ut ille. difficile est enim in
philosophia, pauca esse ei nota, cui non sint aut ple-
raque, aut omnia. nam nec pauca, nisi e multis, eli-
gi possunt; nec, qui pauca perceperit, non idem re-
liqua eodem studio persequetur. sed in uita tamen
occupata, atque, ut Neoptolemi tum erat, milita-
ri, pauca ipsa multum saepe prosunt, & ferunt fru-
ctus, si non tantos, quanti ex uniuersa philosophia
percipi possunt, tamen eos, quibus aliqua ex parte
interdum aut cupiditate, aut aegritudine, aut me-
tu liberemur: uelut ex ea disputatione, quae mi-
hi nuper habita est in Tusculano, magna uidebatur
mortis effecta contemptio: quae non minimum ualet
ad animum metu liberandum. nam qui id, quod ui-
tari non potest, metuit, is uiuere animo quieto nul-
lo modo potest: sed qui, non modo quia necesse est

cc mori,

TVSC. DISPVT.

mori, uerum etiam quia nihil habet mors, quod sit horrendum, mortem non timet, magnum is sibi præsidium ad beatam uitam comparauit. quam non sumus ignari, multos studiose contra esse dicturos. quod uitare nullo modo potuimus: nisi nihil omnino scriberemus. etenim si orationes, quas nos multitudinis iudicio probari uolebamus; (popularis est enim illa facultas, et effectus eloquentiæ est audientium approbatio) sed si reperiiebantur non nulli, qui nihil laudarent, nisi quod se imitari posse considerent; quemq. sperandi sibi, eundem & bene dicendi finem proponerent; & cum obruerentur copia sententiarum, atque uerborum, ieiunitatem, & famem se malle, quam ubertatem, & copiam dicerent; unde erat exortum genus Atticorum, ijs ipsis, qui id sequi se profitebantur, ignotum; qui iam conticuere, pæne ab ipso foro irrisi: quid futurum putamus, cum adiutore populo, quo utebamur antea, nunc minime nos uti posse uideamus? est enim philosophia paucis contenta iudicibus, multitudinem consulto ipsa fugiens, eiq. ipsi & suspecta, & inuisa: ut uel, si quis uniuersam uelit uituperare, secundo id populo facere possit; uel, si in eam, quam nos maxime sequimur, conetur inuadere, magna habere possit auxilia ex reliquorum philosophorum disciplinis. Nos autem uniuersæ philosophiæ uituperatoribus respondimus in Hortensio: pro Academia autem quæ dicenda erant, satis accurate in Academi-

cis

cis quattuor libris explicata arbitramur. sed tamen tantum abest, ut scribi contra nos nolumus, ut id etiam maxime optemus. in ipsa enim Græcia philo- sophia tanto in honore nunquam fuisset, nisi doctissi- morum contentionibus dissensionibusq. uiguisset.

Quamobrem hortor omnes, qui facere id possunt, ut huius quoque generis laudem iam languenti Græ- ciæ eripiant, & perferant in hanc urbem, sicut reli- quas omnes, quæ quidem erant expetendæ, studio atque industria sua maiores nostri transtulerunt.

Atque oratorum quidem laus ita ducta ab humili uenit ad summum, ut iam, quod natura fert in om- nibus fere rebus, senescat, breuiq. tempore ad ni- hilum uentura uideatur. philosophia nascatur lati- nis quidem litteris ex his temporibus; eamq. nos adiuuamus; nosq. ipsos redargui, refelliq. patia- mur. quod ij ferunt animo iniquo, qui certis quibus- dam, destinatisq. sententijs quasi addicti, & conse- crati sunt, eaq. necessitate constricti, ut, etiam quæ non probare soleant, ea cogantur constantiæ causa defendere. nos, qui sequimur probabilia, nec ultra id, quod uerisimile occurrerit, progredi possumus, & refellere sine pertinacia, & refelli sine iracun- dia parati sumus. quod si hæc studia traducta erunt ad nostros; ne bibliothecis quidem græcis egebimus, in quibus multitudo infinita librorum propter eo- rum est multitudinem, qui scripserunt. eadem enim dicuntur a multis: ex quo libris omnia referta sunt. quod accidet etiam nostris, si ad hæc studia plures

TVSC. DISPVT.

confluxerint . sed eos , si possumus , excitemus , qui liberaliter eruditi , adhibita etiam differendi elegancia , ratione , & uia philosophantur . Est enim quoddam genus eorum , qui se philosophos appellari uolunt , quorum dicuntur esse latini sane multi libri : quos non contemno equidem , quippe quos nunquam legerim : sed , quia profitentur ipsi illi , qui eos scribunt , se neque distinde , neque distribute , neque eleganter , neque ornate scribere , lectionem sine ulla delectatione negligo : quid enim dicant , et quid sentiant ij , qui sunt ab ea disciplina , nemo , mediocriter quidem doctus , ignorat . quamobrem , quoniam , quemadmodum dicant , ipsi non laborant ; cur legendi sint , nisi ipsi inter se , qui idem sentiunt , non intelligo . nam ut Platonem , reliquosq. Socraticos , & deinceps eos , qui ab his profecti sunt , legunt omnes , etiam qui illa aut non approbant , aut non studiosissime consecretantur ; Epicurum autem , & Metrodorum non fere , praeter suos , quisquam in manus sumit : sic hos Latinos ij soli legunt , qui illa recte dici putant . Nobis autem uidetur , quidquid litteris mandetur , id commendari omnium eruditorum lectione debere . nec , si ipsi minus consecretantur , qui possumus , iccirco minus id ita faciendum esse sentimus . itaque mihi semper Peripateticorum , Academiaeq. consuetudo , de omnibus rebus in contrarias partes differendi , non ob eam causam solum placuit , quod aliter non posset , quid in quaque re uerisimile esset , inueniri ; sed etiam , quod esset ea
maxi-

maxima dicendi exercitatio : qua princeps usus est
Aristoteles , deinde eum qui secuti sunt : nostra au-
tem memoria Philo , quem nos frequenter audiui-
mus , instituit alio tempore rhetorum præcepta tra-
dere , alio philosophorum . ad quam nos consuetudi-
nem a familiaribus nostris adducti , in Tusculano ,
quod datum est temporis nobis , in eo cōsumpsimus .
itaque cum ante meridiem dictioni operam dedisse-
mus , sicut pridie feceramus ; post meridiem in Aca-
demiā descendimus . in qua disputationem habitā
non quasi narrantes exponimus , sed eisdem fere uer-
bis , ut actum , disputatumq̃ . est . est igitur ambulan-
tibus ad hunc modum sermo ille nobis institutus , &
a tali quodam inductus exordio . A. Dicit non potest ,
quā sim hesternā disputatione tua delectatus , uel
potius adiutus . etsi enim mihi conscius sum , nun-
quam me nimis cupidum fuisse uitæ : tamen obijcie-
batur interdum animo metus quidam , & dolor , co-
gitanti fore aliquando finem huius lucis , & amissio-
nem omnium uitæ commodorum . hoc genere mole-
stia sic , mihi crede , sum liberatus , ut nihil minus
curandum putem . M. Minime mirum id quidem .
nam efficit hoc philosophia : medetur animis : ina-
nes sollicitudines detrahit : cupiditatibus liberat : pel-
lit timores . sed hæc eius uis non idem potest apud
omnes ; tum ualet multum , cum est idoneam com-
plexa naturam . fortes enim non modo fortuna
adiuuat , ut est in uetere prouerbio , sed multo ma-
gis ratio , quæ quibusdam quasi præceptis confirmat

TVSC. DISPUT.

uim fortitudinis . te natura excelsum quendam uidelicet, & altum, & humana despicientem genuit : itaque facile in animo forti contra mortem habita insedit oratio : sed hæc eadem num censes apud eos ipsos ualere, nisi admodum paucos, a quibus inuenta, disputata, conscripta sunt ? quotus enim quisque philosophorum inuenitur, qui sit ita moratus, ita animo, ac uita constitutus, ut ratio postulat ; qui disciplinam suam, non ostentationem scientiæ, sed legem uitæ putet ; qui obtemperet ipse sibi, & decretis suis pareat ? uidere licet alios tanta lenitate, et iactatione, uis ut fuerit non didicisse melius ; alios pecuniæ cupidos, gloriæ non nullos ; multos libidinum seruos : ut cum eorum uita mirabiliter pugnet oratio. quod quidem mihi uidetur esse turpissimum. ut enim, si grammaticum se professus quispiam, barbare loquatur ; aut si absurde canat is, qui se haberi uelit musicum, hoc turpior sit, quod in eo ipso peccet, cuius profitetur scientiam : sic philosophus in ratione uitæ peccans, hoc turpior est, quod in officio, cuius magister esse uult, labitur ; artemq. uitæ professus, delinquit in uita . A. Non ne uerendum igitur, si est ita, ut dicis, ne philosophiam falsa gloria exornes ? quod est enim maius argumentum, nihil eam prodesse, quam quosdam perfectos philosophos turpiter uiuere ? M. Nullum uero id quidem argumentum est . nam ut agri non omnes frugiferi sunt, qui coluntur ; falsumq. illud, ac improbe,

Et si

Et si segetes
Fruges, tan
sic animi no
in eodem fr
sine cultura
firma animi
bilis, cultur
trahit uitia
accipiendo
rit, quæ adu
gitur, ut ce
lis. A. Dolo
riam. M. Et
audeo id dic
sententia est
sin sententi
gum, quam
gitur, turpit
dono recusa
excipiendus
ne sit sane s
M. Vides n
de doloris t
desidero. N
animoq. m
id quidem
quo ea me
tur de imb
nis philoso

Et si segetem sunt in deteriore data
 Fruges, tamen ipse suapte natura enitent:
 sic animi non omnes culti fructum ferunt. atque (ut
 in eodem simili uerfer) ut ager, quamuis fertilis,
 sine cultura fructuosus esse non potest; sic sine do-
 ctrina animus. ita est utraque res una sine altera de-
 bilis, cultura autem animi philosophia est: quæ ex-
 trahit uitia radicitus, & præparat animos ad satus
 accipiendos; eaq. mandat his, & ut ita dicam, se-
 rit, quæ adulta fructus uberrimos ferant. Agamus
 igitur, ut cœpimus: dic, si uis, de quo disputari ue-
 lis. A. Dolorem existimo maximum malorum om-
 nium. M. Etiam ne maius, quàm dedecus? A. Non
 audeo id dicere quidem, & me pudet tam cito de
 sententia esse deiectum. M. Magis esset pudendum,
 si in sententia permaneres. quid enim minus est di-
 gnum, quàm tibi quidquã peius uideri dedecore, fla-
 gitio, turpitudine? quæ ut effugias, quis est non mo-
 do nō recusandus, sed ultro appetendus, subeundus,
 excipiendus dolor? A. Ita prorsus existimo. quare
 ne sit sane summum malum dolor; malum est certe.
 M. Vides ne igitur, quantum, breuiter admonitus,
 de doloris terrore deieceris? A. uideo plane; sed plus
 desidero. M. Experiar equidem: sed magna res est;
 animoq. mihi opus est non repugnante. A. Habebis
 id quidem. ut enim heri feci, sic nunc rationem,
 quod ea me cunque ducet, sequar. M. Primum igi-
 tur de imbecillitate multorum, & de uarijs discipli-
 nis philosophorum loquar. quorum princeps & au-

TVSC. DISPVT.

Fortitate, & antiquitate, Socraticus Aristippus non dubitauit summum malum dolorem dicere. deinde ad hanc enervatam, muliebremq. sententiam satis docilem se Epicurus præbuit. hunc post Rhodius Hieronymus, dolore uacare, summum bonum dixit: tantum in dolore duxit mali. ceteri, præter Zenonem, Aristonem, Pyrrhonem, idem fere, quod modo tu; malum illud quidem, sed alia peiora. Ergo id, quod natura ipsa, & quedam generosa uirtus statim respuit, ne dolorem summum malum diceret, oppositoq. dedecore sententia depellere, in eo, magistra uitæ, tot sæcula permanet philosophia. quod huic officium, quæ laus, quod decus erit tanti, quod adipisci cum dolore corporis uelit, qui dolorem summum malum sibi esse persuasit? quam porro quis ignominiam, quam turpitudinem non pertulerit, ut effugiat dolorem, si id summum malum esse decreuerit? quis autem non miser non modo tunc, cum premetur summis doloribus, si in his est summum malum, sed etiam cum sciet id sibi posse euenire? & quis est, cui non possit? ita fit, ut omnino nemo possit esse beatus. Metrodorus quidem eum perfecte putat beatum, cui corpus bene constitutum sit, & exploratum ita semper fore. quis autem est iste, cui id exploratum possit esse? Epicurus uero ea dicit, ut mihi quidem risus captare uideatur. affirmat enim quodam loco, si uratur sapiens, si crucietur: expectas fortasse, dum dicat; patietur, perferet, non succumbet. magna mehercule

*culle laus, &
 gra: sed Ep
 hoc satis: in
 suauis est ho
 parum est,
 qui dolorem
 cuiquam su
 olisim, co
 lam: hic, q
 omnium ext
 trum. Eg
 neris affici
 mo, ut scis
 Polaridis t
 tam nim non
 tis in perse
 non postulo
 mura, mi
 damq. diffi
 lendum est
 in Oeta mag
 tur hunc m
 rat, tum co
 Cum e nipe
 Veneno im
 itaque exc
 Hen quis
 Me ex sud
 lam iam a*

cule laus, & eo ipso, per quem iuravi, Hercule digna: sed Epicuro, homini aspero, & duro, non est hoc satis: in Phalaridis tauro si erit, dicet, quàm suaue est hoc, quàm hoc non curo. suaue etiam? an parum est, si non amarum? at id quidem illi ipsi, qui dolorem malum esse negant, non solent dicere, cuiquam suaue esse, cruciari; asperum, difficile, odiosum, contra naturam dicunt, nec tamen malum: hic, qui solum hoc malum dicit, & malorum omnium extremum, sapientem censet id suaue dicturum. Ego a te non postulo, ut dolorem eisdem uerbis afficias, quibus Epicurus uoluptatem, homo, ut scis, uoluptarius. ille dixerit sane idem in Phalaridis tauro, quod si esset in lectulo: ego tantam uim non tribuo sapienti contra dolorem. sit fortis in perferendo, officij satis est: ut latetur etiam, non postulo. tristis enim res est sine dubio, aspera, amara, inimica naturæ, ad patiendum, tolerandumq. difficilis. Aspice Philoctetam: cui concedendum est gementi: ipsum enim Herculem uiderat in Oeta magnitudine dolorum eiulantem. nihil igitur hunc uirum sagittæ, quas ab Hercule acceperat, tum consolabantur:

Cum e uiperino morsu uenæ uiscerum

Veneno imbutæ tetros cruciatus cierent.

itaque exclamat auxilium expetens, mori cupiens:

Heu quis falsis fluctibus mandet

Me ex sublimi uertice saxi.

Iam iam absumor; conficit animam

Vis

TVSC. DISPVT.

Vis uulneris, ulceris æstus.
 difficile dictu uidetur, eum non in malo esse, & ma-
 gno quidem, qui ita clamare cogatur. Sed uidea-
 mus Herculem ipsum; qui tum dolore frangebatur,
 cum immortalitatem ipsa morte quærebat. quas hic
 uoces apud Sophoclem in Trachinijs edit? cui cum
 Deianira sanguine centauri tinctam tunicam indu-
 isset; inhæsissetq. ea uisceribus; ait ille:
 O multa dictu grauiā, perpeßu aspera,
 Quæ corpore exantlata, atque animo pertuli.
 Nec mihi Iunonis terror implacabilis,
 Nec tantum inuexit tristis Eurystheus mali,
 Quantum una uecors Oenei partu edita.
 Hæc me irretiuit ueste furiali inscium,
 Quæ lateri inhærens morsu lacerat uiscera,
 Vrgensq. graui ter pulmonum haurit spiritus:
 Iam decolorem sanguinem omnem exorbuir:
 Sic corpus clade horribili absumptum extabuit.
 Ipse illigatus peste interimor textili.
 Hos non hostilis dextra, non terra edita
 Moles gigantum, non biformato impetu
 Centaurus ietus corpori infixit meo,
 Non Graia uis, non barbara ulla immanitas,
 Non sæua terris gens relegata ultimis;
 Quas peragrās, undique omnē hinc feritatē expuli:
 Sed feminea uir, feminea interimor manu.
 O nate, uere hoc nomen usurpa patri,
 Ne me occidentem matris superet caritas.
 Huc arripe ad me manibus abstractam pijs.

Iam

Iam cernat
 Perge, au
 Miserere.
 Heu uirgin
 Quem uidi
 Sic feminat
 Accede nat
 Emiserat
 Videte cun
 Iam obsec
 Nunc nunc
 Nunc serpi
 O pectora,
 Vestro ne p
 Frondens e
 Hac dextra
 Placuit: h
 Erimanthi
 Hac a Tar
 Tricipitem
 Hac intere
 Draconem
 Multa ali
 Nec quisq
 Possumus
 Herculem
 niat Aesc
 gorens:
 eum Pro

*Iam cernam, me ne, an illam potiore putes .
Perge, aude nate, illacryma patris pestibus :
Miserere . gentes nostras flebunt miseras .
Heu uirginalem me ore ploratum edere ,
Quem uidit nemo ulli ingemiscens malo .
Sic feminata uirtus afflicta occidit .
Accede nate, assiste, miserandum aspice
Evisceratum corpus lacerati patris,
Videte cuncti : tuq. caelestum sator
Iace obsecro in me uim coruscantem fulminis .
Nunc nunc dolorum anxiferi torquent uertices :
Nunc serpit ardor . o ante uictrices manus ,
O pectora , o terga , o lacertorum thori ,
Vestro ne pressu quondam Nemeaeus leo
Frendens efflauit grauius extremum halitum ?
Hæc dextra Lernam terram mactata excetra
Placauit : hæc bicorpore afflixit manum :
Erimanthiam hæc uastificam abiecit beluam :
Hæc a Tartarea tenebrica abstractam plagam :
Tricipitem eduxit Hydra generatum canem :
Hæc interemit tortu multiplicabili
Draconem, auriferam obtutu obseruantem arborē .
Multa alia uictrix nostra lustrauit manus ,
Nec quisquam e nostris spolia cepit laudibus .
Possumus ne nos contemnere dolorem , cum ipsum
Herculem tam intoleranter dolere uideamus ? Ve-
niat Aeschylus, non poeta solum, sed etiam Pytha-
goreus : sic enim accepimus . quo modo fert apud
eum Prometheus dolorem , quem excipit ob furtum
Lemnium ,*

Lemnium, Vnde ignis lucet mortalibus, clam di-
uisus? eum Prometheus dictus clepsisse dolo, pæ-
nasq. Ioui fato expendisse supremo. has igitur pæ-
nas pendens, affixus ad Caucasum hæc dicit:
Titanum soboles, socia nostri sanguinis,
Generata calo, aspiciite religatum asperis
Vinctumq. saxis, nauem ut horrifono freto
Noctem pauentes timidi adnectunt nauitæ.
Saturnius me sic infixit Iupiter,
Iouisq. numen Mulcibri adsciuit manus.
Hos ille cuneos fabrica crudeli inferens,
Perrupit artus: qua miser solertia
Transuerberatus, castrum hoc furiarum incolo.
Iam tertio me quoque funesto die,
Tristi aduolatu, aduncis lacerans unguibus
Iouis satelles pastu dilaniat fero.
Tum iecore opimo farta, & satiata affatim,
Clangorem fundit uastum, & sublime aduolans
Pinnata cauda nostrum adulat sanguinem.
Cum uero adesum inflatu renouatum est iecur,
Tum rursus tetros anida se ad pastus refert.
Sic hunc custodem mæsti cruciatus alo:
Qui me perenni uiuum sædat miseria.
Nanque, ut uidetis, uinclis constrictus Iouis,
Arcere nequeo diram uolucrem a pectore.
Sic me ipse uiduus pestes excipio anxias,
Amore mortis terminum inquirens mali.
Sed longe a leto numine aspellor Iouis.
Atque hæc uetusta sæclis glomerata horridis,

Lucli-

Luclifica cl
Ex quo liqu
Gutta, qua
ux igitur p
dicere: et, s
A. Tu quid
nox uidero
gnoico. M.
uides ne ab
si sepe cred
phorum. A
maduerteba
copiosus, uer
tion. A.
M. Probe d
ulla elegam
electa poem
quam adam
studiose equ
defecerint,
namento in
oratio. Sed
mentantes
mos nostro
tur modo,
ficam disc
tam cum a
tutis elia
ea ciuitate

*Luētifica clades nostro infixā est corpori:
Ex quo liquatæ solis ardore excidunt
Gutta, quæ saxa assidue instillant Caucaſi.
uix igitur poſſe uidemur ita affectum non miſerum
dicere: et, ſi hunc miſerum, certe dolorem malum.
A. Tu quidem adhuc meam cauſſam agis. ſed hoc
mox uidero: interea unde iſti uerſus? non enim a-
gnoſco. M. Dicam hercule: etenim recte requiris:
uides ne abundare me otio? A. Quid tum? M. Fui
ſti ſæpe credo, cum Athenis eſſes, in ſcholis philoſo-
phorum. A. Vero, ac libenter quidem. M. Ani-
maduertebas igitur, et ſi tum nemo erat admodum
copioſus, ueruntamen uerſus ab his admuſceri ora-
tioni. A. Ac multos quidem a Dionyſio Stoico.
M. Probe dicis: ſed iſ, quaſi dictata, nullo delectu,
nulla elegantia: Philo & proprium numerum, &
electa poemata, & loco adiungebat. itaque, poſt-
quam adamaui hanc quaſi ſenilem declamationem,
ſtudioſe equidem utor noſtris poetis: ſed, ſicubi illi
defecerunt, uerti ipſe multa de græcis; ne quo or-
namento in hoc genere diſputationis careret latina
oratio. Sed uides ne, poetæ quid mali afferant? la-
mentantes inducunt fortiſſimos uiros: molliunt ani-
mos noſtros: ita ſunt deinde dulces, ut non legan-
tur modo, ſed etiam ediscantur. ſic ad malam dome-
ſticam diſciplinam, uitamq. umbratilem, & delica-
tam cum acceſſerunt etiam poetæ, neruos omnes uir-
tutis elidunt. recte igitur a Platone educuntur ex
ea ciuitate, quam finxit ille, cum mores optimos, et
opti-*

T V S C. D I S P V T.

optimum reip. Statum exquireret. At uero nos, do-
 Et scilicet a Gracia, hæc & a pueritia legimus, &
 didicimus, hanc eruditionem liberalem, & doctri-
 nam putamus. Sed quid poetis irascimur? uirtutis
 magistri philosophi inuenti sunt, qui summum ma-
 lum dolorem dicerent. at tu adolescens, cum id tibi
 paullo ante dixisses uideri, rogatus a me, etiam ne
 maius, quàm dedecus, uerbo de sententia destitisti.
 roga hoc idem Epicurum: maius dicet esse malum
 mediocre dolorem, quàm maximum dedecus: in
 ipso enim dedecore mali nihil esse, nisi sequantur do-
 lores. quis igitur Epicurum sequitur dolor, cum
 hoc ipsum dicit, summum malum esse dolorem? quo
 dedecus maius a philosopho nullum expecto. Qua-
 re satis mihi dedisti, cum respondiisti, maius tibi ui-
 deri malum dedecus, quàm dolorem. hoc ipsum e-
 nim si tenebis, intelliges quàm sit obsistendum do-
 lori. nec tam quærendum est, dolor malum ne sit;
 quàm firmandus animus ad dolorem ferendum. Con-
 cludunt ratiunculis Stoici, cur non sit malum: quasi
 de uerbo, non de re, laboretur. quid me decipis Ze-
 no? nam cum id, quod mihi horribile uidetur, tu o-
 mnino malum esse negas; capior, & scire cupio,
 quo modo id, quod ego miserrimum existimem, ne
 malum quidem sit. Nihil est, inquit, nisi quod tur-
 pe, & uitiosum est. Ad ineptias redis: illud enim,
 quod me angebat, non eximis. scio dolorem non
 esse nequitiam: desine id me docere: hoc doce, do-
 leam, nec ne doleam, nihil interesse. Nunquam
 quid-

quidquam,
 quod est in u-
 ciendum. Ca-
 ale perpeffi-
 est; quod om-
 tot modis po-
 lorem, cum
 quod ferri,
 succumbere n-
 nihil bonum.
 si quod turpe
 illud & meli-
 feruatur, in
 posito, & ne
 tamen excell-
 quod honest-
 pellamus,
 ampletimur
 poris, & fo-
 ta uideantur
 num in locum
 malo compa-
 turpitudine p-
 lor. nam d-
 tur, gemen-
 ri, dolore;
 ea intueber-
 dolor, &
 nulla uirtu-

quidquam, inquit, ad beate quidem uiuendum, quod est in una uirtute positum, sed tamen est reijciendum. Cur? asperum est, contra naturam, difficile perpeſſu, triste, durum. hæc copia uerborum est; quod omnes uno uerbo malum appellamus, id tot modis posse dicere. definis tu mihi, non tollis dolorem, cum dicis asperum, contra naturam, uix quod ferri, tolerariq. possit: nec mentiris: sed re succumbere non oportebat, uerbis gloriantem, dum nihil bonum, nisi quod honestum, nihil malum, nisi quod turpe. optare hoc quidem est, non docere. illud & melius, & uerius; omnia, quæ natura aspernatur, in malis esse; quæ asciscit, in bonis. hoc posito, & uerborum concertatione sublata, tantum tamen excellet illud, quod recte amplexantur isti, quod honestum, quod rectum, quod decorum appellamus, quod idem interdum uirtutis nomine amplectimur; ut omnia præterea, quæ bona corporis, & fortunæ putantur, perexigua, & minuta uideantur, nec malum quidem ullum, nec, si unum in locum collata omnia sunt, cum turpitudinis malo comparanda. Quare, si, ut initio concessisti, turpitudine peius est, quàm dolor: nihil est plane dolor. nam dum tibi turpe, nec dignum uiro uidebitur, gemere, eiulare, lamentari, frangi, debilitari, dolore; tum dignitas, tum decus aderit; tuq. in ea intueberis, te continebis: cedit profecto uirtuti dolor, & animi inductione languescet. aut enim nulla uirtus est; aut contemnendus est omnis dolor.

pruden-

TVSC. DISPVT.

prudentiam ne uis esse, sine qua ne intelligi quidem
ulla uirtus potest? quid ergo? ea patietur ne te quid
quam facere nihil proficientem, et laborantem? an
temperantia sinet te immoderate facere quidquam?
an coli iustitia poterit ab homine propter uim dolo-
ris enuntiante commissa, prodente conscios, multa
officia relinquentem? quid, fortitudini, comitibusq.
eius, magnitudini animi, grauitati, patientia, reru
humanarum despicientia quo modo respondebis? af-
flictus ne, et iacens, et lamentabili uoce deplorans,
audies, o uirum fortem? te uero ita affectum ne ui-
rum quidem dixerit quisquam. amittenda igitur
fortitudo est, aut sepeliendus dolor. ecquid scis igi-
tur, si quid de Corinthijs tuis amiseris, posse habere
te reliquam suppellectilem saluam; uirtutem autem
si unam amiseris, etsi amitti non potest uirtus, sed
si unam confessus fueris te non habere, nullam te es-
se habiturum? Num igitur fortem uirum, num ma-
gno animo, num patientem, num grauem, num hu-
mana contemnentem potes dicere aut Philoctetam
illum, (quam te enim malo dicere: sed ille certe
non fortis)

- Qui iacet in lectulo humido,
Qui eiulatu, questu, gemitu, fremitibus
Resonando, multum flebiles uoces refert.
non ego dolorem, dolorem esse nego: cur enim forti-
tudo desideraretur? sed eum opprimi dico patien-
tia; si modo est aliqua patientia: si nulla est; quid
exornamus philosophiam? aut quid eius nomine glo-
riosi

riofisumus? Pungit dolor, uel fodiat sane. si nudus
es, da iugulum: sin tectus Vulcanijs armis, id est
fortitudine; resiste. hæc enim te, nisi ita facies, cu
stos dignitatis relinquet, & deseret. Cretum qui
dem leges, quas siue Iupiter, siue Minos sanxit,
de Iouis quidem sententia, ut poetæ ferunt, itemq.
Lycurgi, laboribus erudiunt iuuentutem, uenan
do, currendo, esuriendo, sitiendo, algendo, æstuan
do. Sparta uero pueri ad aram sic uerberibus acci
piuntur, ut multus e uisceribus sanguis exeat, non
numquam etiam, ut, cum ibi essem, audiebam, ad
necem: quorum non modo nemo exclamauit un
quam, sed ne ingemuit quidem. quid ergo? hoc pue
ri possunt, uiri non poterunt? &, quod mos ualet,
ratio non ualebit? interest aliquid inter laborem,
& dolorem. sunt finitima omnino, sed tamen diffe
runt aliquid. labor est functio quædam, uel animi,
uel corporis, grauioris operis, & muneris: dolor
autem motus asper in corpore a sensibus alienus.
hæc duo Græci illi, quorum copiosior est lingua,
quàm nostra, uno nomine appellant. itaque indu
strios homines illi studiosos, uel potius amantes do
loris appellant: nos commodius laboriosos. aliud
est enim laborare, aliud dolere. o uerborum inops
interdum, quibus abundare te semper putas, Græ
cia. aliud, inquam, est dolere, aliud laborare. cum
uarices secabantur C. Mario, dolebat: cum æstu
magno ducebat agmen, laborabat. est inter hæc
quædam tamen similitudo. consuetudo enim labo
rum

d d rum

TVSC. DISPVTV.

rum perpeffionem dolorum efficiet faciliorem . itaque illi, qui Græciæ formam rerump. dederunt, corpora iuuenum firmari labore uoluerunt . quod Spartiata etiam in feminas tranftulerunt : quæ ceteris in urbibus molliffimo cultu parietum umbris occultantur . illi autem uoluerunt nihil horum fimile effe apud Lacænas uirgines : quibus magis palæftra, Eurotas, fol, puluis, labor, militia in ftudio eft, quàm fertilitas barbara . ergo his laboriofis exercitationibus et dolor intercurrit non nunquam : impelluntur, feriuntur, abiiciuntur, cadunt : & ipfe labor quafi callum quendam obducit dolori . militiam uero noftram dico, non Spartiatarum, quorum procedit ad modum, ad tibiā, nec adhibetur ulla fine anapæftis pedibus hortatio . noftri exercitus primum unde nomen habeant, uides : deinde qui labor, quantus agminis : ferre plus dimidiati menfis cibaria : ferre, fi quid ad uſum uelint : ferre uallum . nam ſcutum, gladium, galeam in onere noftri milites non plus numerant, quàm humeros, lacertos, manus . arma enim membra militis effe dicunt . quæ quidem ita geruntur apte, ut, ſi uſus foret, abiectis oneribus, expeditis armis, ut membris, pugnare poſſint . Quid exercitatio legionum ? quid ille curſus, clamor, quanti laboris eſt ? ex hoc ille animus in prælijs paratus ad uulnera . adduc pari animo in exercitatum militem : mulier uidebitur . cur ? tantum intereſt inter nouum, & ueterem exercitum, quantum experti ſumus . ætas tyronum plerunque
melior :

melior : ſed
conſuetudo
ſi ſape ſanci
tatum, qua
re . at uero i
fortior, med
O Patrocles
ueſtras m
Prus quàm
ſtiti man
Neque ſang
ſiſtere :
Si qua ſapient
Nanque Ae
Non poteſt
erte Enryp
tatum . ubi t
non flebiliter
cur equo am
- Qui ad
Eam ſcire op
pet pare
abducet Pa
uolnus oblig
minus : qua
Eloquere,
non poteſt
ſuppetit la
tiam ſi Ea

melior: sed, ferre laborem, contemnere uulnus, consuetudo docet. quin etiam uidemus ex acie efferri saepe saucios, et quidem rudem illum, & inexercitatum, quamuis leui ictu, ploratus turpissimos edere. at uero ille exercitatus, et uetus, ob eamq. rem fortior, medicum modo requirens, a quo obligetur, O Patrocles, inquit, ad uos adueniens auxilium et uestras manus peto,

Trius quam oppeto malam pestem, mandatam hostili manu:

Neque sanguis ullo potis est pacto profluens consistere:

Si qua sapientia magis uestra deuitari mors potest.

Nanque Aesclepij liberoru saucij opplent porticus:

Non potest accedi. -

certe Eurypylus hic quidem est. o hominem exercitatum. ubi tantum luctus continuatus? uide, quam non flebiliter respondeat; rationem etiam afferat, cur aequo animo sibi ferendum sit.

- Qui alteri exitium parat,

Eum scire oportet, sibi paratam pestem ut participet parem.

abducet Patrocles credo, ut collocet in cubili, ut uulnus obliget; siquidem homo esset. sed nihil uidi minus: querit enim, quid actum sit.

Eloquere, res Arginum praelio ut se sustinet.

non potest effari. tantum dictis, quantum factis, suppetit laboris. Quiesce igitur, & uulnus alliga, etiam si Eurypylus posset, non posset Aesopus.

dd 2

- Vbi

- Vbi fortuna Heſtoris

Noſtram aciem inclinatam: -

& cetera explicat in dolore. ſic eſt enim intemperans militaris in forti uiro gloria. Ergo hæc ueteranus miles facere poterit, doctus uir, ſapiensq. non poterit? ille uero melius, ac non paullo quidem. ſed de conſuetudine adhuc exercitationis loquor, non dum de ratione, & ſapientia. Aniculæ ſæpe in diem biduum, aut triduum ferunt. ſubduc cibum unum diem athletæ: Iouem Olympium, eum ipſum, cui ſe exercebit, implorabit: ferre non poſſe clamabit. Conſuetudinis magna uis eſt. Pernoctant uenatores in niue: in montibus uri ſe patiuntur. inde pugiles ceſtibus contuſi ne ingemiſcunt quidem. Sed quid hos, quibus Olympiorum uictoria conſulatus ille antiquus uidetur? gladiatores, aut perditī homines, aut barbari, quas plagas perferunt? quo modo illi, qui bene inſtituti ſunt, accipere plagam malunt, quàm turpiter uitare? quàm ſæpe apparet, nihil eos malle, quàm uel domino ſatisfacere, uel populo? mittunt etiam uulneribus conſecti ad dominos, qui quærant quid uelint: ſi ſatisfactum ijs ſit, ſe uelle decumbere. quis mediocris gladiator ingemuit? quis uultum mutauit unquam? quis non modo ſtetit, uerum etiam decubuit turpiter? quis, cum decubuiffet, ferrum recipere iuſſus, collum contraxit? tantum exercitatio, meditatio, conſuetudo ualeat. ergo hoc poterit

Samnis, ſpurcus homo, uita illa dignu', locoque:

uir

uir natus ad gloriam ullam partem animi tam mollem habebit, quam non meditatione & ratione corroboret? Crudele gladiatorum spectaculum, & inhumanum non nullis uideri solet: & haudscio an ita sit, ut nunc fit. cum uero fontes ferro depugnabant, auribus fortasse multæ, oculis quidem nulla poterat esse fortior contra dolorem, & mortem disciplina. De exercitatione, & consuetudine, & commentatione dixi: age sis, nunc de ratione uideamus. nisi quid uis ad hæc. A. Ego ne ut te interpellem? ne hoc quidem uellem: ita me ad credendum tua ducit oratio. M. Sit ne igitur malum dolor, nec ne, Stoici uiderint, qui contortulis quibusdam, ac minutis conclusiunculis, nec ad sensus permanantibus, effici uolunt, non esse malum dolorem. ego illud, quidquid sit, tantum esse, quantum uideatur, non puto: falsa quæ eius uisione, & specie moueri homines dico uehementius, doloremque eis omnem esse tolerabilem. unde igitur ordiar? an eadem breuiter attin gam, quæ modo dixi, quo facilius oratio progredi possit longius? Inter omnes igitur hoc constat, nec doctos homines solum, sed etiam indoctos; uiro rum esse fortium, & magnanimorum, & patientium, & humana uincentium, toleranter dolorem pati. nec uero quisquam fuit, qui eum, qui ita pateretur, non laudandum putaret. quod ergo & postulatur a fortibus, & laudatur, cum fit; id aut extimescere ueniens, aut non ferre præsens, non ne turpe est? atqui uide, ne, cum omnes rectæ animi

dd 3 affe-

affectiones uirtutes appellentur, non sic hoc proprium nomen omnium, sed ab ea una, quæ ceteris excellat, omnes nominatae sint. appellata est enim a uiro uirtus: uiri autem propria maxime est fortitudo: cuius munera duo maxima sunt, mortis, dolorisq. contemptio. utendum est igitur his; si uirtutis compotes, uel potius si uiri uolumus esse; quoniam a uiris uirtus nomen est mutuata. quæres fortasse, quo modo: & recte: talem enim medicinam philosophia proficitur. Venit Epicurus, homo minime malus, uel potius uir optimus: tantum monet, quantum intelligit: negligere, inquit, dolorem. quis hoc dicit? idem, qui dolorem summum malum. uix satis constanter. audiamus. si summus dolor est, inquit, breuem esse necesse est. A. Iteradum eadem ista mihi. non enim intelligo, quid summum dicas esse, quid breue. M. Summum, quo nihil sit superius: breue, quo nihil breuius. contemno magnitudinem doloris, a qua me breuitas temporis uindictabit ante pane, quam uenerit. sed, si est tantus dolor, quantus Philoctetæ; bene plane magnus mihi quidem uidetur, sed tamen non summus. nihil enim dolet, nisi pes: possunt oculi: potest caput, latera, pulmones: possunt omnia. longe igitur abest a summo dolore. ergo, inquit, dolor diuturnus habet lætitiæ plus, quam molestiæ. Nunc ego non possum, tantum hominem nihil sapere, dicere; sed nos ab eo derideri puto. Ego summum dolorem (summum autem dico, etiam si decem atomis est maior

maior alius
tunc possim
amos dolor
homo cantu
nec diuturn
dicat in dol
mus igitur
musq. confu
renda, qui
dixerit. qua
& in Stran
quaranda m
maxime con
bus, quod
turpe, sum
bus gemere
loquetur en
ne, cum pa
pia, barba
mas plagas
quis peruel
ter, et seda
titur. A
pudore ab
hoc, quod
tur, natu
ueriam eti
tius, nubi
quam laa

maior alius) non continuo dico esse breuem: multosq. possum bonos uiros nominare, qui complures annos doloribus podagræ crucientur maximis. Sed homo cautus nunquam terminat nec magnitudinis, nec diuturnitatis modum, ut sciam, quid summum dicat in dolore, quid breue in tempore. omittamus igitur hunc, nihil prorsus dicentem; cogamusq. confiteri, non esse ab eo doloris remedia querenda, qui dolorem malorum omnium maximum dixerit. quamuis idem forticulum se in torminibus, & in stranguria sua præbeat. aliunde igitur est querenda medicina, & maxime quidem, si, quid maxime consentaneum sit, querimus, ab ijs, quibus, quod honestum sit, summum bonum, quod turpe, summum uidetur malum. his tu præsentibus gemere, & te iactare non audebis profecto. loquetur enim eorum uoce uirtus ipsa tecum. Tu ne, cum pueros Lacedæmone, adolescentes Olympiæ, barbaros in arena uideris excipientes grauissimas plagas, & ferentes silentio; si te forte dolor aliquis peruellerit, exclamabis ut mulier? non constanter, et sedate feres? Ferri non potest: natura non patitur. Audio. pueri ferunt gloria ducti, ferunt pudore alij, multi metu: & tamen ueremur, ut hoc, quod a tam multis, & quod tot locis perferatur, natura patiatur? illa uero non modo patitur, uerum etiam postulat: nihil enim habet præstantius, nihil, quod magis expetat, quàm honestatem, quàm laudem, quàm dignitatem, quàm decus. hi-

dd 4 sce

scē ego pluribus nominibus unam rem declarari uo-
 lo, sed utor, ut quammaxime significem, pluribus.
 uolo autem dicere, illud homini longe optimum es-
 se, quod ipsum sit optandum per se, a uirtute profe-
 ctum, uel in ipsa uirtute situm, sua sponte laudabi-
 le: quod quidem citius dixerim solum, quā sum-
 mum bonum. Atque ut hęc de honesto, sic de tur-
 pi contraria. nihil tam tetrum, nihil tam aspernan-
 dum, nihil homine indignius. quod si tibi persua-
 sum est: (principio enim dixisti, plus in dedecore
 mali tibi uideri, quā in dolore) reliquum est, ut
 tute tibi imperes. quanquam hoc nescio quo modo
 dicatur, quasi duo simus, ut alter imperet, alter
 pareat: non inscite tamen dicitur. est enim animus
 in partes distributus duas: quarum altera rationis
 est particeps, altera expers. cum igitur præcipi-
 tur, ut nobismet ipsis imperemus, hoc præcipitur,
 ut ratio coerceat temeritatem. est in animis om-
 nium fere natura molle quiddam, demissum, humi-
 le, eneruatum quodam modo, & languidum. si ni-
 hil esset aliud, nihil esset homine deformius: sed
 præsto est domina omnium, & regina ratio, quæ
 connixa per se, & progressa longius, fit perfecta
 uirtus. hęc ut imperet illi parti animi, quæ obedire
 debet, id uidendum est uiro. quonam modo, in-
 quies? uelut seruo dominus, uelut imperator mili-
 ti, uelut parens filio. si turpissime se illa pars animi
 geret, quam dixi esse mollem; si se lamentis mulie-
 briter, lacrymisq. dedet; uinciatur, & constringa-
 tur

tur amicorum, propinquorumq. custodijs. sæpe enim uidemus fractos pudore, qui ratione nulla uincerentur. ergo hos quidem, ut famulos, uinclis, ac custodia arceamus. qui autem erunt firmiores, nec tamen robustissimi; hos admonitu simili oportebit, ut bonos milites, reuocatos dignitatem tueri. non nimis in Niptris ille sapientissimus Græciæ saucius lamentatur, uel modice potius: Pedetentim, inquit, ite, & sedato nisu; ne succussu arripiat maior dolor. Pacuuius hoc melius, quàm Sophocles. apud illum enim perquam flebiliter Vlysses lamentatur in uulnere: tamen huic leuiter gementi illi ipsi, qui ferunt saucium, personæ grauitatem intuentes, non dubitarunt dicere:

- Tu quoque Vlysses,
 Quamquam grauiternus cernimus ictum,
 Nimis es pæne animo molli, qui
 Consuetus in armis æuum agere.
 intelligit poeta prudens, ferendi doloris consuetudinem esse non contemnendam magistram. atque ille non immoderate magno in dolore,
 Retinete, tenete, opprimate, ulcus
 Nudate. heu miserum me, excrucior.
 incipit labi: deinde illico desinit.
 Operite, abscedite, iam iam
 Dimittite: nam attactu & quassu
 Sæuum amplificati' dolorem.
 Vides ne, ut obmutuerit non sedatus corporis, sed
 castigatus animi dolor? itaque in extremis Niptris
 alios

alios quoque obiurgat, idq. moriens:
 Cōqueri fortunam aduersam, non lamentari, decet.
 Id uiri est officium: fletus muliebri ingenio additus.
 Huius animi pars illa mollior rationi sic paruit, ut
 seuerō imperatori miles prudens. in quo uiro erit
 perfecta sapientia, (quem adhuc nos quidem uidi-
 mus neminem: sed philosophorum sententijs, qua-
 lis futurus sit, si modo aliquando fuerit, exponitur)
 is igitur, si ea ratio, quæ erit in eo perfecta, atque
 absoluta, sic illi parti imperabit inferiori, ut iustus
 parens probis filijs: nutu, quod uolet, conficiet,
 nullo labore, nulla molestia: eriget ipse se, suscita-
 bit, instruet, armabit, ut, tanquam hosti, sic obsi-
 stat dolori. quæ sunt ista arma? contentio, confir-
 matio, sermoq. intimus, cum ipse secum, cauet tur-
 pe quidquam, languidum, non uirile. obuersentur
 species honestæ animo: Zeno proponatur Eleates;
 qui perpeffus est omnia potius, quàm conscios de-
 lendæ tyrannidis indicaret. de Anaxarcho Demo-
 critio cogitetur; qui cum in manus Cyprij Nico-
 creontis regis incidisset, nullum genus supplicij de-
 precatus est, neque recusauit. Calanus Indus, indo-
 ctus, ac barbarus, in radicibus Caucafi natus, sua
 uoluntate uiuus combustus est. nos, si pes condo-
 luit, si dens: sed fac totum dolere corpus: ferre non
 possumus. opinio est enim quedam effeminata, ac
 leuis, nec in dolore magis, quàm eadem in uolupta-
 te; qua cum liquefcimus, fluimusq. mollitia, ap-
 aculeum sine clamore ferre non possumus. at uero

C.Ma-

C. Marius
 retin, ut su
 quisquam a
 cur ergo po
 tur opinion
 esse acrem m
 crus enim a
 rem ut uir;
 necessaria m
 peres. osten
 Atque hac
 ne, quid ma
 animam co
 scio quo pa
 ut ignauus
 stem, abied
 causam per
 re; cum ei,
 doloris spec
 ia afflicti,
 runt, disce
 dam animi
 tentis corp
 munt: sim
 suum omne
 tur, ut se
 in omnib
 da conten
 Sed hoc q

C. Marius, rusticanus uir, sed plane uir, cum secaretur, ut supra dixi, principio uetuit se alligari: nec quisquam ante Marium solutus dicitur esse sectus. cur ergo postea alij? ualuit auctoritas. uides ne igitur opinionis esse, non naturæ malum? et tamen fuisse acrem morsum doloris, idem Marius ostendit. crux enim alterum non præbuit. ita & tulit dolorem ut uir; & ut homo, maiorem ferre sine caussa necessaria noluit. Totum igitur in eo est, ut tibi imperes. ostendi autem, quod esset imperandi genus. Atque hæc cogitatio, quid patientia, quid fortitudine, quid magnitudine animi dignum sit, non solum animum comprimit, sed ipsum etiam dolorem nescio quo pacto mitiorem facit. ut enim sit in prælio, ut ignauus miles, ac timidus, simul ac uiderit hostem, abiecto scuto fugiat, quantum possit, ob eamque caussam pereat non nunquam, etiam integro corpore; cum ei, qui steterit, nihil tale euenerit: sic, qui doloris speciem ferre non possunt, abijciunt se, atque ita afflictæ, & exanimati iacent; qui autem restiterunt, discedunt sapissime superiores. sunt enim quædam animi similitudines cum corpore. ut onera contentis corporibus facilius feruntur, remissis opprimunt: simillime animus intentione sua depellit pressum omnem ponderum, remissione autem sic urgetur, ut se nequeat extollere. et, si uerum querimus, in omnibus officiis persequendis animi est adhibenda contentio. ea est sola officij tanquam custodia. Sed hoc quidem in dolore maxime est prouidendum,

ne

T V S C. D I S P V T.

ne quid abiecte, ne quid timide, ne quid ignaue, ne
quid seruiliter, muliebriter ue faciamus; in primisq.
refutetur, ac reijciatur Philocteteus ille clamor.
ingemiscere non nunquam uiro concessum est, idq.
raro: eiulatus ne mulieri quidem. et hic nimirum
est fletus, quem duodecim tabula in funeribus adhi-
beri uetuerunt. nec uero unquam ne ingemiscit qui-
dem uir fortis, ac sapiens; nisi forte, ut se intendat
ad firmitatē; ut in stadio cursores exclamant quā
maxime possunt. faciunt idem, cum exercentur,
athletæ. pugiles uero, etiam cum feriunt aduersa-
rium, in iactandis cestibus ingemiscunt; non quod
doleant, animo ue succumbant; sed quia in profun-
denda uoce omne corpus intenditur, uenitq. plaga
uehementior. quid? qui uolunt exclamare maius,
num satis habent latera, fauces, linguam intende-
re, e quibus elici uocem, & fundi uidemus? toto
corpore, atque omnibus ungulis, ut dicitur, conten-
tioni uocis asseruiunt. genu mehercule M. Antoniū
uidi, cum contente ipse pro se lege *Varia* diceret,
terram tangere. ut enim balistæ lapidum, & reli-
qua tormenta telorum eo grauiores emissiones ha-
bent, quo sunt contenta, atque adducta uehemen-
tius: sic uox, sic cursus, sic plaga hoc grauior, quo
est missa contentius. cuius contentionis cum tanta
uis sit; si gemitus in dolore ad confirmandum ani-
mum ualebit, utemur: sin erit ille gemitus lamenta-
bilis, si imbecillus, si abiectus, si flebilis; ei qui se
dederit, uix eum uirum dixerim. qui quidem ge-
mitus

mitus si leuationis aliquid afferret; tamen uidere-
mus, quid esset fortis, & animosi uiri: cum uero ni-
hil imminuat doloris; cur frustra turpes esse uolu-
mus? quid est enim fletu muliebri uiro turpius?
Atque hoc præceptū, quod de dolore datur, patet la-
tius. omnibus enim rebus, non solum dolori, simili
contentione animi resistendum est. ira exardescit:
libido concitatur: in eandem arcem confugiendum
est: eadem sunt arma sumenda. Sed, quoniam de
dolore loquimur, illa omittamus. Ad ferendum igi-
tur dolorem placide, & sedate, plurimum proficit,
toto pectore, ut dicitur, cogitare, quā id honestū
sit. sumus enim natura, ut ante dixi, (dicendum
est enim sæpius) studiosissimi, appetentissimiq. ho-
nestatis. cuius si quasi lumen aliquod aspexerimus;
nihil est, quod, ut eo potiamur, non parati simus et
ferre, & perpeti. Ex hoc cursu, atque impetu ani-
morum ad ueram laudem, atque honestatem illa pe-
ricula adeuntur in prælijs. non sentiunt uiri fortes
in acie uulnera, uel sentiunt, sed mori malunt,
quā tantillum modo de dignitatis gradu dimoueri.
Fulgentes gladios hostium uidebant Decij, cum in
aciem eorum irruebant. his leuabat omnem uulne-
rum metum nobilitas mortis, & gloria. Num tum
ingemuisse Epaminondam putas, cum una cum san-
guine uitam effluere sentiret? imperantem enim pa-
triam Lacedæmonijs relinquebat, quā acceperat ser-
uientem. Hæc sunt solatia, hæc fomenta summorū
dolorum. Dices, quid in pace? quid domi? quid in
lætulo?

TVSC. DISPUT.

leētulo? ad philosophos me reuocas, qui in aciem nō saepe prodeunt. e quibus, homo sane leuis, Hera- cleotes Dionysius, cum a Zenone fortis esse didicisset, a dolore deuictus est. nam cum ex renibus laboraret, ipso in eiulatu clamat, falsa esse illa, quae antea de dolore ipse sensisset. quem cum Cleanthes condiscipulus rogaret, quānam ratio eum de sententia deduxisset; respondit; quia, cum tantum opera philosophiae dedissem, dolorem tamen ferre non possem, satis esset argumenti, malum esse dolorem. plurimos autem annos in philosophia cōsumpsi, nec ferre possum: malum est igitur dolor. tum Cleanthem, cum pede terram percussisset, uersum ex Epigonis ferunt dixisse:

Audis ne haec Amphiarae sub terram abdite? Zenonē significabat: a quo degenerare illū dolebat. At nō noster Posidonius: quem et saepe ipse uidi; et id dicam, quod solebat narrare Pompeius: se, cum Rhodum uenisset decedens ex Syria, audire uoluisset Posidonium: sed, cum audiuiisset eum grauitere esse aegrum, quod uehementer eius artus laborarent, uoluisse tamen nobilissimum philosophum uisere: quem ut uidisset, & salutauisset, honorificisque uerbis prosecutus esset, molesteq. se dixisset ferre, quod eum non posset audire; at ille, tu uero, inquit, potes; nec committam, ut dolor corporis efficiat, ut frustra tantus uir ad me uenerit. itaque narrabat eum grauitere, & copiose de hoc ipso, nihil esse bonum, nisi quod honestum esset, cubantem disputasse:

se: cumq. quasi faces ei doloris admouerentur, sæpe dixisse, nihil agis dolor, quamuis sis molestus; nunquam te esse confitebor malum. Omninoq. omnes clari, et nobilitati labores contemnendo fiunt etiam tolerabiles. uidemus ne, apud quos eorum ludorū, qui gymnici nominantur, magnus honos sit, nullum ab ijs, qui in id certamen descendant, deuitari dolorē? Apud quos autem uenandi, et equitandi laus uiget, qui hanc petessunt, nullum fugiunt dolorem. Quid de nostris ambitionibus, quid de cupiditate honorum loquar? quæ flamma est, per quam non cucurrerint ij, qui hæc olim punētis singulis colligebant? itaque semper Africanus Socraticum Xenophontem in manibus habebat: cuius in primis laudabat il lud, quòd diceret, eosdem labores non esse æque graues imperatori, & militi; quòd ipse honos laborem leuiorem faceret imperatorum. Sed tamen hoc euenit, ut in uulgus insipientium opinio ualeat honestatis, cum ipsam uidere non possint. itaque fama, & multitudinis iudicio mouentur, ut id honestum putent, quod a plerisque laudetur. Te autem, si in oculis sis multitudinis, tamen eius iudicio stare nolum, nec, quod illa putet, idem te putare pulcherri- mum. tuo tibi iudicio est utendum. tibi si recte probanti placebis, tum non modo tu te uiceris, quod paullo ante præcipiebam, sed omnes, & omnia. Hoc igitur tibi propone, amplitudinem, & quasi quandam exaggerationem quamaltissimam animi, quæ maxima eminet contemnendis, & despiciendis doloribus,

doloribus, unam esse omnium rem pulcherrimam, eoq. pulchriorem, si uacet populo, neque plausum captans se tantum ipsa delectet. Quin etiam mihi quidem laudabiliora uidentur omnia, quæ sine uenditione, et sine populo teste fiunt: non quo fugiendus sit: (omnia enim benefacta in luce se collocari uolunt) sed tamen nullum theatrum uirtuti conscientia maius est. Atque in primis meditemur illud, ut hæc patientia dolorum, quam sæpe iam animi intentione dixi esse firmandam, in omni genere se æquabilem præbeat. sæpe enim multi, qui aut propter uictoriæ cupiditatem, aut propter gloriæ, aut etiam ut ius suum, & libertatem tenerent, uulnera exceperunt fortiter, & tulerunt, ijdem, omiſſa contentione, dolorē morbi ferre non possunt. neque enim illum, quē facile tulerant, ratione, aut sapientia tulerant, sed studio potius, et gloria. itaque barbari quidam, & immanes ferro decertare acerrime possunt, egrotare uiriliter non queunt: Græci autem, homines non satis animosi, prudentes, ut est captus hominum, satis, hostem aspicere non possunt, sed ijdem morbos toleranter, atque humane ferunt. at Cimbri, & Celtiberi in prælio exultant, lamentantur in morbo. nihil enim potest esse æquabile, quod non a certa ratione proficiſcatur. sed cum uideas, eos, qui aut studio, aut opinione ducantur, in eo persequendo, atque adipiscendo, dolore non frangi: debes existimare, aut non esse malum dolorem, aut, etiam si, quidquid asperum, alienumq.

a natura

enatura
tamen esse
apparet.
latius enim
rem locum
omnia fugi
statis causa
sed etiam f
presertim c
tatione per
predones
de nani; pr
Arionem
ptum, qui
cuntur, ex
nem omitt
odiosis dolo
quod sit con
putari esse
manes. A
rum, quas
tu. M. Cr.
sed tibi bo
illud quide
M. Sic fac

a natura sit, id appellari placeat malum, tantulum
tamen esse, ut a uirtute ita obruatur, ut nusquam
appareat. Quæ meditare, quæso, dies, & noctes.
latius enim manabit hæc ratio, & aliquanto maio-
rem locum, quàm de uno dolore, occupabit. nam si
omnia fugiendæ turpitudinis, adipiscendæq. hone-
statis caussa faciemus; non modo stimulos doloris,
sed etiam fulmina fortunæ contemnamus, licebit;
præsertim cum paratum sit illud ex hesterna dispu-
tatione perfugium. ut enim, si cui nauiganti, quem
prædones insequantur, deus quis dixerit, eÿce te
de naui; præsto est, qui excipiat, uel delphinus, ut
Arionem Methymnæum; uel equi Pelopis illi Ne-
ptunij, qui per undas currus suspensos rapuisse di-
cuntur, excipient te, et, quò uelis, perferent; om-
nem omittat timorem: sic, urgentibus asperis &
odiosis doloribus, si tanti non sint, ut ferendi sint;
quò sit confugiendum, uides. Hæc fere hoc tempore
putavi esse dicenda: sed tu fortasse in sententia per-
manes. A. Minime uero: meq. biduo duarum re-
rum, quas maxime timebam, spero liberatum me-
tu. M. Cras ergo ad clepsydræ: sic enim duximus.
sed tibi hoc uideo non posse deberi. A. Ita prorsus. et
illud quidem ante meridiem; hoc eodem tempore.
M. Sic faciemus, tuisq. optimis studijs obsequemur.

ce M. TVL-

M. TVLLII CICERONIS
TV SCVLANARVM
DISPVATIONVM
LIBER III.

de ægritudine lenienda.

QVIDNAM esse, Brute, causse putem, cur, cum constemus ex animo, & corpore, corporis curandi tuendiq. causa quaesita sit ars, atque eius utilitas deorum immortalium inuentioni consecrata; animi autem medicina nec tam desiderata sit ante quam inuenta, nec tam culta postea quam cognita est, nec tam multis grata, & probata, pluribus etiam suspecta, et inuisa? an quod corporis grauitatem, & dolorem animo iudicamus, animi morbum corpore non sentimus? ita fit, ut animus de se ipse tum iudicet, cum id ipsum, quo iudicat, ægrotet. quod si tales nos natura genuisset, ut eam ipsam intueri, et perspicere, eademq. optima duce cursum uitæ conficere possemus: haud erat sane, quod quisquam rationem, ac doctrinam requireret. nunc paruulos nobis dedit igniculos; quos celeriter malis moribus, opinionibusq. deprauatis sic restringimus, ut nusquam naturæ lumen appareat. sunt enim ingenij nostris semina innata uirtutum: quæ si adolescere liceret, ipsa nos ad beatam uitam natura perduceret. nunc autem, simul atque editi in lucem, & suscepti sumus,

sumus, in omni continuo prauitate, & in summa opinionum peruersitate uersamur: ut pane cum lacte nutricis errorem suxisse uideamur. cum uero parentibus redditi, id est magistris traditi sumus; tum ita uarijs imbuimur erroribus, ut uanitati ueritas, et opinioni confirmata natura ipsa cedat. Accedunt etiam poeta: qui cum magnam speciem doctrinae, sapientiaeque praestulerunt, audiuntur, leguntur, ediscuntur, et inhaerescunt penitus in mentibus. Cum uero accedit eodem, quasi maximus quidam magister, populus, atque omnis undique ad uitia consentiens multitudo; tum plane inficimur opinionum prauitate, a naturaque ipsa desciscimus: ut nobis optimam naturam inuidisse uideantur, qui nihil melius homini, nihil magis expetendum, nihil praestantius honoribus, imperijs, populari gloria iudicauerunt: ad quam fertur optimus quisque; ueramque illam honestatem expetens, quam unam natura maxime inquit, in summa inanitate uersatur; consecreturque nullam eminentem effigiem uirtutis, sed adumbratam imaginem gloriae. est enim gloria, solida quaedam res, & expressa, non adumbrata. ea est consentiens laus bonorum, incorrupta uox bene iudicantium de eccellente uirtute. ea uirtuti resonat tanquam imago gloriae. quae quia recte factorum plerunque comes est, non est a bonis uiris repudianda. Illa autem, quae se eius imitatricem esse uult, temeraria, atque inconsiderata, & plerunque peccatorum uitiorumque laudatrix, fama popularis, simula

TVSC. DISPVT.

tione honestatis formam eius, pulchritudinemq. cor-
 rumpit. qua cecitate homines, cum quaedam præ-
 clara etiam cuperent, eaq. nescirent nec ubi, nec
 qualia essent, funditus alij euerterunt suas ciuita-
 tes, alij ipsi occiderunt. Atque hi quidem optima
 petentes, non tam uoluntate, quam cursus errore
 falluntur. quid? qui pecuniæ cupiditate, qui uolu-
 ptatum libidine feruntur: quorū ita perturbantur
 animi, ut non multum absint ab insania: quod insi-
 pientibus omnibus contingit: his nulla ne est adhi-
 benda curatio? utrum, quod minus noceant animi
 ægrotationes, quam corporis; an, quod corpora cu-
 rari possint, animorum nulla medicina sit? at &
 morbi perniciosiores, pluresq. sunt animi, quam
 corporis: hi enim ipsi odiosi sunt, quod ad animum
 pertinent, eumq. sollicitant; animusq. æger, ut ait
 Ennius, semper errat, neque pati, neque perpeti
 potest, cupere nunquam desinit. quibus duobus mor-
 bis, (ut omittam alios) ægritudine, & cupiditate,
 qui tandem possunt in corpore esse grauiore? Qui
 uero probari potest, ut sibi mederi animus non pos-
 sit; cum ipse medicinam corporis animus inuenerit;
 cumq. ad corporum sanationem multum ipsa corpo-
 ra, et natura ualeant; nec omnes, qui se curari pas-
 si sunt, continuo etiam conualescant; animi autem,
 qui se sanari uoluerint, præceptisq. sapientium pa-
 ruerint, sine ulla dubitatione sanentur? Est profe-
 cto animi medicina, philosophia: cuius auxilium
 non, ut in corporis morbis, petendum est foris; om-
 nibusq.

nibusq. opibus, uiribusq. ut nosmetipsi nobis mederi possimus, elaborandum est. Quanquam de uersa philosophia, quantopere et expetenda, & colenda esset, satis, ut arbitror, dictum est in Hortensio. de maximis autem rebus nihil fere intermisimus postea nec disputare, nec scribere. his autem libris exposita sunt ea, quæ a nobis cum familiaribus nostris in Tusculano erant disputata. sed quoniam duobus superioribus de morte, & de dolore dictum est; tertius dies disputationis hoc tertium uolumen efficiet. ut enim in Academiam nostram descendimus, inclinato iam in postmeridianum tempus die; poposci eorum aliquem, qui aderant, causam differendi. tum res acta sic est. A. Videtur mihi cadere in sapientem ægritudo. M. Num reliquæ quoque perturbationes animi, formidines, libidines, iracundiæ? hæc enim fere sunt eiusmodi: quæ Græci πάθη appellant: ego poteram morbos: & id uerbum esset e uerbo: sed in consuetudinem nostram non caderet. nam misereri, inuidere, gestire, latari, hæc omnia morbos Græci appellant, motus animi rationi non obtemperantes: nos autem hos eosdem motus concitati animi recte, ut opinor, perturbationes dixerimus, morbos autem non satis usitate. nisi quid aliud tibi uidetur. A. Mihi uero isto modo. M. Hæccine igitur cadere in sapientem putas? A. Prorsus existimo. M. Næ ista gloriosa sapientia non magno æstimanda est, siquidem non multum differt ab insania. A. Quid? tibi omnis ne animi com

e e 3 motio

motio uidetur insania? M. Non mihi quidem soli: sed, id, quod admirari sæpe soleo, maioribus quoque nostris hoc ita uisum intelligo multis sæculis ante Socratem; a quo hæc omnis, quæ est de uita, & moribus, philosophia manauit. A. Quonam tandem modo? M. Quia nomen insanix significat mentis ægrotationem, & morbum, id est insanitatem, et ægritudinem animi, quam appellarunt insaniam. omnes autem perturbationes animi, morbos philosophi appellant, negantq. stultum quenquam his morbis uacare. qui autem in morbo sunt, sani non sunt: & omnium insipientium animi in morbo sunt; omnes insipientes igitur insaniunt. sanitatem enim animorum, positam in tranquillitate quadam, constantiaq. censebant. his rebus mentem uacuam appellarunt insaniam; propterea quod in perturbato animo, sicut in corpore, sanitas esse non possit. Nec minus illud acute, quod animi affectionem, lumine mentis carentem, nominauerunt amentiam, eandemq. dementiam. ex quo intelligendum est, eos, qui hæc rebus nomina posuerunt, sensisse hoc idem, quod a Socrate acceptum diligenter Stoici retinuerunt, omnes insipientes esse non sanos. qui enim animus est in aliquo morbo, (morbos autem hos perturbatos motus, ut modo dixi, philosophi appellant) non magis est sanus, quam id corpus, quod in morbo est. ita fit, ut sapientia sanitas sit animi, insipientia autem quasi insanitas quædam, quæ est insania, eademq. dementia: multoq. melius hæc notata

tata sunt
quoque m
quod instat
& quale si
intelligine
bo, pertur
inianos ap
quam quod
exisse e po
tur aut lib
cundia libi
dia, ulcifo
dicuntur,
tementis,
tum est. G
facile dixe
melius, q
stultitia p
uolunt illi
nos furore
trabili fol
niore, ue
re Athan
stem fure
mam esse
itaque n
esse incip
stantiam
diocrita

tata sunt uerbis latinis, quàm græcis. quod alijs quoque multis locis reperietur. sed id alias: nunc, quod instat. Totum igitur id, quod quærimus, quid & quale sit, uerbi uis ipsa declarat. eos enim sanos intelligi necesse est, quorum mens motu, quasi morbo, perturbata nullo sit. qui contra affecti sunt, hos insanos appellari necesse est. itaque nihil melius, quàm quod est in consuetudine sermonis latini, cum exisse e potestate dicimus eos, qui effrenati feruntur aut libidine, aut iracundia. quanquam ipsa iracundia libidinis est pars. sic enim definitur iracundia, ulciscendi libido. qui igitur exisse ex potestate dicuntur, iccirco dicuntur, quia non sunt in potestate mentis, cui regnum totius animi a natura tributum est. Græci autem *μανία* unde appellent, non facile dixerim. eam tamen ipsam distinguimus nos melius, quàm illi: hanc enim insaniam, quæ iuncta stultitiæ patet latius, a furore disiungimus. Græci uolunt illi quidem, sed parum ualent uerbo: quem nos furem, *μελαγχολία* illi uocant: quasi uero atra bili solum mens, ac non sæpe uel iracundia grauiore, uel timore, uel dolore moueatur. quo genere Athamantem, Alcæonem, Aiacem, Orestem furere dicimus. qui ita sit affectus, eum dominum esse rerum suarum uetant duodecim tabulæ. itaque non est scriptum, si insanus, sed si furiosus esse incipit. insaniam enim censuerunt, id est instantiam sanitate uacantem, posse tamen tueri mediocritatem officiorum, et uitæ communem cultum,

e e 4 atque

atque usitatum: furor em autem esse rati sunt mentis ad omnia cecitatem. quod cum maius esse uideatur, quàm insania; tamen eiusmodi est, ut furor in sapientem cadere possit, non possit insania. Sed hæc alia quæstio est: nos ad propositum reuertamur. Cadere, opinor, in sapientem ægritudinem, tibi dixisti uideri. A. Et uero ita existimo. M. Humanum id quidem, quod ita existimas. non enim silice nati sumus: sed est naturale in animis tenerum quiddam, atque molle, quod ægritudine, quasi tempestate, quatiatur. nec absurde Crantor ille, qui in nostra Academia uel in primis fuit nobilis, Minime, inquit, assentior ijs, qui istam nescio quam indolentiam magnopere laudant: quæ nec potest ulla esse, nec debet. ne ægrotus sim, inquit: sed, si fuerim, sensus adsit, siue secetur quid, siue auellatur a corpore. nam istuc nihil dolere, non sine magna mercede contingit, immanitatis in animo, stuporis in corpore. Sed uideamus, ne hæc oratio sit hominum assentantium nostræ imbecillitati, & indulgentium mollitudini. nos autem audeamus non solum ramos amputare miseriarum, sed omnes radicum fibras euellere. tamen aliquid relinquetur fortasse: ita sunt stirpes altæ stultitiæ: sed relinquetur id solum, quod est necessarium. illud quidem sic habeto, nisi sanatus animus sit, quod sine philosophia fieri non potest, finem miseriarum nullum fore. quamobrem, quod cœpimus, tradamus nos ei curandos. sanabimur, si uolemus. Et progrediar quidem longius.

non

non enim de ægritudine solum, quanquam id quidem primum, sed de omni animi, ut ego posui, perturbatione, morbo, ut Græci uolunt, explicabo. & primo, si placet, Stoicorum more agamus; qui breuiter astringere solent argumenta: deinde nostro instituto uagabimur. Qui fortis est, idem est fidens: quoniam confidens, mala consuetudine loquendi, in uitio ponitur, ductum uerbum a confidendo, quod laudis est. qui autem est fidens, is profecto non extimescit: discrepat enim a timendo, confidere. atque, in quem cadit ægritudo, in eundem timor. quarum enim rerum præsentia sumus in ægritudine, easdem impendentes, & uenientes timemus. ita fit, ut fortitudini ægritudo repugnet. uerisimile est igitur, in quem cadit ægritudo, in eundem cadere timorem, & infractionem quandam animi, & demissionem. in quemq. ea cadunt, in eundem cadit ut seruiat, ut uictum quandoque se esse fateatur. quæ qui recipit, recipiat idem necesse est timiditatem, & ignauiam. non cadunt autem hæc in uirum fortem: igitur ne ægritudo quidem. at nemo sapiens, nisi fortis: non cadet ergo in sapientem ægritudo. præterea, necesse est, qui fortis sit, eundem esse magni animi; qui magni animi, inuictum; qui inuictus, eum humanas res despicere, atque infra se positas arbitrari. despicere autem nemo potest eas res, propter quas ægritudine affici potest. ex quo efficitur, fortem uirum ægritudine nunquam affici. omnes autem sapientes fortes. non cadit igitur in sapientem

pientem aegritudo. et quemadmodum oculus con-
 turbatus non est probe affectus ad suum munus fun-
 gendum; & reliquæ partes, totum ue corpus, a sta-
 tu cum est motum, deest officio suo, & muneri: sic
 conturbatus animus non est aptus ad exequendum
 munus suum. munus autem animi est, ratione bene
 uti: & sapientis animus ita semper affectus est, ut
 ratione optime utatur: nunquam est igitur pertur-
 batus. at aegritudo perturbatio est animi: semper
 igitur ea sapiens uacabit. Verisimile etiam illud est,
 qui sit temperans, quem Græci σωφρονα appellunt,
 eamq. uirtutem σωφροσύνη uocant; quam soleo e-
 quidem tum temperantiam, tum moderationem ap-
 pellare, non nunquam etiam modestiam. sed haud
 scio, an recte ea uirtus frugalitas appellari possit.
 quod angustius apud Græcos ualet: qui frugi homi-
 nes ἡσυχίους appellant, id est tantummodo utiles. at
 illud latius. est enim omnis abstinentia, omnis inno-
 centia, quæ apud Græcos usitatum nomen nullum
 habet, sed habere potest ἀλκιαν: nam est innocen-
 tia affectio talis animi, quæ noceat nemini. reliquas
 etiam uirtutes frugalitas continet. quæ nisi tanta es-
 set, & si ijs angustijs, quibus plerique putant, tene-
 retur; nunquam esset Pisonis cognomen tantopere
 laudatum. sed quia nec qui propter metum præsi-
 dium reliquit, quod est ignauia; nec qui propter a-
 uaritiam clam depositum non reddidit, quod est in-
 iustitia; nec qui propter temeritatem male rem ges-
 sit, quod est stultitia; frugi appellari solet; eo tres
 uirtu-

uirtutes, for-
 galitas comp
 uirtutum. or
 sunt. reliqu
 galitas, nece
 motus animi
 aluerantem
 re constantia
 citur. frugal
 lus e terra o
 tisse diuini:
 ni sit) ab ei
 ex quo idem
 muis, mod
 esse constant
 quietus, pe
 aegritudine.
 piente agra
 Dionysius a
 ibiles queri
 Corq. men
 Cum decor
 num man
 aut num al
 turgidum
 tumens an
 semper ua
 timet. at
 tur sapien

uirtutes, fortitudinem, iustitiam, prudentiam, frugalitas complexa est. et si hoc quidem commune est uirtutum. omnes enim inter se nexæ, et coniugatæ sunt. reliqua igitur, & quarta uirtus ut sit ipsa frugalitas, necesse est. eius enim uidetur esse propriū, motus animi appetentis regere, et sedare; semperq̃ aduersantem libidini, moderatam in omni re seruare constantiam. cui contrarium uitium nequitia dicitur. frugalitas, ut opinor, a fruge: qua nihil melius e terra oritur. nequitia ab eo (et si hoc erit fortasse durius: sed tentemus, & luisse putemur, si nil sit) ab eo, quod nequidquam est in tali homine: ex quo idem nihili dicitur. qui sit frugi igitur, uel, si manis, moderatus, & temperans, eum necesse est esse constantem; qui autem constans, quietum; qui quietus, perturbatione omni uacuum; ergo etiam ægritudine. et sunt illa sapientis: aberit igitur a sapiente ægritudo. itaque non inscite Heracleotes Dionysius ad ea disputat, quæ apud Homerum Achilles queritur, hoc, ut opinor, modo:

Corq̃. meum penitus turgescit tristibus iris,
Cum decore, atque omni me orbatū laude recordor.
num manus affecta recte est, cum in tumore est?
aut num aliquod quoppiam membrum tumidum, ac
turgidum non uitiose se habet? sic igitur inflatus, et
tumens animus in uitio est. sapientis autem animus
semper uacat uitio, nunquam turgescit, nunquam
tumet. at iratus animus eiusmodi est: nunquam igitur
sapiens irascitur. nam si irascitur, etiam concupiscit.

TVSC. DISPVT.

piscit. proprium est enim irati, cupere, a quo læsus uideatur, ei quammaximum dolorem inurere. qui autem id concupierit, eum necesse est, si id consecutus sit, magnopere lætari. ex quo fit, ut alieno malo gaudeat. quod quoniam non cadit in sapientem; nec ut irascatur quidem cadit. si autem caderet in sapientem ægritudo, caderet etiam iracundia. qua quoniam uacat, ægritudine etiam uacabit. etenim si sapiens in ægritudinem incidere posset, posset etiam in misericordiam, posset in inuidentiam. non dixi, in inuidiam, quæ tum est, cum inuidetur. ab inuidendo autem inuidentia recte dici potest; ut effugiamus ambiguum nomen inuidiæ: quod uerbum ductum est a nimis intuendo fortunam alterius, ut est in Menalippo,

Florem quisnam liberum inuidit meum?
male latine uidetur: sed præclare Attius. ut enim, uidere, sic, inuidere florem, rectius, quàm flori, dicitur. nos consuetudine prohibemur: poeta ius suum tenuit, & dixit audacius. Cadit igitur in eundem, & misereri, & inuidere. nam qui dolet rebus alicuius aduersis, idem alicuius etiam secundis dolet: ut Theophrastus, interitum deplorans Callisthenis, sodalis sui, rebus Alexandri prosperis angitur: itaque dicit Callisthenem incidisse in hominem summa potentia, summaq. fortuna, sed ignarum quemadmodum rebus secundis uti conueniret. Atqui, quemadmodum misericordia ægritudo est ex alterius rebus aduersis; sic inuidentia ægritudo est
ex

ex alterius rebus secundis . in quem igitur cadit misereri , in eundem etiam inuidere . non cadit autem inuidere in sapientem : ergo ne misereri quidem . quodd si hoc egre ferre sapiens soleret , misereri etiam soleret . abest ergo a sapiente ægritudo . Hæc sic dicuntur a Stoicis , concludunturq. contortius : sed latius aliquando dicenda sunt , & diffusius . sententijs tamen utendum est eorum potissimum , qui maxime forti , & , ut ita dicam , virili utuntur ratione , atque sententia . nam Peripatetici , familiares nostri , quibus nihil est uberius , nihil eruditius , nihil gravius , mediocritatem uel perturbationum , uel morborum animi mihi non sane probant . omne enim malum , etiam mediocre , magnum est . nos autem id agimus , ut id in sapiente nullum sit omnino . nam ut corpus , etiam si mediocriter ægrum est , sanum non est : sic , si in animo est ista mediocritas , caret sanitate . itaque præclare nostri , ut alia multa , molestiam , solitudinem , angorem propter similitudinem corporum ægrorum ægritudinem nominauerunt . hoc propemodum uerbo Græci omnem animi perturbationem appellant : uocant enim πᾶδος , id est morbum , quicumque est motus in animo turbidus . nos melius : ægris enim corporibus simillima est animi ægritudo . at non similis ægrotationis est libido , non immoderata letitia , quæ est uoluptas animi elata , & gestiens . ipse etiam metus non est morbi admodum similis , quanquam ægritudini est finitimus . sed proprie , ut ægrotatio in corpore , sic ægri-

TVSC. DISPVT.

ægritudo in animo nomen habet non seiunctum a dolore. doloris igitur huius origo nobis explicanda est, id est causa efficiens ægritudinem in animo, tanquam ægrotationem in corpore. nam ut medici, causa morbi inuenta, curationem esse inuentam putant: sic nos, causa ægritudinis reperta, medendi facultatem reperiemus. est igitur causa omnis in opinione, nec uero ægritudinis solum, sed etiam reliquarum omnium perturbationum: quæ sunt genere quattuor, partibus plures. nam cum omnis perturbatio sit animi motus uel rationis expers, uel rationem aspernans, uel rationi non obediens; isque motus aut boni, aut mali opinione citetur: bifariam quattuor perturbationes æqualiter distributæ sunt. nam duæ sunt ex opinione boni: quarum altera, uoluptas gestiens, id est præter modum elata lætitia opinione presentis magni alicuius boni, altera uel cupiditas recte, uel libido dici potest: quæ est immoderata appetitio opinati magni boni, rationi non obtemperans. ergo hæc duo genera, uoluptas gestiens, & libido, bonorum opinione turbantur, ut duo reliqua, metus, & ægritudo, malorum. nam & metus opinio magni mali impendentis, & ægritudo est opinio magni mali presentis: & quidem recens opinio talis mali, ut in eo rectum uideatur esse angere: id autem est, ut is, qui doleat, oportere opinetur se dolere. his autem perturbationibus, quas in uita hominum stultitia quasi quasdam immittit furias, atque incitat, omnibus uiribus, atque opibus repugnandum est,

est, si uolumus hoc, quod datum est uita, tranquil-
le, placideq. traducere. sed ceteras alias, nunc æ-
gritudinem, si possumus, depellamus: id enim sit
propositum: quandoquidem eam tu uideri tibi in sa-
pientem cadere dixisti. quod ego nullo modo existi-
mo. tetra enim res est, misera, detestabilis, omni
contentione, uelis, ut ita dicam, remisq. fugienda.
qualis enim tibi ille uidetur Tantalo prognatus, Pe-
lope natus, qui quondam a socero Oenomaio rege
Hippodamiam raptis nactus nuptijs? Iouis iste qui-
dē pronepos: tam ne ergo abiectus, tamq. fractus?
Nolite (inquit) hospites adire ad me: ilico istic
Ne contagio mea bonis, umbra ue obsit:

Tanta uis sceleris in corpore hæret.

tute Thyesta damnabis, orbabisq. luce propter uim
sceleris alieni? Quid? illum filium solis non ne pa-
tris ipsius luce indignum putas?

Refugere oculi: corpus macie extabuit:

Lacrymæ peredere humore exangues genas:

Situ nidoris barba pedore horrida,

Atque intonsa infuscat pectus illuue scabrum.

hæc mala, o stultissime Aeeta, ipse tibi addidisti:
non inerant in ijs, quæ tibi casus inuexerat: & qui-
dem inueterato malo, cum tumor animi resedisset.
est autem ægritudo, ut docebo, in opinione mali re-
centis. sed mæres uidelicet regni desiderio, non fi-
liæ. illam enim oderas, & iure fortasse: regno non
æquo animo carebas. est autem impudens luctus
mærore se conficientis, quod imperare non liceat li-
beris.

TVSC. DISPVT.

beris. Dionysius quidem tyrannus, Syracusis expulsus, Corinthi pueros docebat: usque eò imperio carere non poterat. Tarquinio uero quid impudentius, qui bellum gereret cum ijs, qui eius non tulerant superbiam? is cum restitui in regnum nec Venientium, nec Latinorum armis potuisset, Cumas se contulisse dicitur, inq. ea urbe senio, & ægritudine esse confectus. Hoc tu igitur censes sapienti accidere posse, ut ægritudine opprimatur, id est miseria? nam cum omnis perturbatio miseria est, tum carnificina est ægritudo. habet ardorem libido, leuitatē lætitia gestiens, humilitatem metus: sed ægritudo maiora quedam, tabem, cruciatum, afflictationem, fœditatem: lacerat, exest animum, planeq. conficit. hanc nisi exuimus sic, ut abijciamus; miseria carere non possumus. at hoc quidē perspicuum est, tum ægritudinem existere, cum quid ita uisum sit, ut magnum quoddam malum adesse, & urgere uideatur. Epicuro autem placet, opinione mali ægritudinem esse, nō natura; ut, quicumque intueatur in aliquod maius malum, si id sibi accidisse opinetur, sit continuo in ægritudine. Cyrenaici non omni malo ægritudinem effici censent, sed insperato, nec opinato malo. est id quidem non mediocre ad ægritudinem augendam: uidentur enim omnia repentina grauiora. ex hoc & illa iure laudantur.

Ego, cum genui, tum moriturū sciui, et ei rei sustuli. Præterea, ad Troiam cum misi ad defendendam Græciam,

Scibam

*Scibam me in mortiferum bellum, non in epulas,
mittere.*

*hæc igitur præmeditatio futurorum malorum lenit
eorum aduentum, quæ uenientia longe ante uideris.
itaque apud Euripidem a Theseo dicta laudantur. li-
cet enim, ut sæpe facimus, in latinū illa conuertere.
Nam, qui hæc audita a docto meminissim uiro,
Futuras mecum commentabar miseras:
Aut mortem acerbam, aut exilij mæstam fugam,
Aut semper aliquam molem meditabar mali:
Vt, si qua inuēta diritas casu foret,
Ne me imparatum cura laceraret repens.
quod autem Theseus a docto uiro se audisse dicit, id
de se ipso loquitur Euripides: fuerat enim auditor
Anaxagoræ: quem ferunt, nuntiata morte filij,
dixisse, Sciebam me genuisse mortalem. quæ uox
declarat, ijs esse hæc acerba, a quibus non fuerint co-
gitata. Ergo id quidem non est dubium, quin om-
nia, quæ mala putantur, sint improuisa grauiora.
itaque quanquam non hæc una res efficit maximam
agritudinem: tamen, quoniam multum potest pro-
uisio animi, & preparatio ad minuendum dolorem,
sint semper omnia homini humana meditata. & ni-
mirum hæc est illa præstans, & diuina sapientia,
perceptas penitus & pertractatas humanas res ha-
bere; nihil admirari, cum acciderit; nihil, ante
quàm eueniret, non euenire posse arbitrari.
Quamobrem omnes, cum secundæ res sunt maxu-
me, tum maxime*

ff

Medi-

TVSC. DISPVT.

Meditari secum oportet, quo pacto aduersam ærumnam ferant:

Pericla, damna, exilia peregre rediens semper cogitet,

Aut si ij peccatum, aut uxoris mortem, aut morbum filia:

Communia esse hæc, fieri posse: ut ne quid animo sit nouum:

Quidquid præter spem eueniat, omne id deputare esse in lucro.

ergo hoc Terentius, a philosophia sumptum, cum tam commode dixerit; nos, e quorum fontibus id haustum est, non & dicemus hoc melius, & constantius sentiemus? hic est enim ille uultus semper idem, quem dicitur Xantippe prædicare solita in uiro suo fuisse Socrate; eodem uultu semper se uidisse exeuntem illum domo, & reuertentem, nec uero ea frons erat, quæ M. Crassi illius ueteris, quem semel ait in omni uita risisse Lucilius, sed tranquilla, & serena: sic enim accepimus. iure autem erat semper idem uultus, cum mentis, a qua is fingitur, nulla fieret mutatio. Quare accipio equidem a Cyrenaicis hæc arma contra casus, et euentus, quibus eorum adueniētes impetus diuturna præmeditatione frangantur; simulq. iudico, malum illud opinionis esse, non naturæ: (si enim in re essent, cur fierent prouisa leuiores?) sed est, iisdem de rebus quod dici possit subtilius; si prius Epicuri sententiam uiderimus; qui censet necesse esse omnes in ægritudine esse,

esse, qui se in malis esse arbitrentur; siue illa ante prouisa, & expectata sunt, siue inueterauerint: nam neque uetustate minui mala, nec fieri præmeditata leuiora: stultamq. etiam esse meditationem futuri mali, aut fortasse ne futuri quidem: satis esse odiosum malum omne, cum uenisset: qui autem semper cogitauisset, accidere posse aliquid aduersi, ei fieri illud sempiternum malum: si uero ne futurum quidem sit, frustra suscipi miseriam uoluntariam: ita semper angi, aut accipiendo, aut cogitando malo. leuationem autem ægritudinis in duabus rebus ponit, auocatione a cogitanda molestia, & reuocatione ad contemplandas uoluptates. parere enim censet animum rationi posse, & quò illa ducat, sequi. uetat igitur ratio intueri molestias: abstrahit ab acerbis cogitationibus: hebetat aciem ad miserrimas contemplandas: a quibus cum cecinit receptui, impellit rursus, & incitat ad conspiciendas, totaq. mente contrectandas uarias uoluptates, quibus ille & præteritarum memoria, & spe consequentium sapientis uitam refertam putat. Hæc nostro more nos diximus, Epicurei dicunt suo. sed, quæ dicant, uideamus, quo modo; negligamus. Principio male reprehendunt præmeditationem rerum futurarum: nihil est enim, quod tam obtundat, eleuetq. ægritudinem, quam perpetua in omni uita cogitatio, nihil esse quod accidere non possit; quàm meditatio conditionis humanæ, quàm uitæ lex, commentatioq. parendi: quæ non hoc affert,

ff 2 ut

TVSC. DISPVT.

ut semper mereamus, sed ut nunquam. neque enim, qui rerum naturam, qui uitæ uarietatem, qui imbecillitatem generis humani cogitat, meret, cum hæc cogitat, sed tum uel maxime sapientiæ fungitur munere. utrumque enim consequitur, ut & considerandis rebus humanis, proprio philosophiæ fungatur officio; & aduersis casibus triplici consolatione sanetur: primum, quod, posse accidere, diu cogitauerit; quæ cogitatio una maxime molestias omnes extenuat, & diluit: deinde, quod humana ferenda intelligit: postremo, quod uidet, nullum malum esse, nisi culpam; culpam autem nullam esse, cum id, quod ab homine non potuerit præstari, euenit. Nam reuocatio illa, quam affert, cum a contuendis nos malis auocat, nulla est. non est enim in nostra potestate, fodicantibus ijs rebus, quas malas esse opinemur, dissimulatio, uel obliuio. Lacerant, uexant, stimulos admouent, ignes adhibent, respirare non sinunt: et tu obliuisci iubes, quod contra naturam est; quod a natura datum est, auxilium extorques inueterati doloris? est enim tarda illa quidem medicina, sed tamen magna, quam affert longinquitas, & dies. Iubes me bona cogitare, obliuisci malorum. Diceres aliquid, & magno quidem philosopho dignum, si ea bona sentire es, quæ essent homine dignissima. Pythagoras mihi sic diceret, aut Socrates, aut Plato: quid iaces? aut quid meres? aut succumbis, cedisq. fortunæ? quæ ut peruellere te forsitan potuerit, & pungere, non po-

potuerit certe vires frangere. magna uis est in uirtu-
tibus. eas excita, si forte dormiunt. Iam tibi aderit
princeps fortitudo; quæ te animo tanto esse coget,
ut omnia, quæ possint homini euenire, contempnas,
& pro nihilo putes. Aderit temperantia; quæ est
eadem moderatio, a me quidem paullo ante appel-
lata frugalitas; quæ te turpiter, & nequiter face-
re nihil patiatur. quid est autem nequius, aut tur-
pius effeminato uiro? Ne iustitia quidem sinet ista
facere: cui minimum esse uidetur in hac causâ loci:
quæ tamen ita dicet, dupliciter esse te iniustum; cum
& alienum appetas, qui, mortalis natus, conditio-
nem postules immortalium; & grauiter feras, te,
quod utendum acceperis, reddidisse. Prudentiæ
uero quid respondebis, dicenti uirtute se esse conten-
tam, quo modo ad bene uiuendum, sic & ad beate?
quæ si extrinsecus religata pendeat, & non oriatur
ex se, & rursus ad se reuertatur, et omnia sua com-
plexa nihil quærat aliunde; non intelligo, cur aut
uerbis tam uehementer ornanda, aut re tantopere
expetenda uideatur. Ad hæc bona me si reuocas,
Epicure; pareo; sequor; utor te ipso duce; obliuif-
cor etiam malorum, ut iubes; eoq. facilius, quod ea-
ne in malis quidem ponenda censeo. sed traducis co-
gitationes meas ad uoluptates: quas? corporis cre-
do, aut quæ propter corpus uel recordatione, uel spe
cogitentur. nunquid est aliud? recte ne interpretor
sententiam tuam? solent enim isti negare nos intelli-
gere, quid dicat Epicurus. hoc dicit, & hoc ille Græ-
culus,

ff 3

culus,

TVSC. DISPVT.

culus, me audiente, Athenis senex Zeno, istorum acutissimus, contendere, & magna uoce dicere solebat, eum esse beatum, qui presentibus uoluptatibus frueretur, consideretq. se fruiturum aut in omni, aut in magna parte uitæ, dolore non interueniente; aut, si interueniret, si summus foret, futurum breuem; si productior, plus habiturum iucundi, quam mali: hæc cogitantem fore beatum, præsertim si et ante perceptis bonis contentus esset, nec deos extimesceret. Habes formam Epicuri uitæ beatæ, uerbis Zenonis expressam, nihil ut possit negari. Quid ergo? huius ne uitæ propositio, & cogitatio aut Thyestem leuare poterit, aut Aetam, de quo paulo ante dixi, aut Telamonem, pulsum patria, exultantem, atque egentem? in quo hæc admiratio fiebat: Hicne Telamon ille est, modo quem gloria ad cælum extulit,

Quem aspectabant, cuius ob os Graij ora obuertebant sua?

Quòd si cui, ut ait idem, simul animus cum re concidit: a grauib. illis antiquis philosophis petenda medicina est, non ab his uoluptarijs. quam enim isti bonorum copiam dicunt? fac sane summum bonum esse, non dolere. quanquam id non uocatur uoluptas. sed non necesse est nunc omnia. id ne est, quò traducti luctum leuemus? sit sane summum malum, dolere: in eo igitur qui non est, si malo careat, continuo ne fruitur summo bono? Quid tergiuersamur, Epicure, nec fatemur eam nos dicere uoluptatem, quam

quam tu idem, cum os perfricuiſti, ſoles dicere? ſunt
hæc tua uerba, nec ne? in eo quidem libro, qui con-
tinet omnem diſciplinam tuam, (fungar enim iam
interpretis munere; ne quis me putet fingere) dicis
hæc. Nec equidem habeo, quod intelligam bonum
illud, detrahens eas uoluptates, quæ ſapore perci-
piuntur; detrahens eas etiam, quæ auditu, & can-
tibus; detrahens eas etiam, quæ ex formis perci-
piuntur oculis, ſuaues motiones, ſiue quæ aliæ uo-
luptates in toto homine gignuntur quolibet e ſenſu.
Nec uero ita dici poteſt, mentis lætitiā ſolam eſſe
in bonis. lætātem enim mentem ita noui ſpe eorum
omnium, quæ ſupra dixi fore, ut natura, iſ potiens,
dolore careat. atque hæc quidem iſ uerbis, qui uis
ut intelligat, quam uoluptatem norit Epicurus. dein
de paullo infra, Sæpe quaſiui, inquit, ex iſ, qui
appellantur ſapientes, quid haberent, quod in bo-
nis relinquerent, ſi illa detraxiſſent: niſi ſi uellent
uoces inanes fundere. nihil ab his potui cognoscere.
qui ſi uirtutes ebullire uolent, & ſapientias; nihil
aliud dicent, niſi eam uiam, qua efficiantur ea uo-
luptates, quas ſupra dixi. Quæ ſequuntur, in ea-
dem ſententiā ſunt: totuſq. liber, qui eſt de ſummo
bono, refertuſ & ſententijs, & uerbis talibus eſt.
Ad hanc cene igitur uitam Telamonem illum reuoca-
bis, ut leues ægritudinem? & ſi quem tuorum af-
flictum mœrore uideris, huic acipenſerem potius,
quā aliquem Socraticum libellum, dabis? αὐλῶν,
hortabere, ut audiat uoces potius, quā Platonis?

ff 4 expo-

TVSC. DISPVTV.

expones, quæ spectet, florida, & uaria? fascicu-
lum ad nares admouebis? incendes odores? & ser-
tis redimiri iubebis, & rosa? si uero aliquid etiam
tum plane luctum omnem abstergeris? hæc Epicu-
ro confitenda sunt; aut ea, quæ modo, expressa ad
uerbum, dixi, tollenda de libro; uel totus liber
potius abiiciendus: est enim confertus uoluptatibus.
quærendum igitur, quemadmodum ægritudine pri-
uemus eum, qui ita dicat:

-Pol mihi fortuna magis nunc desit, quàm genus.
Nanque regnum suppetebat mi: ut scias quanto
e loco,

Quantis opibus, quibus de rebus lapsa fortuna
occidat.

quid? huic calix mulsi impingendus est, ut plorare
desinat, aut aliquid eiusmodi? Ecce tibi ex altera
parte ab eodem poeta:

Ex opibus summis opis egens, Hector, tuæ.
huic subuenire debemus: querit enim auxilium.

Quid petam præsidi, aut exequar? quo ne nunc au-
xilium, aut fuga

Freta sim? arce, & urbe orba sum: quò accedam?
quò applicem?

Cui nec aræ patriæ domi stant; fractæ, & disiectæ
iacent:

Fana flamma deflagrata: tostī alti stant parietes,
Deformati, atque abiecte crassa.

scis, quæ sequantur: & illud in primis,

O pater, o patria, o Priami domus,

Se-

Septum altifono cardine templum:

Vidi ego te, astante ope barbarica,

Tectis calatis, laqueatis,

Auro, ebore instructam regifice.

o poetam egregium: quanquam ab his cantoribus
Euphorionis contemnitur. sentit omnia repentina,
& inopinata esse grauiora: exaggeratis igitur regis
opibus, quæ uidebantur sempiternæ fore, quid
adiungit?

Hæc omnia uidi inflammari,

Priamo ui uitam euitari,

Iouis aram sanguine turpari.

præclarum carmen: est enim & rebus, & uerbis,
& modis lugubre. eripiamus huic ægritudinem:
quo modo? collocemus in culcitra plumea: psaltriam
adducamus: cedrum incendamus: demus scutellam
dulciculæ potionis: aliquid prouideamus & cibi.
hæc tandem bona sunt, quibus ægritudines grauissi-
mæ detrahantur? tu enim paullo ante, ne intellige-
re te quidem alia bona, dicebas. renocari igitur o-
portere a mærore ad cogitationem bonorum, conue-
niret mihi cum Epicuro, si, quid esset bonum, con-
ueniret. Dicit aliquis: quid? ergo tu Epicurum
existimas ista uoluisse, aut libidinosas eius fuisse sen-
tentias? Ego uero minime: uideo enim ab eo dici
multa seuerè, multa præclare. itaque, ut sæpe di-
xi, de acumine eius agitur, non de moribus. quam-
uis spernat uoluptates eas, quas modo laudauit: ego
tamen meminero, quod uideatur ei summum bo-
num.

num. non enim uerbo solum posuit uoluptatem, sed explanauit quid diceret. Saporem, inquit, & corporum complexum, & ludos, atque cantus, & formas eas, quibus oculi iucunde moueantur. num. fingo? num. mentior? cupio refelli: quid enim laboro, nisi ut ueritas in omni quaestione explicetur? At idem ait non crescere uoluptatem, dolore detracto; summamq. uoluptatem, nihil dolere. Paucis uerbis tria magna peccata: unum, quod secum ipse pugnat, modo enim, ne suspicari quidem se quidquam bonum, nisi sensus quasi titillarentur uoluptate: nunc autem, summam uoluptatem esse, dolore carere. potest ne magis secum ipse pugnare? Alterum est peccatum, quod, cum in natura tria sint, unum gaudere, alterum dolere, tertium nec gaudere, nec dolere; hic putat primum, et tertium idem esse, nec distinguit a nō dolendo uoluptatem. Tertium peccatum commune cum quibusdam, quod, cum uirtus maxime expectatur, eiusq. adipiscendæ caussa philosophia quaesita sit, ille a uirtute summum bonum separauit. at laudat, & saepe, uirtutem. & quidem C. Gracchus, cum largitiones maximas fecisset, & effudisset aerarium, uerbis tamen defendebat aerarium. quid uerba audiam, cum facta uideam? Piso ille Frugi semper contra legem frumentariam dixerat. is, lege lata, consularis ad frumentum accipiendum uenerat. animaduertit Gracchus in concione Pisonem stantem: querit, audiente populo R. qui sibi conflet, cum ea lege frumentum petat, quam dissuaserrat.

rat. nolim, inquit, mea bona Gracche tibi uiritim diuidere liceat: sed, si facias, partem petam. parum ne declarauit uir grauis, & sapiens, lege Semproniana patrimonium publicum dissipari? lege orationes Gracchi: patronum ararij esse dices. Negat Epicurus iucunde posse uiui, nisi cum uirtute uiuatur: negat ullam in sapientem uim esse fortunæ: tenuem uictum antefert copioso: negat ullum esse tempus, quo sapiens non beatus sit. omnia philosopho digna, sed cum uoluptate pugnancia. non istam dicit uoluptatem. dicat quamlibet: nempe eam dicit, in qua uirtutis nulla pars insit. Age, si uoluptatem non intelligimus, ne dolorem quidem? nego igitur eius esse, qui dolore summum malum metiatur, mentionem facere uirtutis. Et conqueruntur quidam Epicurei, uiri optimi, (nam nullum genus est minus malitiosum) me studiose dicere contra Epicurum. ita credo, de honore, aut dignitate contendimus. mihi summum in animo bonum uidetur, illi autem in corpore: mihi in uirtute, illi in uoluptate. & illi pugnant; & quidem uicinorum fidem implorant; multi autem sunt, qui statim conuolent: ego sum is, qui dicam me non laborare, actum habiturum quod egerint. quid enim? de bello Punico agitur? de quo ipso cum aliud M. Catoni, aliud L. Lentulo uidetur, nulla inter eos concertatio unquam fuit. hi nimis iracunde agunt, præsertim cum ab his non sane animose defendatur sententia, pro qua non in senatu, non in concione, non apud exercitum, neque apud

apud censores dicere audeant. Sed cum istis alias,
 & eo quidem animo, nullum ut certamen instituā,
 uerum dicentibus facile cedam. tantum admonebo:
 si maxime uerum sit, ad corpus omnia referre sa-
 pientem; siue, ut honestius dicam, nihil facere, nisi
 quod expediat; siue omnia referre ad utilitatem
 suam; quoniam hæc plausibilia non sunt, ut in sinu
 gaudeant, gloriose loqui desinant. Cyrenaicorum
 restat sententia: qui tum ægritudinem censent exi-
 stere, si nec opinato quid euenerit. est id quidem ma-
 gnum, ut supra dixi: etiam Chrysippo ita uideri
 scio, quod prouisum ante non sit, id fieri uehemen-
 tius: sed non sunt in hoc omnia. quanquam hostium
 repens aduentus magis aliquanto conturbat, quàm
 expectatus: & maris subita tempestas, quàm ante
 prouisa, terret nauigantes uehementius: & eiusmo-
 di sunt pleraque. sed cum diligenter nec opinatorum
 naturam consideres, nihil aliud reperias, nisi om-
 nia subita uideri maiora, & quidem ob duas caus-
 sas: primum, quòd, quanta sint quæ accidunt, con-
 siderandi spatium non datur: deinde, cum uidetur
 præcaueri potuisse, si prouisum esset, quasi culpa
 contractum malum ægritudinem acriorem facit.
 quod ita esse dies declarat: quæ procedens ita mi-
 tigat, ut, iisdem malis manentibus, non modo le-
 niatur ægritudo, sed in plerisque tollatur. Cartha-
 ginenses multi Romæ seruierunt; Macedones, rege
 Perse capto. uidi etiam in Peloponneso, cum essem
 adolescens, quosdam Corinthios. hi poterant om-
 nes

nes eadem illa de *Andromacha* deplorare,
Hæc omnia uidi.

sed & iam decantauert fortasse. eo enim erant
uultu, oratione, omni reliquo motu, & statu, ut eos
Argiuos, aut *Sicyonios* diceret: magisq. me moue-
rant *Corinthei* subito aspecta parietina, quam ipsos
Corinthios; quorum animis diuturna cogitatio cal-
lum uetustatis obduxerat. Legimus librum *Clito-*
machi; quem ille, euersa *Carthagine*, misit, conso-
landi causa, ad captiuos, ciues suos. in eo est disputa-
tio scripta *Carneadis*; quam se ait in commentariū
retulisse. cum ita positum esset, uideri fore in ægri-
tudine sapientem patria capta; quæ *Carneades* con-
tra dixerit, scripta sunt. tanta igitur calamitatis
præsentis adhibetur a philosopho medicina, quanta
inuerteratæ ne desideratur quidem. nec, si aliquot
annis post idem ille liber captiuis missus esset, uulne-
ribus mederetur, sed cicatricibus. sensim enim, &
pedetentim progrediens extenuatur dolor: nō quo
ipsa res immutari soleat, aut possit: sed id, quod
ratio debuerat, usus docet, minora esse ea, quæ sint
uisa maiora. Quid ergo opus est, dicet aliquis, ra-
tione, aut omnino consolatione ulla, qua solemus
uti, cum leuare dolorem mærentiū uolumus? hæc
enim fere tum habemus in promptu, nihil oportere
inopinatum uideri. aut qui tolerabilius feret incom-
modum, qui cognouerit, necesse esse homini tale
aliquid accidere? hæc enim oratio de ipsa summa
mali nihil detrabit; tantum modo affert, nihil eue-
nisse,

nisse, quod non opinandum fuisset. neque tamen genus id orationis in consolando nō ualet: sed id, haud sciam, an plurimum. ergo ista nec opinata non habent tantam uim, ut ægritudo ex his omnis oriatur. feriunt enim fortasse grauius, non id efficiunt, ut ea, quæ accidunt, maiora uideantur. quia recentia sunt, uidentur, non quia repentina. Duplex est igitur ratio ueri reperiendi, non in ijs solum, quæ mala, sed in ijs etiam, quæ bona uidentur. nam aut de ipsius rei natura, qualis, & quanta sit, querimus, ut de paupertate non nunquam; cuius onus disputando leuamus, docentes, quàm parua, & quàm pauca sint, quæ natura desideret: aut a disputandi subtilitate orationem ad exempla traducimus. hic Socrates cōmemoratur, hic Diogenes, hic Cæcilianū illud, Sæpe est etiam sub palliolo sordido sapientia. cum enim paupertatis una eademq; sit uis; quidnā dici potest, quamobrem C. Fabricio tolerabilis ea fuerit, alij negent se ferre posse? Huic igitur alteri generi similis est ea ratio consolandi, quæ docet humana esse, quæ acciderint. non enim id solum continet ea disputatio, ut cognitionem afferat generis humani; sed significat tolerabilia esse, quæ & tulerint, & ferant ceteri. De paupertate agitur: multi patientes pauperes cōmemorantur. de contemnendo honore: multi inhonorati proferuntur, & quidem propter id ipsum beatiore: eorumq;, qui priuatum otium negotijs publicis antetulerunt, nominatim uita laudatur: nec filetur illud potentissimi

regis

regis anapæstum, qui laudat senem, & fortunatum esse dicit, quod inglorius sit atque ignobilis ad supremum diem peruenturus. Similiter commemorandis exemplis, orbitates quoque liberorum prædicantur; eorumq., qui grauius ferunt, luctus, aliorum exemplis leniuntur. sic perpeffio ceterorum facit, ut ea, quæ acciderint, multo minora, quàm quanta sint existimata, uideantur. ita fit sensim cogitantibus, ut, quantum sit eumentita opinio, appareat. atque hoc idem & Telamon ille declarat;

Ego cum genui, moriturum sciui:

& Theseus;

Futuras mecum commentabar miseras:

& Anaxagoras; Sciebam me genuisse mortalem. hi enim omnes, diu cogitantes de rebus humanis, intelligebant eas nequaquam pro opinione uulgi esse extimescendas. Et mihi quidem uidetur idem fere accidere ijs, qui ante meditantur, quod ijs, quibus medetur dies; nisi quod ratio quædam sanat illos, hos ipsa natura, intellecto eo, quod remedium illud continet, malum, quod opinatum sit esse maximum, nequaquam esse tantum, ut uitam beatam possit euertere. hoc igitur efficitur, ut ex illo nec opinato plaga maior sit, non, ut illi putant, ut, cum duobus pares casus euenerint, is modo ægritudine afficiatur, cui ille nec opinatus casus emenerit. itaque dicuntur non nulli in marore, cum de hac communi omnium conditione audissent, ea lege nos esse natos, ut nemo in perpetuum esse posset expers mali, grauius

uius etiam tulisse . quocirca Carneades , ut uideo no-
strum scribere Antiochum , reprehendere Chrysip-
pum solebat , laudantem Euripideum carmen illud :
Mortalis nemo est , quem non attingat dolor ,
Morbusque . multi sunt humandi liberi ,
Rursum creandi : morsq. est finis omnibus ,
Quæ generi humano angorem nequidquā afferunt .
Reddenda est terræ terra : tum uita omnibus
Metenda , ut fruges . sic iubet necessitas .
negabat genus hoc orationis quidquam omnino ad
leuandam ægritudinem pertinere : id enim ipsum
dolendum esse dicebat , quòd in tam crudelem ne-
cessitatem incidissemus : nam illam quidem oratio-
nem ex commemoratione alienorum malorum ad
maleuolos consolandos esse accommodatam . Mihi
uero longe uidetur secus . nam & necessitas feren-
dæ conditionis humanæ quasi cum deo pugnare co-
hibet , admonetq. esse hominem ; quæ cogitatio ma-
gnopere luctum leuat : et enumeratio exemplorum
non , ut animum maleuolorum oblectet , affertur ,
sed ut ille , qui mæret , ferendum sibi id censeat ,
quod uideat multos moderate , & tranquille tulisse .
omnibus enim modis fulciendi sunt , qui ruunt ,
nec cohærere possunt , propter magnitudinem ægri-
tudinis : ex quo ipsam ægritudinem λύπην Chrysip-
pus , quasi λύσιν , id est solutionem totius hominis ,
appellatam putat : quæ tota poterit euelli , explica-
ta , ut principio dixi , causa ægritudinis . est enim
nulla alia , nisi opinio , & iudicium magni præsen-
tis ,

tis, atque urgentis mali. itaque & dolor corporis, cuius est morsus acerrimus, perfertur spe proposita boni: & acta ætas honeste, ac splendide tantam affert consolationem, ut eos, qui ita uixerint, aut non attingat ægritudo, aut perleuiter pungat animi dolor. Sed ad hanc opinionem mali cum illa etiam opinio accessit, oportere, rectum esse, ad officium pertinere, ferre illud ægre, quod acciderit; tum denique efficitur illa grauis ægritudinis perturbatio. ex hac opinione sunt illa uaria et detestabilia genera lugendi, pedores, muliebres lacerationes genarum, pettoris, feminum, capitis percussiones. hinc ille Agamemnon Homericus, & idem Attianus, Scindens dolore identidem intonsam comam. in quo facetum illud Bionis, perinde stultissimum regem in luctu capillū sibi euellere, quasi caluitio mæror leuaretur. sed hæc omnia faciunt opinantes ita fieri oportere. itaque & Aeschines in Demosthenem inuehitur, quod is septimo die post filiae mortem hostias immolasset. at quàm rhetorice? quàm copiose? quas sententias colligit? quæ uerba contorquet? ut licere quiduis rhetori intelligas. quæ nemo probaret, nisi insitum illud in animis haberemus, omnes bonos interitu suorum quamgrauissime mærere oportere. ex hoc euenit, ut in animi doloribus alij solitudines captent, ut ait Homerus de Bellephonte:

Qui miser in campis mærens errabat Aleis,
Ipse suum cor edens, hominum uestigia uitans.

gg

&

TVSC. DISPVT.

& Niobe fingitur lapidea, propter æternum credo
in luctu silentium. Hecubam autem, putant, pro-
pter animi acerbiteriam quandam, & rabiem, fin-
gi, in canem esse conuersam. Sunt autem alij, quos
in luctu cum ipsa solitudine loqui sæpe delectat, ut
illa apud Ennium nutrix:

Cupido cepit miseram nunc me, proloqui
Cælo, atque terræ Medæ miseras.

Hæc omnia, recta, uera, debita putantes, faciunt in
dolore: maximeq. declaratur hoc quasi officij indi-
cio fieri, quod, si qui forte, cum in luctu esse uel-
lent, aliquid fecerunt humanius, aut si hilarius locu-
ti sunt, reuocant se rursus ad mæstitiam, peccatiq.
se insimulant, quod dolere intermiserint. pueros ue-
ro matres, & magistri castigare etiam solent, nec
uerbis solum, sed etiam uerberibus, si quid in dome-
stico luctu hilarius ab ijs factum est, aut dictum:
plorare cogunt. Quid? ipsa remissio luctus cum est
consecuta; intellectumq. est, nihil profici mærendo;
non ne declarat fuisse totum illud uoluntarium? quid
ille Terentianus, ipse se puniens, id est εαυτὸν τιμω-
ροῦμενος?

Decreui tantisper me minus iniuriæ,
Chreme, meo gnato facere, dum fiam miser.
hic decernit, ut miser sit. num quis igitur quidquam
decernit inuitus?

Malo quidem me quouis dignum deputem.
malo se dignum deputat, nisi miser sit. uides ergo
opinionis esse, non naturæ n. alium. Quid, quod res
ipsa

ipsa lugere prohibet? ut apud Homerum quotidiana necesse, interitusque multorum sedationem mærendi afferunt; apud quem ita dicitur:

Nanque nimis multos, atque omni luce cadentes Cernimus: ut nemo possit mærore uacare.

Quo magis est æquum tumulis mandare peremptos Firmo animo, & luctum lacrymis finire diurnis.

Ergo in potestate est abijcere dolorem, cum uelis, tempori seruientē. An est ullum tempus, quoniam quidem res in nostra potestate est, cui non, ponendæ curæ ægritudinis causâ, seruiamus? constabat, eos, qui concidentem uulneribus Cn. Pompeium uidissent, cum in illo ipso acerbissimo miserrimoque spectaculo sibi timerent, quod se classe hostium circumfusus uiderent, nihil tum aliud egisse, nisi ut remiges hortarentur, & ut salutem adipiscerentur fuga; postea quàm Tyrum uenissent, tum afflicti, lamentarique cœpisse. timor igitur ab ijs ægritudinem potuit repellere, ratio ac sapientia uera non poterit?

Quid est autem, quod plus ualeat ad ponendum dolorem, quàm cum est intellectum, nihil profici, & frustra esse susceptum? si igitur deponi potest, etiam non suscipi potest. uoluntate igitur, et iudicio suscipi ægritudinem consitendum est: idque indicatur eorum patientia, qui, cum multa sint sæpe perpassi, facilius ferunt quidquid accidit, obduruisseque sese contra fortunam arbitrantur, ut ille apud Euripidem;

Si mihi nunc tristis primum illuxisset dies,

88 2 Nec

TVSC. DISPVT.

Nec tam ærumnoso nauigauissem salo;
 Esset dolendi caussa; ut iniecto equulei
 Fræno repente tactu exagitantur nouo.
 Sed iam subiectus miserijs obtorpei.

Defatigatio igitur miseriarum ægritudines cum faciat leuiiores; intelligi necesse est, non rem ipsam causam, atque fontem esse mæroris. Philosophi summi, nec dum tamen sapientiam consecuti, non ne intelligunt in summo se malo esse, (sunt enim insipientes; neque insipientia ullum maius malum est) neque tamen lugent? quid ita? quia huic generi malorum non affingitur illa opinio, rectum esse, & æquum, & ad officium pertinere, ægre ferre, quod sapiens non sis: quod idem affingimus huic ægritudini; in qua luctus inest; quæ omnium maxima est. itaque Aristoteles, ueteres philosophos accusans, qui existimauiſſent philosophiam suis ingenijs esse perfectam, ait eos aut stultissimos, aut gloriosissimos fuisse; sed se uidere, quod paucis annis magna accessio facta esset, breui tempore philosophiam plane absolutam fore. Theophrastus autem moriens accusasse naturam dicitur, quod ceruis, & cornicibus uitam diuturnam, quorum id nihil interesset, hominibus, quorum maxime interfuiſſet, tam exiguam uitam dedisset: quorum si atas potuiſſet esse longinquior, futurum fuisse, ut, omnibus perfectis artibus, omni doctrina hominum uita erudiretur. querebatur igitur se tum, cum illa uidere cœpiſſet, extingui. Quid? ex ceteris philosophis non ne optamus,

mus, & grauissimus quisque confitetur, multa se ignorare? & multa sibi etiam atque etiam esse discenda? neque tamen, cum se in media stultitia, qua nihil est peius, hærere intelligant, ægritudine premuntur. nulla enim admiscetur opinio officiosi doloris. Quid, qui non putant lugendum uiris? qualis fuit Q. Maximus, efferens filium consulari; qualis L. Paullus, duobus paucis diebus amissis filiis; qualis M. Cato, prætor designato, mortuo filio; quales reliqui, quos in Consolatione collegimus. quid hos aliud placuit, nisi quod luctum, & mærorem esse non putabant uiri? ergo id, quod alij rectum opinantes ægritudini se solent dedere, ij turpe putantes, ægritudinem repulerunt. ex quo intelligitur, non in natura, sed in opinione esse ægritudinem. Contra dicuntur hæc. Quis tam demens, ut sua uoluntate mæreat? natura affert dolorem: cui quidem Crantor, inquit, uester cedendum putat: premit enim, atque instat, nec resisti potest. itaque Oileus ille apud Sophoclem, qui Telamonem antea de Aiæcis morte consolatus esset, is cum audisset de suo, fractus est: de cuius commutata mente sic dicitur:

Nec uero tanta præditus sapientia

Quisquam est, qui, aliorum ærumnam dictis al-
leuans,

Non idem, cum fortuna mutata impetum

Conuertat, clade ut subita frangatur sua,

Vt illa ad alios dicta & præcepta excidant.

38 3

Hæc

TVSC. DISPVT.

Hæc cum disputant, hoc student efficere, naturæ obsisti nullo modo posse. ij tamen fatentur grauiore ægri tudines suscipi, quàm natura cogat. quæ igitur amentia, ut nos quoque idem ab alijs requiramus? Sed plures sunt causæ suscipiendi doloris. primum illa opinio mali; quo uiso, atque persuaso, ægritudo insequitur necessario. deinde etiam gratum se mortuis facere, si graui ter eos lugeant, arbitrantur. accedit superstitio muliebris quædam. existimant enim, dijs immortalibus se facilius satisfacturos, si, eorum plaga percussi, afflictos se & stratos esse fateantur. Sed hæc inter se quàm repugnent, plerique non uident. laudant enim eos, qui æquo animo moriantur: qui alterius mortem æquo animo ferant, eos putant uituperandos. quasi fieri ullo modo possit, quod in amatorio sermone dici solet, ut quisquam plus alterum diligat, quàm se. præclarum illud est, & si quæris, rectum quoque, & uerum, ut eos, qui nobis carissimi esse debeant, æque ac nosmet ipsos amemus; ut uero plus, fieri nullo pacto potest. ne optandum quidem est in amicitia, ut me ille plus, quàm se, ego illum plus, quàm me. perturbatio uitæ, si ita sit, atque officiorum omnium consequatur. Sed de hoc alias. nunc illud satis est, non attribuere ad amissionem amicorum miseriam nostram; ne illos plus, quàm ipsi uelint, si sentiant, plus certe, quàm nosmet ipsos, diligamus. Nam quod aiunt, plerisque consolationibus nihil leuari; adiunguntq. consolatores ipsos confiteri se miseros, cum ad eos impetum

tum suum fortuna conuerterit : utrumque dissoluitur.
sunt enim ista non naturæ uitia, sed culpæ. stulti-
tiam autem accusare quamuis copiose licet. nam &
qui non leuantur, ipsi alios ad miseriam inuitant :
& qui suos casus aliter ferunt, atque ut alijs aucto-
res ipsi fuerunt, non sunt uitiosiores, quàm fere ple-
rique, qui auari auaros, gloriæ cupidos gloriosi re-
prehendunt. est enim proprium stultitiæ, aliorum
uitia cernere, obliuisci suorum. sed nimirum hoc ma-
ximum est experimentum ; cum constet ægritudi-
nem uetustate tolli, hanc uim non esse in die positam,
sed in cogitatione diuturna. nam etsi eadem res est,
& idem est homo : qui potest quidquam de dolore
mutari, si neque de eo, propter quod dolet, quid-
quam est mutatum, neque de eo, qui dolet ? cogita-
tio igitur diuturna, nihil esse in re mali, dolori me-
detur, non ipsa diuturnitas. Hic mihi afferunt me-
diocritates : quæ si naturales sunt, quid opus est con-
solatione ? natura enim ipsa terminabit modum : sin
opinabiles, opinio tota tollatur. Satis dictum esse
arbitror, ægritudinem esse opinionem mali præsen-
tis ; in qua opinione illud insit, ut ægritudinem susci-
pere oporteat. Additur ad hanc definitionem a Ze-
none recte, ut illa opinio præsentis mali sit recens.
hoc autem uerbum sic interpretatur, ut non tantum
illud recens esse uelit, quod paullo ante acciderit ;
sed, quàm diu in illo opinato malo uis quædam insit,
& uigeat, & habeat quandam uiriditatem, tam
diu appelletur recens : ut Artemisia illa, Mausoli

TVSC. DISPVT.

*Cariæ regis uxor, quæ nobile illud Halicarnassi fecit
sepulcrum, quàm diu uixit, uixit in luctu, eodemq.
etiam confecta contabuit. huic erat illa opinio quo-
tidie recens: quæ tum denique non appellabatur re-
cens, cum uetustate exaruit. Hæc igitur officia sunt
consolantium, tollere ægritudinem funditus, aut se-
dare, aut detrahere quamplurimum, aut suppri-
mere, nec pati manare longius, aut ad aliam tra-
ducere. Sunt, qui unum officium consolantis pu-
tent, malum illud omnino non esse, ut Cleanthi pla-
cet. sunt, qui, non magnum malum, ut Peripate-
tici. sunt, qui abducunt a malis ad bona, ut Epicu-
rus. sunt, qui satis putant ostendere, nihil inopina-
ti accidisse, nihil mali. Chrysippus autem caput es-
se censet in consolando, detrahere illam opinionem
mærenti, si se officio fungi putet iusto, atque debito.
sunt etiam, qui hæc omnia genera consolandi colli-
gunt. alius enim alio modo mouetur; ut fere nos om-
nia in Consolationem unam coniecimus. erat enim in
tumore animus, & omnis in eo tentabatur curatio.
sed sumendum tempus est non minus in animorum
morbis, quàm in corporum: ut Prometheus ille
Æschyli: cui cum dictum esset,
Atqui, Promethen, te hoc tenere existimo,
Mederi posse rationem iracundia;
respondet,
Siquidem qui tempestiuam medicinam admouens,
Non ad grauescens uulnus illidat manus.
Erit igitur in consolationibus prima medicina, doce-
re aut*

re aut nullum malum esse, aut admodum paruum:
altera, et de communi conditione uitæ, & proprie,
si quid sit, de ipsius, qui mæreat, disputandum:
tertia, summam esse stultitiam, frustra confici mæ-
rore, cum intelligas nihil posse profici. Nam Clean-
thes quidem sapientem consolatur; qui consolatio-
ne non eget. nihil enim esse malum, quod turpe non
sit, si lugenti persuaseris; non tu illi luctum, sed
stultitiam detraxeris. alienum autem tempus do-
cendi. Et tamen non satis mihi uidetur uidisse hoc
Cleanthes, suscipi aliquando ægritudinem posse ex
eo ipso, quod esse summum malum Cleanthes ipse
fatetur. quid enim dicemus? cum Socrates Alci-
biadi persuasisset, ut acceperimus, eum nihil homi-
nis esse, nec quidquam inter Alcibiadem, summo
loco natum, & quemuis baiulum interesse; cum se
Alcibiades affligeret, lacrymansq. Socrati sup-
plex esset, ut sibi uirtutē traderet, turpitudinemq.
depelleret: quid dicemus, Cleanthe? num in illa re,
quæ ægritudine Alcibiadem afficiebat, mali nihil
fuisse? Quid illa Lyconis, qualia sunt? qui ægritu-
dinem extenuans, paruis ait eam rebus moueri,
fortunæ, & corporis incommodis, non animi ma-
lis. Quid ergo? illud, quod Alcibiades dolebat,
non ex animi malis uitijsq. constabat? Ad Epicuri
consolationem satis est ante dictum. Ne illa qui-
dem consolatio firmissima est; quanquam & usita-
ta est, & sepe prodest: Non tibi hoc soli. prodest
hæc quidem, ut dixi, sed nec semper, nec omni-
bus

TVSC. DISPVT.

bus . sunt enim , qui respuant . sed refert , quo modo adhibeatur . ut enim tulerit quisque eorum , qui sapienter tulerunt , non quo quisque incommodo affectus sit , prædicandum est . Chrysippi ratio ad ueritatem firmissima est , ad tempus ægritudinis difficilis . magnum opus est probare mærenti , illum suo iudicio , & quodd se ita putet oportere facere , mæ-rere . Nimirum igitur , ut in caussis non semper utimur eodem statu , (sic enim appellamus controuersiarum genera) sed ad tempus , ad controuersie naturam , ad personam accommodamus : sic in ægritudine lenienda , quamnam quisque curationem recipere possit , uidendum est . Sed nescio quo pacto ab eo , quod erat a te propositum , aberrauit oratio . tu enim de sapiente quæsieras : cui aut malum uideri nullum potest , quod uacet turpitudine ; aut ita paruum malum , ut id obruatur sapientia , uixq. appareat ; qui nihil opinione affingat , assumatq. ad ægritudinem ; nec id putet esse rectum , se quammaxime excruciaci , luctuq. confici ; quo prauius nihil esse possit . edocuit tamen ratio , ut mihi quidem uidetur , cū hoc ipsum proprie non quæreretur hoc tempore , ne quidem ullum esse malum , nisi quod idē dici turpe posset ; tamen ut uideremus , quidquid in ægritudine mali , id nō naturale esse , sed uoluntario iudicio , & opinionis errore contractū . tractatum est autem a nobis id genus ægritudinis , quod unum est omnium maximum , ut , eo sublato , reliquorum remedia ne magnopere quærenda arbitra-

bitraremur. sunt enim certa, quæ de paupertate, certa, quæ de uita inhonorata, & ingloria dici soleant. separatim autem certæ scholæ sunt de exilio, de interitu patriæ, de seruitute, de debilitate, de cæcitate, & de omni casu: in quo nomen ponisset calamitatis. hæc Græci in singulas scholas, & in singulos libros dissipant: opus enim quærunt, quanquam plane disputationis sunt, delectationis. & tamen, ut medici, toto corpore curando, minimæ etiam parti, si condoluit, medentur: sic philosophia, cum uniuersam ægritudinem sustulit, tamen, si quis error aliunde extitit, si paupertas momordit, si ignominia pupugit, si quid tenebrarum offudit exilium, aut eorum, quæ modo dixi, si quid extitit: etsi singularum rerum sunt propriæ consolationes: de quibus audies tu quidem, cum uoles. sed ad eundem fontem reuertendum est, ægritudinem omnem procul abesse a sapiente, quod inanis sit, quod frustra suscipiatur, quod non natura exoriatur, sed iudicio, sed opinione, sed quadam inuitatione ad dolendum, cum id decreuerimus ita fieri oportere. hoc detracto, quod totum est uoluntarium, ægritudo erit sublata illa mærens; morsus tamen, & contractiunculæ quædā animi relinquentur. hanc dicant sane naturalem, dum ægritudinis nomen absit, graue, tetrum, funestum, quod cum sapientia esse, atque, ut ita dicam, habitare nullo modo possit. atqui stirpes sunt ægritudinis, quàm multæ, quàm amaræ, quæ, ipso trunco euerso, omnes

TVSC. DISPVT.

omnes elidendæ sunt, & si necesse erit, singulis disputationibus: superest enim nobis hoc, cuiusmodi est, otium. sed ratio una omnium est ægritudinum, plura nomina. nam & inuidere ægritudinis est, & æmulari, & obtrectare, & misereri, angi, lugere, mædere, ærumna affici, lamentari, sollicitari, dolere, in molestia esse, affligi, desperare. hæc omnia definiunt Stoici: eaq. uerba, quæ dixi, singularum rerum sunt, non, ut uidentur, easdem res significant, sed aliquid differunt: quod alio loco fortasse tractabimus. hæ sunt illæ fibræ stirpium, quas initio dixi, persequendæ, et omnes elidendæ; ne ulla unquam possit existere: magnum opus, & difficile: quis negat? quid autem præclarum, non idem arduum? sed tamen id se effecturam philosophia profitetur: nos modo curationem eius recipiamus. Verum quidem hæc hætenus: cetera, quotiescunque uoletis, & hoc loco, & alijs parata nobis erunt.

M. TVLLII

239

M. TVLLII CICERONIS
TVSCVLANARVM
DISPVATIONVM
LIBER IIII.

de reliquis animi perturbationibus.

CVM multis locis nostrorum hominum ingenia, uirtutesque, Brute, soleo mirari, tum maxime ijs in studijs, quæ sero admodum expetita, in hanc ciuitatem e Græcia transtulerunt. nam cum a primo urbis ortu, regijs institutis, partim etiam legibus auspicia, cæremoniæ, comitia, prouocationes, patrum consilium, equitum, peditumque. descriptio, tota res militaris diuinitus esset constituta; tum progressio admirabilis, incredibilisque. cursus ad omnem excellentiam factus est, dominatu regio rep. liberata. nec uero hic locus est, ut de moribus institutisque. maiorum, & disciplina, ac temperatione ciuitatis loquamur. alijs hæc locis satis accurate a nobis dicta sunt, maximeque. in ijs sex libris, quos de rep. conscripsimus. hoc autem loco consideranti mihi studia doctrinæ, multa sane occurrunt, cur ea quoque accersita aliunde, neque solum expetita, sed etiam conseruata, & culta uideantur. erat enim illis pæne in conspectu, præstanti sapientia, & nobilitate, Pythagoras, qui fuit in Italia temporibus ijsdem, quibus L. Brutus patriam liberauit, præ-

cla-

TVSC. DISPVT.

clarus auctor nobilitatis tuæ . Pythagoræ autem doctrina cum longe , lateq. flueret , permanauisse mihi uidetur in hanc ciuitatem : idq. cum coniectura probabile est , tum quibusdam etiam uestigijs indicatur . quis est enim , qui putet , cum floreret in Italia Græcia potentissimis , & maximis urbibus , ea , quæ Magna dicta est ; in hisq. primum ipsius Pythagoræ , deinde postea Pythagoreorum tantum nomen esset ; nostrorum hominum ad eorum doctissimas uoces aures clausas fuisse ? quin etiam arbitror , propter Pythagoreorum admirationem Numam quoque regem Pythagoreum a posterioribus existimatum . Nam cum Pythagoræ disciplinam , & instituta cognoscerent ; regisq. eius æquitatem , & sapientiam a maioribus suis accepissent ; ætates autem , et tempora ignorarent , propter uetustatem ; eum , qui sapientia excelleret , Pythagoræ auditorem fuisse crediderunt . Et de coniectura quidem hætenus . Vestigia autem Pythagoreorum quamquam multa colligi possunt , paucis tamen utemur : quoniam non id agitur hoc tempore . Nam cum carminibus soliti illi esse dicantur et præcepta quædam occultius tradere , & mentes suas a cogitationum intentione cantu , fidibusq. ad tranquillitatem traducere ; grauissimus auctor in Originibus dixit Cato , morem apud maiores hunc epularum fuisse , ut , deinceps , qui accubarent , canerent ad tibiam clarorum uirorum laudes , atque uirtutes . ex quo perspicuum est , & cantus tum fuisse rescriptos uocum sonis ,

sonis, & carmina. quanquam id quidem etiam
XII. tabulae declarant, conditum solitum esse
carmen: quod ne liceret fieri ad alterius iniuriam,
leges sanxerunt. Nec uero illud non eruditorum
temporum argumentum est, quod & deorum pul-
vinaribus, et epulis magistratum fides praecinunt:
quod proprium eius fuit, de qua loquor, discipli-
na. mihi quidem etiam Appij Cæci carmen, quod
ualde Panætius laudat epistola quadam, quæ est
ad Q. Tiberonem, Pythagoreorum uidetur. Mul-
ta sunt etiam in nostris institutis ducta ab illis:
quæ prætereo, ne ea, quæ peperisse ipsi putamur,
aliunde didicisse uideamur. Sed, ut ad propositum
redeat oratio; quàm breui tempore quot, et quan-
ti poetæ, qui autem oratores extiterunt? facile ut
appareat, nostros omnia consequi potuisse, simul
ut uelle cœpissent. Sed de ceteris studijs alio loco et
dicemus, si usus fuerit, & sæpe diximus. Sapien-
tiæ studium uetus id quidem in nostris: sed tamen,
ante Lælij ætatem, & Scipionis, non reperio quos
appellare possim nominatim: quibus adolescentibus
Stoicum Diogenem, & Academicum Carneadem
uideo ad senatum ab Atheniensibus missos esse le-
gatos. qui cum reip. nullam unquam partem atti-
gissent; essentq. eorum alter Cyrenæus, alter Ba-
bylonius; nunquam profecto scholis essent excita-
ti, neque ad illud munus electi, nisi in quibusdam
principibus temporibus illis fuissent studia doctri-
næ: qui cum cetera litteris mandarent, alij ius ciui-
le,

TVSC. DISPVT.

le, alij orationes suas, alij monumenta maiorum;
hanc amplissimam omnium artium bene uiuendi di-
sciplinam uita magis, quàm litteris, persecuti sunt.
itaque illius ueræ, elegantisq. philosophiæ, quæ
ducta a Socrate in Peripateticis adhuc permansit,
& idem alio modo dicentibus Stoicis, cum Acade-
mici eorum controuersias disceptarent, nulla fere
sunt, aut pauca admodum latina monumenta, si-
ue propter magnitudinem rerum, occupationemq.
omnium, siue etiam, quòd imperitis ea probari
posse non arbitrabantur: cum interim, illis silenti-
bus, C. Amasanius extitit dicens. cuius libris edi-
tis, commota multitudo contulit se ad eandem po-
tissimum disciplinam; siue quòd erat cognitu per-
facilis; siue quòd inuitabatur illecebris blandis uo-
luptatis; siue etiam, quia nihil prolatum erat me-
lius, illud, quod erat, tenebant. Post Amasa-
nium autem multi, eiusdem æmuli rationis, mul-
ta cum scripsissent, Italiam totam occupauerunt:
quodq. maximum argumentum est, non dici illa
subtiliter, quòd & facile ediscantur, & ab indo-
ctis probentur; id illi firmamentum esse disciplinæ
putant. sed defendat quidem, quod quisque sentit:
sunt enim iudicia libera: nos institutum tenebimus:
nullisq. unius disciplinæ legibus adstricti, quibus
in philosophia necessario pareamus, quid sit in qua-
que re maxime probabile, semper requiremus.
quod cum sæpe alias, tum nuper in Tusculano stu-
diose egimus, itaque, expositis tridui disputationi-
bus,

bus, quartus dies hoc libro concluditur. ut enim in inferiorem ambulationem descendimus, quod idem feceramus superioribus diebus; sic acta res est.

M. Dicat, si quis uult, de qua re disputare uelit.

A. non mihi uidetur omni animi perturbatione posse sapiens uacare. M. Aegritudine quidem, hesteria disputatione uidebatur: nisi forte temporis causa assentiebare. A. Minime uero: nam mihi egregie probata est oratio tua. M. Non igitur existimas cadere in sapientem aegritudinem? A. Prorsus non arbitror. M. Atqui, si ista perturbare animum sapientis non potest, nulla poterit. quid enim? metus ne conturbet? at earum rerum est absentium metus, quarum praesentium est aegritudo. sublata igitur aegritudine, sublatus est metus. Restant duae perturbationes, letitia gestiens, & libido: quae si non cadent in sapientem, semper mens erit tranquilla sapientis. A. Sic prorsus intelligo. M. Vtrum igitur mauis? statim ne nos uela facere, an, quasi e portu egredientes, paullulum remigare? A. Quidnam est istuc? non enim intelligo. M. Quia Chrysippus, & Stoici, cum de animi perturbationibus disputant, magnam partem in his partiendis, & definiendis occupati sunt: illa eorum perexigua oratio est, qua medeantur animis, nec eos turbulentos esse patiantur. Peripatetici autem ad placandos animos multa afferunt: spinas partiendi, & definiendi praetermittunt. quarebam igitur, utrum panderem uela orationis statim, an eam ante paul-

h h lulum

lulum dialecticorum remis propellerem. A. Isto modo uero. erit enim hoc totum, quod quæro, ex utroque perfectius. M. Est id quidem rectius: sed post requires, si quid fuerit obscurius. A. Faciam equidem: tu tamen, ut soles, dices ista ipsa obscura planius, quàm dicuntur a Græcis. M. Enitar quidem: sed intento opus est animo, ne omnia dilabantur, si unum aliquod effugerit. Quoniam, quæ Græci πᾶν uocant, nobis perturbationes appellari magis placet, quàm morbos; in his explicandis ueterem illam equidem Pythagoræ primum, deinde Platonis descriptionem sequar: qui animum in duas partes diuidunt: alteram rationis participem faciunt, alteram expertem. in partice rationis ponunt tranquillitatem, id est placidam, quietamq. constantiam: in illa altera motus turbidos tum iræ, tum cupiditatis, contrarios, inimicosq. rationi. sit igitur hic fons: utamur tamen in his perturbationibus describendis Stoicorum definitionibus, & partitionibus: qui mihi uidentur in hac quæstione uersari acutissime. Est igitur Zenonis hæc definitio, ut perturbatio sit, quod πᾶν ille dicit, auersa a recta ratione contra naturam animi commotio. Quidam breuius, perturbationem esse appetitum uehementiorem, dicunt; sed uehementiorem eum uolunt esse, qui longius discesserit a naturæ constantia. Partes autem perturbationum uolunt ex duobus opinatis bonis nasci, & ex duobus opinatis malis; ita esse quattuor. ex bonis libidinem, & lat-

letitiam; ut sit letitia præsentium bonorum, libido futurorum; ex malis metum, & ægritudinem nasci censent, metum ex futuris, ægritudinem ex præsentibus. quæ enim uenientia metuuntur, eadem efficiunt ægritudinem instantia. letitia autem, & libido in bonorum opinione uersantur: cum libido ad id, quod uidetur bonum, illecta, & inflammata rapiatur; letitia, ut adepta iam aliquid concupitum, efferatur, & gestiat. natura enim omnes ea, quæ bona uidentur, sequuntur, fugiuntq. contraria. quamobrem, simul obiecta species cuiuspiam est, quod bonum uideatur; ad id adipiscendum impellit ipsa natura. id cum constanter, prudenterq. fit, eiusmodi appetitionem Stoici βούλησιν appellant, nos appellamus uoluntatem. eam illi putant in solo esse sapiente; quam sic definiunt. uoluntas est, quæ quid cum ratione desiderat. Quæ autem aduersa ratione incitata est uehementius, ea libido est, uel cupiditas effrænata, quæ in omnibus stultis inuenitur. Itemq., cum ita mouemur, ut in bono simus aliquo, dupliciter id contingit. nam cum ratione animus mouetur placide, atque constanter, tum illud gaudium dicitur: cum autem & inaniter, & effuse animus exultat, tum illa letitia gestiens, uel nimia dici potest: quam ita definiunt, sine ratione animi elationem. quo modoq. bona natura appetimus; sic a malis natura declinamus. quæ declinatio si cum ratione fiet, cautio appellatur, eaq. intelligatur in solo esse sapiente: quæ au-

TVSC. DISPVT.

tem sine ratione, & cum exanimatione humili, atque fracta, nominetur metus. est igitur metus rationi aduersa cautio. presentis autem mali sapientis affectio nulla est. Stulti autem aegritudo est ea, qua afficiuntur in malis opinatis, animosq. demittunt, et contrahunt rationi non obtemperantes. itaque hac prima definitio est, ut aegritudo sit animi aduersante ratione contractio. sic quattuor perturbationes sunt, tres constantia: quoniam aegritudini nulla constantia opponitur. Sed omnes perturbationes iudicio censent fieri, & opinione: itaque eas definiunt pressius; ut intelligatur non modo, quam uitiosa, sed etiam quam in nostra sint potestate. Est igitur aegritudo, opinio recens mali presentis: in quo demitti contrahiq. animo, rectum esse uideatur. Laetitia, opinio recens boni presentis, in quo efferri rectum esse uideatur. Metus, opinio impendentis mali, quod intolerabile esse uideatur. Libido, opinio uenturi boni, quod, sit ex usu, iam praesens esse, atque adesse. Sed quae iudicia, quasq. opiniones perturbationum esse dixi, non in eis perturbationes solum positas esse dicunt, uerum illa etiam, quae efficiuntur perturbationibus; ut aegritudo quasi morsum aliquem doloris efficiat, metus recessum quendam animi, & fugam, laetitia profusam hilaritatem, libido effrenatam appetentiam. Opinionem autem, quam in omnes definitiones superiores inclusimus, uolunt esse imbecillam assensionem. Sed in singulis perturbationibus partes eiusdem

eiusdem generis plures subiiciuntur, ut ægritudini inuidia, (utendum est enim, docendi causa, uerbo minus usitato; quoniam inuidiam non in eo, qui inuidet, solum dicitur, sed etiam in eo, cui inuidetur) æmulatio, obretractio, misericordia, angor, luctus, mæror, ærumna, dolor, lamentatio, sollicitudo, molestia, afflictatio, desperatio, & si quæ sunt de genere eodem. Sub metum autem subiecta sunt pigritia, pudor, terror, timor, pavor, exanimatio, conturbatio, formido. Voluptati maleuolentia, lætans malo alieno, delectatio, iactatio, & similia. Libidini ira, excandescencia, odium, inimicitia, discordia, indigentia, desiderium, & cetera eiusmodi. Hæc autem definiunt hoc modo: Inuidiam esse dicunt ægritudinem, susceptam propter alterius res secundas, quæ nihil noceant inuidenti. nam, si quis doleat eius rebus secundis, a quo ipse lædatur, non recte dicitur inuidere; ut si Hectori Agamemnon: qui autem, cui alterius comoda nihil noceant, tamen eum doleat his frui, is inuidet profecto. Æmulatio autem dupliciter illa quidem dicitur, ut & in laude, & in uitio nomen hoc sit. nam & imitatio uirtutis æmulatio dicitur: sed ea nihil hoc loco utimur; est enim laudis: & est æmulatio ægritudo, si eo, quod concupierit, alius potiatur, ipse careat. Obretractio autem est ea, quam intelligi zelotypiam uolo, ægritudo ex eo, quod alter quoque potiatur eo, quod ille ipse concupiuerit. Misericordia est ægritudo ex miseria al-

h h 3 terius

TVSC. DISPVT.

terius iniuria laborantis . nemo enim paricidæ , aut
proditoris supplicio misericordia commouetur . An
gor est ægritudo premens . Luctus , ægritudo ex
eius , qui carus fuerit , interitu acerbo . Mæror ,
ægritudo flebilis . Aerumna , ægritudo laboriosa .
Dolor , ægritudo crucians . Lamentatio , ægritudo
cum eiulatu . Sollicitudo , ægritudo cum cogitatio-
ne . Molestia , ægritudo permanens . Afflictatio ,
ægritudo cum uexatione corporis . Desperatio , ægri-
tudo sine ulla rerum expectatione meliorum . Quæ
autem subiecta sunt sub metu , ea sic definiunt :
Pigritiam , metum consequentis laboris : Terro-
rem , metum concutientem : ex quo fit , ut pudorem
rubor , terrorem pallor , & tremor , & dentium
crepitus consequatur : Timorem , metum mali ap-
propinquantis : Pauorem , metum mentem loco mo-
uentem : ex quo illud Ennij ,

Tum pauor sapientiam mihi omnem ex animo ex-
pektorat :

Exanimationem , metum subsequenter , & quasi
comitem pauoris : Conturbationem , metum excu-
tientem cogitata : Formidinem , metum permanen-
tem . Voluptatis autem partes hoc modo descri-
bunt , ut Maleuolentia sit uoluptas ex malo alte-
rius sine emolumento suo ; Delectatio , uoluptas
suauitate auditus animum deleniens : & qualis est
hæc aurium , tales sunt oculorum , & tactionum ,
& odoratorum , & saporum : quæ sunt omnes
unius generis , ad perfundendum animum tanquam
illique-

illiquēfactæ uoluptates. Iactatio est uoluptas ge-
stiens, & se efferens insolentius. Quæ autem libi-
dini subiecta sunt, ea sic definiunt, ut Ira sit libi-
do puniendi eius, qui uideatur lāsisse iniuria: Ex-
candescētia autem sit ira nascens, & modo exi-
stēns: quæ θυμὸς græce dicitur: Odium, ira inuete-
rata: Inimicitia, ira ulciscendi tempus obseruans:
Discordia, ira acerbior, intimo odio, & corde con-
cepta: Indigentia, libido inexplēbilis: Desiderium,
libido eius, qui nondum adsit, uidendi. Distinguunt
illud etiam, ut sit libido earum rerum, quæ dicun-
tur de quodam, aut quibusdam; quæ κατηγορήμα-
τα dialectici appellant; ut habere diuitias, capere
honores. Indigentia, libido rerum p̄sarum est, ut
honorum, ut pecuniæ. Omnium autem perturba-
tionum fontem esse dicunt intemperantiam: quæ
est a tota mente, & a recta ratione defectio, sic
auersa a præscriptione rationis, ut nullo modo ap-
petitiones animi nec regi, nec contineri queant.
quemadmodum igitur temperantia sedat appetitio-
nes, & efficit, ut hæ rectæ rationi pareant, con-
seruatq̃. considerata iudicia mentis: sic huic inimi-
ca intemperantia omnem animi statum inflamat,
conturbat, incitat. itaque & ægritudines, & me-
tus, & reliquæ perturbationes omnes gignuntur
ex ea. quemadmodum, cum sanguis corruptus est,
aut pituita redundat, aut bilis, in corpore morbi,
ægotationesq̃. nascuntur: sic prauarum opinionum
conturbatio, & ipsarum inter se repugnantia sani-

TVSC. DISPVT.

tate animum spoliatur, morbisque perturbatur. ex perturbationibus autem primum morbi conficiuntur; quæ uocantur illi νοσήματα; eaque, quæ sunt eis morbis contraria; quæ habent ad res certas uitiosam offensionem, atque fastidium; deinde ægrotationes, quæ appellantur a Stoicis ἀρρώστια; hisque item oppositæ contrariæ offensiones. Hoc loco nimium operæ consumitur a Stoicis, maxime a Chrysippo, dum morbis corporum comparatur morborum animi similitudo. quæ oratione minime necessaria prætermittitur, ea, quæ rem continent, pertractemus. Intelligatur igitur, perturbationem, iactantibus se opinionibus inconstanter, & turbide, in motu esse semper. cum autem hic feruor, concitatioque animi inueterauerit, & tanquam in uenis, medullisque insederit; tum existit & morbus, & ægrotatio, & offensiones eæ, quæ sunt eis morbis, ægrotationibusque contrariæ. hæc, quæ dico, cogitatione quidem inter se differunt, re uero copulata sunt, eaque oriuntur ex libidine, & latitia. nam cum est concupita pecunia, nec adhibita continuo ratio, quasi quædam Socratica medicina, quæ sanaret eam cupiditatem; permanat in uenas, & inhaeret in uisceribus illud malum, existitque morbus, & ægrotatio: quæ auelli inueterata non possunt: eique morbo nomen est auaritia. similiterque ceteri morbi, ut gloria cupiditas, ut mulierofitas, (ut ita appellem eam, quæ græce φιλογυνεΐα dicitur) ceterique similiter morbi, ægrotationesque nascuntur. Quæ autem
his

his sunt contraria, ea nasci putantur a metu, ut odium mulierum, quale in *μισογυνεία* est, ut in hominum uniuersum genus; quod accepimus de Timone, qui *μισάνθρωπος* appellatur; ut inhospitalitas est. quæ omnes ægrotationes animi ex quodam metu nascuntur earum rerum, quas fugiunt, et ode-
runt. Definiunt autem animi ægrotationem, opinio-
nem uehementem de re non expetenda, tanquam ualde expetenda sit, inhærentem, & penitus insi-
tam. quod autem nascitur ex offensione, ita defi-
niunt, opinionem uehementem de re non fugienda, inhærentem, & penitus insitam, tanquam fugien-
da. hæc autem opinatio est, iudicare se scire, quod nesciat. Aegrotationi autem talia quadam subie-
cta sunt, auaritia, ambitio, mulierositas, peruica-
cia, liguritia, uinolentia, cupedia, & si qua sunt similia. Est autem auaritia, opinatio uehemens de pecunia, quasi ualde expetenda sit, inhærens, & pe-
nitus insita. similisq. est eiusdem generis definitio reliquarum. Offensionum autem definitiones sunt eiusmodi, ut inhospitalitas sit opinio uehemens, ualde fugiendum esse hospitem, eaq. inherens, & penitus insita. similiter definitur & mulierum odium, ut Hippolyti, & ut Timonis generis humani. At-
que, ut ad uoletudinis similitudinem ueniam, eaq. collatione utamur aliquando, sed parcius, quàm so-
lent Stoici: ut sunt alij ad alios morbos procliniore; itaque dicimus grauedinosos quosdam, quosdam tor-
minosos, non quia semper sint, sed quia saepe sint:
alij

alij ad metum, alij ad aliam perturbationem. ex
 quo in alijs anxietas, unde anxij, in alijs iracundia
 dicitur: quæ ab ira differt: estq. aliud, iracundum
 esse; aliud, iratum: ut differt anxietas ab angore:
 neque enim omnes anxij, qui anguntur aliquando;
 neque anxij, semper anguntur: ut inter ebrieta-
 tem, & ebriositatem interest: aliudq. est, esse ama-
 torem; aliud, amantem. Atque hæc aliorum ad
 alios morbos procliuitas late patet: nam pertinet ad
 omnes perturbationes: in multis etiam uitij appa-
 ret: sed nomen res non habet. ergo inuidi, & male-
 uoli, liuidi, & timidi, & misericordes, quia pro-
 cliues ad eas perturbationes, non quia semper ferun-
 tur. hæc igitur procliuitas ad suum quodque genus,
 a similitudine corporis ægrotatio dicitur; dum ea in-
 telligatur ad ægrotandum procliuitas. sed hæc in bo-
 nis rebus, quod alij ad alia bona sunt aptiores, faci-
 litas nominetur; in malis procliuitas, ut significet
 lapsedionem; in neutris habeat superius nomen. Quo
 modo autem in corpore morbus, ægrotatio, & ui-
 tium, sic in animo. Morbum appellant, totius cor-
 poris corruptionem: Aegrotationem, morbum cum
 imbecillitate: Vitium, cum partes corporis inter se
 dissident: ex quo prauitas membrorum, distortio,
 deformitas. itaque illa duo, morbus, & ægrotatio,
 ex totius ualeitudinis corporis conquassatione, &
 perturbatione gignuntur: Vitium autem, integra
 ualeitudine, ipsum ex se cernitur. sed in animo tan-
 tum modo cogitatione possumus morbum ab ægro-
 tatione

tatione seiungere. Vitiositas autem est habitus, aut affectio in tota uita inconstans, & a se ipsa dissentiens. ita fit, ut in altera corruptione opinionum morbus efficiatur, & ægrotatio, in altera inconstantia, & repugnantia. non enim omne uitium partes habet dissentientes; ut eorum, qui non longe a sapientia absunt, affectio est illa quidem discrepans a se ipsa, dum est insipiens, sed non distorta, nec praua. Morbi autem, & ægrotationes partes sunt uitiositatis: sed perturbationes sint ne eiusdem partes, quæstio est: uitia enim affectiones sunt manentes, perturbationes autem mouentes; ut non possint affectionum manentium partes esse. Atque, ut in malis attingit animi naturam corporis similitudo, sic & in bonis. sunt enim in corpore præcipua, pulchritudo, uires, ualetudo, firmitas, uelocitas: sunt item in animo. Corporis temperatio, cum ea congruunt inter se, e quibus constat. sanitas sic animi dicitur, cum eius iudicia, opinionesq. concordant. eaq. est animi uirtus: quam alij ipsam temperantiam dicunt esse, alij obtemperantem temperantiae præceptis, & eam subsequentem, nec habentem ullam speciem suam; sed, siue hoc, siue illud sit, in solo esse sapiente. Est autem quædam animi sanitas, quæ in insipientem etiam cadat, cum curatione medicorum, perturbatio mentis aufertur. Et ut corporis est quædam apta figura membrorum, cum coloris quadam suauitate; eaq. dicitur pulchritudo: sic in animo opinionum, iudiciorumq. æqualitas,

bilitas, & constantia, cum firmitate quadam, &
 stabilitate uirtutem subsequens, aut uirtutis uim
 ipsam continens, pulchritudo uocatur. Itemq. uiri
 bus corporis, & neruis, & efficacitati similes, simi
 libus quoque uerbis animi uires nominantur. Ve
 locitas autem corporis, celeritas appellatur: quæ
 eadem ingenij etiam laus habetur, propter animi
 multarum rerum breui tempore percursionem. Il
 lud animorum, corporumq. dissimile est, quod ani
 mi ualentes morbo tentari non possunt, corpora pos
 sunt: sed corporum offensiones sine culpa accidere
 possunt, animorum non item. quorum omnes mor
 bi, & perturbationes ex aspernatione rationis eue
 niunt. itaque in hominibus solum existunt. nam be
 stie simile quiddam faciunt, sed in perturbatio
 nes non incidunt. Inter acutos autem, & hebetes
 interest, quod ingeniosi, ut æs Corinthium in ærugi
 nem, sic illi in morbum & incidunt tardius, & re
 creantur ocys, hebetes non item. Nec uero in om
 nem morbum, ac perturbationem animus ingeniosi
 cadit. non enim multa efferata, & immania: quæ
 dam autem humanitatis quoque habent primam spe
 ciem, ut misericordia, ægritudo, metus. Aegrota
 tiones autem, & morbi animorum difficilius euelli
 posse putantur, quàm summa illa uitia, quæ uirtu
 tibus sunt contraria. morbis enim manentibus, ui
 tia sublata esse non possunt; quia non tam celeriter
 sanantur, quàm illa tolluntur. Habes ea, quæ de
 perturbationibus enucleate disputant Stoici: quæ lo
 gica

gica appellant, quia differuntur subtilius. e quibus quoniam tanquam e scopulosis cotibus enauigauit oratio, reliquæ disputationis cursum teneamus: modo satis illa dilucide dixerimus pro rerum obscuritate. A. Prorsus satis: sed, si qua diligentius erunt cognoscenda, quæremus alias: nunc uela, quæ modo dicebas, expectamus, & cursum. M. Quando & alijs locis de uirtute diximus, et sæpe dicendum erit; (pleræque enim quæstiones, quæ ad uitam, moresq. pertinent, a uirtutis fonte ducuntur) quando igitur uirtus est affectio animi, constans, conueniensq., laudabiles efficiens eos, in quibus est, & ipsa per se sua sponte, separata etiam utilitate, laudabilis: (ex ea profisciscuntur honestæ uoluntates, sententiæ, actiones, omnisq. recta ratio: quanquam ipsa uirtus breuissime recta ratio dici potest) huius igitur uirtutis contraria est uitiositas: (sic enim malo, quàm malitiam, appellare eam, quam Græci κακία appellant: nam malitia certi cuiusdam uitij nomen est, uitiositas omnium) ex qua concitantur perturbationes: quæ sunt, ut paullo ante diximus, turbidi animorum, concitatiq. motus, auersi a ratione, & inimicissimi mentis, uitæq. tranquillæ: important enim ægritudines anxias, atque acerbæ, animosq. affligunt, & debilitant metu: iidem inflammant appetitione nimia: quam tum cupiditatem, tum libidinem dicimus, impotentiam quandam animi a temperantia, & moderatione plurimum dissidentem. quæ si quando adepta est id, quod ei fuerit

ei fuerit concupitum, tum fert alacritatem, ut nihil esse constet, quod agat; ut ille, qui uoluptatem animi nimiam summum esse errorem arbitratur. Eorum igitur malorum in una uirtute posita sanatio est. quid autem est non miserius solum, sed fœdius etiam, & deformius, quàm ægritudine quis afflētus, debilitatusq. iacens? cui miseriæ proximus est is, qui appropinquans aliquod malum metuit, examinatusque pendet animi. quam uim significantes mali, poetæ impendere apud inferos saxum Tantolo faciunt, ob scelera, animiq. impotentiam, & superbiloquentiam. ea communis pœna stultitiæ est. omnibus enim, quorum mens abhorret a ratione, semper aliquis alijs dolor, alijs terror impendet. Atque ut hæc tabificæ mentis perturbationes sunt; ægritudinem dico, & metum: sic hilariores illæ, cupiditas auide semper aliquid expetens, & inanis alacritas, id est lætitia gestiens, non multum differunt ab amentia. ex quo intelligitur, qualis ille sit, quem tum moderatum, alias modestum, & temperantem, alias constantem, continentemq. dicimus. non nunquam hæc eadem uocabula ad frugalitatis nomen, tanquam ad caput, referre uolumus. quòd nisi eo nomine uirtutes continerentur; nunquam illud ita peruulgatum esset, ut iam prouerbij locum obtineret, hominem frugi omnia recte facere. quod idem cum Stoici de sapiente dicunt, nimis admirabiliter, nimisq. magnifice dicere uidentur. Ergo is, quisquis est, qui moderatione, & constan-

tia

tia quietus animo est, sibiq. ipse placatus, ut neque
tabescat molestijs, neque frangatur timore, nec, si-
tienter quid appetens, ardeat desiderio, nec alacri-
tate futili gestiens delique scat; is est sapiens, quem
querimus; is est beatus, cui nihil humanarum re-
rum aut intolerabile ad demittendum animum, aut
nimis letabile ad efferendum uideri potest. quid
enim uideatur ei magnum in rebus humanis, cui
aeternitas omnis, totiusq. mundi nota sit magnitu-
do? nam quid aut in studijs humanis, aut in tam exi-
gua uitæ breuitate magnum sapienti uideri potest,
qui semper animo sic excubat, ut ei nihil improui-
sum accidere possit, nihil inopinatum, nihil omnino
nouum? atque idem ita acrem in omnes partes a-
ciem intendit, ut semper uideat sedem sibi, ac lo-
cum sine molestia, atque angore uiuendi; ut, quem-
cunque casum fortuna inuexerit, hunc apte et quie-
te ferat. quod qui faciet, non ægritudine solum ua-
cabit, sed etiam perturbationibus reliquis omnibus.
his autem uacuis animus perfecte atque absolute
beatos efficit: idemq. concitatus, & abstractus ab
integra, certa q. ratione, non constantiam solum
amittit, uerum etiam sanitatem. Quocirca mollis
& eneruata putanda est Peripateticorum ratio, &
oratio, qui perturbari animos necesse esse dicunt,
sed adhibent modum quendam, quem ultra progre-
di non oporteat. modum tu adhibes uitio? an uitium
nullum est, non parere rationi? an ratio parum præ-
cipit, nec bonum illud esse, quod aut cupias arden-
ter,

ter, aut adeptus te efferas insolenter? nec porro malum, quo aut oppressus iaceas, aut, ne opprimare, mente uix constes? eaq. omnia aut nimis tristia, aut nimis leta errore fieri? qui si error stultis extenuetur die, ut, cum res eadem maneat, aliter ferat inueterata, aliter recentia: sapientem ne attingat quidem omnino. etenim quis erit tandem modus iste? quæramus enim modum ægritudinis, in qua operæ plurimum ponitur. ægre tulisse P. Rutilium fratris repulsam consulatus, scriptum apud Fannium est: sed tamen transisse modum uidetur, quippe qui ob eam caussam a uita recesserit. moderatius igitur ferre debuit. Quid, si, cum id ferret modice, mors liberorum accessisset? nata esset ægritudo noua, sed ea modica: magna tamen facta esset accessio. Quid, si deinde dolores graues corporis, si bonorum amissio, si cæcitas, si exilium, si pro singulis malis ægritudines accederent? summa ea fieret, quæ non sustineretur. Qui modum igitur uitio quærit, similiter facit, ut si posse putet eum, qui se e Leucade præcipitauerit, sustinere se, cum uelit. ut enim id non potest: sic animus perturbatus, & incitatus nec cohibere se potest, nec, quo loco uult, insistere omnino: quæq. crescentia perniciofa sunt, eadem sunt uitiosa nascentia. ægritudo autem, ceteraq. perturbationes amplificata certe pestifera sunt: igitur etiam susceptæ continuo in magna pestis parte uersantur. etenim ipsæ se impellunt, ubi semel a ratione discessum est; ipsaq. sibi imbecillitas indulget, in altumq.

tumq. prouehitur imprudens, nec reperit locum consistendi. Quamobrem nihil interest, utrum moderatas perturbationes approbent, an moderatam iniustitiam, moderatam ignauiam, moderatam intemperantiam. qui enim uitij modum apponit, is partem suscipit uitiorum. quod cum ipsum per se odiosum est, tum eo molestius, quia sunt in lubrico, incitataq. semel in procline labuntur, sustineriq. nullo modo possunt. Quid, quod ijdem Peripatetici perturbationes istas, quas nos extirpandas putamus, non modo naturales esse dicunt, sed etiam utiliter a natura datas? quorum est talis oratio. Primum multis uerbis iracundiam laudant; cotem fortitudinis esse dicunt, multoq. & in hostem, & in improbum ciuem uehementiores iratorum impetus esse: leues autem ratiunculas eorum, qui ita cogitent: praelium rectum est hoc fieri: conuenit dimicare pro legibus, pro libertate, pro patria. hac nullam habent uim, nisi ira excanduit fortitudo. Nec uero de bellatoribus solum disputant. imperia seueriora nulla esse putant sine aliqua acerbitate iracundiae. Oratorem denique, non modo accusantem, sed ne defendentem quidem probant sine aculeis iracundiae. quae etiam si non adsit, tamen uerbis atque motu simulandam arbitrantur, ut auditoris iram oratoris incendat actio. Virum denique uideri negant, qui irasci nesciat. eamq., quam lenitatem nos dicimus, uitioso lentitudinis nomine appellant. Nec uero solum hanc libidinem laudant; (est enim ira, ut

ii modo

modo definiui, ulciscendi libido) sed illud ipsum genus uel libidinis, uel cupiditatis ad summam utilitatem esse dicunt a natura datum: nihil enim quenquam, nisi quod libeat, praeclare facere posse. Notu ambulabat in publico Themistocles, quod somnum capere non posset; quærentibusq. respondebat, Miltiadis trophæis se e somno suscitari. Cui non sunt auditæ Demosthenis uigiliæ? qui dolere se aiebat, si quando opificum antelucana uictus esset industria. Philosophiæ denique ipsius principes nunquam in suis studijs tantos progressus sine flagranti cupiditate facere potuissent. ultimas terras lustrasse Pythagoram, Democritum, Platonem accepimus. ubi enim quid esset, quod disci posset, eò ueniendum iudicauerunt. num putamus hæc fieri sine summo cupiditatis ardore potuisse? Ipsam ægritudinem, quam nos, ut tetram, & immanem beluam, fugiendam esse diximus, non sine magna utilitate a natura dicunt constitutam; ut homines castigationibus, reprehensionibus, ignominijs affici se in delicto dolerent. impunitas enim peccatorum data uidetur eis, qui & ignominiam, & infamiam ferunt sine dolore. morderi est melius conscientia. ex quo est illud e uita ductum ab Afranio. nam cum dissolutus filius, Heu me miserum, dixisset; tum seuerus pater; — dummodo doleat aliquid, doleat quod lubet. Reliquas quoque partes ægritudinis utiles esse dicunt, misericordiam ad opem ferendam, & calamitates hominum indignorum subleuandas: ipsum illud

lud æmulari, obrectare, non esse inutile; cum aut
se non idem uideat consecutum, quod alium; aut
alium idem, quod se: metum uero si quis sustulisset,
omnem uitæ diligentiam sublatam fore, quæ summa
esset in eis, qui leges, qui magistratus, qui pauper-
tatem, qui ignominiam, qui mortem, qui dolorem
timerent. Hæc tamen ita disputant, ut refecanda
esse fateantur, euelli penitus dicant nec posse, nec
opus esse: ut in omnibus fere rebus mediocritatem
esse optimam existiment. Quæ cum exponunt, ni-
hil ne tibi uidentur, an aliquid dicere? A. Mihi ue-
ro dicere aliquid: itaque expecto, quid ad ista. M.
Reperiam fortasse: sed illud ante. Vides ne, quan-
ta fuerit apud Academicos uerecundia? plane enim
dicunt, quod ad rem pertineat. Peripateticis re-
spondetur a Stoicis. digladiantur illi, per me licet:
cui nihil est necesse, nisi ubi sit illud, quod uerisimil-
limum uideatur, inquirere. quid est igitur, quod
occurrat in hac quæstione, e quo possit attingi aliquid
uerisimile, quo longius mens humana progredi non
potest? definitio perturbationis: qua recte Zenonem
usum puto. ita enim definit, ut perturbatio sit ad-
uersa ratione contra naturam animi commotio: uel
breuius: ut perturbatio sit appetitus uehementior.
uehementior autem intelligatur is, qui procul absit
a naturæ constantia. quid ad has definitiones possim
dicere? atqui hæc pleraque sunt prudenter, acuteq.
differentium. illa quidem ex rhetorum pompa, ar-
dores animorum, cotesq. uirtutum. an uero uir for-

TVSC. DISPVT.

tis, nisi stomachari cœperit, non potest fortis esse? gladiatorum id quidem. quanquam in eis ipsis uideamus sæpe constantiam. colloquuntur, congregiuntur, aliquid postulant; ut magis placati, quàm irati esse uideantur. sed in illo genere sit sane Pacideianus aliquis hoc animo, ut narrat Lucilius: Occidam illum equidem, & uincam, si id queritis, inquit.

Verum illud credo fore, in os prius accipiam ipse, Quàm gladium in stomacho, sura, ac pulmonibus sisto.

Odi hominem: iratus pugno: nec longiù quidquam Vobis, quàm dextræ gladium dum accommodet alter:

Usque adeo, studio, atque odio illius, efferor ira. At sine hac gladiatoria iracundia uidemus progredientem apud Homerum Aiacem multa cum hilaritate, cum depugnaturus esset cum Hectore: cuius, ut arma sumpsit, ingressio letitiam attulit socijs, terrorem autè hostibus: ut ipsum Hectorem, quemadmodum est apud Homerum, toto pectore trementem, prouocasse ad pugnam pæniteret. atqui hi, collocuti inter se, prius quàm manum confererent, leniter, & quiete, nihil ne in ipsa quidem pugna iracunde, rabiose ue fecerunt Ego ne Torquatum quidem illum, qui hoc cognomen inuenit, iratum existimo Gallo torquæ detraxisse; nec Marcellum apud Clastidium ideo fortem fuisse, quia fuerit iratus. de Africano quidem, quia notior est nobis

nobis propter recentem memoriam, uel iurare possum, non illum iracundia tum inflammatum fuisse, cum in acie M. Alienum Pelignum scuto protexit, gladiumq. hosti in pectus infixit. de L. Bruto fortasse dubitarim, an, propter infinitum odium tyranni, effrenatus in Aruntem inuaserit. uideo enim utrumque comminus ictu cecidisse contrario. Quid igitur huc adhibetis iram? an fortitudo, nisi insanire coeperit, impetus suos non habet? quid? Herculem, quem in calum ista ipsa, quam uos iracundiam esse uultis, sustulit fortitudo, iratum necenses conflixisse cum Erymanthio apro, aut leone Nemeao? an etiam Theseus Marathonij tauri cornua comprehendit iratus? uide, ne fortitudo minime sit rabiosa, sitq. iracundia tota leuitatis. neque enim est illa fortitudo, quæ rationis expers est. contemnendæ sunt humanæ res: negligenda mors est: patibiles & dolores, & labores putandi. hæc cum constituta sint iudicio, atque sententia, tum est robusta illa, & stabilis fortitudo. nisi forte, quæ uehementer, acriter, animose fiunt, iracunde fieri suspicamur. mihi uero ne Scipio quidem ille, pontifex maximus, qui hoc Stoicorum uerum esse declarauit, nunquam iratum esse sapientem, iratus uidetur fuisse Ti. Graccho, tum, cum consulem languentem reliquit, atque ipse priuatus, ut si consul esset, qui remp. saluam esse uellet, se sequi iussit. Nescio, ecquid ipsi nos fortiter in rep. fecerimus. si quid fecimus, certe irati non fecimus. An est quid-

TVSC. DISPVT.

quam similis insaniam, quam ira? quam bene Ennius initium dixit insaniam. color, uox, oculi, spiritus, impotentia dictorum, atque factorum quam partem habent sanitatis? quid Achille Homérico foedius, quid Agamemnone in iurgio? nam Aiacem quidem ira ad furorem, mortemque perduxit. Non igitur desiderat fortitudo aduocatam iracundiam: satis est instructa, armata, parata per sese. nam isto modo quidem licet dicere utilem uinolentiam ad fortitudinem, utilem etiam dementiam; quoddam & insani, & ebrii multa faciunt saepe uebementius. semper Ajax fortis, fortissimus tamen in furore:

Nam facinus fecit maximum, cum, Danais inclinantibus,

Summam rem perfecit manu, praelium cum restituit insaniens.

dicamus igitur utilem insaniam. Tracta definitionem fortitudinis: intelliges eam stomacho non egere. fortitudo est igitur animi affectio, legi summæ in perpetiendis rebus obtemperans; uel, conseruatio stabilis iudicij in eis rebus, quæ formidolosæ uidentur, subeundis, & repellendis; uel, scientia rerum formidolosarum, contrariarumque perferendarum, aut omnino negligendarum, conseruans earum rerum stabile iudicium: uel breuius, ut Chrysippus. nam superiores definitiones erant Sphæri, hominis in primis bene definientis, ut putant Stoici: sunt enim omnino omnes fere similes: sed declarant com-

communes notiones alia magis alia. quo modo igitur Chrysippus? fortitudo est, inquit, scientia perferendarum rerum; uel, affectio animi in patiando, ac perferendo, summæ legi parens, sine timore. quamuis licet insectemur istos, ut Carneades solebat: metuo, ne soli philosophi sint. quæ enim istarum definitionum non aperit notionem nostram, quam habemus omnes de fortitudine, tectam, atque inuolutam? qua aperta, quis est, qui aut bellatori, aut imperatori, aut oratori quærat aliquid, neque eos existimet sine rabie quidquam fortiter facere posse? Quid? Stoici, qui omnes insipientes insanos esse dicunt, non ne ista colligunt? remoue perturbationes, maximeq. iracundiam: iam uidebuntur monstra dicere. nunc autem ita differunt; sic se dicere, omnes stultos insanire, ut male olere omne cœnum. at non semper: commoue: senties. sic iracundus non semper iratus est: laceffe: iam uidebis furem. Quid? ista bellatrix iracundia, cum domum redijt, qualis est cum uxore? cum liberis? cum familia? an tum quoque est utilis? est igitur aliquid, quod conturbata mens melius possit facere, quam constans? an quisquam potest sine perturbatione mentis irasci? Bene igitur nostri, cum omnia essent in morbis uitia, quod nullum erat iracundia fœdius, iracundos solos morbosos nominauerunt. Oratorem uero irasci minime decet, simulare non dedecet. an tibi irasci tum uidemur, cum quid in causis acrius, et uehementius dicimus? quid? cum,

iam rebus transactis, & præteritis, orationes scribimus? num irati scribimus?

Ecquis hoc animaduertit? Vincite, num aut egisse unquam iratum Aesopum, aut scripsisse existimamus iratum Attium? aguntur ista præclare, & ab oratore quidem melius, si modo est orator, quàm ab ullo histrione; sed aguntur leniter, & mente tranquilla. Libidinem uero laudare, cuius est libidinis? Themistoclem, & Demosthenem mihi profertis: additis Pythagoram, Democritum, Platonem. quid? uos studia libidinem uocatis? quæ uel optimarum rerum, ut ea sunt, quæ profertis, sedata tamen, & tranquilla esse debent. Iam ægritudinem laudare, unam rem maxime detestabilem, quorum est tandem philosophorum? quàm commode dixit Afranius:

-dummodo doleat aliquid, doleat quod lubet. dixit enim de adolescente perduto, ac dissoluto: nos autem de constanti uiro, ac sapienti quærimus. & quidem illam ipsam iram centurio habeat, aut signifer, uel ceteri; de quibus dici non necesse est; ne rhetorum aperiamus mysteria. utile est enim uti motu animi, qui uti ratione non potest: nos autem, ut testificor saepe, de sapiente quærimus. At etiam æmulari utile est, obrectare, misereri. cur misereare potius, quàm feras opem, si id facere possis? an sine misericordia liberales esse non possumus? non enim suscipere ipsi ægritudines propter alios debemus, sed alios, si possumus, leuare ægritudine.

Ob-

Obtreſtare uero alteri, aut illa uitioſa æmulatio-
ne, quæ riuſalitati ſimilis eſt, æmulari, quid habet
utilitatis? cum ſit æmulantis, angi alieno bono,
quod ipſe non habeat; obtreſtantis autem, alieno
bono, quod id etiam aliſ habeat. quis id approba-
re poſſit, ægritudinem ſuſcipere pro experientia, ſi
quid habere uelis? nam, ſolum habere uelle, ſum-
ma dementia eſt. Mediocritates autem malorum
quis laudare recte poſſit? quis enim poteſt, in quo
libido, cupiditas ue ſit, non libidinoſus, & cupidus
eſſe? in quo ira, non iracundus? in quo angor, non
anxius? in quo timor, non timidus? libidinoſum igi-
tur, & cupidum, & iracundum, & anxium, et
timidum cenſemus eſſe ſapientem? de cuius excel-
lencia multa quidem dici quamuis fuſe, lateq. poſ-
ſint, ſed breuiſſime illo modo, ſapientiam eſſe re-
rum diuinarum, & humanarum ſcientiam, cogni-
tionemq. quæ cauſſa cuiuſque rei ſit. ex quo effici-
tur, ut diuina imitetur, humana omnia inferiora
uirtute ducat. In hunc tu igitur, tanquam in ma-
re, quod eſt uentis ſubiectum, perturbationem ca-
dere tibi dixiſti uideri? quid eſt, quod tantam gra-
uitatem, conſtantiamq. perturbet? an improuiſum
aliquid, atque repentinum? quid poteſt accidere
tale ei, cui nihil ſubitum eſt, quod homini euenire
poſſit? Nam, quod aiunt nimia reſecari oportere,
naturalia relinqui: quid tandem poteſt eſſe natura-
le, quod idem nimium eſſe poſſit? ſunt enim omnia
iſta ex errorum orta radicibus: quæ euellenda, &
extrahe-

TVSC. DISPVT.

extrahenda penitus, non circumcidenda, nec amputanda sunt. Sed quoniam suspicor te non tam de sapiente, quàm de te ipso quærere; (illum enim putas omni perturbatione esse liberum, te uis) uideamus, quanta sint, quæ a philosophia remedia morbis animorum adhibeantur. est enim quædam medicina certe: nec tam fuit hominum generi infensa, atque inimica natura, ut corporibus tot res salutare, animis nullam inuenerit. de quibus est hoc etiam merita melius, quòd corporum adiumenta adhibentur extrinsecus, animorum salus inclusa in his ipsis est. sed, quo maior est in eis præstantia, & diuinior, eo maiore indigent diligentia. itaque bene adhibita ratio cernit, quid optimum sit; neglecta, multis implicatur erroribus. ad te igitur mihi iam conuertenda omnis oratio est. simulas enim, quærere te de sapiente; quæris autem fortasse de te. Earum igitur perturbationum, quas exposui, uariæ sunt curationes. nam neque omnis ægritudo una ratione sedatur. alia est enim lugenti, alia miseranti, alia inuidenti adhibenda medicina. est enim in omnibus quattuor perturbationibus illa distinctio, utrum ad uniuersam perturbationem, quæ est aspernatio rationis, aut appetitus uehementior, an ad singulas, ut ad metum, libidinem, reliquasque, melius adhibeatur oratio; & utrum illud non uideatur ægre ferendum, ex quo suscepta sit ægritudo, an omnium rerum tollenda omnino ægritudo: ut si quis ægre ferat, se pauperem esse, id ne dispertes,

tes, paupe
ægre ferre
si forte de
ni cõcedend
rationibus,
etiam paup
modi pertur
quidem, cu
letitia aut
metus, aut
& propria
nes per se e
naturale, an
leui uidem
cillatam a
tem, constan
humana pati
cidere, qui
æquo animo
esse bonum,
ab intemper
illa autem a
opinionem
est ea quide
uulgus adhi
nes, quas le
si quis ægre
mi, nihil o
quidem an

tes, paupertatem malum non esse, an hominem
 ægre ferre nihil oportere. nimirum hoc melius: ne,
 si forte de paupertate non persuaseris, sit ægritudi-
 ni cōcedendum: ægritudine autem sublata proprijs
 rationibus, quibus heri usi sumus, quodam modo
 etiam paupertatis malum tollitur. sed omnis eius-
 modi perturbatio, animi placatione abluatur, illa
 quidem, cum doceas, nec bonum illud esse, ex quo
 lætitia aut libido oriatur, nec malum, ex quo aut
 metus, aut ægritudo. uerumtamen hæc est certa,
 & propria sanatio, si doceas, ipsas perturbatio-
 nes per se esse uitiosas, nec habere quidquam aut
 naturale, aut necessarium: ut ipsam ægritudinem
 leniri uideamus, cum obijcimus mærentibus imbe-
 cillitatem animi effeminati, cumq. eorum gravita-
 tem, constantiamq. laudamus, qui non turbulente
 humana patiantur. quod quidem solet eis etiam ac-
 cidere, qui illa mala esse censent, ferenda tamen
 æquo animo arbitratur. Putat aliquis uoluptatem
 esse bonum, alius autem pecuniam: tamen & ille
 ab intemperantia, et hic ab auaritia auocari potest.
 Illa autem altera ratio, & oratio, quæ simul &
 opinionem falsam tollit, & ægritudinem detrahit,
 est ea quidem utilior, sed raro proficit, neque est ad
 uulgus adhibenda. Quædam autem sunt ægritudi-
 nes, quas leuare illa medicina nullo modo possit: ut,
 si quis ægre ferat, nihil in se esse uirtutis, nihil ani-
 mi, nihil officij, nihil honestatis, propter malais
 quidem angatur, sed alia quædam ad eum sit admo-
 uenda

TVSC. DISPUT.

uenda curatio, & talis quidem, quæ possit esse omnium, etiam de ceteris rebus discrepantium, philosophorum. inter omnes enim conuenire oportet, commotiones animorum, a recta ratione auersas, esse uitiosas; ut, etiam si nec mala sint illa, quæ metum, ægritudinem ue, nec bona, quæ cupiditatem, latitiam ue moueant, tamen sit uitiosa ipsa commotio. constantem enim uolumus quendam, sedatum, grauem, humana omnia prementem illum esse, quem magnanimum, & fortem uirum dicimus: talis autem nec mærens, nec timens, nec cupiens, nec gestiens esse quisquam potest. eorum enim hæc sunt, qui euentus humanos superiores, quam suos animos, esse ducunt. Quare omnium philosophorum, ut ante dixi, una ratio est medendi, ut nihil, quale sit illud, quod perturbet animum, sed de ipsa sit perturbatione dicendum. itaque primum in ipsa cupiditate, cum id solum agitur, ut ea tollatur, non est querendum, bonum illud nec ne sit, quod libidinem moueat: sed libido ipsa tollenda est: ut, siue, quod honestum est, id sit summum bonum, siue uoluptas, siue horum utrunque coniunctum, siue illa tria genera bonorum, tamen, etiam si uirtutis ipsius uehementior appetitus sit, eadem sit omnibus ad deterrendum adhibenda ratio. Continet autem sedationem animi humana in conspectu posita natura: quæ quo facilius expressa cernatur, explicanda est oratione communis conditio, lexq. uitæ. itaque non sine causa, cum Orestem

sem fabulā
reuocasse di
Neque tam
Neque fors
Quod non m
Est autem u
runt, ferri a
rum, qui tul
na disputatio
ho, quem i
uatore, &
Corysippus a
dum adhibe
imus; ut m
uinceret.
tation, finit
sunt. Est en
le futuri mal
quandam ne
premolescia
sequentis mo
tia feruntur
uidendum e
sim, molle
faciamus.
tia, imbecil
tum prode
re. itaque
mode fact

stem fabulâ doceret Euripides, primos tres uersus reuocasse dicitur Socrates:

Neque tam terribilis ulla fando oratio est,

Neque sors, neque ira cælitum inuectum malum,

Quod non natura humana patiendo ferat.

Est autem utilis ad persuadendum, ea, quæ acciderunt, ferri & posse, & oportere, enumeratio eorum, qui tulerunt. etsi ægritudinis sedatio et hesternâ disputatione explicata est, & in Consolationis libro, quem in medio (non enim sapientes eramus) mærore, & dolore conscripsimus: quodq. uetat Chrysippus ad recentes quasi tumores animi remedium adhibere, id nos fecimus, naturæq. uim attulimus; ut magnitudini medicinæ doloris magnitudo concederet. Sed ægritudini, de qua satis est disputatum, finitimus est metus: de quo pauca dicenda sunt. Est enim metus, ut ægritudo præsentis, sic ille futuri mali. itaque non nulli ægritudinis partem quandam metum esse dicebant. alij autem metum præmolestiam appellabant, quod est quasi dux consequentis molestiæ. Quibus igitur rationibus instantia feruntur, eisdem contemnuntur sequentia. nam uidendum est in utrisque, ne quid humile, summissum, molle, effeminatum, fractum, abiectumq. faciamus. Sed quanquam de ipsius metus inconstantia, imbecillitate, leuitate dicendum est: tamen multum prodest, ea, quæ metuuntur, ipsa contemnere. itaque, siue casu accidit, siue consilio, percommode factum est, quod eis de rebus, quæ maxime metuuntur,

TVSC. DISPVT.

metuuntur, de morte, & de dolore, primo, & proximo die disputatum est. quæ si probata sunt, metu magna ex parte liberati sumus. Ac de malorum opinione hætenus: uideamus nunc de bonorum, id est de lætitia, & de cupiditate. Mihi quidem in tota ratione ea, quæ pertinet ad animi perturbationem, una res uidetur causam continere, omnes eas esse in nostra potestate, omnes iudicio susceptas, omnes uoluntarias. hic igitur error est eripiendus, hæc detrahenda opinio: atque, ut in malis opinatis tolerabilia, sic in bonis sedatiora sunt efficienda ea, quæ magna, & lætabilia dicuntur. atque hoc quidem commune malorum, & bonorum: ut, si iam difficile sit persuadere, nihil earum rerum, quæ perturbent animum, aut in malis, aut in bonis esse habendum, tamen alia ad alium motum curatio sit adhibenda, aliaq. ratione maleuolus, alia amator, alia rursus anxius, alia timidus corrigendus. Atque erat facile, sequentem eam rationem, quæ maxime probatur de bonis, & malis, negare unquam lætitia affici posse insipientem, quod nihil unquam haberet boni: sed loquimur nunc more communi. sint sane ista bona, quæ putantur, honores, diuitiæ, uoluptates, ceteraq.: tamen in eis ipsis potiundis exultans, gestiensq. lætitia turpis est: ut, si ridere concessum sit, uituperetur tamen cachinnatio. eodem enim uitio est effusio animi in lætitia, quo in dolore contractio; eademq. leuitate cupiditas est in appetendo, qua lætitia in fruendo: & ut nimis afflictus molestia,

molestia, sic nimis elati lætitia iure indicantur leues. Et cum, inuidere, ægritudinis sit; malis autem alienis uoluptatem capere, lætitiæ; utrunque immunitate, & feritate quadam proponenda castigari sollet. Atque, ut confidere decet, timere non decet: sic gaudere decet, lætari non decet: quoniam, docendi caussa, a gaudio lætitiæ distinguimus. Illud iam supra diximus, fieri contractionem animi recte nunquam posse, elationem posse. aliter enim Næuius ille gaudet Hector,

Lætus sum

Laudari me, pater, abs te laudato uiro;

aliter ille apud Trabeam Chærea,

Læna delinita argento nutum obseruabit meum,

Quid uelim, quid studeam. adueniens digito impellam ianuam:

Fores patebunt. de improviso Chrysis ubi me aspexerit,

Alacris obuiam mihi ueniet, complexum exoptans meum;

Mihi se dedet.

quàm hæc pulchra putet, ipse iam dicet.

- Fortunam ipsam anteibo fortunis meis.

hæc lætitia quàm turpis sit, satis est diligenter attendentem penitus uidere. & ut turpes sunt, qui efferrunt se lætitiæ tum, cum fruuntur uenereis uoluptatibus: sic flagitiosi, qui eas inflammato animo concupiscunt. Totus uero iste, qui uulgo appellatur amor, (nec hercule inuenio, quo nomine alio possit appellari)

appellari) tantæ leuitatis est, ut nihil uideam, quod
putem conferendum: quem, Cæcilius,

- deum qui non summum putet,

Aut stultum, aut rerum esse imperitum existimat;

Cui in manu sit, quem esse dementem uelit,

Quem sapere, quem sanari, quem in morbum injici;

Quem contra amari, quem accersiri, quem expeti.

O præclaram emendatricem uitæ poeticam, quæ a-
morem, flagitiij, & leuitatis auctorem, in concilio
deorum collocandum putet. de comædia loquor:
quæ, si hæc flagitia non probaremus, nulla esset om-
nino. Quid autem ex tragædia princeps ille Ar-
gonautarum?

Tu me amoris magi, quæ honoris, seruauisti gratia.

quid ergo? hic amor Medæ quanta miseriarum in-
cendia excitauit? atque ea tamen apud alium poe-
tam patri dicere audet, se coniugem habuisse

Illum, Amor quem dederat, qui plus pollet, po-
tiorq. est patre.

Sed poetas ludere sinamus; quorum fabulis in hoc
flagitio uersari ipsum uidemus Iouem: ad magistros
uirtutis, philosophos ueniamus; qui amorem ne-
gant stupri esse, & in eo litigant cum Epicuro, non
multum, ut opinio mea fert, mentiente. quis est
enim amor iste amicitia? cur neque deformem ado-
lescentem quisquam amat, neque formosum senem?
mihi quidem hæc in Græcorum gymnasiis nata con-
suetudo uidetur; in quibus isti liberi, et concessi sunt
amores. bene igitur Ennius:

Flagitiij

Flagitij principium est, nudare inter ciues corpora. qui ut sint, sicut fieri posse uideo, pudici, solliciti tamen & anxij sunt, eoq. magis, quod se ipsi continent, & exercent. Atque, ut muliebres amores omittam, quibus maiorem licentiam natura concessit: quis aut, de Ganymedis raptu, dubitat, quid poetæ uelint; aut non intelligit, quod apud Euripidem & loquatur, & cupiat Laius? quid denique homines doctissimi, & summi poetæ de se ipsis & carminibus edant, & cantibus? fortis uir in sua rep. cognitus, quæ de iuuenum amore scripsit Alcæus? nam Anacreontis quidem tota poesis est amatoria. maxime uero omnium flagrasse amore Reginum Ibicum, apparet ex scriptis. atque horum omnium libidinosos esse amores uidemus. philosophi sumus exorti, & auctore quidem nostro Platone, quem non iniuria Dicæarchus accusat, qui amori auctoritatem tribueremus. Stoici uero & sapientem amaturum esse dicunt: et amorem ipsum, conatum amicitiae faciundæ ex pulchritudinis specie, definiunt. qui si quis est in rerum natura sine sollicitudine, sine desiderio, sine cura, sine suspirio: sit sane: uacat enim omni libidine: hæc autem de libidine oratio est. si autem est aliquis amor, ut est certe, qui nihil absit, aut non multum ab insania, qualis in Leucadia est: Siquidem est quisquam deus, cui ego sim curæ. at id erat deis omnibus curandum, quemadmodum hic frueretur uoluptate. Heu me infelicem.

kk nihil

nihil uerius. probe & ille:

Sanus ne es, qui temere lamentare? (fecit?
sic insanus suis etiam uidetur. at quas tragædias ef-
Te Apollo sancte, ser opem, teq. omnipotens Ne-
ptune inuoco,

Vosq. adeo uenti.

mundum totum se ad amorem suum subleuandum
conuersurum putat; Venerem unam excludit, ut
iniquam.

Nam quid ego te appellem Venus?

eam præ libidine negat curare quidquam. quasi ue-
ro ipse non propter libidinem tanta flagitia & fa-
ciat, & dicat. Sic igitur affecto hæc adhibenda cu-
ratio est, ut ei, illud, quod cupiat, ostendatur,
quàm leue, quàm contemnendum, quàm nihil sit
omnino, quàm facile uel aliunde, uel alio modo per-
fici, uel omnino negligi possit. Adducendus est e-
tiam non nunquam ad alia studia, sollicitudines, cu-
ras, negotia. Loci denique mutatione, tanquam
ægoti non conualescentes, sæpe curandus est. Etiam
nouo quodam amore ueterem amorem, tanquam
clauo clauum, eijciendum putant. Maxime autem
admonendus, quantus sit furor amoris. omnibus
enim ex animi perturbationibus est profecto nulla
uehementior: ut, si iam ipsa illa accusare nolis, stu-
pra dico, & corruptelas, & adulteria, incesta de-
nique, quorum omnium accusabilis est turpitudine:
sed, ut hæc omittamus, perturbatio ipsa mentis in
amore fæda per se est. nam, ut illa præteream,
quæ

quæ sunt furoris ; hæc ipsa per sese quam habent læ-
uitatem , quæ uidentur esse mediocria ?

- iniuriæ ,

Susceptiones , inimiciæ , induciæ ,
Bellum , pax rursum . incerta hæc si tu postules

Ratione certa facere ; nihilo plus agas ,

Quàm si des operam , ut cum ratione insanias .

hæc inconstantia , mutabilitasq. mentis quem non
ipsa prauitate deterreat ? Est etiam illud , quod in
omni perturbatione dicitur , demonstrandum , nul-
lam esse , nisi opinabilem , nisi iudicio susceptam , ni-
si uoluntariam . etenim si naturalis amor esset ; &
amarent omnes , & amarentur , & semper ama-
rent , & idem amarent ; neque alium pudor , alium
cogitatio , alium satietas deterreret . Ira uero quan-
quam diu perturbat animum , dubitationem insanix
non habet : cuius impulsu existit etiam inter fratres
tale iurgium :

Quis homo te exuperauit unquam gentium impu-

Quis autem malitia te ? (dentia?

nosti , quæ sequuntur . alternis enim uersibus intor-
quentur inter fratres grauissimæ contumeliæ : ut fa-
cile appareat , Atrei filios esse , eius , qui medita-
tur pœnam in fratrem nouam :

Maior mihi moles , maius miscendum malum ,

Qui illius acerbum cor contundam , et comprimam .

quæ igitur hæc erunt moles ? audi Thyestem ipsum :

Impius hortatur me frater , ut meos malis miser

Manderem natos : eorum uiscera apponit .

kk 2 quid

TVSC. DISPVT.

quid est enim, quo non progrediatur eodem ira, quod furor? itaque iratos proprie dicimus exisse de potestate, id est de consilio, de ratione, de mente. horum enim potestas in totum animum esse debet. his autem sunt subtrahendi, in quos impetum conantur facere, dum se ipsi colligant: (quid est autem, se ipsum colligere, nisi, dissipatas animi partes rursum in suum locum cogere?) aut rogandi, orandi. sunt, ut, si quam habent ulciscendi uim, differant in tempus aliud, dum deferuescat ira. deferuere autem certe significat ardorem animi inuita ratione excitatum. ex quo illud laudatur Archytæ: qui cum uillico factus esset iratior, quo te modo, inquit, accepissem, nisi iratus essem? Vbi sunt ergo isti, qui iracundiam utilem dicunt? potest utilis esse insania? at naturalis est. an quidquam esse potest secundum naturam, quod sit repugnante ratione? quo modo autem, si naturalis esset ira; aut alius alio magis iracundus esset; aut finem haberet prius, quam esset ulta, ulciscendi libido; aut quenquam pœniteret, quod fecisset per iram? ut Alexandrum regem uidemus: qui cum interemisset Clytum, familiarem suum, uix a se manus abstinuit: tanta uis fuit pœnitendi. Quibus cognitis, quis est qui dubitet, quin hic quoque motus animi sit totus opinabilis, ac uoluntarius? quis enim dubitarit, quin ægrotationes animi, qualis est auaritia, gloriæ cupiditas, ex eo, quod magni æstimetur ea res, ex qua animus ægrotat, oriantur? unde intelligi debet, perturbationem quoque

quoque omnem esse in opinione. & si fidentia, id est firma animi confisio, scientia quædam est, & opinio gravis, non temere assentiens: metus quoque est diffidentia expectati, & impendentis mali. & si spes est expectatio boni: mali expectationem esse necesse est metum. ut igitur metus, sic reliquæ perturbationes sunt in malo. ergo, ut constantia scientiæ, sic perturbatio erroris est. Qui autem natura dicuntur iracundi, aut misericordes, aut invidi, aut tale quid, ij sunt eiusmodi constituti, quasi mala ualitudine animi, sanabiles tamen: ut Socrates dicitur, cum multa in conuentu uitia collegisset in eum Zopyrus, qui se naturam cuiusque ex forma perspicere profitebatur, derisus est a ceteris, qui illa in Socrate uitia non agnoscerent; ab ipso autem Socrate subleuatus est, cum illa sibi uitia inesse, sed ratione a se deiecta diceret. ergo, ut optima quisque ualitudine affectus, potest uideri alius, ut natura, ad aliquem morbum procliuior: sic animus alius ad alia uitia propensior. qui autem non natura, sed culpa uitiosi esse dicuntur, eorum uitia constant ex falsis opinionibus rerum bonarum, ac malarum, ut sit alius ad alios motus perturbationesq. procliuior. inueteratio autem ut in corporibus ægrius depellitur, sic in animis quoque perturbatio: citiusq. repentinus oculorum tumor sanatur, quam diuturna lippitudo depellitur. Sed, cognita iam causa perturbationum, quæ omnes oriuntur ex iudicijs opinionum, & uoluntatibus, sit iam huius disputationis

kk 3 modus.

modus. Scire autem nos oportet, cognitis, quoad possint ab homine cognosci, bonorum & malorum finibus, nihil a philosophia posse aut maius, aut utilius optari, quàm hac, quæ a nobis hoc quatri-duo disputata sunt. morte enim contempta, & dolore ad patiendum leuato, adiunximus sedationem ægritudinis; qua nullum homini maius malum est. etsi enim omnis animi perturbatio grauis est, nec multum differt ab amentia: tamen ita ceteros, cum sint in aliqua perturbatione aut metus, aut lætitiæ, aut cupiditatis, commotos modo, et perturbatos dicere solemus; at eos, qui se ægritudini dederunt, miseros, afflictos, ærumnosos, calamitosos. itaque non fortuito factum uidetur, sed a te ratione propositum, ut separatim de ægritudine, et de ceteris perturbationibus disputaremus. in ea est enim fons miseriarij, et caput. sed et ægritudinis, & reliquorum animi morborum una sanatio est, omnes opinabiles esse, & uoluntarios, eaq. re suscipi, quod ita rectum esse uideatur. hunc errorem, quasi radicem omnium malorum, stirpitus philosophia se extracturam pollicetur. demus ergo nos huic excolendos, patiamurq. nos sanari. his enim malis insidentibus, non modo beati, sed ne sani quidem esse possumus. aut igitur negemus quidquam ratione confici; cum contra nihil sine ratione recte fieri possit: aut, cum philosophia ex rationum collatione constet, ab ea, si & boni, & beati uolumus esse, omnia adiumenta, & auxilia petamus bene, beateq. uiuendi.

M. TVLLII

258

M. TVLLII CICERONIS
TVSCVLANARVM
DISPVATIONVM
LIBER V.

uirtutem ad beate uiuendum se ipsa
esse contentam.

*VINCTVS hic dies, Brute, finem
faciet Tusculanarum disputationum:
quo die est a nobis ea de re, quam tu
ex omnibus maxime probas, disputa-
tum. placere enim tibi admodum sensi ex eo libro,
quem ad me accuratissime scripsisti, & ex multis
sermonibus tuis, uirtutem ad beate uiuendum se
ipsa esse contentam. quod etsi difficile est probatu,
propter tam uaria et tam multa tormenta fortunæ;
tale tamen est, ut elaborandum sit, quo facilius
probetur. nihil est enim omnium, quæ in philoso-
phia tractantur, quod grauius, magnificentiusq.
dicatur. nam cum ea caussa impulerit eos, qui pri-
mi se ad philosophiæ studium contulerunt; ut, om-
nibus rebus posthabitis, totos se in optimo uitæ sta-
tu exquirendo collocarent: profecto spe beate uiuen-
di tantam in eo studio curam, operamq. posuerunt.
quod si ab ijs inuenta, & perfecta uirtus est; et si
præsidij ad beate uiuendum in uirtute satis est: quis
est, qui non præclare & ab illis positam, & a no-
bis susceptam operam philosophadi arbitretur? sin-*

kk 4 autem

TVSC. DISPVT.

autem uirtus subiecta sub uarios, incertosq. casus
 famula fortunæ est, nec tantarum uirium est, ut
 se ipsa tueatur: uereor, ne non tam uirtutis fiducia
 nitendum nobis ad spem beate uiuendi, quàm uota
 facienda uideantur. equidem eos casus, in quibus
 me fortuna uehementer exercuit, mecum ipse con-
 siderans, huic incipio sententiæ diffidere, interdum
 etiam humani generis imbecillitatē, fragilitatemq.
 extimescere. uereor enim, ne natura, cum corpora
 nobis infirma dedisset, ijsq. & morbos insanabiles,
 et dolores intolerabiles adiunxisset, animos quoque
 dederit & corporum doloribus congruentes, & se-
 paratim suis angoribus et molestijs implicatos. sed
 in hoc me ipse castigo, quòd ex aliorum, & ex no-
 stra fortasse mollitie, non ex ipsa uirtute, de uirtu-
 tis robore existimo. illa enim; si modo est ulla uir-
 tus; quam dubitationem auunculus tuus, Brute,
 sustulit; omnia, quæ cadere in hominem possunt,
 subter se habet; eaq. despiciens, casus contemnit
 humanos; culpaq. omni carens, præter se ipsam ni-
 hil censet ad se pertinere: nos autem omnia aduersa
 tum uenientia metu augentes, tum mærore præsen-
 tia, rerum naturam, quàm errorē nostrum, dam-
 nare malumus. sed & huius culpæ, & ceterorum
 uitiorum, peccatorumq. nostrorum omnis a philo-
 sophia petenda correctio est. cuius in sinum cum a
 primis tēporibus ætatis nostra uoluntas, studiumq.
 nos contulisset; his grauissimis casibus in eundem
 portū, ex quo eramus egressi, magna iactati tēpesta-
 te

te cōfugimus. o uita philosophia dux, o uirtutis in-
dagatrix, expultrixq. uitiorū, quid non modo nos,
sed omnino uita hominum sine te esse potuisset? tu
urbes peperisti: tu dissipatos homines in societatem
uitæ conuocasti: tu eos inter se primo domicilijs,
deinde coniugijs, tum litterarum, & uocum com-
munionem iunxisti: tu inuentrix legum, tu magistra
morum, & disciplinæ fuisti. ad te confugimus: a
te opem petimus: tibi nos, ut antea magna ex par-
te, sic nunc penitus, totosq. tradimus. est autem
unus dies, bene, & ex præceptis tuis actus, pec-
canti immortalitati anteposendus. cuius igitur po-
tius opibus utamur, quam tuis? quæ & uita tran-
quillitatem largita nobis es, & terrorem mortis su-
stulisti. At philosophia quidem, tantum abest, ut
perinde, ac de hominum est uita merita, laudetur,
ut a multis etiā uituperetur. uituperare quisquam
uitæ parentem, et hoc paricidio se inquinare audet?
& tam impie ingratus esse, ut eam accuset, quam
uereri deberet, etiam si minus percipere potuisset?
Sed, ut opinor, hic error, & hæc indoctorum ani-
mis offusa caligo est, quod tam longe retro respice-
re non possunt, nec eos, a quibus uita hominum in-
structa primo sit, fuisse philosophos arbitrantur.
quam rem antiquissimam cum uideamus, nomen ta-
men esse confitemur recens. nam sapientiam qui-
dem ipsam, quis negare potest, non modo re esse anti-
quam, uerum etiam nomine? quæ diuinarum, hu-
manarumq. rerum, tum initiorum, caussarumque,

tum

tum cuiusque rei, cognitione hoc pulcherrimum nomen apud antiquos assequebatur. itaque & illos septem, qui a Græcis σοφοί, sapientes a nostris & habebantur, & nominabantur, & multis ante sæculis Lycurgum, cuius temporibus Homerus etiam fuisse, ante hanc urbem conditam, traditur, etiam heroicis ætatibus Vlysses, & Nestorem accepimus & fuisse, & habitos esse sapientes. nec uero Atlas sustinere calum, nec Prometheus affixus Caucaſo, nec stellatus Cepheus cum uxore, genero, filia traderetur, nisi cælestium diuina cognitio nomen eorum ad errorem fabulæ traduxisset. a quibus ducti deinceps omnes, qui in rerum contemplatione studia ponebant, sapientes & habebantur, & nominabantur: idq̃. eorum nomen usque ad Pythagoræ manauit ætatem: quem, ut scribit auditor Platonis Ponticus Heraclides, uir doctus in primis, Phliuntem ferunt uenisse, eumq̃. cum Leonte, principe Phliasiorum, doctæ, & copiose disse-ruisse quædam: cuius ingenium, et eloquentiam cum admiratus esset Leon, quæsiuisse ex eo, qua maxime arte consideret: at illum, artem quidem se scire nullam, sed esse philosophum: admiratum Leontem nouitatem nominis, quæsiisse, quinam essent philosophi, & quid inter eos, & reliquos interesset: Pythagoram autem respondisse, similem sibi uideri uitam hominum, & mercatum eum, qui haberetur maximo ludorum apparatu totius Græciæ celebritate: nam ut illic alij corporibus exercitatis gloriam,

riam, & nobilitatem coronæ peterent; alij emendi, aut uendendi quæstu, & lucro ducerentur; esset autem quoddam genus eorum, idq. uel maxime ingenuum, qui nec plausum, nec lucrum quæreret, sed uisendi causa uenirent, studiosèq. perspicerent, quid ageretur, & quo modo; item nos, quasi in mercatus quadam celebritate ex urbe aliqua, sic in hanc uitam ex alia uita, & natura profectos, alios gloriæ seruire, alios pecuniæ, raros esse quosdam, qui, ceteris omnibus pro nihilo habitis, rerum naturam studiosè intuerentur: hos se appellare sapientiæ studiosos, id est enim philosophos: & ut illic liberalissimum esset spectare, nihil sibi acquirètem; sic in uita longe omnibus studijs contemplationem rerum, cognitionemq. præstare. Nec uero Pythagoras nominis solum inuentor, sed rerum etiam ipsarum amplificator fuit. qui cum post hunc Phliasum sermonem in Italiam uenisset, exornauit eam Græciam, quæ magna dicta est, & priuatim, & publice præstantissimis & institutis, & artibus. cuius de disciplina aliud tempus fuerit fortasse dicendi. Sed ab antiqua philosophia usque ad Socratem, qui Archelaum, Anaxagoræ discipulum, audierat, numeri motusq. tractabantur, & unde omnia orirentur, quò ne recederent: studiosèq. ab his siderum magnitudines, interualla, cursus inquirebantur, & cuncta caelestia. Socrates autem primus philosophiam deuocauit e cælo, & in urbibus collocauit, & in domos etiam introduxit, et coegit

de

TVSC. DISPVT.

de uita, & moribus, rebusque bonis, & malis
 querere. cuius multiplex ratio disputandi, rerumq.
 uarietas, & ingenij magnitudo, Platonis memo-
 ria, & litteris consecrata, plura genera effecit dis-
 sentientium philosophorum. e quibus nos id potissi-
 mum consecrati sumus, quo Socratem usum arbi-
 tramur; ut nostram ipsi sententiam tegeremus,
 errore alios leuaremus, & in omni disputatione,
 quid esset simillimum ueri, quæreremus. quem mo-
 rem cum Carneades acutissime, copiosissimeq. te-
 nuisset; fecimus & alias saepe, & nuper in Tuscu-
 lano, ut ad eam consuetudinem disputaremus. &
 quatruidi quidem sermonem superioribus ad te per-
 scriptum libris misimus: quinto autem die, cum eo-
 dem in loco confedissemus, sic est propositum, de
 quo disputaremus. A. Non mihi uidetur, ad bea-
 te uiuendum satis posse uirtutem. M. at hercule
 Bruto meo uidetur: cuius ego iudicium, pace tua
 dixerim, longe antepono tuo. A. Non dubito: nec
 id nunc agitur, tu illum quantum ames; sed hoc,
 quod mihi dixi uideri, quale sit: de quo a te disputa-
 ri uolo. M. Nempe negas ad beate uiuendum sa-
 tis posse uirtutem? A. Prorsus nego. M. Quid? ad
 recte, honeste, laudabiliter, postremo ad bene ui-
 uendum satis ne est praesidij in uirtute? A. Certe
 satis. M. Potes igitur, aut qui male uiuat, non
 eum miserum dicere; aut, quem bene fateare, eum
 negare beate uiuere? A. Quidni possim? nam etiam
 in tormentis recte, honeste, laudabiliter, & ob
 eam

eam rem bene uiui potest ; dummodo intelligas ,
quid nunc dicam bene : dico enim , constanter , gra-
uiter , sapienter , fortiter . hæc etiam in equuleum
conijciuntur , quò uita non aspirat beata . M. Quid
igitur ? sola ne beata uita , quæso , relinquitur extra
ostium , limenq. carceris , cum constantia , graui-
tas , fortitudo , sapientia , reliquæq. uirtutes ra-
pianitur ad tortorem , nullumq. recusent nec suppli-
cium , nec dolorem ? A. Tu , si quid es factururus , no-
ua aliqua conquiras oportet : ista me minime mo-
uent , non solum quia peruulgata sunt , sed multo
magis , quia , tanquam leuia quædam uina nihil
ualent in aqua , sic Stoicorum ista magis gustata ,
quàm potata , delectant . uelut iste chorus uirtu-
tum in equuleum impositus , imagines constituit an-
te oculos cum amplissima dignitate , ut ad eas cur-
sim perrectura , nec eas beata uita a se desertas pas-
sura uideatur : cum autem animum ab ista pictura ,
imaginibus uirtutum , ad rem , ueritatemq. tradu-
xeris ; hoc nudum relinquitur , possit ne quis beatus
esse , quàm diu torqueatur . quamobrem hoc nunc
queramus : uirtutes autem , noli uereri , ne expo-
stulent , & querantur se a beata uita esse relictas .
si enim nulla uirtus prudentia uacat , prudentia ipsa
hoc uidet , non omnes bonos esse etiam beatos : mul-
taq. de M. Atilio , Q. Cæpione , M. Aquillio re-
cordatur : beatamq. uitam , si imaginibus potius uti ,
quàm rebus ipsis placet , conantem ire in equuleum
retinet ipsa prudentia , negatq. ei cum dolore , &
cruciatus

cruciatu quidquam esse commune. M. Facile patior
 te isto modo agere : etsi iniquum est præscribere
 mihi te , quemadmodum a me disputari uelis . sed
 quæro , utrum aliquid actum superioribus diebus ,
 an nihil arbitremur ? A. Actum uero , & aliquan-
 tum quidem . M. Atqui , si ita est , profligata iam
 hæc , & pæne ad exitum adducta quæstio est . A.
 Quo tandem modo ? M. Quia motus turbulenti ,
 iactationesq. animorum incitata , & impetu incon-
 siderato elata , rationem omnem repellentes , uitæ
 beatæ nullam partem relinquunt . quis enim potest ,
 mortem aut dolorem metuens , quorum alterum sæ-
 pe adest , alterum semper impendet , esse non mi-
 ser ? Quid si idem , quod plerunque fit , paupertate-
 tem , ignominiam , infamiam timet , si debilitatem ,
 cæcitatem , si denique , quod non singulis homini-
 bus , sed potentibus populis sæpe contingit , serui-
 tutem ; potest ea timens esse quisquam beatus ?
 Quid , qui non modo ea futura timet , uerum etiam
 fert , sustinetq. præsentia ? Adde eodem exilia , lu-
 ctus , orbitates . qui rebus his fractus ægritudine
 eliditur , potest tandem esse non miserrimus ? Quid
 uero illum , quem libidinibus inflammatum , & fu-
 rentem uidemus , omnia rabide appetentem cum in-
 explebili cupiditate , quoq. affluentius uoluptates
 undique hauriat , eo grauius , ardentiusq. sitientem ,
 non ne recte miserrimum dixeris ? Quid ? elatus il-
 le leuitate , inaniq. letitia & exultans , & temere
 gestiens , non ne tanto miserior , quanto sibi uidetur
 bea-

beatior? Ergo, ut hi miseri, sic contra illi beati, quos nulli metus terrent, nullæ ægritudines exedunt, nullæ libidines incitant, nullæ fuitiles lætitiæ exultanteis languidis liquefaciunt uoluptatibus. ut maris igitur tranquillitas intelligitur, nulla ne minima quidem aura fluctus commouente: sic animi quietus, & placatus status cernitur, cum perturbatio nulla est, qua moueri queat. Quod si est, qui uim fortunæ, qui omnia humana, quæcunque accidere possunt, tolerabilia ducat, ex quo nec timor eum, nec angor attingat; idemq. si nihil concupiscat, nulla efferatur animi inani uoluptate: quid est, cur is non beatus sit? & si hæc uirtute efficiuntur; quid est, cur uirtus ipsa per se non efficiat beatos? A. Atqui alterum dici non potest, quin ij, qui nihil metuant, nihil angantur, nihil concupiscant, nulla impotenti lætitia efferantur, beati sint; itaque id tibi concedo: alterum autem iam integrum non est: superioribus enim disputationibus effectum est, uacare omni animi perturbatione sapientem. M. Nimirum igitur confecta res est: uidetur enim ad exitum uenisse quæstio. A. Propemodum id quidem. M. Veruntamen mathematicorum iste mos est, non philosophorum. nam geometræ cum aliquid docere uolunt; si quid ad eam rem pertinet eorum, quæ ante docuerunt, id sumunt pro concesso, & probato; illud modo explicant, de quo ante nihil scriptum est: philosophi, quamcunque rem habent in manibus, in eam, quæ conueniunt, congerunt

- gerunt omnia : et si alio loco disputata sunt . quod ni ita esset ; cur Stoicus , si esset quæsitum , satis ne ad beate uiuendum uirtus posset , multa diceret ? cui satis esset respondere , se ante docuisse , nihil bonum esse , nisi quod honestum esset ; hoc probato , consequens esse , beatam uitam uirtute esse contentam ; & quo modo hoc sit consequens illi , sic illud huic : ut , si beata uita uirtute contenta sit , nisi honestum quod sit , nihil aliud sit bonum . sed tamen non agunt sic . nam & de honesto , & de summo bono separatim libri sunt : & , cum ex eo efficiatur , satis magnam in uirtute ad beate uiuendum esse uim ; nihilo minus hoc agunt separatim . proprijs enim , & suis argumentis , et admonitionibus tractanda quæque res est , tanta præsertim . caue enim putes , ullam in philosophia uocem emissam clariorem , ullum ue esse philosophiæ promissum uberius , aut maius . nam quid profitetur , o dij boni ? perfecturam se , qui legibus suis paruisset , ut esset contra fortunam semper armatus ; ut omnia præsidia haberet in se bene beateq. uiuendi ; ut esset semper denique beatus . sed uidero , quid efficiat . tantisper hoc ipsum magni æstimo , quod pollicetur . nam Xerxes quidem , refertus omnibus præmijs , donisq. fortuna , non equitatu , non pedestribus copijs , non nauium multitudine , non infinito pondere auri contentus , præmium proposuit , qui inuenisset nouam uoluptatem : qua , ipse , inuenta , non fuit contentus . neque enim unquam finem inueniet libido . nos , uellem , præ-

præmio elicere possemus, qui nobis aliquid attulisset
quo hoc firmitus crederemus. A. Vellem id quidem:
sed habeo paullulum, quod requiram. ego enim as-
sentior, eorum, quæ posuisti, alterum alteri conse-
quens esse, ut, quemadmodum, si, quod honestum
sit, id solum sit bonum, sequatur, beatam uitam
uirtute confici; sic, si uita beata in uirtute sit, nihil
esse, nisi uirtutem, bonum. sed Brutus tuus, aucto-
re & Aristone, & Antiocho, non sentit hoc: pu-
tat enim, etiam si sit bonum aliquod, præter uir-
tutem. M. Quid igitur? contra Brutum ne me di-
cturum putas? A. Tu uero, ut uidetur: nam præ-
finire non est meum. M. Quid cuique igitur consen-
taneum sit, alio loco. nam ista mihi & cum Antio-
cho sæpe, & cum Aristone nuper, cum Athe-
nis imperator apud eum diuersarer, dissensio fuit.
mihi enim non uidebatur quisquam esse beatus pos-
se, cum in malis esset: in malis autem sapientem es-
se posse, si essent ulla corporis, aut fortuna mala.
Dicebant hæc, quæ scripsit etiam Antiochus locis
pluribus, uirtutem ipsam per se beatam uitam ef-
ficere posse, neque tamen beatissimam: deinde, ex
maiore parte plerasque res nominari, etiam si qua
pars abesset, ut uires, ut ualeitudinem, ut diuitias,
ut honorem, ut gloriam; quæ genere, non numero,
cernerentur: item beatam uitam, etiam si ex ali-
qua parte claudicaret, tamen ex multo maiore par-
te obtinere nomen suum. Hæc nunc enucleare non
ita necesse est. quanquam non constantissime dici mi

TVSC. DISPVT.

hi uidentur. nam & qui beatus est, non intelligo, quid requirat, ut sit beator: (si est enim, quod desit; ne beatus quidem est) &, quòd ex maiori parte unamquamque rem appellari spectariq. dicunt, est ubi id isto modo ualeat: cum uero tria genera malorum esse dicant; qui duorum generum malis omnibus urgeatur, ut omnia aduersa sint in fortuna, omnibus oppressum corpus & confectum doloribus, huic paullulum ne ad beatam uitam deesse dicemus, non modo ad beatissimam? Hoc illud est, quod Theophrastus sustinere non potuit. nam cum statuisset, uerbera, tormenta, cruciatus, patriæ euerfiones, exilia, orbitates magnam uim habere ad male, misereq. uiuendum; non est ausus elate, & ample loqui, cum humiliter, demisseq. sentiret. quàm bene, non quæritur: constanter quidem certe. itaque mihi placere non solet, consequentia reprehendere, cum prima concesseris. hic autem, elegantissimus omnium philosophorum, & eruditissimus, non magnopere reprehenditur, cum tria genera dicit bonorum; uexatur autem ab omnibus, primum in eo libro, quem scripsit de uita beata, in quo multa disputat, quamobrem is, qui torqueatur, qui crucietur, beatus esse nò possit. in eo etiam putatur dicere, in rotam beatam uitam non ascendere. nusquam id quidem dicit omnino; sed, quæ dicit, idem ualent. possum igitur, cui concesserim in malis esse dolores corporis, in malis fortunæ naufragia, huic succensere dicenti, non omnes bonos esse beatos,

beatos, cum in omnes bonos ea, quæ illæ in malis numerat, cadere possint? Vexatur idem Theophrastus & libris, & scholis omnium philosophorum, quod in Callisthene suo laudarit illam sententiam, Vitam regit fortuna, non sapientia.

negant ab ullo philosopho quidquam dictum esse languidius. recte id quidem: sed nihil intelligo dici potuisse constantius. si enim tot sunt in corpore bona, tot extra corpus in casu, atque fortuna: non ne consentaneum est, plus fortunam, quæ domina rerum sit & externarum, et ad corpus pertinentium, quam consilium ualere? an malumus Epicurum imitari? qui multa præclare sæpe dicit: quàm enim sibi constanter, conuenienterq. dicat, non laborat. Laudat tenuem uictum. philosophi id quidem, sed si Socrates, aut Antisthenes diceret, non is, qui finem bonorum uoluptatem esse dixerit. Negat quenquam iucunde posse uiuere, nisi idem honeste, sapienter, iusteq. uiuat. nihil grauius, nihil philosophia dignius; nisi idem hoc ipsum, honeste, sapienter, iuste, ad uoluptatem referret. Quid melius, quàm fortunam exiguam interuenire sapienti? sed hoc is ne dicit, qui, cum dolorem non modo maximum malum, sed solum malum etiam dixerit, toto corpore opprimi possit doloribus acerrimis, tum cum maxime cōtra fortunam gloriatur? quod idem melioribus etiam uerbis Metrodorus. Occupaui, inquit, te, fortuna, atque cepi; omnesq. aditus tuos interclusi, ut ad me aspirare non posses. præ-

ll 2 clare,

TVSC. DISPVT.

clare, si Aristo Chius, aut si Stoicus Zeno diceret, qui, nisi quod turpe esset, nihil malum duceret. tu uero, Metrodore, qui omne bonum in uisceribus, medullisque condideris, & definieris, summum bonum firma corporis affectione, explorataq. spe contineri; fortunæ aditus interclusisti? quo modo? isto enim bono iam expoliari potes. atqui his capiuntur imperiti: & propter huiusmodi sententias istorum hominum est multitudo. acute disputantis illud est, non quid quisque dicat, sed quid cuique dicendum sit, uidere. uelut in ea ipsa sententia, quam in hac disputatione suscepimus, omnes bonos, semper beatos uolumus esse. quos dicam bonos, perspicuum est. omnibus enim uirtutibus instructos, & ornatos, tum sapientes, tum uiros bonos dicimus. Videamus, qui dicendi sint beati. equidem hos existimo, qui sint in bonis, nullo adiuncto malo. nec ulla alia huic uerbo, cum beatum dicimus, subiecta notio est, nisi, secretis malis omnibus, cumulata bonorum complexio. hanc assequi uirtus, si quidquam præter ipsam boni est, non potest. aderit enim malorum, si mala illa dicimus, turba quadam, paupertas, ignobilitas, humilitas, solitudo, amissio suorum, graues dolores corporis, perdita ualetudo, debilitas, cæcitas, interitus patriæ, exilium, seruitus. denique in his tot, & tantis, atque etiam quæ plura possunt accidere, potest esse sapiens; nam hæc casus importat, qui in sapientem potest incurrere: at, si ea mala sunt, quis po-

potest præstare sapientem semper beatum fore,
 cum uel in omnibus his uno tempore esse possit?
 Non igitur facile concedo neque Bruto meo, neque
 communibus magistris, neque ueteribus illis, Ari-
 stoteli, Speusippo, Xenocrati, Polemoni, ut, cum
 ea, quæ supra enumeravi, in malis numeret, iidem
 dicant semper beatum esse sapientem. quos si titu-
 lus hic delectat insignis, & pulcher, Pythagora,
 Socrate, & Platone dignissimus; inducant ani-
 mum, illa, quorum splendore capiuntur, uires, ua-
 letudinem, pulchritudinem, diuitias, honores, o-
 pes contemnere, eaque, quæ his contraria sint, pro
 nihilo ducere. tum poterunt clarissima uoce profi-
 teri, se neque fortunæ impetu, nec multitudinis o-
 pinione, nec dolore, neque paupertate terreri,
 omniaq. sibi in sese esse posita, neque esse quidquam
 extra suam potestatem, quod ducant in bonis. ne-
 que, hunc & hæc loqui, quæ sunt magni cuiusdam,
 & alti uiri, & eadem, quæ uulgus, in malis, &
 bonis numerare, concedi ullo modo potest. Qua
 gloria commotus Epicurus exoritur: cui etiam, si
 dijs placet, uidetur semper sapiens beatus. hic di-
 gnitate huius sententiæ capitur: sed nunquam id di-
 ceret, si ipse se audiret. quid est enim, quod minus
 conueniat, quàm ut is, qui uel summum, uel solum
 malum dolorem esse dicat, idem censeat, quàm
 hoc suaue est, tum, cum dolore crucietur, dictu-
 rum esse sapientem? non igitur ex singulis uocibus
 philosophi spectandi sunt, sed ex perpetuitate, at-

TVSC. DISPVT.

que constantia. A. Adducis me, ut tibi assentiar: sed, tua quoque, uide, ne desideretur constantia. M. Quonam modo? A. Quia legi tuum nuper quartum de finibus: in eo mihi uidebare, contra Catonem differens, hoc uelle ostendere, quod mihi quidem probatur, inter Zenonem, & Peripateticos nihil, præter uerborum nouitatem, interesse. quod si ita est; quid est causæ, quin, si Zenonis rationi consentaneum sit, satis magnam uim in uirtute esse ad beate uiuendum, liceat idem Peripateticis dicere? rem enim opinor spectari oportere, non uerba. M. Tu quidem tabellis obsignatis agis mecum, & testificaris, quid dixerim aliquando, aut scripserim. cum alijs isto modo, qui, legibus impositis, disputant: nos in diem uiuimus: quodcunque nostris animos probabilitate percussit, id dicimus: itaque soli sumus liberi. ueruntamen, quoniam de constantia paullo ante diximus, non ego hoc loco id querendum puto, uerum ne sit, quod Zenoni placuerit, quodq. eius auditori Aristoni, bonum esse solum, quod honestum esset; sed, si ita esset, tum ut hoc totum, beate uiuere, in una uirtute poneret. quare demus hoc sane Bruto, ut sit beatus semper sapiens. quàm sibi conueniat, ipse uiderit. gloria quidem huius sententiæ quis est illo uiro dignior? nos tamen teneamus, ut sit idem beatissimus. etsi Zeno Citæus, aduena quidam, & ignobilis, uerborum opifex, insinuasse se in antiquam philosophiam uideatur. huius sententiæ grauitas a Platonis auctoritate repetatur:

repetatur: apud quem sæpe hæc oratio usurpata est, ut nihil, præter uirtutem, diceretur bonum. uelut in Gorgia Socrates, cum esset ex eo quæsitum, Archelaum, Perdicæ filium, qui tum fortunatissimus haberetur, non ne beatum putaret, Haud scio, inquit: nunquam enim cum eo locutus sum. An tu aliter id scire non potes? nullo modo. Tu igitur ne de Persarum quidem rege magno potes dicere, beatus ne sit? an ego possum, cum ignorem, quàm sit doctus, quàm uir bonus? Quid? tu in eo sitam uitam beatam putas? ita prorsus existimo, bonos beatos, improbos miseros. Miser ergo Archelaus? certe, si iniustus. Videtur ne omnem hic beatam uitam in una uirtute ponere? quid uero in epitaphio; quo modo idem? Nam cui uiro, inquit, ex se ipso apta sunt omnia, quæ ad beate uiuendum ferunt, nec suspensa aliorum aut bono casu, aut contrario pendere ex alterius euentis, & errare coguntur; huic optime uiuendi ratio comparata est. hic est ille moderatus, hic fortis, hic sapiens, hic, & nascentibus, & cadentibus cum reliquis commodis, tum maxime liberis, parebit, & obediet præcepto illi ueteri: neque enim lætabitur unquam, neque mærebit nimis, quòd semper in se ipso omnem spem reponet sui. Ex hoc igitur Platonis quasi quodam sancto, augustoq. fonte nostra omnis manabit oratio. unde igitur rectius ordiri possumus, quàm a communi parente natura? quæ, quidquid genuit non modo animal, sed etiam quod ita esset ortum e terra, ut stirpibus suis

ll 4 niteretur,

TVSC. DISPVT.

niteretur, in suo quidque genere perfectum esse uoluit. itaque & arbores, & uites, & ea, quæ sunt humiliora, neque se tollere a terra altius possunt, alia semper uirent, alia, hieme nudata, uerno tempore tepesfacta frondescunt: neque est ullum, quod non ita uigeat interiore quodam motu, & suis quoque seminibus inclusis, ut aut flores, aut fruges fundat, aut bacas; omniaq. in omnibus, quantum in ipsis, nulla ui impediante, perfecta sint. Facilius uero etiam in bestiis, quod his sensus a natura est datus, uis ipsius naturæ perspicui potest. nanque alias bestias nantes aquarum incolas esse uoluit, alias uolucres cælo frui libero, serpentes quasdam, quasdam esse gradientes; earum ipsarum partim soliuagas, partim congregatas; immanes alias, quasdam autem cicures, non nullas abditas, terraq. tectas. atque earum quæque, suum tenens munus, cum in disparis animantis uitam transire non possit, manet in lege naturæ. Et ut bestiis aliud alij præcipui a natura datum est, quod suum quæque retinet, nec discedit ab eo: sic homini multo quiddam præstantius. etsi præstantia debent ea dici, quæ habent aliquam comparationem: humanus autem animus, decerptus ex mente diuina, cum alio nullo, nisi cum ipso deo, si hoc fas est dictu, comparari potest. hic igitur, si est excultus; & si eius acies ita curata est, ut ne cæcetur erroribus; sit perfecta mens, id est absoluta ratio; quæ est idem, quod uirtus. & si omne beatum est, cui nihil deest, & quod in suo genere

nere expletum, atque cumulatam est, idq. uirtutis est proprium: certe omnes uirtutis compotes beati sunt. et hoc quidem mihi cum Bruto conuenit, item cum Aristotele, Xenocrate, Speusippo, Polemone. sed mihi uidentur etiam beatissimi. quid enim deest ad beate uiuendum ei, qui confidit suis bonis? aut, qui diffidit, beatus esse qui potest? at diffidat necesse est, qui bona diuidit tripertito. qui enim poterit aut corporis firmitate, aut fortuna stabilitate confidere? atqui, nisi stabili, & fixo permanente bono, beatus esse nemo potest. quid igitur eiusmodi istorum est? ut mihi illud Laconis dictum in hos cadere uideatur: qui glorianti cuidam mercatori, quod multas naues in omnem oram maritimam dimisisset, non sane optabilis ista quidem est, inquit, rudentibus apta, fortuna. An dubium est, quin nihil sit habendum in eo genere, quod uita beata complectitur, si id possit amitti? nihil enim inueterascere, nihil extinguere, nihil cadere debet eorum, in quibus uita beata consistit. nam qui timebit, ne quid ex his perdat, beatus esse non poterit. uolumus enim eum, qui beatus sit, tutum esse, inexpugnabilem, septum, atque munitum, non ut paruo metu praeditus sit, sed ut nullo. ut enim innocens is dicitur, non qui leuiter nocet, sed qui nihil nocet: sic sine metu is habendus est, non qui parua metuit, sed qui omnino metu uacat. quae est enim alia fortitudo, nisi animi affectio cum in adeundo periculo, & in labore, ac dolore patiens, tum procul ab omni metu? atque haec crete

aga alle fui
alle nui

TVSC. DISPVT.

certe non ita se haberent, nisi omne bonum in una honestate consisteret. qui autem illam maxime optatam, & expetitam securitatem (securitatem autem nunc appello uacuitatem aegritudinis, in qua uita beata posita est) habere quisquam potest, cui aut adsit, aut adesse possit multitudo malorum? qui autem poterit esse celsus, & erectus, & ea, quæ homini accidere possunt, omnia parua ducens, qualem sapientem esse uolumus, nisi omnia sibi in se posita esse censebit? an Lacedæmonij Philippo minitanti per litteras, se omnia, quæ conarentur, prohibiturum, quæsiuerunt, num se esset etiam mori prohibiturus: uir is, quem quærimus, non multo facilius tali animo reperietur, quàm ciuitas uniuersa? Quid, ad hanc fortitudinem, de qua loquitur, temperantia adiuncta, quæ sit moderatrix omnium commotionum? quid potest ad beate uiuendum deesse ei, quem fortitudo ab aegritudine, & a metu uindictet, temperantia tum a libidine auocet, tum insolenti alacritate gestire non sinat? hæc efficere uirtutem ostenderem, nisi superioribus diebus essent explicata. Atqui cum perturbationes animi miseram, sedationes autem uitam efficiant beatam; duplexq. ratio perturbationis sit, quod aegritudo, & metus in malis opinatis, in bonorum autem errore lætitia gestiens, libidoq. uersentur; cum hæc omnia cum consilio, & ratione pugnent: his tu tam grauib. concitationibus, tamq. ipsis inter se dissentientibus, atque distractis, quem uacuum, solutum, liberum uideris,

deris, hunc dubitabis beatum dicere? atqui sapiens
semper ita affectus est: semper igitur sapiens bea-
tus est. Atque etiam omne bonum letabile est:
quod autem letabile, id prædicandum, & præ-
seferendum: quod tale autem, id etiam glorio-
sum: si uero gloriosum, certe laudabile: quod au-
tem laudabile, profecto etiam honestum: quod bo-
num igitur, id honestum. at, quæ isti bona nume-
rant, ne ipsi quidem honesta dicunt. solum igitur bo-
num, quod honestum. ex quo efficitur, honestate una
uitam contineri beatam. non sunt igitur ea bona di-
cenda, nec habenda, quibus abundantem licet esse
miserrimum. An dubitas, quin præstans ualetudi-
ne, uiribus, forma, acerrimis, integerrimisq. sen-
sibus; adde etiam, si libet, pernecitatem, & uelo-
citatem; da diuitias, honores, imperia, opes, glo-
riam; si fuerit is, qui hæc habet, iniustus, intem-
perans, timidus, hebeti ingenio, atque nullo; dubi-
tabis ne eum miserum dicere? qualia igitur ista bo-
na sunt, quæ qui habeat, miserrimus esse possit? ui-
deamus, ne, ut acruus ex sui generis granis, sic
beata uita ex sui similibus partibus effici debeat.
quod si ita est; ex bonis, quæ sola honesta sunt, effi-
ciendum est beatum. ea mixta ex dissimilibus fi-
erunt, honestum ex his effici nihil poterit. quo detra-
cto, quid poterit beatum intelligi? etenim quidquid
est, quod bonum sit, id expetendum est: quod au-
tem expetendum, id certe approbandum: quod ue-
ro approbaris, id gratum acceptumq. habendum:
ergo

ergo etiam dignitas ei tribuenda est. quod si ita est; laudabile sit necesse est. bonum igitur omne laudabile. ex quo efficitur, ut, quod sit honestum, id sit solum bonum. quod ni ita tenebimus; multa erunt, quæ nobis bona dicenda sint. omitto diuitias: quas, cum quiuus, quamuis indignus, habere possit, in bonis non numero. quod enim est bonum, id non quiuus habere potest. omitto nobilitatem, famamq. popularem, stultorum, improborumq. consensu excitatam. hæc, quæ sunt minima, tamen bona dicantur necesse est, candiduli dentes, uenusti oculi, color suauis, & ea, quæ Euryclyia laudat, Vlyssi pedus abluens, lenitudo orationis, mollitudo corporis. ea si bona dicemus, quid erit in philosophi gravitate, quàm in uulgi opinione, stultorumq. turba, quod dicatur aut grauius, aut grandius? At enim eadem Stoici præcipua, uel producta dicunt, quæ bona isti. dicunt illi quidem: sed his uitam beatam compleri negant. hi autem sine ijs esse nullam putant: aut, si sit beata, beatissimam certe negant. nos autem uolumus beatissimam: idq. nobis Socratica illa conclusione confirmatur. sic enim princeps ille philosophiæ differebat: qualis cuiusque animi affectus esset, talem esse hominem; qualis autem ipse homo esset, talem esse orationem; orationi autem facta similia, factis uitam. affectus autem animi in bono uiro laudabilis: et uita igitur laudabilis boni uiri: honesta ergo, quoniam laudabilis. ex quibus, bonorum beatam uitam esse, concluditur. et enim,

enim, pro deorum atque hominum fidem, parum
 ne cognitum est superioribus nostris disputationibus,
 an delectationis & otij consumendi causa locuti su-
 mus, sapientem ab omni concitatione animi, quan-
 perturbationem uoco, semper uacare? semper in
 animo eius esse placidissimam pacem? uir igitur tem-
 perans, constans, sine metu, sine aegritudine, sine
 alacritate ulla, sine libidine, non est beatus? at sem-
 per sapiens talis: semper igitur beatus. Iam uero
 qui potest uir bonus non ad id, quod laudabile sit,
 omnia referre, quæ agit, quæq. sentit? refert au-
 tem omnia ad beate uiuendum: beata igitur uita lau-
 dabilis. nec quidquam sine uirtute laudabile: beata
 igitur uita uirtute conficitur. Atque hoc sic etiam
 • concluditur. nec in misera uita quidquam est prædi-
 cabile, aut gloriandum, nec in ea, quæ nec misera
 sit, nec beata. & est in aliqua uita prædicabile ali-
 quid, & gloriandum, ac præseferendum: ut
 Epaminondas;
 Consilij nostris laus est attonsa Laconum:
 ut Africanus;

A sole exoriente, supra Meoti paludes, *Settatione.*

Nemo est, qui factis me æquiparare queat.
 quodd si beata uita glorianda; & prædicanda, &
 præseferenda est. nihil est enim aliud, quod prædi-
 candum, & præseferendum sit. quibus positis,
 intelligis quid sequatur. et quidem, nisi ea uita bea-
 ta est, quæ est eadem honesta: sit aliud, necesse est,
 melius uita beata. quod enim erit honestum, certe
 fatebun-

fatebuntur esse melius. ita erit beata uita melius ali-
 quid. quo quid potest dici peruersius? Quid? cum fa-
 tentur satis magnam uim esse in uitijs ad miseram
 uitam, non ne fatendum est, eandem uim in uirtute
 esse ad beatam uitam? contrariorum enim contra-
 ria sunt consequentia. Quo loco quero, quam uim
 habeat libra illa Critolai: qui cum in alteram lan-
 cem animi bona imponat, in alteram corporis, &
 externa; tantum propendere illam boni lancem pu-
 tet, ut terram & maria deprimat. quid igitur aut
 hunc prohibet, aut etiam Xenocratem illum, gra-
 uissimum philosophorum, exaggerantem tantopere
 uirtutem, & extenuantem cetera, et abijcientem,
 in uirtute non beatam modo uitam, sed etiam bea-
 tissimam ponere? quod quidem nisi sit, uirtutum in-
 teritus consequetur. nam, in quem cadit ægritudo,
 in eundem metum cadere necesse est. est enim me-
 tus, futuræ ægritudinis sollicita expectatio. in quem
 autem metus, in eundem formido, timiditas, pa-
 uor, ignauia. ergo, ut idem uincatur interdum, ne-
 cesse est, nec putet ad se præceptum illud Atrei per-
 tinere;

Proinde ita parent se in uita, ut uinci nesciant.
 hic autem uincetur, ut dixi, nec modo uincetur,
 sed etiam seruiet. at nos uirtutem semper liberam
 uolumus, semper inuictam. quæ nisi sunt, sublata
 uirtus est. atqui, si in uirtute satis est præsidij ad be-
 ne uiuendum, satis est etiam ad beate: satis est enim
 certe in uirtute, ut fortiter uiuamus: si fortiter, e-
 tiam

tiam ut magno animo, & quidem ut nulla re unquam terreamur, semperq. simus inuicti. sequitur, ut nihil pœniteat, nihil desit, nihil obstat. ergo omnia profluenter, absolute, prospere: igitur beate. satis autem ad fortiter uiuendum uirtus potest: satis ergo etiam ad beate. etenim ut stultitia, etsi adepta est quod concupiuit, nunquam se tamen satis consecutam putat: sic sapientia semper eo contenta est, quod adest; neque eam unquam sui pœnitet. similem ne putas C. Lælij unum consulatum fuisse, & eum quidem cum repulsa: (sed cum sapiens, & bonus uir, qualis ille fuit, suffragijs præteritur, non populus a bono consule potius, quàm ille a uano populo, repulsum fert?) sed tamen, utrum malles te, si potestas esset, semel, ut Lælium, consulem, an, ut Cinna, quater? non dubito, tu quid responsurus sis: itaque uideo, cui committam. non quemuis hoc idem interrogarem. responderet enim alius fortasse, se non modo quatuor consulatus uni antepone re, sed unum diem Cinnae multorum, & clarorum uirorum totis ætatibus. Lælius si digito quem attigisset, pœnas dedisset: at Cinna collegæ sui, consulis, Cn. Octauij præcidi caput iussit, P. Crassi, L. Cæsaris, nobilissimorum hominum, quorum uirtus fuerat domi, militiaeq. cognita; M. Antonij, omnium eloquentissimi, quos ego audierim; C. Cæsaris, in quo mihi uidetur fuisse specimen humanitatis, salis, suauitatis, leporis. beatus ne igitur, qui hos interfecit? mihi contra non solum eo uidetur mihi ser

TVSC. DISPVT.

ser, quòd ea fecit; sed etiam, quòd ita se gessit, ut ea facere ei liceret. etsi peccare nemini licet. sed sermonis errore labimur: id enim licere dicimus, quod cuique conceditur. utrum tandem beatior C. Marius, tum, cum Cimbrica uictoriae gloriam cum collega Catulo communicauit, pæne altero Lælio, (nam hunc illi duco simillimum) an cum ciuili bello uictor iratus, necessarijs Catuli deprecantibus, non semel respondit, sed sæpe, moriatur? in quo beatior ille, qui huic nefariae uoci paruic, quàm is, qui tam scelerate imperauit. nam cum accipere, quàm facere, præstat iniuriam; tum morti iam ipsi aduentanti paullulum procedere obuiam, quod fecit Catulus, quàm, quod Marius, talis uiri interitus sex suos obruere consulatus, et contaminare extremum tempus ætatis. Duodequadraginta annos tyrannus Syracusanorum fuit Dionysius, cum v & xx natus annos dominatum occupasset. qua pulchritudine urbem, quibus autem opibus præditam, seruitute oppressam tenuit ciuitatem? atqui de hoc homine a bonis auctoribus sic scriptum accepimus, summam fuisse eius in uictu temperantiam, in rebusq. gerendis uirum acrem, & industrium, eundem tamen maleficum natura, et iniustum. ex quo omnibus bene ueritatem intuentibus uideri necesse est miserrimum. ea enim ipsa, quæ concupierat, ne tum quidem, cum omnia se posse censebat, consequebatur. qui cum esset bonis parentibus, atque honesto loco natus, (etsi id quidem alijs alio modo tradit

dit) abundaretq. & æqualium familiaritatibus, & consuetudine propinquorum, haberet etiam, more Græciæ, quosdam adolescentes amore coniunctos; credebat eorum nemini; sed ijs, quos ex familijs locupletum seruos delegerat, quibus nomen seruitutis ipse detraxerat, & quibusdam conuenis, & feris barbaris corporis custodiam comittebat. ita, propter iniustam dominatus cupiditatem, in carcerem quodam modo ipse se incluserat. quin etiam, ne tonsori collum committeret, tondere filias suas docuit. ita, sordido, ancillariq. artificio, regiæ uirgines, ut tonstriculæ, tondebant barbam, & capillum patris. & tamen ab ijs ipsis, cum iam essent adultæ, ferrum remouit; instituitq., ut candentibus inglandium putaminibus barbam sibi, & capillum adurerent. cumq. duas uxores haberet, Aristomachen, ciuem suam, Doridem autem Locrensem; sic noctu ad eas uentitabat, ut omnia specularetur, & perscrutaretur ante. & cum fossam latam cubiculari lecto circumdedisset, eiusq. fossæ transitum ponticulo ligneo cõiunxisset; eum ipsum, cum fores cubiculi clauserat, detorquebat. idemq., cum in communibus suggestis consistere non auderet, concionari ex turri alta solebat. atque is, cum pila ludere uellet, (studiose enim id facitabat) tunicamq. poneret, adolescentulo, quem amabat, tradidisse gladium dicitur. hic cum quidam familiaris iocans dixisset, huic quidem certe uitam tuam committis, arrisissetq. adolescens; utrunque iussit

m m inter-

*è le uole
delle noue
inforate.*

TVSC. DISPVT.

interfici; alterum, quia uiam demonstrauisset inter-
rimendi sui; alterum, quia id dictum risu appro-
bauisset. atque eo facto sic doluit, ut nihil grauius
tulerit in uita. quem enim uehementer amaret, oc-
ciderat. Sic distrahuntur in contrarias partes impo-
tentium cupiditates. cum huic obsecutus sis, illi est
repugnandum. quanquam hic quidem tyrannus ip-
se indicauit, quam esset beatus. nam cum quidam
ex eius assentatoribus Damocles commemoraret in
sermone copias eius, opes, maiestatem dominatus,
rerum abundantiam, magnificentiam ædium regia-
rum; negaretq. unquam beatiorum quenquam fuisse;
uis ne igitur, inquit, o Damocle, quoniam hæc
te uita delectat, ipse eandem degustare, & fortu-
nam experiri meam? cum se ille cupere dixisset, col-
locari iussit hominem in aureo lecto, strato pulcher-
rimo, textili stragulo, magnificis operibus picto,
abacosq. complures ornauit argento, auroq. celato.
tum ad mensam eximia forma pueros delectos iussit
consistere, eosq. ad nutum illius intuentes diligen-
ter ministrare. aderant unguenta, coronæ: incende-
bantur odores: mensæ exquisitissimis epulis ex-
truebantur. fortunatus sibi Damocles uidebatur. in
hoc medio apparatu fulgentem gladium e lacuna-
ri, seta equina appensum, demitti iussit, ut impende-
ret illius beati ceruicibus. itaque nec pulchros illos
administratores aspiciebat, nec plenum artis argen-
tum: nec manum porrigebat in mensam: iam ipsæ
defluebant coronæ: denique exorauit tyrannum, ut
abire

abire liceret, quòd iam beatus nollet esse. Satis ne uideatur declarasse Dionysius, nihil esse ei beatum, cui
 ✕ semper aliquis terror impendat? atque ei ne integrum quidem erat, ut ad iustitiam remigraret, ciuibusq. libertatem & iura redderet. ijs enim se adolescens, improuida ætate, irretierat erratis, eaq. commiserat, ut saluus esse non posset, si sanus esse cœpisset. Quantopere uero amicitias desideraret, quarum infidelitatem extimescebat, declarauit in Pythagoreis duobus illis: quorum cum alterum uadē mortis accepisset, alter, ut uadē suum liberaret, præsto fuisset ad horam mortis destinatam; utinam ego, inquit, tertius uobis amicus adscriberer. quàm huic erat miserum carere consuetudine amicorum, societate uictus, sermone omnino familiaris homini præsertim docto a puero, & artibus ingenuis erudito. Musicorum uero perstudiosum accepimus, poetam etiam tragicum: quàm bonum, nihil ad rem: in hoc enim genere nescio quo pacto magis, quàm in alijs, suum cuique pulchrum est. adhuc neminem cognoui poetam, (& mihi fuit cum Aquino amicitia) qui sibi non optimus uideretur. sic se res habet: te tua, me delectant mea. Sed, ut ad Dionysium redeamus: omni cultu, & uictu humano carebat: uiuebat cum fugitiuis, cum facinorosis, cum barbaris: neminem, qui aut libertate dignus esset, aut uellet omnino liber esse, sibi amicum arbitrabatur. non ergo iam cum huius uita, qua tetrius, miserior, detestabilius excogitare ni-

affl.

m m 2 hil

hil possum, Platonis, aut Archytæ uitam compa-
 rabo, doctorum hominum, & plane sapientium.
 Ex eadem urbe humilem homunculum a puluere,
bae ~~ta~~ & radio excitabo, qui multis annis post fuit, Ar-
 chimedem. cuius ego quæstor, ignoratum ab Syra-
 cusanis, cum esse omnino negarent, septum undi-
 que, & uestitum uepribus, & dumetis, indagavi
 sepulcrum. tenebam enim quosdam senariolos,
 quos in eius monumento esse inscriptos acceperam;
 qui declarabant, in summo sepulcro sphaeram esse
 positam cum cylindro. ego autem cum omnia collu-
 strarem oculis, (est enim ad portas Agragianas
 magna frequentia sepulcrorum) animaduerti colu-
 mellam non multum e dumis eminentem: in qua
 inerat sphaeræ figura, & cylindri. atque ego sta-
 tim Syracusanis (erant autem principes mecum)
 dixi, me illud ipsum arbitrari esse, quod quærerem.
 immissi cum falcibus multi purgarunt, & aperue-
 runt locum. quò cum patefactus esset aditus, ad
 aduersam basim accessimus. apparebat epigrâma,
 exesis posterioribus partibus uersiculorum, dimi-
 diatis fere. ita nobilissima Graciæ ciuitas, quondam
 uero etiam doctissima, sui ciuis, unius acutissimi,
 monumentum ignorasset, nisi ab homine Arpinate
 didicisset. Sed redeat unde aberrauit oratio. Quis
 est enim omnium, qui modo cum musis, id est cum
 humanitate, & cum doctrina habeat aliquod com-
 mercium, qui se non hunc mathematicum malit,
 quàm illum tyrannum? si uitæ modum, actionemq.
 quæri-

*quærimus: alterius mens rationibus agitandis ex-
quirendisq. alebatur, cum oblectatione solertiæ;
qui est unus suauissimus pastus animorum: alterius
cæde, & iniurijs, cum et diurno, & nocturno me-
tu. Age confer Democritum, Pythagoram, Ana-
xagoram. quæ regna, quas opes studijs eorum, &
delectationibus antepones? etenim quæ pars opti-
ma est in homine, in ea situm esse necesse est illud,
quod quærit, omnium optimum. quid est autem
in homine, sagaci, ac bona mente melius? eius bo-
no fruendum est igitur, si beati esse uolumus. bo-
num autem mentis est uirtus: ergo hac beatam ui-
tam contineri necesse est. hinc omnia, quæ pulchra,
honestæ, præclara sunt, ut supra dixi, (sed dicen-
dum illud idem paullo uberius uidetur) plena gau-
diorum sunt. ex perpetuis autem plenisq. gaudijs
cum perspicuum sit uitam beatam existere; sequi-
tur, ut ea existat ex honestate. Sed, ne uerbis so-
lum attingamus ea, quæ uolumus ostendere; pro-
ponenda quædam quasi mouentia sunt, quæ nos ma-
gis ad cognitionem, intelligentiamq. conuertant.
sumatur enim nobis quidam præstans uir optimis
artibus, isq. animo parumper, & cogitatione fin-
gatur. primum ingenio eximio sit, necesse est:
tardis enim mentibus uirtus non facile committi-
tur: deinde ad inuestigandam ueritatem studio inci-
tato. ex quo triplex ille animi fœtus existit; unus
in cognitione rerum positus, & in explicatione na-
turæ; alter in descriptione expetendarum, fugien-*

mm 3 darum

darum ue rerum ; tertius in iudicando , quid cuique rei sit consequens , quid repugnans : in quo inest omnis tum subtilitas differendi , tum ueritas iudicandi . quo tandem igitur gaudio affici necesse est sapientis animum cum his habitantem , pernoctantemq. curis ? & cum totius mundi motus conuersionesq. perspexerit , sideraq. uiderit innumerabilia cælo inherencia cum eius ipsius motu congruere certis infixis sedibus ? septem alia suos quæque tenere cursus , multum inter se aut altitudine , aut humilitate distantia , quorum uagi motus rata tamen , & certa sui cursus spatia definiant ? horum nimirum aspectus impulit illos ueteres , & admonuit , ut plura quærent . inde est indagatio nata initiorum , & tanquam seminum , unde essent omnia orta , generata , concreta ; quæq. cuiusque generis uel inanimi , uel animati , uel muti , uel loquentis origo , quæ uita , quis interitus ; quæq. ex alio in aliud uicissitudo , atque mutatio ; unde terra , & quibus librata ponderibus ; quibus cauernis maria sustineantur ; in qua omnia delata grauitate medium mundi locum semper expetant ; qui est idem infimus in rotundo . hæc tractanti animo , et noctes & dies cogitanti , existit illa a deo Delphis præcepta cognitio , ut ipsa se mens uitæ exutam cognoscat , coniunctamq. cum diuina mente se sentiat , ex quo insatiabili gaudio compleatur . ipsa enim cogitatio de ui , & natura deorum , studium incendit illius æternitatis imitandæ : neque se in breuitate ui-

te collocatam putat, cum rerum causas alias ex alijs aptas, & necessitate nexus uidet: quibus ab aeterno tempore fluentibus in aeternum, ratio tamen, mensq. moderatur. hac ille intuens, atque suspiciens, uel potius omnes partes, orasq. circumspiciens, quanta rursus animi tranquillitate humana, & ceteriora considerat? hinc illa cognitio uirtutis existit: efflorescunt genera, partes uirtutum: inuenitur, quid sit, quod natura spectet extremum in bonis, quod in malis ultimum, quod referenda sint officia, quae degendae aetatis ratio deligenda. Quibus & talibus rebus exquisitis, hoc uel maxime efficitur, quod hac disputatione agamus, ut uirtus ad beate uiuendum sit se ipsa contenta. Sequitur tertia, quae per omnes partes sapientiae manat, & funditur, quae rem definit, genera dissipertit, sequentia adiungit, perfecta concludit, uera & falsa diiudicat, differendi ratio, & scientia. ex qua cum summa utilitas existit ad res ponderandas, tum maxime ingenua delectatio, & digna sapientia. sed hac otij. Transeat idem iste sapiens ad remp. tuendam: quid eo possit esse praestantius, cum contineri prudentia utilitatem ciuium cernat, iniustitia nihil in suam domum inde deriuat, reliquis utatur tot tamq. uarijs uirtutibus? Adiunge fructum amicitiarum: in quo a doctis positum est cum consilium omnis uitae, consentiens, & pene conspirans, tum summa iucunditas e quotidiano cultu, atque uictu. quid haec tandem uita desiderat,

TVSC. DISPVT.

quo sit beatior? cui rei refertur tot, tantisque gaudijs, fortuna ipsa cedat, necesse est. Quod si gauderet talibus bonis animi, id est uirtutibus, beatum est; omnesque sapientes ijs gaudijs perfruuntur: omnes eos, confiteri, beatos esse, necesse est. A. Etiam ne in cruciatu, atque tormentis? M. An tu me in uiola putas, aut in rosa dicere? an Epicuro, qui tantummodo induit personam philosophi, & sibi ipse hoc nomen inscripsit, dicere licebit, quod quidem, ut habet se res, me tamen plaudente dicit, nullum sapienti esse tempus, etsi uratur, torqueatur, secetur, quin possit exclamare, quam pro nihilo puto: cum praesertim omne malum dolore definiat, bonum uoluptate; haec nostra, honesta, turpia, irrideat; dicatque nos, in uocibus occupatos, inanes sonos fundere, neque quidquam ad nos pertinere, nisi quod aut leue, aut asperum in corpore sentiat: huic ergo, ut dixi, non multum differenti a iudicio ferarum, obliuisci licebit sui, & tum fortunam contemnere, cum sit omne & bonum eius & malum in potestate fortunae; tum dicere, se beatum in summo cruciatu, atque tormentis, cum constituerit non modo summum malum esse dolorem, sed etiam solū: (nec uero illa sibi remedia comparauit ad tolerandum dolorem, firmitatem animi, turpitudinis uerecundiam, exercitationem, consuetudinemque patiendi, praecepta fortitudinis, duritiam uirilem: sed una se dicit recordatione acquiescere praeteritarum uoluptatum: ut, si quis aestuans, cum nimis caloris non facile

cile patiatur, recordari uelit, se aliquando in Arpi
 nati nostro gelidis fluminibus circumfusus fuisse: nō
 enim uideo, quo modo sedare possint mala præsentiā
 præteritæ uoluptates) sed cū is dicat, semper beatū
 esse sapientem, cui dicere hoc, si sibi constare uellet,
 non liceret: quidnam faciendum est ijs, qui nihil ex-
 petendum, nihil in bonis ducendum, quod honesta-
 te careat, existimant? me quidem auctore etiam Pe-
 ripatetici, ueteresq. Academici balbutire desinant
 aliquando; aperteq. & clara uoce audeant dicere,
 beatam uitam in Phalaridis taurum descensuram.
 sint enim tria genera bonorum: (ut iam a laqueis
 Stoicorum, quibus usum me pluribus, quā soleo,
 intelligo, recedamus) sint sane illa genera bono-
 rum; dum corporis, & externa iaceant humi, &
 & tantummodo, quia sumenda sunt, appellentur
 bona: alia autem diuina illa longe lateq. se pandant,
 cælumq. contingant; ut, ea qui adeptus sit, cur eum
 beatum modo, & non beatissimum etiam dixerim?
 dolorem uero sapiens extimescet? is enim huic maxi-
 mæ sententiæ repugnat. nam contra mortem no-
 stram, atque nostrorum, contraq. ægritudinem, et
 reliquas animi perturbationes satis esse uidemur su-
 periorum dierum disputationibus armati, & para-
 ti. dolor esse uidetur acerrimus uirtuti aduersarius.
 is ardentes faces intentat: is fortitudinem, magnitu-
 dinem animi, patientiam se debellaturum minatur.
 huic igitur succumbet uirtus? huic beata sapientis,
 & constantis uiri uita cedit? quā turpe, o dii bo-
 ni.

T V S C. D I S P V T.

ni. pueri Spartiatæ non ingemiscunt, uerberum dolore laniati. adolescentium greges Lacedæmone uidimus ipsi incredibili contentione certantes pugnis, calcibus, unguibus, morsu, denique ut exanimarentur, priusquàm se uictos faterentur. quæ barbaria India uastior, aut agrestior? in ea tamen gente primum ij, qui sapientes habentur, nudi ætatem agunt, et Caucasi niues, hiemalemq. uim perferunt sine dolore; cumq. ad flammam se applicuerint, sine gemitu aduruntur. mulieres uero in India, cum est cuiusque earum uir mortuus, in certamen, iudiciumq. ueniunt, quam plurimum ille dilexerit: plures enim singulis solent esse nuptæ. quæ est uictrix, ea læta, prosequentibus suis, una cum uiro in rogam imponitur: illa uicta, mæsta discedit. nunquam naturam mos uinceret: est enim ea semper inuicta. sed nos umbris, delicijs, otio, languore, desidia animum infecimus, opinionibus, maloq. more delentum molliuimus. Aegyptiorum morem quis ignorat? quorum imbutæ mentes prauitatis erroribus, quamuis carnificinam prius subierint, quàm ibim, aut aspidem, aut felem, aut canem, aut crocodilum uiolent: quorum etiam si imprudentes quippiam fecerint, pœnam nullam recusent. De hominibus loquor. quid bestia? non ne frigus, non famem, non montiuagos, atque siluestres cursus, lustrationesq. patiuntur? non ne pro suo partu ita propugnant, ut uulnera excipiant? nullos impetus, nullos ictus reformident? Omitto, quæ perferant, quæq. patiantur

tur ambitiosi honoris caussa; laudis studiosi, gloriæ caussa; amore incensi, cupiditatis. Plena uita exemplorum est: sed adhibeat oratio modum, & redeat illud, unde deflexit. Dabit, dabit, inquam, se in tormenta uita beata; nec, iustitiam, temperantiam, in primisq. fortitudinem, magnitudinem animi, patientiam profecuta, cum tortoris os uiderit, consistet; uirtutibusq. omnibus sine ullo animi terrore ad cruciatum profectis, resistet extra fores, ut ante dixi, limenq. carceris. quid enim ea foedius, quid deformius sola relicta, comitatu pulcherrimo segregata? quod tamen fieri nullo pacto potest. nec enim uirtutes sine beata uita cohærere possunt, nec illæ sine uirtutibus. itaque eam tergiuersari non sinent, secumq. rapiunt ad quemcunque ipsæ dolorem, cruciatumq. ducentur. sapientis est enim proprium, nihil, quod pænitere possit, facere, nihil inuitum; splendide, constanter, grauius, honeste omnia; nihil ita expectare, quasi certo futurum; nihil, cum acciderit, admirari, ut inopinatum, ac nouum accidisse uideatur; omnia ad suum arbitrium referre; suis stare iudicijs. quo quid sit beatius, mihi certe in mentem uenire non potest. Stoicorum quidem facilis conclusio est. qui cum finem bonorum esse senserint, congruere naturæ, cumq. ea conuenienter uiuere: cum id sit in sapiente situm non officio solum, uerum etiam potestate; sequatur, necesse est, ut, cuius in potestate summum bonum, in eiusdem uita beata sit. ita fit semper uita beata sapientis. Habes,

bes, quæ fortissime de beata uita dici putem, &
 quo modo nunc est, nisi quid tu melius attuleris, e-
 tiam uerissime. A. Melius quidem afferre nihil pos-
 sum: sed a te impetrare libenter uelim, nisi mole-
 stum sit, quoniam te nulla uincula impediunt ullius
 certæ disciplinæ, libasq. ex omnibus quodcunque te
 maxime specie ueritatis mouet; quod paullo ante
 Peripateticos, ueteremq. Academiam hortari ui-
 debare, ut sine retractatione libere dicere aude-
 rent, sapientes esse semper beatissimos, id uelim au-
 dire quemadmodum his putes consentaneum esse id
 dicere. multa enim a te contra istam sententiam di-
 cta sunt, & Stoicorum ratione conclusa. M. Vta-
 mur igitur libertate: qua nobis solis in philosophia
 licet uti; quorum oratio nihil ipsa iudicat, sed habe-
 tur in omnes partes, ut ab alijs possit ipsa per sese,
 nullius auctoritate adiuncta, iudicari. et quoniam
 uideris hoc uelle, ut, quæcunque dissentientium phi-
 losophorum sententia de finibus sit, tamen uirtus sa-
 tis habeat ad uitam beatam præsidij: quod quidem
 Carneadem disputare solitum accepimus: sed is, ut
 contra Stoicos, quos studiosissime semper refelle-
 bat, & contra quorum disciplinam ingenium eius
 exarserat: nos illud quidem cum pace agemus: si
 enim Stoici fines bonorum recte posuerunt; conse-
 cta res est; necesse est semper beatum esse sapien-
 tem: sed quæramus unamquamque reliquorum sen-
 tentiam, si fieri potest, ut hoc præclarum quasi de-
 cretum beatæ uitæ possit omnium sententijs, & di-
 scipulis

sciplinis conuenire .sunt autem hæ de finibus, ut opor-
nor, retentæ, defensæq. sententiæ: primum simpli-
ces quattuor; nihil bonum, nisi honestum, ut Stoici;
nihil bonum, nisi uoluptatem, ut Epicurus; nihil
bonum, nisi uacuitatem doloris, ut Hieronymus;
nihil bonum, nisi naturæ primis bonis, aut omni-
bus, aut maximis, frui, ut Carneades contra Stoi-
cos differebat. hæc igitur simplicia, illa mixta: tria
genera bonorum, maxima animi, secunda corporis,
externa tertia, ut Peripatetici, nec multo ueteres
Academici secus. uoluptatem cum honestate Clito-
machus, & Callipho copulauit. indolentiam autem
honestati Peripateticus Diodorus adiunxit. hæ sunt
sententiæ, quæ stabilitatis aliquid habeant. nam
Aristonis, Pyrrhonis, Herilli, non nullorumq. alio-
rum euauerunt. hi quid possint obtinere, uidea-
mus, omissis Stoicis: quorum satis uideor defendis-
se sententiam. Et Peripateticorum quidem explica-
ta causa est, præter Theophrastum, et si qui, illum
secuti, imbecillius horrent dolorem, & reformi-
dant. reliquis quidem licet facere, quod fere faciunt,
ut grauitatem, dignitatemq. uirtutis exaggerent.
quam cum ad cælum extulerint, quod facere elo-
quentes homines copiose solent; reliqua ex collatio-
ne facile est conterere, atque contemnere. nec enim
licet ijs, qui laudem cum dolore petendam esse di-
cunt, negare eos esse beatos, qui illam adepti sunt.
quanquam enim sint in quibusdam malis; tamen hoc
nomen beati longe & late patet. nam ut quæstiosa
merca-

TVSC. DISPVT.

mercatura, fructuosa aratio dicitur, non si altera
semper omni damno, altera omnis tempestatu cala
mitate semper uacet, sed si multo maiori ex parte
extet in utraque felicitas: sic uita, non solum si un
dique referta bonis est, sed si multo maiore, & gra
uiore ex parte bona propendent, beata recte dici po
test. Sequetur igitur, horum ratione, uel ad suppli
cium beata uita uirtutem, cumq. ea descendet in tau
rum, Aristotele, Xenocrate, Spensippo, Polemo
ne auctoribus, nec eam minimis blandimentis cor
rupta deferet. Eadem Calliphontis erit, Diodoriq.
sententia: quorum uterque honestatem sic comple
titur, ut omnia, quæ sine ea sint, longe, & retro
ponenda censeat. Reliqui habere se uidentur angu
stius, enatant tamen, Epicurus, Hieronymus, &
si qui sunt, qui disertum illum Carneadem curent
defendere. nemo est enim, qui eorum bonorum ani
mum putet esse iudicem, eumq. condoces faciat, ut
ea, quæ bona, mala ue uideantur, possit contemne
re. nam quæ tibi Epicuri uidetur, eadem erit Hie
ronymi, & Carneadis caussa, & hercle omnium re
liquorum. quis enim parum est contra mortem, aut
dolorem paratus? ordiamur ab eo, si placet, quem
mollem, quem uoluptarium dicimus. quid? is tibi
mortem ne uidetur, an dolorem timere, qui eum
diem, quo moritur, beatum appellat; maximisq.
doloribus affectus, eos ipsos inuentorum suorum me
moriam, & recordatione confutat, nec hoc sic agit,
ut ex tempore quasi effutire uideatur? de morte
enim

enim ita sentit, ut, dissoluto animante, sensum extinctum putet; quod autem sensu careat, nihil ad nos id iudicet pertinere. Item de dolore certa habet, quæ sequatur: quorum magnitudinem breuitate consolatur, longinquitatem leuitate. Quid tandem? isti grandiloqui contra hæc duo, quæ maxime angunt, melius se habent, quàm Epicurus? an ad cetera, quæ mala putantur, non & Epicurus, & reliqui philosophi satis parati uidentur? quis non paupertatem extimescit? neque tamen quisquam philosophorum. hic uero ipse quàm paruo est contentus? nemo de tenui uictu plura dixit. etenim, quæ res pecuniæ cupiditatem afferunt, ut amor, ut ambitioni, ut quotidianis sumptibus copiæ suppetant; cum procul ab ijs omnibus rebus absit, cur pecuniam magnopere desideret, uel potius curet omnino? an Scythes Anacharsis potuit pro nihilo pecuniam ducere, nostrates philosophi facere non potuerunt? illius epistola fertur his uerbis. Anacharsis Hannoni salutem. Mibi amiētus est Scythicum tegmen, calciamentum solorum callum, cubile terra, pulpamentum fames: lacte, caseo, carne uescor. quare tu ad quietum me licet: munera autem ista, quibus es delectatus, uel ciuibus tuis, uel dijs immortalibus dona. Omnes fere philosophi omnium disciplinarum, nisi quos a recta ratione natura uitiosa detorsisset, hoc eodem animo esse potuerunt. Socrates, in pompa cum magna uis auri argentiq. ferretur, quàm multa non desidero, inquit. Xenocrates,

crates, cum legati ab Alexandro quinquaginta ei talenta attulissent, quæ erat pecunia temporibus illis, Athenis præsertim, maxima; adduxit legatos ad cænam in Academiam; ijs apposuit tantum, quod satis esset, nullo apparatu. cum postridie rogarent eum, cui numerari iuberet; quid? nos hesternæ, inquit, cænula non intellexistis, me pecunia non egere? quos cum tristiores uidisset, triginta minas accepit; ne aspernari regis liberalitatem uideretur. At uero Diogenes liberius, ut Cynicus, Alexandro roganti, ut diceret, si quid sibi opus esset, nunc quidem paullulum, inquit, a sole absis. offecerat uidelicet apricanti. & hic quidem disputare solebat, quanto regem Persarum uita, fortunaq. superaret: sibi nihil deesse, illi nihil satis unquam fore: se eius uoluptates non desiderare, quibus nunquam satiari ille posset; suas eum consequi nullo modo posse. Vides, credo, ut Epicurus cupiditatum genera diuiserit, non nimis fortasse subtiliter, utiliter tamen; partim esse naturales, & necessarias; partim naturales, & non necessarias; partim neutrum: necessarias satiari posse pene nihilo: diuitias enim naturæ parabiles esse. Secundum autem genus cupiditatum nec ad potendum difficile censet, nec uero ad carendum. Tertias, quod essent plane inanes, neque necessitatem modo, sed ne naturam quidem attingerent, funditus eiiciendas putauit. Hoc loco multa ab Epicureis disputantur, hæc. uoluptates sigillatim extenuantur: quarum

quarum genera non contemnunt, quærunt tamen
copiam. nam & obscenas uoluptates, de quibus
multa ab illis habetur oratio, faciles, communes,
in medio sitas esse dicunt; easq. si natura requirat,
non genere, aut loco, aut ordine, sed forma, æta-
te, figura metiendas putant; ab ijsq. abstinere mi-
nime esse difficile, si aut ualetudo, aut officium,
aut fama postulet; omninoq. genus hoc uolupta-
tum optabile esse, si non obsit, prodesse nunquam.
Totumq. hoc de uoluptate sic ille præcepit, ut uolu-
ptatem ipsam per se, quia uoluptas sit, semper
optandam, expetendamq. putet; eademq. ratione
dolorem ob id ipsum, quia dolor sit, semper esse
fugiendum: itaque hac usurum compensatione sa-
pientem, ut uoluptatem fugiat, si ea maiorem
dolorem effectura sit; & dolorem suscipiat, maio-
rem efficientem uoluptatem: omniaq. iucunda,
quanquam sensu corporis iudicentur, ad animum
referri tamen: quocirca corpus gaudere tam diu,
dū præsentem sentiret uoluptatem; animum et præ-
sentem percipere pariter cum corpore, & prospi-
cere uenientem, nec præteritam præterfluere sine-
re: ita perpetuas, & contextas uoluptates in sa-
piente fore semper, cum expectationi speratarum
perceptarum memoria iungeretur. Atque ijs simi-
lia ad uictum etiam transferuntur; extenuanturq.
magnificentia, & sumptus epularum, quòd par-
uo cultu natura contenta sit. etenim quis hoc non
uidet, desiderijs ista condiri omnia? Darius in fu-
nn ga,

TVSC. DISPVT.

ga, cum aquam turbidam, & cadaueribus inquinatam bibisset, negauit unquam se bibisse iucundius. nunquam uidelicet sitiens biberat. nec esuriens Ptolemæus ederat. cui cum peragranti Aegyptum, comitibus non consecutis, cibarius in casa panis datus esset; nihil uisum est illo pane iucundius. Socratem ferunt, cum usque ad uesperum contentius ambularet; quæsitumq. esset ex eo, quare id faceret; respondiße, se, quo melius cenaret, obsonare ambulando famem. quid? uictum Lacedæmoniorum in Phiditijs non ne uidemus? ubi cum tyrannus cenauisset Dionysius, negauit se iure illo nigro, quod cenæ caput erat, delectatum. tum is, qui illa coxerat, minime mirum, inquit: condimenta enim defuerunt. quæ tandem, inquit ille? labor in uenatu, sudor, cursus ab Eurota, fames, sitis. his enim rebus Lacedæmoniorum epulæ coniunguntur. Atque hoc non ex hominum more solum, sed etiam ex bestijs intelligi potest, quæ, ut quidquid obiectum est, quod modo a natura non sit alienum, eo contentæ non quærunt amplius. Ciuitates quædam uniuersæ, more doctæ, parsimonia delectantur, ut de Lacedæmonijs paullo ante diximus. Persarum a Xenophonte uictus exponitur: quos negat ad panem adhibere quidquam, præter nasturtium. quanquam, si quædam etiam suauiora natura desideret, quàm multa ex terra, arboribusq. gignuntur cum copia facili, tum suauitate præstantia? adde siccitatem, quæ consequitur hanc continentiam in uictu:

uictu: adde integritatem ualeitudinis. confer sudantes, ructantes, refertos epulis, tanquam opimos boues: tum intelliges, qui uoluptatem maxime sequantur, eos minime consequi, iucunditatemq. uictus esse in desiderio, non in satietate. Timotheum, clarum hominem Athenis, & principem ciuitatis, ferunt, cum cenauisset apud Platonem, eoq. conuiuium admodum delectatus esset, uidissetq. eum postridie, dixisse, uestre quidem cenæ non solum in præsentia, sed etiam postero die iucundæ sunt. Quid, quod ne mente quidem recte uti possumus, multo cibo, & potione completi? est præclara epistola Platonis ad Dionis propinquos; in qua scriptum est his fere uerbis. Quò cum uenissem, uita illa beata, quæ ferebatur, plena Italicarum, Syracusanarumq. mensarum, nullo modo mihi placuit; bis in die saturum fieri, nec unquam pernoctare solum, ceteraq., quæ comitantur huic uitæ, in qua sapiens nemo efficitur unquam, moderatus uero multo minus. Quæ enim natura tam mirabiliter temperari potest? quo modo igitur iucunda uita potest esse, a qua absit prudentia? absit moderatio? ex quo Sardanapali, opulentissimi Syriæ regis, error agnoscitur, qui incidi iussit in busto:

Hæc habeo, quæ edi, quæq. exsaturata libido

Hausit: at illa iacent multa, & præclara, relicta. quid aliud, inquit Aristoteles, in bouis, non in regis sepulcro inscriberes? hæc habere se mortuum dicit, quæ ne uiuus quidem diutius habebat, quam

nn 2 fruebatur.

TVSC. DISPVT.

fruebatur. Cur igitur diuitiæ desiderentur? aut ubi paupertas beatos esse non sinit? signis, credo, tabulis, ludis. si quis est, qui his delectetur; non ne melius tenues homines fruuntur, quam illi, qui his abundant? est enim earum omnium rerum nostra in urbe summa in publico copia. quæ qui priuati habent, nec tam multa & raro uident, cum in sua rura uenerint. quos tamen pungit aliquid, cum illa unde habeant, recordantur. Dies deficiet, si uelim paupertatis causam defendere. aperta enim res est; & quotidie nos ipsa natura admonet, quàm paucis, quàm paruis rebus egeat, quàm uilibus. Num igitur ignobilitas, aut humilitas, aut etiam popularis offensio sapientem beatum esse prohibebit? uide, ne plus commendatio in uulgo, & hæc, quæ expetitur, gloria molestia habeat, quàm uoluptatis. Leuiculus sane noster Demosthenes, qui illo susurro delectari se dicebat aquam ferentis mulierculæ, ut mos in Græcia est, insusurrantisq. alteri, hic est ille Demosthenes. quid hoc leuius? at quantus orator? sed apud alios loqui uidelicet didicerat, non multum ipse secum. Intelligendum est igitur, nec gloriam popularem ipsam per se expetendam, nec ignobilitatem extimescendam. Veni, inquit, Athenas, Democritus; neque me quisquam ibi agnouit. constantem hominem, & grauem, qui gloriatur a gloria se abfuisse. An tibi-cines, ij. q., qui fidibus utuntur, suo, non multitudinis arbitrio cantus numerosq. moderantur; uir sapiens,

piens, mul-
immon sit
quidquam
rarios, bar-
esse uniuers
tatesq. cont
delatos, rep
te quàm pæn
racitum phy
dero: inuier
quod, cum e
locuti sunt:
quis extiterit
hoc non ita fi
perantiam na
lo enim Græ
ne ob eam ca
ter modum in
cant, qui nū
quid est enim
ris, quibus in
in hoc ipso ma
mus. Contem
pecunia, quid
exilium, cre
si propter al
tem malum
ante dictum
ne miseror

piens, multo arte maiore præditus, non quid ueris-
simum sit, sed quid uelit uulgus, exquiret? an
quidquam stultius, quàm, quos singulos sicut ope-
rarios, barbarosq. contemnas, eos aliquid putare
esse uniuersos? ille uero nostras ambitiones, leui-
tatesq. contemnet, honoresq. populi, etiam ultro
delatos, repudiabit: nos autem eos nescimus, an-
te quàm pænitere cæpit, contemnere. Est apud He-
raclitum physicum de principe Ephesiorum Hermo-
doro: uniuersos ait Ephesios esse morte multandos,
quòd, cum ciuitate expellerent Hermodorum, ita
locuti sunt: Nemo de nobis unus excellat; sed, si
quis extiterit, alio in loco, & apud alios sit. An
hoc non ita sit omni in populo? non ne omnem exu-
perantiam uirtutis oderunt? Quid? Aristides (ma-
lo enim Græcorum, quàm nostra, proferre) non
ne ob eam caussam expulsus est patria, quòd præ-
ter modum iustus esset? Quantis igitur molestijs ua-
cant, qui nihil omnino cum populo contrahunt?
quid est enim dulcius otio litterato? ijs, dico, litte-
ris, quibus infinitatem rerum, atque naturæ, &
in hoc ipso mundo cælum, terras, maria cognosci-
mus. Contempto igitur honore, contempta etiam
pecunia, quid relinquitur, quod extimescendum sit?
exilium, credo: quod in maximis malis ducitur. id
si propter alienam, & offensam populi uolunta-
temmalum est: quàm sit ea cotemnenda, paullo
ante dictum est. sin abesse a patria miserum est: ple-
næ miserorum prouinciæ sunt: ex quibus admo-

TVSC. DISPVT.

dum pauci in patriam reuertuntur. At multantur bonis exules: quid tum? parum ne multa de toleranda paupertate dicuntur? Iam uero, exilium, si rerum naturam, non ignominiam nominis, quaerimus; quantum demum a perpetua peregrinatione differt? in qua etates suas philosophi nobilissimi consumpserunt, Xenocrates, Crantor, Arcesilas, Lacides, Aristoteles, Theophrastus, Zeno, Cleanthes, Chrysippus, Antipater, Carneades, Panaetius, Clitomachus, Philo, Antiochus, Posidonius, innumerabiles alij: qui, semel egressi, nunquam domum reuere. At enim non sine ignominia afficere poterit sapientem. de sapiente enim est hæc omnis oratio, cui iure id accidere non possit: nam iure exultantem consolari non oportet. Postremo, ad omnes casus facillima ratio est eorum, qui ad uoluptatem ea referunt, quæ sequuntur in uita, ut, quocunque hæc loco suppedient, ibi beate queant uiuere. itaque ad omnem rationem Teucri uox accommodari potest; Patria est, ubicunque est bene.

Socrates quidem cum rogaretur, cuiatem se esse diceret, mundanum inquit. totius enim mundi se incolam, & ciuem arbitrabatur. quid T. Albutius? non ne animo æquissimo Athenis exul philosophabatur? cui tamen illud ipsum non accidisset, si in rep. quiescens, Epicuri legibus paruisset. qui enim beatior Epicurus, quod in patria uiuebat, quàm Metrodorus, quod Athenis? aut Plato Xenocratem

uin-

uincebat, aut Polemo Arcesilam, quo esset bea-
tior? quanti uero ista ciuitas aestimanda est, ex qua
boni sapientesq. pelluntur? Damaratus quidem,
Tarquinij, regis nostri, pater, tyrannum Cypsel-
lum quod ferre non poterat, fugit Tarquinos Co-
rintho, & ibi suas fortunas constituit, ac liberos
procreauit. num stulte anteposuit exilij libertatem
domesticæ seruituti? Iam uero motus animi, solici-
tudines, ægritudinesq. obliuione leniuntur, tradu-
ctis animis ad uoluptatem. non sine caussa igitur E-
picurus ausus est dicere, semper in pluribus bonis es-
se sapientem, quia semper sit in uoluptatibus. ex quo
effici putat ille, quod querimus, ut sapiens sem-
per beatus sit. etiam ne, si sensibus carebit oculo-
rum, si aurium? etiam: nam ista ipsa contemnit.
primum enim, horribilis ista cæcitas quibus tan-
dem caret uoluptatibus? cum quidam etiam dispu-
tent, ceteras uoluptates in ipsis habitare sensibus;
quæ autem aspectu percipiantur, ea non uersari in
oculorum ulla incunditate; ut ea, quæ gustemus,
olfaciamus, tractemus, audiamus in ea ipsa, ubi
sentimus, parte uersentur. in oculis tale nihil fit.
animus accipit, quæ uidemus. animo autem multis
modis, uarijsq. delectari licet, etiam si non adhi-
beatur aspectus. loquor autem de docto homine,
& erudito, cui uiuere est cogitare. sapientis enim
cogitatio non ferme ad inuestigandum adhibet ocu-
los aduocatos. etenim si nox non adimit uitam bea-
tam, cur dies nocti similis adimat? nam illud An-

TVSC. DISPVT.

tipatri Cyrenaici est quidem paullo obscenius, sed non absurda sententia est: cuius cæcitatem cum mulierculæ lamentarentur, quid agitis, inquit? an uobis nulla uidetur uoluptas esse nocturna? Appiū quidem, ueterem illum, qui cæcus annos multos fuit, & ex magistratibus, & ex rebus gestis intelligimus, in illo suo casu nec priuato, nec publico muneris defuisse. C. autem Drusi domum compleri consultoribus solitam accepimus; cum, quorum res esset, sua ipsi non uidebant, cæcum adhibebant duces. pueris nobis, Cn. Aufidius, prætorius, & in senatu sententiam dicebat, nec amicis deliberantibus deerat, & Græcam scribebat historiam, & uidebat in litteris. Diodotus Stoicus cæcus multos annos nostræ domi uixit. is uero, quod credibile uix esset, cum in philosophia multo etiam magis assidue, quàm antea, uersaretur; & cum fidibus, Pythagoreorum more, uteretur; cumq̃. ei libri noctes & dies legerentur; quibus in studijs oculis non egebat; tamen, quod sine oculis fieri posse uix uidetur, geometriæ munus tuebatur, uerbis præcipiens discipulis, unde, quò, quàmq̃. lineam scriberent. Asclepiadem ferunt, non ignobilem Eretricum philosophum, cum quidam quæreret, quid ei cæcitas attulisset, respondisse, ut puero uno esset comitator. ut enim uel summa paupertas tolerabilis sit, si liceat, quod quibusdā Græcis, quotidie: sic cæcitas ferri facile possit, si non desint subsidia ad ualitudinem. Democritus, luminibus amissis, alba scili-

scilicet, & atra discernere non poterat; at uero bona, mala; æqua, iniqua; honesta, turpia; utilia, inutilia; magna, parua poterat: & sine uarietate colorum licebat uiuere beate, sine notione rerum nō licebat. atque is uir impediri animi etiam aciem aspectu oculorum arbitrabatur: & cum alij sæpe, quod esset ante pedes, non uiderent; ille infinitatem omnem perigrinabatur, ut nulla in extremitate consisteret. Traditum est etiam, Homerum cæcum fuisse. at eius picturam, non poesim, uidemus. quæ regio, quæ ora, qui locus Græciæ, quæ species formæ, quæ pugna, quæ acies, quod remigium, qui motus hominum, qui ferarum non ita expictus est, ut, quæ ipse non uiderit, nos ut uideremus effecerit? quid ergo aut Homero ad delectationem animi, ac uoluptatem? aut cuiquam docto defuisse unquam arbitramur; aut, ni ita se res haberet, Anaxagoras, aut hic ipse Democritus agros, & patrimonia sua reliquissent, huic discendi, quærêdîq. diuinæ delectationi toto se animo dedidissent? itaque augurem Tyresiam, quem sapientem fingunt poætæ, nunquam inducunt deplorantem cæcitatem suam: at uero Polyphemum Homerus, cum immanem, ferumq. finxisset, cum ariete etiam colloquentem facit, eiusq. laudare fortunas, quod, quæ uellet, ingredi posset, &, quæ uellet, attingere. recte hic quidem: nihilo enim erat ipse Cyclops, quàm aries ille, prudentior. In surditate uero quidnam est mali? erat surdaster M. Crassus:

TVSC. DISPVT.

sus: sed aliud molestius, quoddam male audiebat, etiam si, ut mihi uidebatur, iniuria. Epicurei nostri græce fari nesciunt, nec Græci latine: ergo hi in illorum, & illi in horum sermone surdi: omnesque id nos in ijs linguis, quas non intelligimus, quæ sunt innumera- biles, surdi profecto sumus. At uocem citharæ- di non audiunt: ne stridorem quiddam ferræ tum, cum acuitur; aut grunitum, cum iugulatur sus; nec, cum quiescere uolunt, fremitum murmurantis ma- ris. & si cantus eos forte delectant, primum co- gitare debent, ante quam hi sint inuenti, multos beate uixisse sapientes; deinde, multo maiorem percipi posse legendis his, quam audiendis, uolupta- tem. tum, ut paullo ante cacos ad aurium traduce- bamus uoluptatem, sic licet surdos ad oculorum. etenim, qui secum loqui poterit, sermonem alterius non requireret. Congerantur in unum omnia; ut idem oculis, & auribus captus sit, prematur etiam do- loribus acerrimis corporis: qui primum per se ipsi plerunque conficiunt hominem: sin forte longinqui- tate producti, uehementius tamen torquent, quam ut causa sit cur ferantur; quid est tandem, dii bo- ni, quod laboremus? portus enim præsto est; quo- niam mors ibidem est, æternum nihil sentienti re- ceptaculum. Theodorus Lysimacho, mortem mini- tanti, magnum uero, inquit, effecisti, si Canthari- dis uim consecutus es. Paullus Persæ deprecanti ne in triumpho duceretur, in tua id, inquit, potestate est. Multa primo die, cum de ipsa morte quærere- mus

mus, non pauca etiam postero, cum ageretur de dolore, sunt dicta de morte: quæ qui recordetur, haud sane periculum est, ne non mortem aut optandam, aut certe non timendam putet. mihi quidem in uita, seruanda uidetur illa lex, quæ in Græcorum conuiuijs obtinetur: Aut bibat, inquit, aut abeat. & recte. aut enim fruatur aliquis pariter cum alijs uoluptate potandi; aut, ne sobrius in uiolentiam ui nolentorum incidat, ante discedat. sic iniurias fortunæ, quas ferre nequeas, defugiendo relinquant. Hæc eadem, quæ Epicurus, totidem uerbis dicit et Hieronymus. quod si ijs philosophis, quorum ea sententia est, ut uirtus per se ipsa nihil ualeat; omne, quod honestum nos, & laudabile esse dicimus, id illi cassum quiddam, & inanis uocis sono decoratum esse dicant; & tamen semper beatum esse censent sapientem: quid tandem a Socrate, & Platone, perfectisq. philosophis faciendum putes? quorum alij tantam præstantiam in bonis animi esse dicunt, ut ab his corporis, & externa obscurentur: alij autem hæc ne bona quidem ducunt, in animo reponunt omnia. Quorum controuersiam solebat, tanquam honorarius arbiter, iudicare Carneades. nam cum, quæcunque bona Peripateticis, eadem Stoicis commoda uiderentur; neque tamen Peripatetici plus tribuerent diuitijs, bonæ ualetudini, ceterisq. rebus generis eiusdem, quàm Stoici, cum ea re, non uerbis, ponderarentur; causam esse dissidendi negabat. Quare, hunc locum ceterorum disciplina-

382
 disciplinarum philosophi quemadmodum obtinere pos-
 sint, ipsi uiderint: mihi tamen gratum est, quòd
 de sapientium perpetua bene uiuendi facultate di-
 gnum quiddam philosophorum uoce profitentur.
 Sed quoniam mane est eundum, has quinque die-
 rum disputationes memoria comprehendamus: e-
 quidem me etiam conscripturum arbitror. ubi enim
 melius uti possumus hoc, cuiusmodi est, otio? ad
 Brutumq. nostrum hos libros alteros quinque mit-
 temus: a quo non modo impulsus sumus ad philoso-
 phicas scriptiones, uerum etiam lacessiti. in quo
 quantum ceteris profuturi sumus, non facile dixe-
 rimus: nostris quidem acerbissimis doloribus, ua-
 rijsque, & undique circumfusus molestijs alia nulla
 potuit inueniri leuatio.

SCHO-

SCHO

IN P

PH

ABSE

tor (liceb

adilitatem

quod sepe ia

Lucullus aut

adilis fuisset

legis, ut opi

partes eius in

tempus caper

scriptum est

pretura, con

grificat VI. i

adilitate con

suile autem

ternalio, sed

lo usus esset.

cero. Quòd

tam postea l

lere, locus

indicat) sed

cum ij, qui p

ant honores

ta excessisse

tenda adilit

SCHOLIA PAVLI MANVTII
IN PRIMAM CICERONIS
PHILOSOPHIAE PARTEM.

Pagina 5. Acad.

ABSENS factus ædilis, continuo prætor (licebat enim celerius legis præmio)]
Ædilitatem prætura biennio post consequebatur :
quod sæpe iam, & , opinor, primi olim docuimus.
Lucullus autem, Syllanarum partium adiutor, cum
ædilis fuisset, continuo prætor factus est, beneficio
legis, ut opinor, a Sylla dictatore lata, ut ijs, qui
partes eius in civili bello secuti essent, honores ante
tempus capere liceret. nam apud Appianum lib. I.
scriptum est, lege Syllæ cautum, ne quis, omissa
prætura, consul fieri posset. quod Cicero etiam si-
gnificat VI. in Antonium, his uerbis: Vopiscus ex
ædilitate consulatum petit: soluatur legibus. Veri-
simile autem, additū in ea lege de magistratuum in-
teruallo, sed exceptos esse eos, quorum opera in bel-
lo usus esset. itaque præmium legis hic appellat Ci-
cero. Quod autem ait, Licebat, non ideo abroga-
tam postea legem Syllæ significat, (nam, eam ua-
lere, locus ex XI. Philippica proxime recitatus
indicat) sed neminem iam uti eius legis beneficio:
cum ij, qui pro Sylla contra Marium pugnauerant,
aut honores, uiuente Sylla, iam cepissent, aut ui-
ta excessissent, aut certe ita senes essent, ut de pe-
tenda ædilitate, aut prætura minime iā cogitarent.
contra

7.

Contra omnes dicere, qui scire sibi uidentur, solemus,] *Academici*, percipi nihil posse, dicebant, præter unum illud, nihil posse percipi. in hac autem hæresi Cicero cum esset; non erat, cur alios a se dissentire moleste ferret. id enim ab ijs solet fieri, qui scire sibi uidentur: contra quos *Academici* solent dicere. Sunt, qui legant, Contra omnes dicere quæ uidentur: quos secuti non sumus. non enim contra omnes dicere, quæ uidebantur, soli *Academici* solebant; quod commune omnium erat; sed contra omnes, qui scire sibi uidebantur; quod proprium erat *Academicorum*, negantium quidquam sciri, & affirmari posse.

7:

Iudicauerunt: aut,] *Locus*, meo iudicio, deprauatus. liber doctissimi uiri, *Caroli Sigonij*, Iudicare aut. ego uellem, Iudicare: ita. Sententia uero sanequam apta efficitur. Cum liceret, inquit, eis, ante quàm iudicaret, audire omnia, reliquorumq. doctrinam nosse; tamen, re semel audita, ad unius se auctoritatem contulerunt. ut igitur potuerunt, si aliorum sententias nossent, iudicare quid optimum esset: ita, cum eas neglexerint, seq. ad unius auctoritatem contulerint, rudes, & indocti iudicare non possunt. Hoc eo pluribus uerbis explanandum putavi, ne quis correctionem nostram posthac in dubium uocaret.

Nec

10.

Nec uero esse ullam rationem] Nec uerum esse, habent, prater nostrum, impressi omnes libri. ego ex uetusto libro Bernardini Maffei, iuuenis admodum eruditi, & ex sententia emendaui, Nec uero. nam, Verum, si legas; duæ illæ uoces, Vllam rationem, neque cum sequenti uerbo, Disputare, neque cum præcedenti, Esse, cohærebunt.

10:

A patre Catulo,] uideo Ciceronem ita locutum, Seruilius pater, Curio pater, Quintus pater, sed de uiuis. itaque mihi magis placet, A patre Catuli, ut est in antiquo libro. supra enim dixit: Quæ heri Catulus commemorauit, a patre suo dicta Philoni.

12:

Cur has igitur sibi tam graues leges imposuerint] non uideo, cur uerbum, igitur, quidam inculcauerint: quod neque habent libri scripti, quos quidem ego uiderim, & abundare, sensus ostendit.

13.

Sapienti q. satis sit, non esse falsum,] ipsa indicat sententia, quod ueteris libri confirmat auctoritas, legendum, Sapienti q. satis non sit, non esse falsum: ut hoc dicatur: sapienti satis non est, non esse falsa decreta, sed stabilia quoque, fixa, rata debent esse.

13:

Antipatro, hoc idem postulanti, cum diceret

SCHOLIA IN PARTEM I.

ceret, ei qui affirmaret nihil posse percipi, consentaneum esse, unum tamen illud, dicere, percipi posse, ut alia non possent, Carneades acutius resistebat.] *Quid sibi uelint hæc uerba, nemo non uidet: quorum antea sententia uideri poterat obscurior, cum pro, Ei qui affirmaret, legeretur, Ei q. affirmaret. quo ex loco, unius litteræ mutatione, mendum sustulimus, idq. ex coniectura.*

14.

Aliqua sic recondit: e quibus memoria oritur] Non nihil desideratur, ac fortasse tale quippiam, Vt postea: ut ita legatur: alia uisa sic arripit, ut his statim utatur; alia sic recondit, ut postea: e quibus memoria oritur. & dictio, Postea, referatur ad uerbum, utatur. nisi si quis ita malit legere, alia sibi recondit, e quibus memoria oritur: sibi, id est ad usum suum.

15.

Cum dicunt hoc se unum tollere, ut quidquam uerum possit ita uideri, ut non eodem modo falsum etiam possit ita uideri;] addidi, Verum, ex antiquo libro, sententia comprobante.

15:

Cum sit incertum, uere, inaniter ne animus moueatur?] in uulgatis libris, Animus, desiderabatur: ego addidi, secutus, præter antiquum librum, ipsam sententiam, ipsumq. Cicero-
nem,

nem, qui non ita multo post, Conantur, inquit, ostendere, multa posse uideri esse, quæ omnino nulla sunt; cum animi inaniter moueantur rebus ijs, quæ nullæ sint, ut ijs, quæ sint.

17.

Eorum, quæ uideantur, alia uera esse, alia falsa:] Sic opinor, melius, quàm antea, Aliud uerum esse, aliud falsum. probat antiquus liber: confirmat ipse Cicero, qui proxime supra, Eorum, inquit, quæ uidentur, alia uera sunt, alia falsa.

17:

Illa uera, & firma, & certa esse, quæ putentur;] Aptius ad sententiam uisum est, Putentur, quàm, ut antea, Tutentur. ut dicat, illa uera esse, quæ uideantur: contra sententiam Academicorum, qui, nihilo magis uera illa esse, quàm falsa, clamabant. quod proxime sequentibus uerbis ostenditur.

17:

Quid enim dicere habeant, cur illa uera definitio sit?] Alij: Quid enim dicere habeant? pro, nec enim negare possunt. quod mihi non plane satisfacit. quiddam enim curtum in his uerbis aures meæ sentiunt: nec Ciceroni propositum id uidetur magis, illam Academicorum definitionem transferri quamlibet in aliam rem posse; quàm hoc, uel definitionem illam ueram non esse, quia transferri possit in alias res, uel, si transferri non possit, id esse uerum, percipi quæ possit, quod ea definitione explicetur.

SCHOLIA IN PARTEM I.

plicetur . quod omnino ab Academicis negatur . Vi
deant igitur eruditi homines , an rectius hoc modo
legi possit : Quidnam dicere habeant , cur illa vera
definitio sit ?

17:

Nisa , & progressa ratio] Cum legeretur ,
uisa , & progressa ; coniectura ducti , Nisa , correxi
mus ; ut similis , & apta translatio sit : quo modo
etiam locutus est 212 : Præsto , inquit , est ratio ,
quæ connisa per se , & progressa longius , sit perfe-
cta uirtus .

18 .

Priori posterius , posteriori superius nō
iungitur] Coniungitur , quidam legunt , non re-
cte , ut opinor , & contra Ciceronis sententiam .
dixit enim , Non iungitur , pro non respondet , non
cohæret , non conuenit . in quo , inquit , maxime
conuincuntur , quòd duo pro congruentibus sumunt
uehementer repugnantia . omnino & in libro scri-
pto Bernardini Maffei legitur , coniungitur , sed ,
ut sensus ostendit , corrupte .

21 .

Et eo quidem innumerabiles] Sunt qui
legant , eos . ego hoc totum suspicor abundare . ia-
cet enim , & otiosum est , neque ad sententiam
quidquam affert , quo perfectior esse uideatur .

21 :

Id est assensionis retentio] hoc puto Cicero
nis non esse , uerum ab aliquo , qui proximum an-
tecedens uerbum exponeret , esse additum .

Carnea-

Carneades non nunquam secundum illud dabat, assentiri aliquando: ita sequebatur, etiam opinari] Cum antea in omnibus libris legeretur, id assequebatur; emendavi coniectura ductus, Ita sequebatur, eo confidentius, quod it pro id ueteres scribebant. Duo autem illa uerba, Assentiri, Opinari, loco mouerem, ut alterum in alterius sedem migraret, & ita legeretur: Carneades non nunquam secundum illud dabat, opinari aliquando: ita sequebatur, etiam assentiri. De duobus enim, quod proposuit, secundum illud erat: Nunquam autem opinabitur: de quo Carneades ita sentiebat, ut interdum diceret, sapientem opinari: ita sequebatur, & assentiri: ut appareret, Carneadem aliquem tamen assensum dare sapienti, quem Arcesilas penitus tollebat, cum uterque esset Academicus.

Videor ne tibi, non, ut Saturninus, nominare modo illustres homines, sed etiam imitari nunquam, nisi clarum, nisi nobilem?] quid sibi uelit hic, Nunquam, satis non intelligo. suspicatus aliquando sum, Quenquam, legi posse: ut hoc Cicero dicat: Videor ne tibi quenquam imitari, nisi clarum, nisi nobilem? non, ut Saturninus, nominare modo illustres homines, nequaquam autem imitari. Aut sic: Videor ne tibi, non ut Saturninus, nominare modo illustres homines, sed

SCHOLIA IN PARTEM I.

etiam imitari? num quem, nisi clarum, nisi nobilem? Quæ mihi mea tum denique placebit opinio, si ueterum librorum accesserit auctoritas, aut eam hominibus eruditis non displicere cognouero.

26.

Probantur? dissoluit idem. mihi quidem non uidetur: sed dissoluerit sane:] Patet sententia, quæ latebat antea, ob interpuncta male collocata. sic enim erat in omnibus uulgatis libris: Quàm multa ille contra sensus, quàm multa contra omnia, quæ in cõsuetudine probantur, dissoluit? idem mihi quidem non uidetur. Possunt hæc quibusdam minuta uideri; mihi, & opinor sincere iudicantibus, non uidentur. quid enim in emendando nostra laborat. industria? si, ut sententiam assequamur: id quoquo modo succedat, laudabile est: porro quantam obscuris locis hæc interpungendi ratio, a superioribus neglecta dicam, an ignorata? lucem attulerit, omnes, opinor, intelligunt, quos modo paullo elegantior doctrina delectat.

26:

[Signatum, & effectum,] Reposui, effectum; ut perstet in metaphora, et cum duobus uerbis, imprimere, et signare, consentiat: quo modo item locutus est pagina 10: Visum, inquit, impressum, effectumq. ex eo unde esset.

26:

Recte consensit Arcefilas. ad definitionem additum:] Si distinguatur ut antea, quis intelligi-

PHILOSOPHIAE CIC.

telliget? erat enim hoc modo: Recte consensit Ar-
cesilas ad definitionem additum. huius generis mul-
ta sunt a nobis emendata: quæ non commemoro,
satis ipsa re contentus.

27.

Quod ne id facere posses,] Malim, Quod ne
facere posses.

29:

Quasi quisquam neget, & qui experre-
tus sit, eum somniare; &c.] Plane somniat,
qui sincerum illud putat, Eum somniare. mihi non
modo placet, uerum etiam necessarium uidetur,
addi, Non: ut sit, Eum non somniare. probat an-
tiquus liber.

31.

Quod in numero conticuiisti,] Rectius,
Quo in numero. nec ab hac sententia discrepat ue-
tus liber.

34.

Hic, ut placeat &c.] Recte, ut puto, et hic
reposui, Hic, pro Nec, et infra proxime, Appro-
bat, pro Approbari. sic etiam antiquus liber.

35.

Aut memoriam mihi remittas, oportet,
& facile esse ei locum,] Verbum, Esse, non
uideo quò spectet. quo sequor libentius antiquum
librum, in quo est, Et facias esse ei locum. sic lib. 4.
de Fin. 127. Argumenti ratione conclusi caput esse
faciunt ea, quæ perspicua dicunt.

00 3

Vide

SCHOLIA IN PARTEM I.

35:

Vide superiora] Hoc inducendum, ut glossema, crediderim patet, opinor, omnibus.

37:

Liniammentum sine ulla latitudine carentem] Apparet, subesse mendum. Maffei liber, lineamentum, cetera ut in impressis. mihi sic placeret, Lineam autem sine ulla latitudine currētem. punctum enim, & linea, mathematicorum initia sunt.

37:

Adiiciam iusiurandum] Adigere iusiurandum, potius dicitur, quā adijcere: ut apud Cæsarem lib. VII. Omnibus ad iusiurandum adaētis. si ne prepositione autem ea ratione dicebatur, quo modo adigere arbitrum, pro adigere ad arbitrum. qua figura Cicero usus est lib. III. de Off. et in oratione pro Q. Roscio. reposui igitur, Adigam.

38.

Consensisse primos] Fortasse, concessisse primas. nam Laertius auctor est, cum Delphicus Apollo Milesijs respondisset, eum tripodem, quem piscatores iactu retis inuenissent, eius esse debere, qui ceteris sapientia excelleret, Thaleti esse datum. ex quo apparet, sex reliquos ei primas concessisse.

41.

Vos uero huius magnitudinem &c.] Confusus locus, & corruptus: qui, ordine uerborum mutato, & leui correctione adhibita, restitui fortasse posset: quo ex ordine, & correctione locus
recite-

recitetur: ut studiosi saltem hanc mihi gratiam habeant, quod, quidquid senserim, libere dixerim. legerem igitur sic. Vos uero huius magnitudinem, quasi decempeda permensi, refertis. Hic ego me, quasi malis architectis, mensuræ uestræ nego credere. ergo dubium est, uter nostrum sit, leuiter ut dicam, uerecundior? Hanc coniecturam etsi ualde probem, tamen meum illud teneo, ut sine scriptis libris nihil affirmem.

42.

Hos si contemnimus, atque abiectos putamus;] ex antiquo libro, Atque, pro Etiam, reposui utrum rectius, facile omnes intelligunt.

42:

Hic igitur neutri assentiens. si nunquam, uter est prudentior?] Sensum non uideo, neque uidet quisquam, ut opinor, tam obscuro in loco. obscuritatis autem caussa deprauatio est: quam iudicio meo tollet, qui ita leget. Hic igitur neutri assentietis. sin utrique, uter est prudentior? quorum uerborum non absurda sententia est: dicit enim hoc. In hac controuersia neutri assentietis, id est neque Stoicum, neque Academicum dicetis esse sapientem. sin utrunque, uter est prudentior? Assentietis, autem refero ad illud supra positum, Ad uos nunc refero. Vtrique, uidetur esse necessarium propter insequens uerbum, Vter. Sed hæc, qui & acumine, & iudicio præstant, dijudicabunt.

oo 4

Non

SCHOLIA IN PARTEM I.

Non ne indicat, non posse illa probabilia esse sapienti?] *Offendebam antea, cum legerem, illa probanda. sustuli mendum ex antiquo libro.*

43.

Nec, si patria deleatur, non doleat?] *Quo diligentius hoc mente pertracto, eo illustrius, uel Nec, uel Non, abundare cerno. mutare tamen, contra ueteris libri testimonium, non audeo.*

44.

Ne urbes denique,] *Moneo lectorem, ne quid mutet dissentientibus antiquis libris: meam opinionem ponderari diligenter cupio. mihi rectius uidetur, Ne urbes quidem. hoc si alijs item uidebitur, retinebo sententiam meam; sin minus, abijciam non inuitus.*

44:

Labor, ut assentiar Epicuro] *Vulgati libri, laboro, omnes habebant. quod uerbum ut deprauatum esse crederem, fecit id, quod sequitur: reuocat uirtus, uel potius reprehendit manu. nam sine dubio, Reuocat, & Reprehendit manu, quippiam requirunt, quod in translatione respondeat: quale uidetur esse uerbum, Labor: quod ego, & metaphoram, & sensum secutus, reposui pro Laboro.*

44:

Vt Calliphontem sequar:] *Abundare, Vt, qui totum uerborum ambitum attendet, statim intelligi-*

PHILOSOPHIAE CIC.

telliget. & ut dicam quod sentio, suspicor ipsum ita scripsisse Ciceronem, rem potius, quam uerba spectantem. idem enim alibi quoque uitium deprehendi, ut lib. III. de Fin. 117. Ne illud quidem est consentaneum, ut, si, cum tria genera bonorum sint, quæ sententia est Peripateticorum, eo beatior quisque sit, quo sit corporis, aut externis bonis plenior, ut hoc idem approbandum sit nobis. & lib. I. ep. I. ad Q. fratrem: Ut te ante compares. cum iam dixerit: Ut, si hoc plane. &c.

46:

Per ἐποχὴν illam omnium rerum comprobans] Fortasse legendum, Quare ἐποχὴν illam.

48.

Et si quid forte Roma noui] Mallem sic: Ecquid forte Roma noui. notum loquendi genus.

49:

Lælii nostri] Librarij cum in describendo non perciperent, quid sibi antiquæ notæ uellent, eas uel immutabant, uel cum sequenti uoce coniungebant: ut hoc loco, Lælij nostri, scripserant: cum, L. Aelij nostri, uera & incorrupta sit lectio: quod & ueterum librorum auctoritate, & historiæ fide comprobatur. est enim hic L. Aelius Stilo, cognomento Præconinus; qui orationes scripsit, quas alij dicerent: a quo M. Varro rerum antiquarum scientiam cum accepisset, eam ipse auxit, & illustrioribus litteris explicauit. Cicero de claris oratoribus, Acad. I. Varro, Festus, Plinius lib. IX. cap. 35.

Gellius

SCHOLIA IN PARTEM I.

Gellius lib. I. cap. 18. lib. XII. cap. 4. Suetonius de claris grammaticis. mendose autem in Varrone, lib. IIII. C. Aelius, legitur.

50.

Omninoque latinis & litteris attulisti, & uerbis] distinguuntur a litteris uerba : quod mihi non probatur . nam cum latinas litteras , aut latinam linguam nominamus , uerba simul intelligi constat , uel potius ipsa tantum uerba . Erratū crediderim a librario , qui, Verbis, pro Rebus, per incuriam scripserit . adiuvat autem opinionē nostram ipse Cicero, auctam a Varrone linguam Romanam copia rerum potius , quā uerborum , alio loco ostendens . Tu uero , inquit 53 : Varro bene etiam meriturus mihi uideris de tuis ciuibus , si eos non modo copia rerum auxeris , ut effecisti , sed etiam uerborum .

51.

Perscripti uarie, copiose sunt,] Pertinet ad latinam linguam , non ignorari , copulā de industria non nunquam a Cicerone pratermitti ; ne quis eam hic putet desiderari . nā lib. XIII. ep. fam. 24. ad Sulpitium, Peto, inquit, a te, ut eum etiā tuis officijs, liberalitate complectare . & ep. 28. ad eundem : Vt ipse iudices , homini te gratissimo , incunctissimo benigne fecisse .

52.

In lingua etiam explanatam uocum im-
pressionem .] moneo studiosos, ut consulant ue-
te-

teres libros. nam mihi placeret magis, Expressio-
nem: licet, Impressionem, aliqua omnino sententia
non careat.

52.

Ad comprehendendam ingenii uirtu-
tem] Fateor me nescire, quid sibi uelit, Ingenij
uirtutem: & quandoque uel abundare, Ingenij, uel
corruptum esse uerbum credidi.

52:

Itaque attulit rem commenticiam.] Su-
spicor, Itaque, abundare.

54.

Materiam quandam, ex qua omnia ex-
pressa, atque efficta sint,] Efficta, malui,
quàm Effeeta. nam & in Lucullo, licet alia de re,
Visum, inquit, impressum, effictumq. ex eo, un-
de esset. & ibidem: Impressum, & signatum, &
effictum. 10: 26: in oratione autem pro Amerino:
Ut effictos, inquit, nostros mores in alienis perso-
nis, expressamq. imaginem nostram uitæ quodidia-
næ uideremus. scriptor etiam Rhet. ad Herennium
lib. IIII. Expressere, & effingere uerbis for-
mam corporis.

54:

Inter quasi fatalem, & immutabilem cō-
tinuationem ordinis sempiterni:] Puto me
lius, apertius quidem uideo, Iter quasi fatale. nec
aliter scriptus liber.

Of-

55:

Officia autē & seruata, prætermiſſa quē,
 mediā putabat,] Ornamenti cauſſa, Et, itera-
 ri, notum eſt: inferri autem, Quē, poſt &, quod
 hic Cicero facit, minus tritum eſt in conſuetudine la-
 tinæ linguæ. itaque, ne mendosus locus putetur,
 exempla ſubiungam. lib. 4. de Fin. 129: Omne ani-
 mal ipſum ſibi commendatum, ut ſe & ſaluum in
 ſuo genere, incolumēq. uellet. & lib. v. 162:
 Quis eſt, qui non intelligat, & eos, qui fecerunt,
 immemores fuiſſe utilitatum ſuarum; nosq. nulla
 alia re, niſi honeſtate, duci?

56:

Viſum cum ipſum per ſe cerneretur,
 comprehenſibile.] addidi, Per ſe, ex antiquo
 libro.

56:

Ex quo etiam nomen hoc duxerat; cum
 eo uerbo ante nemo in tali re uſus eſſet.]
 Emendaui, ut puto, hunc locum, rectius quē, quā
 in omnibus libris legebatur, diſtinxī. erat autem
 ſic. Ex quo etiam nomen hoc duxerat. at cum eo
 uerbo antea nemo in tali re uſus erit, plurimisq.
 idem &c. Vtrum autem coniectura noſtra probari
 debeat, alij uideant.

57.

Latiores quædam ad rationem inuenien-
 dam uia reperiuntur.] Patet ſententia: nec
 muto quidquam: conſuetudo tamen latinæ linguæ
 poſtulare uidetur, Aperiantur.

Ab

57.

Ab antiquorū ratione nunc desciscis,]
 Abeſt, Nunc, ab antiquo libro: nec sane quid-
 quam affert ad ſententiam.

57:

Nihil ſciri poſſe dixerunt:] Aut hic, di-
 xerunt, aut in extrema periodo uidetur otioſum eſ-
 ſe. quorſum enim iteretur? nec uero quidquam af-
 firmo; ſed, ut ad diligentiam lector excitetur, quid-
 quid mendosum ſuſpicor, libenter indico.

57:

Dies iam pleroſque deduceret;] Horas
 ducere, dixit Virg. lib. 6. & hic fortasſe, Duceret,
 ſcriptum Cicero reliquit: quod etſi ita uidetur, af-
 ſenſum tamen, Academicorum more, ſuſtineo.

59.

Dignitatis noſtræ] Vulgati libri, Noſtræ,
 non habebant: in ſcripto, cum eſſet, non improba-
 ui. nam, etſi placebat, Dignitatis eſſe negent,
 non eodem modo tamen, Perſonæ eſſe negent.

61.

Liſtores omneſque cohors χαίρε] Quæ pro-
 xime antecedunt uerba, ex perſona Scauolæ ſunt:
 hæc autē, Liſtores omneſque cohorsque, χαίρε, ab
 ipſo Lucilio pronuntiantur: cum dicat, poſt Scauo-
 læ uerba liſtores eiufdem, cohortemque prætoriam,
 quo magis græca ſalutatione Albutius eluderetur,
 exclamaſſe ſimul omneſ prætoris exemplo, χαίρε.
 Erat autem hoc tempore adoleſcens Albutius: de
 quo

SCHOLIA IN PARTEM I.

quo sic in Bruto: Doctus etiam græcis T. Albutius, uel potius pene Græcus? loquor, ut opinor: sed licet ex orationibus iudicare. fuit autem Athenis adolescens. Eundem in oratione de provincijs cons. græcum hominem, non quòd in Græcia natus, sed quòd Athenis educatus, Cicero appellat his uerbis: Cuius amici hac consolatione utuntur, etiam T. Albutio supplicationem hunc ordinem denegasse. quod est primum dissimile, res in Sardinia cum mastrucatis latrunculis a pro prætore una cohorte auxiliaria gesta, & bellum cum maximis Syriæ gentibus, tyrannis, consulari exercitu, imperioq. confectum: deinde Albutius, quod a senatu petebat, ipse sibi in Sardinia ante decreuerat. constabat enim, græcum hominem, ac leuem, in ipsa provincia quasi triumphasse. itaque hanc eius temeritatem senatus, supplicatione denegata, notauit. Hæc adiungenda existimaui, quo pateret illustrius, prætorem non Albutium, ut a nò nullis creditum est, sed Scæuolâ fuisse: cum Albutius & adolescens Athenis, & pro prætore in Sardinia, non in Achaia, fuerit. Nec dubito, quin prætor Scæuola & a Cicerone, & a Lucilio appelletur, non quòd prætor in provinciam exierit, quod antea sæpe factum erat bellis urgentibus, sed quòd pro prætore Achaiam regeret. itaque & Cicero prætorem Quintum, fratrem suum, uocat, qui tamen, prætura iam in urbe functus, Asiam pro prætore administrabat.

Quàm

63.

Quàm fieri sine causa quidquam dicere] Hæc videntur abundare, ut otiosa, & sine causa inculcata. id enim turpe physico est, dicere atomum declinare sine causa. hoc per se recte habet, & concinnum est: præterea si quid addatur, frigebit.

64:

Nunquam hoc ita defendit Epicurus, neque uero tu,] quis est, uel mediocriter intelligens, qui mendosum illud, Vero tu, non existimet? cui porro, correctionem querenti, sine aliqua ueterum librorum ope liceat diuinare? dicam tamen, quod sentio: placeret, Metrodorus, nisi longius a litteris discederem: quod instituti mei non est. sæpe autem cum Epicuro Metrodorus, quasi eius collega, a Cicerone nominatur, ut 78. 99: 102. 202: lib. I. de Nat. De. bis, & lib. III. de Off. quibus ex locis, & ex Laertio præterea, licet intelligere, neminem cum Epicuro aptius, quàm Metrodorum, posse coniungi, qui eiusdem adiutor, ac pæne auctor fuerit sententiæ.

65.

Nisi te quoque, ut id modo loqueretur] Maffei liber, quoque modo, haud prorsus emendate, sed ut uitij tamen nihil pæne supersit. nam, una littera immutata, locus restituitur, nempe si sic legas: Nisi te, quoquo modo loqueretur, &c. dicit autem, Quoquo modo loqueretur, ut pæne etiam ostendat,

SCHOLIA IN PARTEM I.

stendat, ne in uerbis quidem Ciceroni Epicurum satisfecisse, non modo in sententijs.

65.

Etenim quasi detractis de homine sensibus] *Supervacanea sunt hæc uerba, neque locum hic habere possunt. nam ex argumentis sunt, quibus probare conabatur Epicurus, uoluptatem esse summum bonum. dicit enim pagina 66. Etenim, quoniam, detractis de homine sensibus, reliqui nihil est; necesse est, quid aut secundum naturam, aut contra sit, a natura ipsa iudicari. Maffei liber, Et detractis de homine sensibus. aliud antiquum exemplar, Etenim quoniam detractis de homine sensibus. ut & ipsa librum uarietas mendii suspicionem afferat. de quo lectorem admonendum censui: ipsa tamen uerba, uisum est, ut neque mutarem, neque tollerem.*

68.

Cum omni dolore caret] *Maffei liber, cum omni dolore careret. fortasse, Omni dolore carere, legendum est. etsi uideo scriptum paullo post: Quod dolore caret, id in uoluptate est.*

68.

Statua est in Ceramico Chrysippi sedentes porrecta manu, quæ manus significet illum in hac rogatiuncula esse delectatum.] *Animaduerti, non nunquam ueteres eodem uerbis eodem in loco usos esse, ut, Eo die, qui dies fuit* *iv. Kal. et, Eo loco, qui locus. cuius generis exemplar*

PHILOSOPHIAE CIC.

pla & apud hunc nostrum, & apud Caesarem maxime in eius commentarijs, non pauca licet inuenire. eiusdem generis uideri potest hoc, Porrecta manu, quæ manus. ego tamen, Manus, puto ab aliquo esse additum, qui fortasse uereretur, ne ad statuum potius, quàm ad manum illud, Quæ, referretur. sed quoniam, utro modo legas, manet eadem sententia; si quis aliter sentiat, cum eo non contenderim.

68:

Nulla præterea nec præsentī, nec expectata uoluptate.] Moneo lectorem, ex ingenio repositum a me, præterea, pro præterita: quod erat in omnibus libris, quos quidem ego uiderim. hanc mihi Cicero ipse, quo loco infra Torquato respondet, correctionem ostendit: cuius uerba recitabo. At quàm, inquit lib. II. pulchre dicere uidebare, cum ex altera parte ponebas cumulatam aliquem plurimis, & maximis uoluptatibus, nullo nec præsentī, nec futuro dolore, ex altera autem cruciatibus maximis toto corpore, nulla nec adiuncta, nec sperata uoluptate.

75.

Quod quia nullo modo] Video mendum: & opinor non inepte locum corrigi, si legatur, Quodq. nullo modo.

77.

Vt quibusdam in formulis ea res agatur, &c.] Rectius uidetur sic: Vt quibusdam in
pp for-

SCHOLIA IN PARTEM I.

formulis, quæ res agatur &c. sic lib. v. si est quisquam, qui acute in causis uidere soleat, quæ res agatur. Et de Fato: Hæc differens, quæ de re agatur, et in quo causa consistat, non uidet.

77:

Aut quod iuuaret; aut quod liberet. modo idem, nisi molestum est &c.] Mirum, quas pulcherrimis sententijs tenebras afferat non optime percepta ratio distinguendi. quod & sæpe iam ostendi, & sæpe ut ostendatur, uideo futurum. hic quidem, non dubito, quin interpungendum ita sit: Aut quod iuuaret; aut quod liberet modo. idem &c.

81:

Neque tamen.] antea, Remq. tamen. cor rexi ex antiquo libro, sententia etiam postulante.

81:

Epicuri *κρίας δόξας*, id est maxime ratas?] Alienum esse, & omnino delendum illud puto, Id est maxime ratas. est enim adscripta ad, *κρίας δόξας*, interpretatio, nec tamen intelligenter. non enim, *κρίας δόξας*, latine est, maxime ratas, sed, firmas sententias: de quibus lib. i. de Nat. De. In illis, inquit, selectis eius, breuibusq. sententijs, quas appellatis *κρίας δόξας*.

82.

Similiter et] Aut, Similiter ut, legendum uidetur: aut ueteres, similiter, ita cum & iunxisse, ut cum ac, atque, ut, putandum est. quod

quod interdum suspicor, utpote cum sæpe animad-
uerterim, &que &, scriptum in antiquis libris, ubi
est in recentioribus &que ut.

82.

Si nec cupidi sint, nec deos metuant,
nec mortem, nec dolorem.] Totus hic locus
præpostero uerborum ordine ita perturbatus est,
ut elicere sententiam nullo modo liceat. &, ne le-
ctorem multis morer, uerba recitabo, non ut le-
gantur in omnibus libris, sed ut uidetur sententia
postulare. Si ita dicit, non esse reprehendendos lu-
xuriosos, si nec cupidi sint, nec deos metuant, nec
mortem, nec dolorem; dicit absurde; similiter &
si dicat, non reprehendendos paricidas, si sapien-
tes sint. etenim quid attinet luxuriosis ullam exce-
ptionem dare? aut fingere aliquos, qui, cum luxu-
riose uiuerent, cetera cauerent, a summo philoso-
pho non reprehenderentur eo nomine duntaxat?
sed tamen non ne &c. Lego autem, nec dubitanter
quin recte, Etenim quid attinet, ubi est in omnibus
libris, Et tamen quid att.

82.

Quibus uinum diffusum e pleno fiet ceno-
phoro, cui nihil dempserit ius, & farculos
abstulerit.] Antiquus Maffei liber habet, cui ni-
hil dempserit uis, et sacculos abstulerit. emēdo, Cui
nil dempsit nix & sacculus abstulerit. apud ueteres
qui lautius uiuebant, uino delectabantur, quod sac-
co niuario transmissum esset, non solum ut frigi-

pp 2 dius

SCHOLIA IN PARTEM I.

dius biberent, sed etiam ut liquidius. itaque dixit
Martialis libro XII.

Vt liquidum potet alauda merum,
Turbida sollicito transmittere Cæcuba sacco.
et in distichis:

Setinos moneo nostra niue frange trientes:
id est, Setini uini uim frange niue, ut frigidius bibas.
seruabatur enim nix in hunc usum: de quo Plinius
lib. XIX. cap. 4. Hi niues, inquit, illi glaciem po-
tant. Deinde infert: Excogitatur, ut alienis mensi-
bus nix algeat, qua scilicet uina refrigerentur.

83.

Dicet Lucilius, Cocto, condito. sed ce-
do caput cenæ. Sermone bono. quid ex eo?
Si quæris, libenter?] Libro XIII. epistolarum
ad Atticum, in fine, ita scriptum est. Edit, & bi-
bit ad deos, & iucunde: opipare sane, & apparate:
nec id solum, sed bene, cocto, condito, sermone
bono, & si quæris, libenter. ut, quemadmodum
quidem ego existimo, Lucilij uersum recitet: quem
etiam hunc in locum transtulit, sed ut ipse quædam
interijciat. ego autem, cum in illa ad Atticum epi-
stola scriptum legerem, Cocto, condito, non, horto
condito; item hic putavi esse legendum, Cocto, con-
dito: cum ante legeretur, horto condito: neque sum
arbitratus fore qui nostram coniecturam reprehen-
deret, cum ea ratione tam firma niteretur. puto
autem Lucilij uersus huiusmodi fuisse:
Quid bene? cocto,

Condito,

PHILOSOPHIAE CIC.

Condito, sermone bono, & si quæris, libenter. ut illud, Quid bene? cocto, pedes sint præcedentis uersus. Quod autem legitur, Quid, ex eo si quæris, libenter? puto ita esse interpungendum: Quid ex eo? si quæris, libenter. nam qui cenant cocto, condito, sermone bono; sequitur, ut libenter quoque cenent. cum autem interrogaret, Quid ex eo? (subaudi, sequitur) respondet Lucilij uerbis: Si quæris, libenter. Illa uero, Dicit Lucilius, sed cedo caput cenæ, quid ex eo, a Cicerone interiecta, effecerunt, ut Lucilij uersum nemo hætenus agnouerit. quem si quis metiri uelit, pronuntiabit in quinto pede, Quæri li, abiecta s consonante: ut paullo ante, Cognitu cui sis: et Catullus, Affixus nobis tu dabi⁹ supplicium: & saepe apud Lucretium.

83:

Nec lapathi suauitatem] Ne lapathi quidem suauitatem, quem quanti faceret, indicat Lucilianus uersus, O lapathe, ut iactare necesse est, cognitu cui sis, Lælius anteponebat acipenseris. Gallonij sententia quidem hæc uidetur. abundare tamen, Nec, suspicari aliquis possit. itaque consilendi ueteres libri.

83:

Vt loqui deceat frugaliter.] Neque uacare mendo locum hunc existimo: (quid enim sibi uult, loqui frugaliter? cum hic frugalis cena potius, quam sermo, laudetur) neque mihi tamen, cupienti emendare, probabile quidquam succurrit. in quo

pp 3

quia

SCHOLIA IN PARTEM I.

quia meliore forsitan euentu aliorum exercebitur industria, notandum putavi.

88:

Cuius similitudine perspecta in formarum specie, a dignitate transitum est ad honestatem dictorum, atque factorum.] *Mihi uidetur omnino rectius hoc modo: Formarum specie, ac dignitate, transitum est &c. ut ad formas referatur species, ac dignitas. aliter ueteres libri: ego tamen mea coniectura delector.*

89.

Per se rectum, atque laudabile;] *Sic malui, secutus antiquum librum, quam, ut antea, Persecutum, atque laudabile. & paullo post, honestum, significat, id solum esse, quod sit rectum ipsum per se, sua ui, sua natura, sua sponte laudabile.*

90.

Cn. Scipioni] *Omnino reponendum, Capioni, ex historia. Cn. Seruilius Capio consul fuit cum Q. Pompeio Nepote. quibus consulibus decretum est, ut in Tubulum quaereretur. 144. 162. de Nat. de. lib. 111. ad Atticum lib. XII. epist. v.*

90:

Censuit plus filiae dandum] *Alij, plus Fadiae: quae lectio si retineatur, supra legendum erit, Fadio Gallo, non Fabius: cum Gallus cognomen Fadiorum sit.*

91.

Pericula adeunda sunt,] *Hoc si absit, nihil*
lo

lo fiet obscurior, aut imperfectior sententia. subaudiatur enim, quod in proximo superiore membro dictum est, Adeunda sunt quævis pericula. nec uero cuiquam dubium esse puto, quin ea sæpe, quæ glossæmata uocant, inter uerba Ciceronis locum occupauerint.

91.

Esse enim quamuis iniustus poterat impune.] Sic antiquus liber, & recte. in omnibus autem impressis, excepto quem nunc emitimus, hoc modo: Esse enim quamuis uellet iustus, iniquus poterat impune.

93.

Bella magna gesserat is: bis consul fuerat:] Antiquus liber, gesserat his. ego, his, minime Ciceronis esse puto: sed primo fortasse illud, Bis, quod proxime sequitur, per errorem a librario cum esset iteratum, factum est postea His, postremo Is. omnino quasi currere procliuius oratio uidetur, si legamus: Bella magna gesserat: bis consul fuerat.

93.

Testata ciues] Maffei liber, testata crimen. probo, ex historia. uiro enim, et patri, non ciuibus Lucretia crimen exposuit.

93:

Ap. Claudii] Sic emendavi. male antea, P. Claudij. nam Liius lib. III. Appium nominat: & Maffei liber confirmat.

93:

Hunc uero,] Aptius ad sententiam, Nec

pp 4 uero:

SCHOLIA IN PARTEM I.

uero : itaq. plane scriptum uideo in antiquo libro .
Nec uero , inquit , Atticus , licet Epicuro deditus ,
de suis historiarum libris promere poterit claros ui-
ros , qui summum bonum in uoluptate posuerint .
Epicuri autem in haeresi Atticum fuisse , libro v .
de Fin. 145. & ep. i. lib. XIII. Fam. & ex epi-
stolis ad ipsum docemur .

94.

Cur Chius ,] Apposui notam , quam ad men-
das indicandas consuetudo iam recepit . antiquus li-
ber nihil mutat : historia nihil , ego quidem quod me-
minerim , suppeditat . quattuor puto colligi Epicu-
reos , L. Thorium Balbum Lanuinum , de quo pro-
xime facta mentio est ; Postumium , quem ignora-
mus ; Curium tertio loco si ponamus , (nec tamen
Curius a Cur Chius longe distat) eum esse dicemus ,
de quo legimus in Pediano uersiculum illum Calui ,
Et talis Curius pereruditus .

C. uero Sergius Orata nominatur a Cicerone lib.
III. de Off. a Valerio lib. IX. cap. I. Plinio lib.
IX. cap. 54.

94:

Non metuet autem , siue cælare poterit ,
siue , &c.] Sequor sententiam , & emendo , ad-
iuuante Maffei libro : Non metuet autem , siue cæ-
lare poterit , siue opibus magnis , quidquid fecerit ,
obtinere ; certe q. malet existimari bonus uir , ut non
sit , quàm esse , ut non putetur . Est autem hic , Ob-
tinere , pro tueri , & defendere , ut in oratione pro
Quinctio

Quintio: Non ad mendacium obtinendum, sed ad
uerum probandum auctoritas adiuuat. omnino &
Maffei uetus liber habet, siue opibus magnis, non,
siue opibus maius.

95.

Nullam aliam ob causam,] admonitus
ab ipsa sententia, Vllam reposui.

95:

Rem uides obscuram,] Pro uides, uideli-
cet, lego, nulla fere mutatione: nam in antiquis li-
bris pro uidelicet scriptum quandoque, uidel. quan-
doque etiam uid. animaduerti.

96.

Et quidem prodest,] Antiqui libri alij ha-
bent, Quid prodest; alij, Et quid prodest. emendo,
Ecquid prodest: ut periodus interrogationis nota ter-
minetur.

96:

Vtilitatis causa expetenda] Tolle hoc: in-
telliges esse concinnius. nec sane requiritur a senten-
tia: & glossema puto fuisse.

97.

Amicitiam a uoluptate non posse diuel-
li, ob eamq. rem colendam esse, quòd sine
ea tuto, & sine metu uiui non posset, nec
iucunde quidem posset.] Quanto rectius hoc
modo: Quòd si sine ea tuto, & sine metu uiui non
posset, nec iucunde quidem posset. procedit enim
argumentum:

Vbi

SCHOLIA IN PARTEM I.

Vbi tuto non uiuitur, iucunde uiui non potest:

Sed sine amicitia tuto non uiuitur:

Ergo sine amicitia iucunde uiui non potest.

97:

Si tua sint Puteolis gramina?] Sic omnes, quos ego quidem uiderim, antiqui libri. nec mihi tamen ulla ratio persuaserit, scripsisse Ciceronem, Gramina. cur ita credam, elegantiore præditis ingenio, & accurata legendi Ciceronis consuetudine tritas aures habentibus, non arbitror obscurum esse posse. Fateor autem, cum emendare sim conatus, minime rem e sententia successisse. & est omnino difficilius, uerum inuenire, quàm falsum indicare. tantum illud, studio ueritatis, aperte significandum putauit, mihi hoc in loco neque meam, neque aliorum sententiam ualde probari.

98:

Etenim, quemadmodum tute dicebas,] Non reddit rationem superioris sententiæ, quòd beatam appellari uitam perpetuitate temporis dixerat; sed opponit Epicuri opinionem, negantis diuurnitate temporis augeri beatam uitam. quod refellit infra, in eo loco, Hæc dicuntur inconstantissime. uideant igitur eruditi, an sit aptius, quod mihi quidem uidetur, At enim, pro Etenim, uerecunda, ut ita dicam, correctione, quæ unam modo litteram mutet.

99:

Non minor, inquit, uoluptas percipitur tam ex uilissimis rebus, quàm ex pretio-

PHILOSOPHIAE CIC.
tiosissimis.] *Quis non uidet, abundare Tam?*

99:

Verum isto modo consequatur summas uoluptates] Placeret: Verum esto: consequatur summas uoluptates.

100.

Primum, quid tu dicis breue? deinde, dolorem tam maximum?] Statui iam, quid quid in mentem uenit, cum studiosis communicare: ut, si iudicium minus probabunt, uoluntatem saltem ament. malim igitur sic: Dolorem quem maximum? Quod enim posuerat Epicurus, Maximus dolor breuis est: id examinat dupliciter, quæritque, ecquid breue dicat, ecquem dolorem maximum? A sententia igitur minimum discedo, a litterarum similitudine magis, quàm uellem, & quàm nostrum postulat institutum. nec tamen ita sumus in hac emendandi ratione rudes, ut ab ijs libris, quibus nunc utimur impressis, eos, qui olim scripti sunt, insigni quadam differentia non nunquam diuersos esse nesciamus. Placet igitur ἐποχὴ illa, quoties ali quid opinor, aut pronuntio de corruptis locis; cum non nulli suas opiniones improbantibus ita succenseant, ut inimicitias indicant.

100:

Huic Epicurus comparet se, si potest:] antea mendose: Huic Epicurus competenter, & si qui potest.

Vr

101.

Vt primum despexit,] *An', Dispexit ? for-
tasse : ut sit : ad eos , qui circum adstabant , oculos
conuertit.*

104:

Mel se afferre ex Hymetto uoluisse]
Cur non , Auferre ? certe id postulat sententia.

104:

Vitæ quidem infinita] *Corruptus locus :
quem ita puto esse emendandum , Et ea quidem infi-
nita. nam et in Tusculana I. 184: de animo loquēs,
Habet , inquit , memoriam , & eam infinitam , re-
rum innumerabilium .*

104:

Vt & patri , & Capioni nostro , & tibi ,
tam propinquo , respondeat.] *Ausus sum &
hic pro , Scipioni , reponere , Capioni , & paulo
post , Capionem , pro , Scipionem , ductus hac nimi-
rum coniectura , quod Lucullus puer , cui tutor a pa-
tre M. Cato relictus est , matrem habuit Seruiliam ,
Catonis sororem : cuius fratrem Plutarchus in Ca-
tone Vticensi Capionem nominat . nec , opinor ,
ignorat quisquam , cognomen Seruiliæ gentis Capio
fuisse . est autem Capionum hic ordo , quantum ex
antiquitatis observatione licuit colligere . Q. Ser-
uilius Capio , consul anno urbis DCXLVII . ma-
le cum Cimbris pugnavit , eius filius Q. Capio
M. Scaurum accusauit ; Druso tribuno pl. qui pau-
lo ante bellum Marsicum domi suæ interfectus est ,
pro*

PHILOSOPHIAE CIC.

pro equitibus restitit; bello Marsico perijt, anno
DCLXIII. quibus de rebus habeo testes Appia-
num, Florum, Orosium, epitomen Liuianam. Hic
Capio ex Liuia Drusi eius sorore, cum quo eum ini-
micitias gessisse diximus, filios suscepit, Q. Capio-
nem, & Seruiliam, M. Catonis sororem, M. Bru-
ti matrem, quam C. Caesar, postea dictator, ad-
amauit: de quibus utrisque agemus. Capionem tri-
bunum mil. in bello Spartaci fuisse, obijisse in Asia
ante quaesturam, ait Plutarchus in Catone Vticen-
si. Seruilia primum nupsit M. Bruto, ei, quem in-
terfectum a Pompeio Magno Syllanis temporibus,
docet Valerius Max. lib. v l. cap. 2. idq. Plutar-
chus confirmare uidetur in Bruti uita. peperit ex
eo M. Brutum, interfectorem postea C. Caesaris:
deinde uxor fuit, ut legimus in Plutarcho, L. Lu-
culli, qui Mithridatem, & Tigranem deuicerat,
post dimissam ab eo Clodiam, P. Clodij sororem: ex
quo filium genuit L. Lucillum, quem pater moriens
in tutela uoluit esse M. Catonis, fratris Seruiliae,
uxoris suae. ideo dixit hic Cicero: Tuum munus est,
ut ita erudiatur, ut & patri, & Capioni nostro, et
tibi, tam propinquo, respondeat. Quari autem po-
test, qua ratione soror fuerit Seruilia Catonis, qui
erat e gente Porcia. in quo scire illud oportet, Cæ-
pionis, Seruiliae patris, quem decessisse bello Marsi-
co diximus, uxorem fuisse Liuiam, M. Liuij Drusi
filiam, eius, quem contra C. Gracchum in tribuna-
tu pro senatu stetit Plutarchus in uita Graccho-
rum

SCHOLIA IN PARTEM I.

rum ostendit, eius autem sororem, quem intra domesticos parietes ab occulto percussore necatum, historiae narrant. hæc Liuiæ, cum ex eo Capione filios genuisset, ut iam diximus, Capionem, & Seruiliam, diuortio facto (non enim, post obitum Capionis, putandum est: nam obiit Marsici belli tempore, aliquanto post alterum Liuiæ coniugium: quod ex Catonis Vticensis, Liuiæ filij, ætate constat: qui cum perierit Cæsare et Lepido cos. annos natus XLVIII, ut ait Plutarchus; satis constat, ante Marsicum bellum, id est ante Capionis interitum esse natum) nupsit M. Catoni, ex quo genuit eum Catonem, qui se postea Vticæ interemit. patet igitur, M. Catonis Vticensis uterinam sororem Seruiliam, uterinumq. fratrem fuisse Capionem; quem Catoni iucundissimum fuisse, ex eodem Plutarcho cognoscitur. ex quo etiam constat, Drusum, Liuiæ patrem, Catonis auum fuisse, ut appellatur a Cicerone lib. III. de Finibus, his uerbis: Conferam auum tuum Drusum cum C. Graccho, eius fere æquali. quod in Catone Plutarchus cõfirmat, Catonis auunculum Drusum appellans; cum eius filium, qui senatus causam contra C. Gracchum tutatus est, sine dubio significet.

104:

Nam & aui eius memoria moueor: (nec enim ignoras, quanti fecerim Scipionem; qui, ut opinio mea fert, in principibus iam esset, si uiueret) & Lucullus mihi uersatur
ante

ante oculos.] *Auum Luculli pueri Q. Capionem fuisse, eum, qui bello Marsico interijt, iam significauimus: quem Cicerone seniore fuisse indicant non solum ea uerba, Quanti fecerim Scipionem, & ea, In principibus iam esset, hoc est, aliquot iam annis auctoritatem in ciuitate summam obtineret; sed multo magis illa, quæ Cato respondet: Vterque tibi testamento liberos suos commendauit. Nominat igitur Cicero duos Capiones, filium quidem priore loco, cum ait, Capioni nostro; qui fuit auunculus pueri Luculli, & M. Brutum adoptauit, unde Capio Brutus lib. II. ad Att. & Q. Capio Brutus Philippica x, et in argenteis antiquis nummis nominatur: deinde eius patrem, cū subiungit, Et aui eius memoria moueor. Hic mihi scrupulus, obseruata Ciceronis ætate, sane difficilis iniicitur. nam si Luculli pueri fuit auus Capio is, quem Italico bello, anno urbis DCLXIII. uita excessisse diximus; uix fieri posse uideo, ut eum Cicero significet, cum ait: Non enim ignoras, quanti fecerim Capionem. nam annus urbis DCLXIII, fuit annus Ciceronis ætatis XVII: ut adolescentulo Ciceroni, uix annos pubertatis ingresso, consuetudinem cum uiro Capione ullam fuisse, credibile non sit. Accedit illud, quo etiam magis moueor; quod, cum Cato, commendatos Ciceroni a moriente Capione liberos eius, paullo post subiungat, repugnare uidetur Ciceronis ætas, annum ægentis, ut diximus, XVII, cum Capio uita excessisset.*

SCHOLIA IN PARTEM I.

sit. itaque interdum mihi uenit in mentem suspicari, ne hic Capio, quem Cicero obseruauit, cuiusq. liberos ei commendatos esse a patre moriente Cato dicit, filius fuerit eius, qui perijt bello Marsico, pater autem eius, quem Catonis fratrem Plutarchus appellat, & Seruilia, quæ M. Brutum ex priore uiro, Bruto, Lucillum puerum ex posteriore, L. Lucullo, peperit. quod si ita est; sororem Drusi posterioris Liuiam eius Capionis filio nupsisse, credendum erit, qui cum fratre eius in equitum caussa contenderat. ita quattuor deinceps, perpetuo cognationis ordine, Capiones erunt, omnes Quincti prænominem, primus, qui consul cum Cimbris male remp. gessit: alter, qui Scauro diem dixit, et bello sociali, uel, ut alij appellant, Italico, aut Marsico, perijt: tertius, qui, quod equidem sciam, nusquam nominatur; cur tamen eum fuisse credi possit, causas ostendi: quartus, M. Catonis Vticensis frater, qui filiam, ut a Plutarcho scriptum animaduerti, moriens reliquit, adoptato, ut diximus, sororis suæ Seruiliæ filio M. Bruto.

105:

Vno ore cui plurimæ consentiunt gentes, populi primarium fuisse uirum.] For- tasse legendum: Ore uno, quem, plurimæ consentiunt gentes, populi primarium fuisse uirum. In libro etiam de Senectute, ubi est, In quem illud elogium, Vnicum plurimæ consentiunt gentes, populi primarium fuisse uirum; eodem modo legerem, Ore

Ore uno,
alij habea
plurimæ.
natum, qu
cumq. rem
nulla poter
gentia mut

Stoici
Nominauer

Nouarum
narum noua
bato: non en
cilius, & ob
Nouarum m
tur, quasi da
re solet, cum

Appella
ratur, fortal
se proxime s

Quæ in
ita restituo
selectione,
cum officio

Quod

PHILOSOPHIAE CIC.

Ore uno, quem plurimæ &c. cum ueteres libri alij habeant, Ore uno plurimæ: alij, Ore uno cum plurimæ. uerbum autem, Vnicum, opinor inde natum, quod librarius in describendo omisisset, Ore cumq. remansisset, Vno quem, unde elici sententia nulla poterat, factum est Vnicum: ut, quod negligentia mutilauerat, impudentia deprauaret.

107:

Stoici plurima nominauerunt.] Fero, Nominauerunt; sed, Nouauerunt, malim.

110.

Nouarum non uidebantur] Alij, Nouarum nouabantur, sensu mihi non admodum probato: non enim respondet ad illud quod dixit, Difficilius, & obscurius. potius legendum crederem, Nouarum noua uiderentur: ut, Noua, accipiat, quasi duriora, & nimis obscura: quod accidere solet, cum nominibus utimur inauditis.

111.

Appellamus *] uerbum græcum desideratur, fortasse ἀξιότονον. nam ἀξιᾶ ἀξιμάτιο, ut ipse se proxime subiungit.

111:

Quæ inuenta selectione &c.] Hoc totum ita restituo, adiutus a uetere libro: Quæ inuenta selectione, & item reiectione, sequitur deinceps cum officio selectio.

111:

Quod positum sit in eo] Antiqui libri,
99 Quod

SCHOLIA IN PARTEM I.

Quod compositum sit in eo, absurde prorsus, nisi facias quod sæpe faciendum est, ut antiquos libros coniectura adiuues. sic igitur puto elegantius, et re-
ctius: Quod cum positum sit in eo, quod ὁμολογίαν Stoici, nos appellemus convenientiam, si placet; cum igitur in eo sit id bonum, quod referenda sunt omnia: honeste facta, &c. Atque etiam in mem-
bro præcedenti melius, opinor, Statueret in ea, quàm, Statueret in eo.

III:

Quæ sunt prima natura,] Et habet uetus liber, Naturæ: & ita loquitur Cicero 114. 121. 134: 135.

112.

Vt enim si cui, &c.] Apparet, quid significet: sed ita non solum corrupta, uerum etiam, ut ego sentio, confusa, & præpostere collocata sunt uerba, ut emendari locus & distingui a nobis sine arrogantia nota non possit. Collineare autem dicitur is, qui eum locum ferit, ad quem oculi directo, quasi linea ducta, feruntur: ut collineare sit, simul cum oculis locum ueluti per lineam ferire.

114.

Tollatur omnis ea,] Nihil obscuritatis in sententia: in elocutione fortasse aliquid desiderem. hoc enim, Quid apertius, quàm tollatur omnis prudentia? recedere uidetur ab usu latinæ linguæ. usitatum autem erat, Quid apertius, quàm tolli omnem prudentiam? consului ueteres libros: nihil ad-
iuimen-

PHILOSOPHIAE CIC.

iumenti . habet unus , Tollatur demum omnis ea :
quod mihi scrupulum non eximit , licet ad oratio-
nis elegantiam non nihil afferat . alter : Ab ijsque
rebus . quod minime probo : cum hic plane sit uer-
borum ordo : selectio earum rerum , quæ sint se-
cundum naturam , ab ijs rebus , quæ contra naturā .

115:

Ceteris omnibus philosophis hæc est tu-
enda sententia , maxime tamen his Stoi-
cis , qui nihil aliud in bonorum numero ,
nisi honestum , esse uoluerunt .] Nunquam
placuit , His Stoicis : & suspicatus aliquando sum ,
Stoicis , non esse Ciceronis , sed additum , ut expo-
neretur illud His . nunc me Philippi Tertij , cuius
inter omnes nostræ urbis oratores instructa græ-
cis ac latinis litteris eminet eloquentia , liber anti-
quus in eam coniecturam ducit , ut , Stoicis , reti-
nendum , His amouendum putem . mendi enim su-
spicionem uarietas affert : et est in eo libro pro , His ,
In . de quo tamen sine hominum eruditorum sen-
tentia nihil statuo . probari autem ea , quæ scribi-
mus , ab ijs , quorum animus nulla inuidiæ , nulla
maleuolentiæ labe suffusus , libere , simpliciterq. iu-
dicat , ita gaudeo , ut ab ijsdem tamen improbari fa-
cile patiar .

115:

Proau mei ,] Ne quis ideo subesse mendum
suspicietur , quia Cato censorius , quem Cicero signi-
ficat , multo antiquior fuerit , quam proauus . nam

qq 2 est

SCHOLIA IN PARTEM I.

est hoc familiare Ciceroni, ut proavos appellet ab eius atate longissime remotos, ut in epistola ad Appium: Si censor es, de proavo multum cogitato tuo: cum de Appio Caco, qui Pyrrhi pacem dissuasit, eum loqui constet.

115:

Quid autem dici poterat, si turpitudinem non ipsam per se fugiendam esse statueremus,] Emendo ex antiquo libro Bernardini Maffei, Quid autem dici poterit, si turpitudinem non ipsam per se fugiendam esse statuerimus. in quo uis est, & energia maior, quàm si, poterat, & statueremus, legatur.

116.

Ipsi, qui dicunt,] Neque hoc placet, neque, quod placeat, inuenio. liber Tertij, Ipsi qui de. ego, Ipsi, potius, quàm, Dicunt, uitiosum puto.

116:

Nunc omni uirtute] Nunc, reposui ex uetere libro: cuius locum occupauerat Hoc. nemo est autem, paullo quidem Romanæ linguæ peritior, qui, nunc, pro sed, usurpatum sæpissime tum a Cicerone, tum ab alijs, ignoret. sin exempla aliquis petat, proæmium legat Tusculanæ 111.

117:

Rerum in corpore sitarum] Locutio probabilior, quàm si legas, ut antea, Rerum in corpore harum. quam correctionem Maffei liber antiquus probat.

Nec

119:

Nec hæc posita, non aliqua essent præposita] Si corrigas, Nec, hoc posito, non aliqua esse proposita; erit elegantius: neque ab antiquis exemplaribus admodum discedes: siquidem & Masfei liber, Hoc posito, habet.

123.

Qui migraret,] Pro, qui discederet ab eo iure. suspectum tamen est, Migraret, & olere mihi mendum uidetur.

123.

Velle ex ea liberos procreare.] Qui coniunget hoc cum uerbo, Velit, a quo pendet; intelliget, Velle, locum non habere. quid enim est, Ut sapiens uelit uelle ex uxore liberos procreare?

123.

Quorum altera profunt, nocēt altera:] Glossema suspicor fuisse ad græca uerba, ὠφελήματα, βλάμματα. nec uero, cum dixisset iam, Emolumenta, & detrimenta, intulisse Ciceronem uerisimile est, Quorum altera profunt, altera nocēt.

123:

Id esse naturam;] Natura, liber Tertij: nec displicet. totum autem hoc regatur ab eo necesse est, Probatur huic disciplina.

123:

Quemuis arbitrantur] Qui superiora leget, aptius iudicabit, Arbitrantur, quàm, ut antea, arbitramur. Hoc etiam ex uetere libro.

99 3 Ars

124.

○ Ars ea, quæ tollit hæc,] Cui teretes aures sunt, intelligensque iudicium, is, non dubito, quin hoc magis probet, accedente libri ueteris auctoritate, quam illud uulgo receptum, Ab his ea quæ tollit hæc.

124.

○ Quem, per deos immortales, non ne miraris?] Malui, Quem, testimonio commotus antiqui libri, quam, ut antea, Quæ. ut de ordine Cicerone loquatur. etsi ferri etiam, Quæ, poterat.

125:

Etsi illud erat aptius, æquum cuique concedere.] Hæc mihi non cohærere uidentur inter se. quis enim dixerit, cum æquum conceditur, id aptum esse? potius, iustum esse: si modo ad rei naturam accommodare uerba uolumus. Præterea, satis mihi non dum constat, an ex usu latinæ linguæ dici possit, Aptius erat concedere, quod cuique æquum est. Ego Ciceronem, aut Catonem a Cicerone inductum, puto hoc significare; non modo aptius id esse, ut respondeatur sibi ad ea, quæ iam dixerat de Stoicorum & Peripateticorum dissensione; uerum etiam æquum. ad quam sententiam aptare uerba cum uellem, ita legendum iudicavi: Etsi illud erat aptius, æquumque concedere.

126:

Illorum uero ista ipsa quam exilia de uirtutis ui: quam &c.] Primum iterari non placet,

cet, Ista ipsa : deinde illud, De uirtutis ui, disiungen-
dum ab antecedentibus, & cum sequentibus con-
iungendum existimo : ut legatur, & distinguatur
hoc modo. Illorum uero quàm exilia. de uirtutis
ui, quam tantam uolunt esse, ut beatum per se effi-
cere possit, pungunt, quasi aculeis, interrogationi-
bus angustis. id est, cum de uirtutis ui loquuntur,
uim tamen nullam habet eorum oratio. Nam il-
lud, Quàm exilia, refero ad ea uerba, Ista ipsa,
solum sapientem esse regem, dictatorem, diuitem.
quæ cum ab illis memorantur, quàm exilia sunt.
Hoc tamen eiusmodi est, ut magnopere non confir-
mem. potest enim fieri, non solum ut iterauerit Ci-
cero Ista ipsa; quod interdum solet, cum aliquid in-
terponit; uerum etiam ut addiderit, De uirtutis ui,
repetita eorum uerborum sententia, Regem, di-
ctatorem, diuitem solum esse sapientem.

127:

Dicendi copiam] Superuacaneum hoc ui-
detur, cum dixerit, Quod. aut igitur, Quod, men-
dosum : aut, Dicendi copiam, abundat, additum
fortasse, ut exponeretur Quod.

128.

Equidem etiam Epicurum in physicis
quidem Democritum puto.] Vel, Quen-
dam, pro Quidem, placeret : uel ita distinguerem :
Equidem etiam Epicurum, in physicis quidem,
Democritum puto.

Significare idem, ut diceretur,] Tolle hoc : patebit sententia . tollendum autem puto , cum in illa tria , quæ significari Stoici dicebant , intueor ; Vnum eiusmodi , uiuere adhibentem scientiam earum rerum , quæ natura euenirent ; alterum , officia omnia media , aut pleraque seruantem uiuere ; tertium , omnibus , aut maximis rebus ijs , quæ secundum naturam sint , fruuentem uiuere . Quod si post , Alterum , addatur , Significare idem ut diceretur ; fateor , me , quod dicatur , non assequi , & habiturum gratiam exponenti .

Cumq. eorum utrumque per se expetendum esse dixissent ; uirtutes quoque utriusque eorum per se expetendas esse dicebant .] Erat in uulgatis libris , Cumque eorum unumquodque : in scripto , pro Vnumquodque , Vtrumque : quod probaui : cum & de anima , & corpore sermo sit ; & sequatur , Virtutes quoque utriusque eorum .

Nomina rerum commutantem ;] Suspitor glossema fuisse ad illud , Ita loquentem .

De ipsis rebus nihil mutetur ,] Et hoc mihi suspectum est , ut antecedentium uerborum interpretatio .

Appe-

Appeteret etiam conseruationem sui, earumq. rerum custodiam:] *Omnes hic libros uideo consentire: nec tamen abijcio susceptam semel opinionem, fortasse non improbandam. opinor autem, Suarumq. rerum custodiam, scripsisse Ciceronem: cum omnibus animantibus id a natura datum esse constet, ut se, ac sua tueantur.*

Quid, de quo nulla dissensio est? nemo enim est, qui aliter dixerit,] *Mendose in uulgatis libris, Multa dissensio. quo in loco cum hærerem, commotus proxime sequentibus uerbis, quæ nullam potius, quàm multam dissensionem significabant; inspexi ueterẽ Philippi Tertij librum; uidi scriptum planissime, Nulla dissensio: idq. Caroli etiam Sigonij, eruditissimi hominis, & de literis optime meriti, liber confirmat.*

Vt simile sit omnium naturarum illud ultimum, de quo quæritur?] *Paullo ante dixit: Nemo est, qui aliter dixerit, quin omnium naturarum simile esset id, ad quod omnia referuntur. Est autem præclara in primis ratio emendandi, cum similia similibus conferuntur: quod nos sæpe fecimus: & hic, Naturarum, pro Naturale, reponere non dubitauimus, accedente ad nostram coniecturam uetere libro Caroli Sigonij.*

134:

[Vno fine utrunque concludant.] *Quæ*
antecedunt, hoc plane probant, eo magis, quod
antiquus liber habet, Vtrunque, non, ut in vulga-
tis, Omnia.

134:

At enim ueram dicitis uirtutem nō pos-
 se constitui,] *Addidi, Veram, ne discederem*
a libris antiquis, Sigonij, & Tertij: quanquam non
esse uerbum necessarium duxi: simplex enim uirtu-
tis nomen sæpe hic a Cicerone usurpatur: & paullo
post, ubi confutat argumentum Stoicorum, Con-
tra, inquit, est, ac dicitis. nam constitui uirtus
nullo modo potest, nisi ea, quæ sunt prima naturæ,
ut ad summam pertinentia, tenebit. Cur igitur, Ve-
ram, non reieci? quia uereor antiquitatem, &
quia sæpe ad inueniendam ueritatem quasi lumen
aliquod præfert. quod hic fortasse contigit. nam, ne
nihil occultem, puto Ciceronem scriptum reliquis-
se, At enim uero. ut enim ab At, & Verum, quæ
idem ualent, factum est, At enim, &, Verum
enim: cur non item ab iisdem, At enim uero, &
Verum enim uero, deducantur? cum præsertim,
Verum enim uero, usitatum esse uideamus. Hoc
porro placet eo magis, quia libri scripti non nulli ha-
bent, pro Veram, Non: quod a Vero, si contra-
ete scribatur, longe non distat.

135.

Vt æqua pars naturæ negligatur] *Men-*
dum

PHILOSOPHIAE CIC.

dum subesse manifestum est. quod si hæc cum superioribus conferantur, sensus ostendet ita legendum esse, Vt ne qua pars naturæ negligatur. ita etiam in Maffei libro scriptum est.

135:

Sapiens appeteret aliquid, quod cuique in mentem ueniret, & quodcunque tanquam occurreret.] Locus locum aperit, si diligenter legas. ego hic, uel contra ueteres libros, unius tantum litteræ mutatione legendum existimo, Quodcunque in mentem ueniret. melior omnino sententia: & idem paullo post memoratur his uerbis: Hoc igitur queritis omnes, et ij, qui, quodcunque in mentem ueniat, aut quodcunque occurrat, se sequi dicent.

136:

Et uos ad naturam reuertemini.] Liber Tertij, Sed uos ad naturam reuertimini. quod placet. sequitur enim paullo post: Quid autem minus consentaneum est, quàm, quod aiunt, cognito summo bono, reuerti se ad naturam, ut ab ea petant agendi principium, id est officij?

137:

Vt iure quisquam gloriatur.] Sic omnino in duobus antiquis libris: opinor tamen, ut suppositiciu, inducendum esse. additum enim uidetur ad interpretationem antecedentium uerborum. quod eo magis existimo, quia responderi constat ad id, quod lib. III. dictum est his uerbis: Ex quo efficitur,

SCHOLIA IN PARTEM I.

ficitur, gloriatione, ut ita dicam, dignam esse beatam uitam: quod non possit quidem, nisi honestæ uitæ, iure contingere. ita fit, ut honesta uita beata sit. Is autem locus correctionem doctissimi uiri confirmat, M. Antonij Mureti, qui legendum putat ex Nonio: Illud uero minime conſectarium, sed in primis hebes illorum, gloriatione dignam esse beatam uitam: quod non possit etc. id quod Sigonij quoque liber comprobatur.

138:

Scis enim Citæos, clientes tuos, e Phœnicia profectos] Laertius in Zenone auctor est, Citæos a Phœnicibus originem duxisse. quem ego secutus, emendavi, e Phœnicia, siue a Phœnicia; cum antea legeretur, A poetica, fædo errore, et manifesto. appellat autem Pænulum Zenonem, quasi callidum, & astutum, ut sunt Pæni fere omnes, qui a Phœnicibus nomen acceperunt. qua ratione, Pænulum Zenonē dixit Cicero, quod a Phœnicibus esset oriundus.

139.

Si id gefsissent,] Suspicio de mendo. Tertij liber, Gefissent. usitatus erat, Egissent.

139:

Non faciles illas quidem, nec contemnendas,] Hoc, fortasse uident alij, quod refertur: mihi, homini non acuto, tenebras esse confiteor. quod si legatur cum Sigonij libro, Non facilia illa quidem, nec contemnenda; nemo erit tam hebes,

PHILOSOPHIAE CIC.

bes, qui hæc non cernat ab ijs pendere, Quæ dura,
difficilia, aduersa uideantur.

140:

Tunc scilicet, cum tibi.] Plane frigidum
hoc, minimeq. necessarium: ut e glossemate in Cice-
ronis orationem irrepsisse uideatur.

141.

Quoniam in aqua nihil adiuuat.] Et hoc
quiddam olet glossemati persimile: quo genere bo-
nos libros olim imperiti homines referferunt.

141:

Quod profecto sunt:] Fuit, cum legen-
dum crederem, Qui profecto sunt: postea, quod,
eodem modo usurpatum a Ciceronem comperi, ut
epist. 40. ad Ancharium lib. xii. Si ulla mea
apud te commendatio ualuit; quod scio multas plu-
rimum ualuisse: hæc ut ualeat, rogo. Eodem modo
locutus est ad Atticum epistola ultima libri ix. &
ad eundem epist. iiii. lib. x. Caesar etiam lib. i.
comm. de bello ciu. Reperiebat, inquit, inquiren-
do, quod initium fugæ prælij equestris aduersi a Dū
norige factum esset.

142.

Quid enim? sapientia, &c.] Neque in uer-
bis uitium uidetur esse, neque in sententia: quiddā
tamen ornatiùs elucebit, si totum continues, & ita
legas. Quod enim sapientia, ubi pedem poneret,
non habebat, sublatis officijs omnibus; officia au-
tem omnia tollebantur, delectu omni & discrimine

re-

SCHOLIA IN PARTEM I.

remoto: (quæ enim esse poterant rebus omnibus sic exæquatis, ut inter eas nihil interesset?) ex his angustijs, &c. *Antiquus Maffei liber nobiscum facit, nisi quod coniunctionem illam, Enim, a nobis additam, non habet.*

142:

Differre inter honestum, & turpe nimium quantum, nescio quid immensum, inter ceteras res nihil omnino interesse.] *Nimium quantum, dixit, pro summum quiddam, quod expressit magis, cum intulit, Nescio quid immensum. hoc uerbo & Gellius, amator antiquitatis, usus est. in uulgatis autem libris hæc quattuor uerba, Nimium, quantum, nescio quid, immensum, imperite distincta, sententiam obscurabant.*

143:

Stultorum] *Hanc uocem, quæ antea desiderabatur, interieci, acceptam e libro Maffei scripto, sententia comprobante.*

125.

In annulis] *Anellis, legit Nonius.*

148:

Lyfias & oratione locuples,] *Liber Tertij, Ex oratione. malim sine copula, hoc modo: Lyfias oratione locuples, rebus ipsis ieiunior.*

149:

Alii censent primum ascitum, doloris uacuitatem] *Doloris uacuitatem, e suo libro quidam induxerunt; & asterisci notam, quæ corruptum*

PHILOSOPHIAE CIC.

ruptum locum significaret, e regione apposuerunt. nos ea uerba conseruamus; quod & sententiam sane bonam efficiunt; neque in antiquis Maffei, Sigonij, Tertij libris desiderantur: ut omittam, quod libros superioris nostræ editionis tamen credendum est ad propositum aliquod scriptum exemplar fuisse impressos.

149:

Vt aut id honestum sit,] Sententia non recipit Aut.

150.

Ne si etiam euitare posset.] Hoc nihil addit ad sententiam; exponit quod proxime dictum est: Ne uitationem quidem doloris.

154.

Est etiam actio quædam corporis,] Etiam, reposuimus, reiecto Enim, secuti ueterem librum, & ordinem a Cicerone institutum, ea, quæ corporis sunt, persequente, & a singularum partium uoletudine ad actionis dignitatem transeunte.

154:

Effectiones, ususq. corporis,] Malim, Affectiones: cur malim, satis constat.

158.

Si turpitudinem fugiamus] Placeret, Fugimus: cum dixerit iam, Fugiendam putamus. uerum hoc leue est.

160:

Tantum abest, ut uoluptates consecen-
tur:

SCHOLIA IN PARTEM I.

tur: etiam curas, sollicitudines, uigilias perferunt.] Sic locutus lib. II. 90. *Tantum abest, ut se indicet: perficiet etiam, ut dolere alterius improbe facto uideatur. Et in Bruto: Tantum ab erat, M. Calidi, ut animos nostros inflammare: somnum isto loco uix tenebamus. Hoc exemplis confirmandum putavi, ne quis legendum existimaret, Vt etiam perferant: quod omnino uidetur usitatus: uerum nec hoc excludendum est loquendi genus.*

161.

Rerumpub. administratio, aut administrandi, sciendiq. prudens &c.] *Et si nihil mutauit, tamen, nisi prorsus nihil in litteris uideo, rectius est, Administrandi scientia; tñ prudens, etc.*

161:

Virtutem ipsam inchoauit: nihil amplius:] *Genus loquendi, quo Cicero etiam alibi usus est, ut Acad. lib. II. Excepit unum tantum scire se, nihil se scire: nihil amplius. et lib. V. in Verrem: Sese ipsum abs te repetit, nihil amplius. Antea legebatur: Virtutem ipsam inchoauit: nihil itaque amplius nostrum est: obscurata præpostero uerborum ordine sententia.*

163.

Vicinitatibus cum ciuibus] *Consentiant in hoc antiqui libri: mihi tamen non est dubium, quin ita emendandum, & distinguendum sit, Vicinitatibus, tum ciuibus. hoc enim quasi progressu*
serpit

serpit caritas generis humani. primi sunt parentes, & nati: sequuntur cognati, tum affines, deinde amici, post uicini, tum ciues, & qui publice socij, atque amici sunt, postremo humanæ gentis uniuersæ, & hominum inter homines coniunctio.

164.

Tiberina dissensio festo illo die.] Ouidij uersibus adductus sum, ut pro, dissensio, legendum putarem, decursio; hoc facilius, quod Maffei, ac Tertij ueteres libri comprobant. erat autem festus ille dies, quem Romani in honorem Fortunæ celebrabant. unde Ouidius lib. VI. Fast.

Ite, deam læti fortes celebrate Quirites:

In Tiberis ripa munera regis habet.

Pars pede, pars etiam celeri decurrite cymba,

Nec pudeat potos inde redire domum.

164:

Atque, hæc, ut uere dicitur, parua esse ad beate uiuendum momenta ista corporis commodorum:] Cum dixerit, Hæc, cur infert, Ista? equidem postrema quattuor uerba suspicor non esse Ciceronis, sed hominis leuiter eruditi, qui uerbum, Hæc, putaret explicandum. Tertij liber habet, Comoda, pro Commodorum.

164:

Hæc est non omnia spernentis præter uirtutem, & uirtutem ipsam suis laudibus amplificantis oratio. denique] Si quis nostrum librum hoc in loco cum alijs libris conferet; uidebit,

rr unius

SCHOLIA IN PARTEM I.

unius litteræ mutatio, & punctum loco motū quanto sententiam effecerit aptiorem.

165.

Consuetudine quasi alteram quandam naturam effici;] Correxī locum ex libris Sigonij, & Tertij. antea, Consuetudinem.

166:

Quia cum a Zenone,] Putat excellens ingenio Sigonius, cuius acquiesco sententiæ, abundare Cum.

167:

In crucem qui agitur,] Melius duxi, quàm, In cruce qui angitur.

168:

Id est animum terrore liberum.] Glossema puto.

168:

Nec dubitatum, quin] Veteres libri, Nec dubitant, quin. fortasse, Nec dubitanter, quin. ne reor enim, ne minus notum, usitatum tamen, loquendi genus, indoctis hominibus deprauandi occasionem attulerit. ego Ciceronem uideo ita locutum in epist. III. lib. XII. fam. Ea dixit, inquit, de proditoribus patriæ, quæ dici deberent de proditoribus: de me quidem non dubitanter, quin omnia de meo consilio & uos fecissetis, & Canutius faceret.

170.

Propter oculorum dolorem.] Aut, Oculorum,

PHILOSOPHIAE CIC.

lorum, deprauatum est: aut Cicero sibi non constat. nam Tusculana II. rhenum dolore Dionysium hunc laborantem memorat.

170.

Esset ferendum uiro.] Sententia postulat, Esse: ut hoc dicatur: quod turpe non sit, malum illud non esse, & esse ferendum uiro.

170:

Resq. magnæ sumendæ, laudabilesque uirtute gestæ,] Ciceronem aliter scripsisse, uel sacramento, ueterum more, contenderem. scripsit autem hoc fortasse: Resq. magnæ, summeq. laudabiles, uirtute gestæ.

171:

Polycletos, & Parrhasios] Cum de pictoribus loquatur, malim, ut est in antiquo libro, Polygnotos, & Parrhasios. nam Polycletus statuarius fuit. Polygnotum autē pictura clarum ex Plinio, & alijs ignorat nemo.

172.

Fieri autem potest] Mallem, Ferri autem potest. paullo enim uidetur aptius.

173:

Cur, quæso?] Hoc ab Auditoris persona ad Marcum transtuli: illud autem, Quia disertus esse possem, a Marco ad Auditorem: recte ne, an secus, aliorum sit iudicium.

175:

Animum autem alii animam, ut fere no

rr 2 stri

SCHOLIA IN PARTEM I.

stri declarant, nominari.] Olet mendum,
Vt fere nostri declarant. nec dubito, quin melius in
antiquo libro: Vt fere ipsum declarat nomen. nã et.

175:

Cor, sanguinem, cerebrum,] Addidi,
Sanguinem, ex antiquo libro, uel potius ex ipso Ci
cerone. dixit enim proxime: Empedocles animum
esse censet, cordi suffusum sanguinem. Infra uero,
176: Si cor, aut sanguis, aut cerebrum est ani
mus. Et 180: Ne tam uegeta mens aut in cor
de, cerebro ue, aut in Empedocleo Sanguine de
mersa iaceat. Et 185. Non est certe nec cordis,
nec sanguinis, nec cerebri. In Lucullo etiam 140.
Vtrum sit ignis, an anima, an sanguis?

175:

Intentionem ipsius corporis quandam]
De integritate uerbi, Intentionem, non liquet. in
tentio enim corporis cum harmonia quid habet simi
le? diceret, Incentionem: congruebat magis.

167.

Xenocrates animi figuram, & quasi cor
pus negauit esse, uerum numerum dixit
esse:] Liber Sigonij, Corpus negauit esse ullum,
uerum numerum dixit esse. ego puto: Corpus nega
uit esse ullum, numerum dixit esse. nam Vllum ne
gligentia describentium opinor in Verum esse con
uersum. Præterea, cur Verum numerum dicat?
numerum quidem satis est. Et in Lucullo, 40. An,
ut Xenocrates, mens nullo corpore?

Humi

177.

Humi retineretur,] Omnino libentius cum antiquo libro, Retineret, legerem: sed, quo tamē offendar, quiddam adhuc remanet.

178:

Remp. conferet.] Si est, ut uidetur, argumentum a minori; dubitari non licet, quin Cicero scripserit, Non seret? mutatio quidem in litteris fere nulla: & sententia quasi iacens excitatur, ab interrogante enuntiata.

179.

Imaginis urnam:] Formam, et est in quibusdam libris, & omnino uidetur aptius, quàm Imaginis urnam.

180:

Id est spirabiles,] Fortasse hoc etiam suppositivum, ab interpretante proximum uerbum, Animales, inculcatum.

181:

Patritam illam, & auitam] Recte, Patritam, non, Patriam, ut antea legebatur. id Nonij testimonio comprobatur, qui in uerbo patrita hunc locum recitat, & affert præterea exemplum ex Varrone.

183:

Hoc est, se ipsum posse cognoscere] Frigidum, & plane superuacaneum: itaque, glossam opinatus, deleui.

rr

3

Aut

185.

Aut unde naturam?] Contraeta scribendi ratio imperitis hominibus occasionem praeuit ueteres libros saepe numero corrumpendi. cuius generis multa notauimus, & correximus. hic primum mendisuspicionem mihi attulit, Naturam. quod superuacaneum uidebatur, cum proxime dixerit, uim. deinde, cum ad coniecturam confugissem, facile uidi, nulla omnino mutatione, ex, undenam, (sic enim puto corrigendum) fieri potuisse, errorem creante similitudine, unde naturam. naturam enim ita saepe ueteres librarij scribebant, na. in nostro libro mendoſe, impressum, aut unde?

185:

Errantium stellarum cursus, progressiones, institutiones] Ex duabus dictionibus, cursus, progressiones, feci coniecturam, legendum esse, institutiones, non, ut antea, institutiones: ut similibus, & conuenientibus utatur uerbis. sunt autem correctiones quaedam; quarum etsi ratio non explicatur, tamen, quibus iudicium est paullo subtilius, facile, cur facta sint, ipsi per se intelligunt. rudibus autem, & tardis, & ijs, qui sibi omnia minutatim concidi, omniaque tanquam mansa a nutrice inferi in os uolunt, ego quidem, ut satisfaciam, non laboro.

186:

Qui, ut ego dico, diuinus,] Qui, sine causa additum uidetur.

Fon-

187:

Fontes scatere, herbis prata conuesti-
rier] Hic, Scatere, pronuntiandum est media cor-
repta, ut anapaestus fiat, Scater' her. alioqui uer-
sus claudicabit. sic & Lucretius lib. v. Largifluum
fontem scatere, atque erumpere lumen. & infra in
eodem libro, Et partim plano scatere, atque erum-
pere campo. Plautus etiam, opinor in Cassina, ole-
re, protulit, media contracta: Non omnes possunt
olere unguenta exotica.

189.

Nequidquam aliud est] Nequidquam pro
nihil, non probo: uix enim id fert latini sermonis
consuetudo. Nihil quidquam aliud est, habet Mas-
fei liber. placet: sic enim locutus est Terentius in
Adelphis,
Nihil quidquam uidi latius. et Plautus in Merc.
Nihil Charine te quidem quidquam pudet.

189.

Ego autem nunquam ita te in hoc ser-
mone dimittam ulla uti ratione: ut mors
tibi uideri malum possit.] Neque sensus,
neque locutio placet. quid enim sibi uult, nunquam
te in hoc sermone dimittam ulla uti ratione? quis ue-
ro nunquam sic locutus est, nunquam te dimittam ul-
la uti ratione? uerbum, dimitto, & latinum est,
& ueteribus usitatum, neque eodem modo sem-
per, sed uarie, cum infinito autem nunquam. ita-
que etsi nihil immutavi, ne facerem id, quod facien-

rr 4 dum

SCHOLIA IN PARTEM I.

dum non est, ut mihi plus tribuerem, quàm ueteribus: tamen non dubito, quin ita legendum, & distinguendum sit. Ego autem nunquam ita te in hoc sermone dimittam, ulla uti ratione mors tibi uideri malum possit. Cum autem erroris originem quaererem, hanc reperi, quòd particulam illam, uti, quæ hoc loco adiunctina coniunctio est, lector opinatus infinitiuium esse modum a uerbo utor, cum superiore membro coniunxit: & ut hoc imperite, ita illud impudenter, quòd, Vt, addidit de suo; ut aduerbiu, Ita, haberet quòd referretur: cum, Vti, pro Vt, esse positum, non intelligeret.

189:

Contemnit:] Abest, &, opinor, recte, hoc uerbum ab antiquo libro: ut illud, Doctissimus quisque, spectet ad uerbum differuit.

189:

Labamus, mutamusq. sententiam clarioribus etiam in rebus: in his est enim aliqua obscuritas] Puto rectius hoc modo: Labamus, mutamusq. sententiam. clarioribus etiam in rebus inest aliqua obscuritas.

189:

Istos uero:] Hæc ad Auditoris personam retuli: illud inferius, Bene reprehendis, ad Marcum: idq. e Sigonij libro.

190:

Migrare. A. Spero, &c.] Elegantius, si, notis litterarum, quibus personæ significantur, inductis,

ductis, continuata oratione ita legatur. Migrare. spero fore, ut contingat id nobis: sed fac, ut isti uolunt, animos nō remanere post mortem: uideo nos, si ita sit, priuari spe beatioris uitæ. mali uero, &c. Sic igitur emendauit.

191:

Quasi uero ista uel quidquam] Qui Viterbi Episcopus fuit, Petrus Crassus, uir bene doctus, & ingenio præstans, putabat esse legendum, Quasi uero ista uel quidquam. eamq. coniecturam in suo libro scripserat: quam ego uel dissentientibus libris scriptis ualde probo. error inde natus est, quod, uel pro ui, ueteres scribebant: de quo Politianus in Miscell. unde in librum de Vniuersitate idem mendum irrepit: ubi legendum est, Vi cum eadem coniunxit, non, Vel cum eadem coniunxit.

194.

Nam, reor, non illis,] Non, antiquus liber non habet: nec sane cum sententia congruit: cum Cicero prudentiam in senibus laudet.

194.

Omnia ista perinde ut cuique data sunt, pro rata parte aut longa, aut breuia dicuntur] Legebatur antea, Pro rata parte a uita longa. nos, sensum secuti, Aut longa, correximus, adiuti non nihil a libro Maffei scripto, in quo legitur, Aut ita. ex quo etiam si priore loco, Ita, constituas, posteriore, Aut, legi posset hoc modo: Omnia ista, perinde ut cuique data sunt, pro rata parte

SCHOLIA IN PARTEM I.

parte ita aut longa, aut breuia dicuntur.

194:

Quàm optabiliter illud iter ineundum esse debet,] Quis hoc modo loquitur? Debet esse ineundum, nemo certe dixerit: at illud, Ineundum est, Iniri debet, Inire nos decet, latine dixeris. monere lectorem uolui, ut, cum in scriptos libros inciderit, hunc locum diligenter inspiciat.

195:

Et hoc quidem hoc modo: nihil autem melius aestimo] Ex antiquo libro Maffei legendum puto: Et hæc quidem hoc modo: nihil autem melius extremo. ut hoc totum non ex Socratis oratione sit, sed a Cicerone per interpositionem prolatum. nam neque in Platonis apologia hæc sunt: & dictio illa, Inquit, quæ subsequitur, ideo uidetur esse illata, ut quasi interruptum superioris orationis filum contexeret.

196.

In quos Symonides] In, præpositio, hic accipitur in bonam partem, pro in quorum laudem, ut de Oratore libro II. Multa in Castorem scripta, & Pollucem. et de Natura deorum libro I. Catullus dilexit Roscium: in quem etiam illud est eius, Constiteram exorientem auroram forte salutans, & quæ sequuntur. De senectute etiam, In quem, inquit, illud elogium, unicum plurimæ consentiunt gentes populi primarium fuisse uirum. His exemplis adducti sumus, ut, In quos, emendaremus, cum

cum, In quo, antea legeretur.

197:

Hæc in errore uersentur] Concinnius, Hic in errore uersetur. sequitur enim proxime, Putat. tametsi ne illud quidem alterum uacare sententia uideo.

199.

Sollemne, & statum sacrificium] Statum lego, non statutum, ut habent aliquot impressi libri. sic & in oratione de Arusp. resp. Statas sollemnesq. ceremonias. & Liuius lib. XL. Profiscuntur ab Thessalonica Aeniam ad statum sacrificium. manauit autem latius hoc mendum, ut in ueterum libris sæpe, pro statum, legatur statutum. exempla, ne satietatem habeat prolixitas, omitto.

202.

Refellere sine pertinacia, & refelli sine iracundia] Mallem sic, Refelli sine pertinacia, & refellere sine iracundia.

208.

Debilitari dolore;] Sic malo, quàm, Debilitari, dolere. non enim, Dolere, diuersum quiddam habet a Frangi, & Debilitari. atque etiam lib. II. de Fin. 100: coniungo, Debilitari dolore, frangi, succumbere. sic, Dolor me debilitat, in oratione pro Rab. Post. Debilitor lacrymis, in epist. ad Terentiam.

208.

Tum dignitas, tum decus aderit;] Quid si,

si, Dum pro Tum utrobique reponatur?

208:

Aut Philoctetam] Vel in coniunctione,
Aut, mendum inest, uel aliquid desideratur: ita-
que placet legere, ut est in Maffei libro, Prome-
theum, aut Philoctetam.

208:

Lectulo &c.] Lib. II. de Fin. 100: sequentes
uersus non ad Philoctetam, sed ad saxum Lemniū
referuntur. sed Ciceroni usitatum est, antiquo-
rum poetarum uersus, paullulum quandoque immu-
tatis uerbis, ad suam sententiam traducere, ut lib.
XIV. epist. ad Att. in Homeri uersu.

212:

Connixa per se, & progressa longius,]
Connixa, erat aptius ad sententiam: & in Lucullo
etiam 17: dixit, Nixa, & progressa ratio. fit au-
tem a Nitor, cum significat conor, ut hic, Nisus
in praterito: cum uero est inclino, & quasi susti-
neor aliqua re, ab eo Nixus deducitur. Quæ sunt
eiusmodi, ut in ijs pæne pudeat immorari. licet,
nibus nota esse, librorum menda significant.

216:

Neque plausum captans se tantum ipsa
delectet.] Id est, plausumq. non captans se tan-
tum ipsa delectet. hoc si cui paullo dictum uidetur
obscurius, legat cum Sigonij libro: Neque plau-
sum captet, sed se tantum ipsa delectet. ego nihil
mutarem.

In-

Insaniam enim censuerunt,] Insaniam, recepi, adductus Nonij testimonio; Stultitiam, repudiaui; quod uerbum omnes libros occupauerat, repugnante sententia: cum hic non stultitia, sed insania cum furore comparetur.

Et uero ita existimo.] Qui proprietatem latinæ linguæ callent, ij, non dubito, quin magis probent, Et uero, quàm, quod erat antea, Ego uero. quod ipsum, ut alia multa, acceptum refero Sigonij nostri antiquo libro. Est autem, Vero, pro sane, ut in libro de claris oratoribus: Sed tu orationes nobis ueteres explicabis? Vero, inquam, Brute. Et lib. 1. de Diuin. Vero, mea puella, tibi concedo meas sedes.

Nam istuc, nihil dolere, non sine magna mercede contingit, immanitatis in animo, stuporis in corpore.] Hæc uerba Crantoris, a Cicerone conuersa, recitantur a Plutarcho ἐν τῷ παραμυθητικῷ πρὸς Ἀπολλώνιον. τὸ γὰρ, inquit, ἀνόδωον τῷ τοῦ ἀνευ μεγάλων ἐγγίνε-
ται μισθῷ τῷ ἀνθρώπῳ. τεθηριῶσαι γὰρ εἰκὸς ἐκεῖ μὲν σῶμα τοῖς τόν, ἐν ταῦθα δὲ ψυχὴν.

Ab eo, quod nequidquam] Si deleas, Ab eo, mendum fortasse corrigas, sententiam certe non minuas. nec me latet, ubi quid longius inter-
poni-

SCHOLIA IN PARTEM I.

ponitur, reprehendi a Cicerone præterita; sed aliquid tamen simul addi, ut, igitur, ueruntamen, sed, & huiusmodi quedam, simul animaduerti. uerum & de hoc, & ubicunque fere sententiam correctio nihil adiuuat, susq. deque.

224:

Nolite hospites adire ad me ilico istic] Trochaicus est, in quem non cadit iambus: itaque non puto eos recte sentire, qui, uerbis aliter collocatis, ita legunt, Nolite hospites ad me adire ilico istic: nam in quarta sede iambus esset.

224:

Opinione mali ægritudinem esse, non natura;] Aliter in omnibus libris. ego, Non, addidi ex ingenio: Opinione, sumpsit a scripto Sigonij libro. confirmat correctionem nostram quod infra legitur 225: Simulq. iudico, malum illud opinionis esse, non naturæ. & 233: Vides ergo opinionis esse, non naturæ malum. et 235. Ex quo intelligitur, non in natura, sed in opinione esse ægritudinem. Et 238: Non natura exoritur ægritudo, sed iudicio, sed opinione. Nec dissimile illud, de corporis, non animi, dolore, lib. III. de Fin. 117. Opinio facit, non natura, uim doloris aut maiorem, aut minorem.

225:

Si enim in re essent,] Esset, uidendum an rectius: quod equidem existimo.

Vetat

Vetat igitur ratio intueri molestias : abstrahit ab acerbis cogitationibus hebetem aciem ad miseras contemplandas :] *Malui cum antiquo libro : Hebetat aciem.*

Proprio philosophiae fungatur officio ;] *Vsitatus , quàm , ut in alijs libris , Fruatur officio.*

Cedrum incendamus :] *Tertij liber , Cedricum . sunt , qui , Hedycrum , legi malint . mihi non displicet , Cedrum . nam & Virg. lib. III. Georgic.*

Disce & odoratam stabulis incendere cedrum . et idem lib. VII. Aen.

Vrit odoratam nocturna in lumina cedrum .

Ciceronem autem de odoribus loqui , locus alter ostendit 228 : Fasciculum , inquit , ad nares admovebis ? incendes odores ? Itaque non sane uideo cur mutetur .

Eo enim erant uultu , oratione , omni reliquo motu ,] *An , Oratione , recte dictum sit , cum antecedit , Eo ; grammatici uiderint : sententia quidem ego moueor magis , ut , Ornatu , suspicor uerum esse , deprauatum Oratione .*

Consolatione ulla ,] *Illa , Sigonij liber . probe .*

Aut

Vetat

231.

Aut qui] Et hoc melius, ex eodem libro, addita interrogandi nota, quàm, Atqui, sine eadem nota.

233:

Cælo, atque terræ Medæe miseras.] Hic senarius mensuram non recipit absolutam: quâ reciperet, in primum locum traiecto uerbo, Medæe, hoc modo: Medæe cælo, atque terræ miseras.

233:

Quid ille Terentianus, ipse se puniens, id est ἐαυτὸν τιμωρούμενος?] Quorsum addatur, Id est ἐαυτὸν τιμωρούμενος? inculcatum crediderim pro glossmate, aut a Cicerone scriptum sic: Quid ille Terentianus, ἐαυτὸν τιμωρούμενος? Antiquus liber, Id est, non habet. quod mendi suspicionem auget.

234.

Ergo in potestate est &c.] Possum alucinari: sed, quoniam induxi animum, agere cum studiosis simpliciter, et sine fūco, sic opinor melius: Ergo in potestate est abijcere dolorem, cum uelis, tempori seruientem: et est ullum tempus, quoniam quidem res in nostra potestate est, cui non, ponendæ ægritudinis causa, seruiamus? Deleo autem, Curæ, quia nec id uerbum sententia desiderat; et, deponere, dicimus, ægritudinem, non curam ægritudinis. additum crediderim ab interprete imperito, ut ægritu-

agritudinem per curam exponeret.

234.

Cadentes] Carentes, antea legebatur. itaq.
est in libris scriptis: mihi tamen uisum est ut repone
rem, Cadentes, ex Homeri uersu, in quo est, $\pi\iota\mu\omicron\nu\sigma\iota\nu$:
quod significat, cadunt. uersus autem hi,
quos Cicero uertit, sunt Iliadis T.

236:

Nihil mali] Aut hoc abundat, aut legendū,
Nihil noui. nam si legas, Mali, ad Cleanthis ra-
tionem reuolueris. dixit etiam 217. Animo sic ex-
cubabat sapiens, ut ei nihil improuisum accidere pos-
sit, nihil inopinatum, nihil nouum.

237.

Ne quidem ullum esse malum,] Ne qui-
dem, coniuncte positum, incorruptum esse nunquā
duxi. confirmor magis in sententia, quia Sigonij li-
ber habet, Quod nullum esset malum. quanquam
ne sic quidem, sincerum esse locum, plane constat.

238.

Delectationis.] Cum antiquus liber prae-
ponat, Et; uenit in mentem ita distingui, & legi pos-
se. Opus enim quærunt. quanquam plane disputa-
tionis sunt, & delectationis.

238:

Sic philosophia,] Vel omissum a librario
uerbum est, quod actionem philosophiae det, ut,
medetur, medicinam facit, remedium affert: aut
est uitium, quod ἀνακόλουν Græci uocant, alibi

ss

etiam

SCHOLIA IN PARTEM I.

etiam a nobis in Tullio non semel animaduersum.

240:

Propter magnitudinem rerum, occupationemq. omnium,] Placet in res, & homines causam conferri, & ut res, sic homines nominari. assentior igitur ueteri libro, qui, *Homini- num, habet, non, Omnium.*

243:

Terrorem,] Omissa est definitio pudoris, quem paullo ante post pigritiam nominauit, cuiusq. etiam mentio subsequitur. id utrum librarij negligentia, an Ciceronis ipsius obliuione, conijcere non licet. Pudor autem a Zenone, a quo hæc fere omnia Cicero sumpsit, ita definitur apud Laertium: αἰσχύν δὲ φόβος ἀδοξίας: id est, pudor autem metus infamiae. Quod autem terrorem Cicero definit, metum concutientem; uereor, ne sit imperfecta definitio, & hoc fortasse omissum sit, Ex cogitatione inusitata rei. est enim hæc Zenonis apud Laertium terroris definitio: ἐκπληξίς, φόβος ἐκ φαντασίας ἀσυνήτους πράγματος.

244.

Ira sit libido puniendi eius, qui uideatur læsisse iniuria.] Quia uideo quibusdam in libris desiderari uerbum, Iniuria, quod etiam in ijs, qui ex ædibus nostris, alioqui satis emendati, superioribus annis exierant, omissum erat; ideo græca Zenonis uerba, iram desinientis, ut omnis in posterum occasio mendi tollatur, recitare uisum est.

sunt

*sunt autem hæc apud Laertium: ὄργη δὲ ἐπιθυμία
τιμωρίας τῷ δοκῆντος ἡδίκηκεναι ἔ ποροσηκέντως.
Laertius.*

244.

*Indigentia, libido inexplibilis:] Παν-
cissimis uerbis, quod Zeno multis, complexus est.
πάνις ἐπιθυμία τις ἐν ἀποτῶξει, καὶ οἷον κεχωρισμέ-
νη ἐκ τῷ πράγματι, τεταμένη δὲ διακενῆς ἐπ' αὐτὸ,
καὶ ἀσπόμενη. Laertius.*

244.

*Distinguunt etiam illud, ut sit libido ea-
rum rerum, quæ dicuntur &c.] Distinguum-
tur, quæ definita iam sunt, desiderium, & indi-
gentia. sed paullo plenius esset: Vt desiderium sit
libido. sin, Desiderium, omittimus; subaudiri ne-
cesse est. sed addi malim, quàm subaudiri. Posset
etiam sic, uerbo, Illud, in alium locum translato:
Distinguunt etiam, ut illud sit libido. ita, deside-
rium significari, commodius intelligitur. distinctio
quidem hæc in Laertio, ubi Zenonis definitiones
persequitur, non reperitur. Non placet autem,
quod suspicari aliquis fortasse possit, Ciceronē, non
desiderium, & indigentiam, sed libidinem, & in-
digentiam uoluisse distinguere. quis enim, exem-
pli gratia, animal, & hominem, id est genus, &
speciem, distinguat? distinguuntur autem, uarie
definita, eidem generi subiecta, ut, homo, & lu-
pus; desiderium, & indigentia. neque nunc id Ci-
ceroni propositum est, ut libidinis uim, & naturam*

ss 2 osten-

SCHOLIA IN PARTEM I.

ostendat, sed ut eorum, quæ libidine, tanquam species genere, comprehenduntur. alioqui diuersum aliquid a libidine haberet indigentia. quod fieri non potest. nihil enim est in specie, quod idem in genere non sit. licet contra, quæ in genere, non eadem in specie sint omnia. utamur enim receptis uulgo, ac tritis iam consuetudine nominibus.

244.

Indigentia, libido rerum ipsarum est,] Cum, Indigentia, pendere uideatur a uerbo Distinguunt; (patet enim, hic distingui desiderium, & indigentiam) adducor, ut, Est, abundare putem, aut legendum, sit.

245.

Vt sunt alii ad alios morbos] Imperfecta similitudo. nam ad particulam, Vt, quod respondeat, nihil est. forte ita corrigendum. Vt sunt alij ad alios morbos procliuiiores; itaque dicimus grauedinosos quosdam, torminosos, non quia iam sint, sed quia sæpe: sic alij ad metum.

246:

Morbo tentari non possunt, corpora possunt:] Est fortasse uitium in ordine uerborum. hoc enim malo, quàm integrum Ciceroni nostro uersum effluxisse. quod quàm in soluta oratione turpe sit, ipsemet in Oratore ostendit.

247.

Quando & aliis locis de uirtute diximus,] Quæ paullo post subiungit, cum ait:

Quando

PHILOSOPHIAE CIC.

Quando igitur uirtus est affectio animi: ea mihi coniecturam attulerunt, quam studiosis aperire operapretium duxi. Puto igitur legendum sic:

Quando, ut alijs locis de uirtute diximus. quod enim hic omittit, persequitur ijs uerbis: Quando igitur uirtus. Et hoc totum cum eo connectitur, Huius igitur uirtutis. quod ut esset apertius, duplici interclusione, quae παρένθεσις uocatur a Graecis, sententiam distinximus.

247.

Ex qua concitantur perturbationes:]

Mendose legi in libris, qui uulgo ueneunt, Cogitantur, puto omnes intelligere. correxi ex antiquo libro.

248:

Aliter ferat inueterata,] Ferat quis? de stultis loquitur: Ferunt, igitur mallem.

248:

Aegre tulisse P. Rutilium fratris repulsam consulatus.] Historia postulat, Rupiliū, qui consul fuit anno urbis DCXXI, ut patet ex fastis Capitolinis; in quibus plane, Rupilius, legitur. tollendum idem mendum ex Plinio lib. 7. cap. XXXVI. ipsum etiam Ciceronem in Lelio tribus locis in eodem nomine correximus.

250.

Auersa ratione] Maffei liber, Auersa a ratione. probo. nam & supra, 211. Zenonis, inquit, est definitio, ut perturbatio sit auersa a recta ratione contra naturam animi commotio. & 113:

Omnium

SCHOLIA IN PARTEM I.

Omniū perturbationū fontem esse dicunt intemperantiam : quæ est a tota mente , & a recta ratione defectio , sic auersa a præscriptione rationis , ut nullo modo , &c. & 216. Turbidi animorum , concitatiq. motus auersi a ratione . & 222 . Conuenit inter omnes , commotiones animorum , a recta ratione auersas , uitiosas esse .

256.

Ira uero quanquam diu perturbat animum , dubitationem insanix non habet] Mendum est in uerbo , quanquam . ueteres libri , quos ego uiderim , habent , quæ quam , deprauate omnino , si respicimus , dictio Ira quò referatur . quòd si coniecturæ locus est , ita legerem : Ira uero , quàm diu perturbat animum , dubitationem insanix non habet .

258 :

At naturalis est .] Obiectio : cui respondet quod sequitur ; An quidquam esse potest secundum naturam , quod sit repugnante ratione ? et est sententia , nisi fallor , multo concinnior , quàm si legas , ut antea , Aut naturalis est ? cum præcedenti membro connectens . ut autem hunc locum , una dempta littera , correximus : sic paullo post alium , una immutata , restituiamus . nam ubi legebatur , prius quàm esset ulla ulciscendi libido , nos , meliore , ut opinamur , sententia , reposuimus ; Prius , quàm esset ulta ulciscendi libido .

Cinna

272.

Cinna collegæ sui, consulis, Cn. Octauii præcidi caput iussit.] Consulis, puto glossema, adscriptum ad Collegæ.

276:

Cui rei refertæ] Concinnius, Cui refertæ.

278.

Gloriæ caussa;] Potest esse suppositivum, caussa. certe necessarium non est.

280:

Facere non potuerunt?] Iacere uidetur, planeq. otiosum esse uerbum, Facere. quod si absit, multo erit elegantius. subauditur enim, quod in proximo superiore membro dictum est, Pro nihilo pecuniam ducere. hoc loquendi genere uis additur, atque etiam ornamentum orationi: idq. periti latinæ linguæ & facile in antiquorū scriptis agnoscunt, & libenter ipsi, cum sententia postulat, imitantur. exemplorum apud Ciceronem plena sunt omnia: sed uno, aut altero, ne multitudo fastidium pariat, contenti erimus. Tusc. II. Ergo hæc ueteranus miles facere poterit, doctus uir, sapiensq. nō poterit? et Tusc. III. Timor ab ijs ægritudinem potuit repellere, ratio, ac sapientia uera non poterit?

281.

Quidquid obiectum est] Aut, Vt, abundat: Aut, pro Quidquid, legēdum est, Quid: aut, Quidquid, hic accipiendum pro Quidque: ut apud Lucretium libro II. Inq. suos quidquid rursus re-

uo-

Cinna

SCHOLIA IN PARTEM I.

uocare meatus . et lib. IIII. Semper enim summū
quidquid de rebus abundat . et libro V. Sic unum
quidquid paullatim protrahit ætas In medium. Pos
sem ex oratoribus loca recitare : sed ego in latinis lo
cutionibus , ubi quid eiusmodi occurrit , quod sine
exemplorum comprobatione durius uideatur , liben
tius poetarum utor auctoritate , quàm oratorum .
sunt enim poætæ certiores latinæ linguæ testes : pro
pterea quod metri ratio facit , ut mutationi non tam
facile locus sit . quod in oratoribus contra uidemus .

282 :

At enim non sine ignominia afficere po
terit sapientem] Locus recte stellula notatus :
mendum enim subesse constat . fortasse ita restitui
posset . At enim non erit sine ignominia . ignominia
afficere poterit sapientem ? de sapiente enim est hæc
omnis oratio . Sententia certe hæc uidetur esse . qui
bus autem uerbis explicanda sit , statuere nostrum
non est . studiosi libros antiquos adeant , & eorum
ope utentes locum emendent .

285 :

Omnesq. id nos] Id , non uideo quid spe
ctet . antiqui scribebant , It . inde mihi orta conie
ctura est , ut , Item , legendum putarem .

INI
E

Academ
Academiz
non probatu
Academiam d
22.b
Academiam
gnat
Academia rec
Academia uet
b 77.b
Academici.
Academici 25
luar.
Academicorum
146.b
Academorum plu
Acheron.
Achilles. 19
Acquiescer.
Aiazopis
Acacus.
Acetas.
Aegritudine
piens.
Aegritudine
tentur
Aegritudini
sunt.
Aegritudinis
perurbatio
opinionem.
Aegritudina
ra nomina
Aegritudo
Aegritudo
tur.
Aegrotatio

INDEX RERVM ET VERBORVM.

A

ACADEMIA.	145.a	iecta sint.	245.a
Academiae ratio permultis		Aegrotatio quid sit.	245.b
non probatur.	7.a	Aegyptii.	197.b 277.b
Academiam defendit Cicero.		Aemulatio quid sit	243.a
22.b		Aer.	53.b
Academiam Lucullus oppu-		Aerumnæ.	106.a
gnat	6.a	Aerumna quid sit.	243.b
Academia recens.	46.b 57.b	Aeschines.	146.a 233.a
Academia uetus.	42.a 49.a.51.	Aeschyli uersus.	206.a 236.b
b 57.b		Aesopus.	252.b
Academici.	51.b 87.b 250.a	Aestimabile.	111.a
Academici actiones non tol-		Aetas hominis	234.b
lunt.	35.b	Aeternum illud est, quod se ip-	
Academicorum ueterum laus.		sum mouet.	184.a
146.b		Afflictatio quid sit.	243.b
Actionum plura genera.	161.a	Afranij locus.	249.b 252.b
Acheron.	173.a	Afranij a Menandro transtu-	
Achilles.	196.b 222.a 251.b	lit.	60.b
Acipenser.	83.a	Africani.	115.b
Adiæpopia	42.a	Africanus. 9.a 9.b. 103.a 164.a	
Aeacus.	195.a	172.a. 250.b. 271.a	
Aeetas.	224.a 227.b	Agamedes.	199.a
Aegritudine carere debet sa-		Agamemnon.	233.a 251.b
piens.	221.a 224.a 248.a	Agendi aliquid, in homine cu-	
Aegritudinem quæ mala comi-		piditas.	160.b
tentur	224.b 231.b	Agraria lex.	9.a
Aegritudini quæ res subiectæ		Aiax.	220.a. 251.b
sint.	243.a	Albinus A. prætor, & consul.	
Aegritudinis, & reliquarum	44.a	44.a	
perturbationum causa est in		Albucius.	61.a 283.b
opinionem.	223.b. 224.b	Alcæus.	257.a
Aegritudinem ratio una, plu-		Alcibiades.	237.a
ra nomina	238.b	Alcidamus rhetor.	199.b
Aegritudo quid sit	223.b 236.a	Alcmæo 20.a 29.b. 141.a 220.a	
Aegritudo uoluntate suscipi-		Alexander.	4.b 258.b
tur.	234.a	Alexinus.	26.b
Aegrotationi animi quæ sub-		Allienus Pelignus M.	251.a

tt

INDEX.

Amasanius	48.b 240.b	butus.	212.b 241.b
Ambrosia, & nectar.	186.a	Animus quid sit.	176.a. 180.a
Amentia, & dementia	219.b	Animus ubi sit.	189.a
Amicitia.	123.a	Antiochus.	5.b. 8.a. 8.b 13.b
Amicitiae locus esse non po- test, si ad uoluptatem omnia referantur	96.b	23.a. 24.b. 36.b. 42.b. 43.a	
Amicitia nō emolumento, sed caritate merienda	98.a	Antiope.	11.b 59.b
Amicitia quid sit, ex Epicuri sententia	74.b	Antipater.	10.a 13.b 284.a
Amicorum tria paria.	74.b	Antonius M.	214.b
Amor.	235.b 256.b	Αντόδεις	13.a
Amori auctoritas tributa.	257.a	Apollo Pythius.	157.a 183.a
Amoris curatio.	257.b	Appius.	179.b
Anacharsis Scythia.	280.a	Appius Cæcus.	240.a 284.b
Anacreontis poesis.	257.a	Aquinas, poeta.	274.a
Anaxagoras. 9.a 25.a 38.a 196 b 225.a 232.a 262.a 285.a		Arbores, & stirpes.	268.b
Anaxarchus Democritus.	213.b	Arcefilas. 8.b 9.a 9.b 10.a. 27.a 55.b 57. a 57. b 58.a 76.b.	
Anaximander.	38.a	170.b	
Anaximenes.	38.a	Archelaus, Socratis doctor.	262.a
Andria Terentii	60.a	Archilochus	171.b
Andromacha.	11.b	Archimedes	159.a 186.a 274.b
Angor quid sit.	243.b	Archytas.	258.b
Animal ab inanimato quo diffe- rat.	16.a	Argia, sacerdos.	199.a
Animal omne se ipsum diligit.	151.a	Argo.	182.a
Anima triplex	176.a	Arion.	217.b
Animi bona.	52.a	Aristides.	162.a
Animi excellentiam Chrysi- pus homini tribuit.	132.a	Aristippus. 42. a 44.b 81. a 81. b 86.b 87.a. 204.b	
Animi medicina.	218.a	Aristo. 8.b 42.a 86.a. 87.b. 135. a. 109.b. 135.b. 165.a	
Animi status quietus.	264.a	Aristogiton.	200.a
Animus.	40.a	Aristophanes.	159.a
Animorum aternitas proba- tur	173.a	Aristoteles. 38.b 42.b 43.b 44. a 45. b. 51. a 55. a 60. a 60.b	
Animus ex operibus suis agno- scitur.	187.b	81.a. 86.b. 103.a 125.b. 146.b 147.b 148. a 172.a. 176.a 234.b	
Animus humanus	268.b	Aristotelis auditores.	125.b
Animus, in duas partes distri-		Aristoxenus	159.a. 175.b. 180.b
		Aristus.	8.b
		Ars.	12.a
		Ars dux certior, quàm natura.	
		127.b	
		Ars nulla in se uersatur.	149.a

I N D E X.

Artemisia.	236.a	omnes.	40.b.149.a
Artium studia honore excitantur.	171.b	Bonorum tripartita diuifio.	52.a.117.a.265.b.277.a
Aruns.	251.a	Bonum in natura quarendum	52.a
Asclepiades.	284.b	Bonum omne conuenientia,	
Asia.	4.b	atque oportunitate finitur.	118.a
Asoti	82.b	Bonus uir non est ille, qui, ne	
Assensionem sapiens sustinet.	20.a	malum habeat, abstinere se ab	
Assensio non tollenda	16.a	iniuria.	
Atilius	60.a	Bruti laus.	50.b.107.b
Atlas.	261.b	Bruti liber de uirtute.	60.b
Atomi.	62.b	Brutus L.	50.b.107.b
Atreus.	197.a.258.a.271.b	Cæcilius uersus.	231.b
Atticus.	62.b.93.b	Cæcitas.	284.a
Attii locus.	153.b	Cæpio.	90.a.108.a.108.b
Attius.	50.a.252.b	Cæsar C.	272.a
Auaritia quid fit.	245.a	Cæsar L.	272.a
Aufidius Cn.	160.a.284.b	Καρία.	116.b
Αξίωμα	31.b	Calamitas.	238.a
BARONES.	96.	Calanus.	213.b
Beati qui dicendi sint.	266.b	Calatinus.	105.b
Beatum metu carere oportet.	269.a	Callimachi epigramma.	191.a
Bellerophon.	233.a	Callipho.42.a.44.b.81.a.85.b	
Bellum Mithridaticū.	4.a.5.a.	86.b	
Beneficium, & gratia, uinculæ sunt concordia.	105.b	Cannæ.	192.b
Bestiæ.	156.b.268.b	Captiones.	18.a
Bestiæ quibusdam humanarū uirtutum simulacris non carent.	104.a	Carbo.	172.a
Bion.	233.a	Carere quid fit.	192.b
Bonæ corporis, partes sunt beatæ uitæ.	133.a	Carneades.8.b.10.a.32.a.32.b.42.a.44.a.46.b.58.a.86.a.86.b.87.a.91.b.185.a.232.b.240.a.262.b	
Bona Peripatetici appellant, quæ Zeno assumenda.	139.b	Casci.	177.b
Boni qui dicantur.	42.a.42.b	Cassius L.	9.a
Bonorum extremum est, congruenter naturæ uiuere.	112.b.113.a.151.b	Κατάληψις	46.a
Bonorum finis non idem apud		Cato M.	6.a.235.a
		Catonis M. inexhausta legendi uirtutes.	108.a
		Catonis oratio.	171.b
		Catonis mors.	188.b
		Cato Origines scripsit.	239.b
		Cato Stoicorum disciplinam	

INDEX

explicat.	109.b	Cocytus.	173.a
Catulus.	7.b.29.b.46.b	Codrus.	162.a.200.a
Catulus, Marij collega.	272.b	Cognitionis amor homini in-	
Cautio quid sit.	242.b	natus.	58.b
Celtiberi.	216.a	Coloneus.	145.b
Cepheus.	261.b	Commoda, & incommoda.	
Ceramicum.	68.a	123.a	
Cerberus	173.a	Comprehensio.	56.b
Chryssippi statua.	68.a	Conscientia maximum uirtu-	
Chryssippus. 26.a.29.a.44.a.60		ti theatrum est.	216.b
a.68.b.88.a.122.b.126.b.132		Consequentibus sublaris, pri-	
a.169.a.232.a		ma tollitur.	138.b.142.a
Cibi condimentum fames, po-		Consolantis officium.	236.b
tionis fitis.	99.a.99.b	Consuetudinis magna uis.	
Cicero ab omnibus sua legi		210.b	
uult.	60.b	Continentiæ exempla.	280.a
Cicero Academiam nouam se		Continentia in uictu quæ com-	
quitur.	50.b	moda afferat.	281.b
Cicero a quibus in philoso-		Contrariorum contraria sunt	
phia explicanda transtulerit.		consequentia.	271.b
60.b		Conturbatio quid sit.	243.b
Cicero Archimedis sepulcrum		Corynthus.	231.a
indagauit.	274.b	Corporis bona.	52.a.164.b
Cicero eodem de accusatore		Corporis commodis quid tri-	
solebat respondere.	125.a	buendum.	164.b
Cicero in tractanda philoso-		Corporis partes aut propter	
phia non munere fungitur		utilitatem, aut ad ornatum a	
interpretis.	59.b	natura data.	111.a.121.b
Cicero Peripateticorum disci-		Corporis uitia occultant ho-	
plinam explicat, & defen-		mines.	181.b
dit.	126.a	Crantor.	43.b.55.a
Cicero philosophiam latinis il-		Crassius L.	173.b.169.b
lustrare aggressus.	48.b	Crassius M. 91.a.169.b.225.b.	
Cimbri.	216.a	285.a	
Cimbrica uictoria.	272.a	Crassius P.	9.a
Cimmerij.	22.b	Crates.	55.a
Cinnæ quattuor consulatus.		Cretum leges.	209.a
272.a		Critolaus.	148.b.271.b
Citæi.	138.b	Cræsus.	98.b.124.b
Claudius C. Cæci filius, con-		Cupiditas malorum fons.	
sul.	171.b	69.b	
Cleantes.	40.b.94.a.126.b	Cupiditas non finienda, sed ra-	
Cleombrotus.	191.a	dicitus extrahenda est.	83.b
Clitomachus.	8.a.10.a.32.b	Cupiditates animi morbi sunt.	

INDEX

五

11 3

INDEX.

Ennius. 19.b. 29.b. 50.a. 59.b.	Euidencia	100.b
171.b. 177. b	Euripidis.	225.a
Ennius ab Homero transtulit.	Euripides uersus. 103.a. 199.b	
60.b	232.a 232.b. 234.a. 257.a	
Εντελεχία	Eurycia.	270.b
Epaminondas. 92.a. 101. a 172.	Exanimatio quid sit	243.b
a 178. b. 200.a. 215.a	Excandescentia quid sit. 244.a	
Ephesij.	Exercitationis maxima uis.	
Epicharmus	11.a 209.b	
Epicurea doloris medicamen	Exilium.	283.a
ta.		
Epicurei	FABIUS Gallus Q.	90.b
Epicuri κυρία δόξα	Fabius Pictor.	171.b
81.b	Fannius.	9.b
Epicuri sententia de leuanda	Fatum.	54.b
ægritudine.	Finibus uaria sententia. 279.a	
225.b	Flaminius C.	9.a
Epicuri sententiam de summo	Formido quid sit.	243.b
bono refellit Cicero.	Fortitudo in bellis.	215.a
64.b	Fortitudo iracundiam non de	
Epicurus. 18.a 28.a. 42.a. 45.a	siderat.	251.b
60.b. 118.a 145.b. 204.b. 211.b	Fortitudo quid sit 251.b. 269.a	
224.b. 276.b. 280.b	Fortes fortuna adiuuat, adagii	
Epicurus a Torquato lauda-	loco dictum	203.a
tur.	Fortuna.	54.b
62.a	Fregellanus.	162.a
Epicurus bonus uir fuit, & co	Frugalitas.	221.b
mes, & humanus. 97.a. 101.b	Frugi homo omnia recte fa-	
Epicurus dialecticam contem	cit.	247.b
nit.	Furor.	220.a
81.a	Futura res homini cura sunt.	
Epicurus doctrinis non instru	179.b	
ctus.	GALBA.	172.a
64.b	Gallonius.	83.a
Epicurus in omnibus philoso-	Ganymedes.	186.a. 257.a
phie partib. lapsus. 62.a. 63.b	Gaudium a læticia distingui-	
Epicurus quid ad Hermachum	tur.	256.a
scripserit.	Gemini.	21.a
102.a	Gemitus.	215.a
Epicurus, quid uoluptas signi	Geometra.	37.b. 264.a
ficer, non intelligit.	Geometriae honos tributus.	
78.a	172.a	
Epicurus, uoluptatem esse su-	Gladiatores.	210.b
mm bonum, quibus rationi	Gloria popularis.	282.b
bus probet.	Gorgias Leontinus.	76.b
65.b		
Ε ποχὴ		
21.b		
Eretriaci philosophi.		
41.b		
Erechtheus.		
199.b		
Etymologia.		
54.b		
Euander.		
10.a		
Euclides.		
41.b		

I N D E X

Gracchi .	141.a 172.a	Homines hominum causa na-	
Gracchi C. cum Druso compa	ti.		121.b
ratio.	141.a	Hominis præstantia.	104.a
Gracchus.	192.b		268.b
Gracchus C.	229.b	Hominis quæ natura sit.	154.a
Gracchus Ti.	9.a 9.b 141.a	Hominum inter se coniun-	
Græca uerba multa pro latinis	ctio.		163.b
usitata.	107.b	Homo ad duas res natus ad in-	
Græci.	216.b	telligendum, & agendum.	
Græci philosophiæ cognitio-	86.b.87.a		
ne instructi.	49.a	Homo sibi carus est.	151.a
Græci poetæ.	50.a	Honesta per se experenda,	
H ANNIBAL	91.a	turpia per se fugienda sunt.	
Harmodius.	200.a		115.b.162.a
Hæctor.	197.a	Honestas.	89.a
Hæctoris, & Aiæcis pugna.		Honestas in contemnenda uo-	
	250.b	luptate consistit.	44.b
Hecuba.	233.b	Honestum quod est, id solû bo-	
Heraclitus.	38.a	num est.	113.a 270.b
Heraclitus, cognomento,		Honos.	231.b
<i>Ἡρακλῆς</i>	80.a	Honos alit artes.	171.b
Heraclitus Tyrius.	8.a.8.b	Hortensius.4.b.8.a.59.a	185.a
Hercules.	29.b.35.b.122.b.	Hortensius, Ciceronis liber.	
	167.b.168.b.177.b.178.a		201.b
	205.a	Hymnides.	82.b
Herculis ærumnæ.	106.a	Hyperides.	50.a
Herillus.41.b.86.a.87.b.134.		Hyrcania	197.b
a.164.b		I ACTATIO quid sit.	243.b
Hermodorus.	283.a	Iason.	256.b
Herodotus.	98.b	Idea sacra.	162.b
Heroica tempora.	261.b	Ideas labefactauit Arist.	55.a
Hesiodus.	171.b	Iliona.	29.b
Hieronymus.42.a 78.a 81.b		Imperare sibi.	212.b
86.a 87.a.148.b.165.a.204.b		Imperatoria mortis præcla-	
Hippolytus.	245.a	ra.	101.a
Homeri locus.222.a.233.a.		Incognito non assentiendum.	
	234.a		43.a
Homeri locus a Cicerone uer		India.	1277.b
sus,	158.b 159.a	Indigentia quid sit.	244.a
Homeri <i>ῥεύς</i>	179.b	Indiuidua.	95.b
Homerus.	171.b	Inertia.	105.a
Homerus cæcus fuit.	285.a	Ingeniosi ab hebetibus quid	
Homerus Lycurgi ætate fuit.		differant.	246.b
	261.b	Ingeniosi melancholici.190.a	

INDEX

Inhospitalitas quid sit.	245.a	Laconis dictum.	269.a
Inimicitia quid sit.	244.a	Laelii C. consulatus.	272.a
Innocens.	269.a	Laelius.	172.a
Ino.	177.b	Laelius, sapiens dictus.	83.a
Infani.	20.a.29.b	Lætitia curatio.	255.b
Infania.	219.b.220.a	Lætitia quæ res subiecta sint.	
Insipientia.	219.b	243.a	
Insula beatorum.	159.b	Lætitia quid sit.	115.a.213.b
Intemperantia quid sit.	244.a	242.a	
Intentio corporis, & animi.	Laius.	257.a	
103.a	Lamentatio quid sit.	243.b	
Interitus quid sit.	188.a	Laoimedon.	186.a
Internundia.	95.b	Lapathus.	83.a
Inuidia quid sit.	243.a	Latina lingua, locupletior quâ	
Inuidia nomen ab intuendo		græca.	61.a
ductum.	222.b	Latini poeta.	50.a
Inuidia in sapientem non ca-		Latinis litteris explicanda phi-	
dit.	222.b	losophia.	50.a
Iphigenia.	200.a	Lentitudo.	249.a
Ira ab iracundia differt.	245.b	Leonidas.	92.a.101.a.196.a
Iracundia.	220.a	200.a	
Ire curatio.	258.b	Leon, princeps Phliasiorum.	
Ira in sapientem non cadit.	222.a	261.b	
Ira non longe abest ab insa-		Lepidus.	172.a
nia.	251.b	Lerna.	206.a
Ira quid sit.	243.b	Leucadia.	257.a
Isochrates.	172.b	Lex Agraria.	9.a
Iucundum a iuuando ductum.		Lex Voconia.	90.b
79.b		Liber.	122.b.177.b
Iudices.	86.a	Libidinis curatio.	255.b
Iuno.	205.b	Libido finem nullum inuenit.	
Iupiter.	122.b	264.b	
Iuuentas.	186.a	Libido quid sit.	223.b.242.a
L ABOR a dolore quid dif-		Libo.	48.b
ferat.	209.a	Libra Critolai.	271.b
Laborem leuiorem honos fa-		Licere quid dicatur.	272.b
cit.	216.a	Liuius.	171.b
Lacena uirgines.	209.b	Loca, in quibus summos uiros	
Lacedæmonii.	196.a.269.b	ueriatis accepimus, nos mo-	
Lacedæmonii pueri.	277.b	uent.	145.a
Lacedæmoniorum uictus.		Lucilii locus.	61.a.82.b
281.b		Lucilius.	60.b.169.b
Lacedæmonius quidam.	195.b	Lucilius C. poeta.	33.b
Lacydes.	10.a	Lucretia.	93.a

INDEX

Luctus causse.	235.b	ber.	54.b
Luctus quid sit.	243.b	Metellus.	167.a.191.a
Luculli uilla.	103.b	Metellus Q.	167.
Lucullus. 4.a. 5.2.7.b.8.a.	29.a	Metrodorus.	10.a.25.b.78.a.
108.b		99.b.266.a	
Lucullus puer.	108.a	Metui quæ res subiectæ sint.	
Lugendi genera uaria.	233.a	243.a	
Lycurgi leges.	209.a	Metus curatio.	255.b
Lysias.	148.b	Metus quid sit.	223.b.241.a
Lysimachus.	196.a	243.a.271.b	
Lysippus.	28.b	Miles exercitatus ab in exerci	
M AEROR quid sit.	243.b	tato quid differat.	209.b
Maleuolentia quid sit.	243.b	Mineræ clypeus.	179.a
Malorum præteritorum me-		Minos.	209.a
moria iucunda est.	102.b	Minos, & Rhadamantus.	
Malorum tria genera.	265.b	173.b	
Manilius M'.	33.b.61.b	Misericordia in sapientem nō	
Marcellus.	250.b	cadit.	222.b
Marcellus M. consul.	44.a	Misericordia quid sit.	243.a
Maris color.	34.b	Mithridaticum bellum.	4.a.
Marius C.9.a.103.a.209.a	214.	4.b	
2.272.b		Mnesarchus.	24.b
Mathematici.	37.b	Molestia quid sit.	243.b
Mausolus, Cariz rex.	236.a	Morales libri a Nicomacho	
Maximus Q.	235.b	scripti.	148.a
Medea.	256.b	Morborum causæ.	244.b
Medea Fennii.	59.b	Morbus quid sit.	246.a
Medici.	223.b	Mors a malis nos abducit, non	
Medicorum scientia.	69.a	a bonis.	191.
Meditatio aduentum malorū		Mors claris uiris dux est in cē	
leuiorem efficit.	225.a	lum.	177.b
Megarici.	41.b	Mors quid sit.	175.a
Melissus.	38.a	Mortem bonam esse, exemplis	
Melonthius Rhodius.	10.a	confirmatur.	199.2
Memoria.	184.b.185.a	Mortis contemptæ exempla.	
Memoria rerum præstantior		194.a.195.b	
quàm uerborum.	4.b	Morus.	53.b
Menechus.	200.a	Mulierofitas.	244.b
Menedemus.	41.b	Multitudo.	89.a
Menippus.	49.b	Mundi animus.	54.a
Mens.	14.a	Mundi descriptio.	187.a.275.b
Mensæ Syracusanæ.	99.a	Mundus, cōis urbs, & ciuitas	
Mens, rerum iudex esse de-		deorum, atque hominū.	122.a
		Murena.	4.a

INDEX

Murena L.	143.b	Opinio quid sit.	242.b
Musicae honos tributus.	172.a	Orata.	94.a
N AEVI locus.	171.b	Oratoria uis.	55.a
Naeuius	171.b	Oratores Romani.	172.a
Nasturtio Persae uescebantur.		Orestes.	74.b.162.b.220.a
99.b		Orestes, Euripidis fabula.	
Natalem suum diem Epicurus			254.b
agi uoluit.	102.a	Orans.	169.b
Natalis dies nullus.	102.a	P ACCVIVS	50.a.59.b
Natura.	268.b	Panætius.5 .b.35.a.131.a.	
Naturae congruenter uiuere,		144.b.190.a.190.b	
bonorum extremum.	112.b	<i>παράδοξα</i>	43.b
113.a		Parmenides.	9.a.25.b.38.a
Naturae contemplatio pabulum		Paucae res magnis obscuran-	
est animorum.	41.a	tur.	132.a
Naturae explicatio.	53.a	Patientiae exempla.	277.a
Naturalia prima.	111.b	Paullus	285.b
Natura summo bono non indi-		Paullus Aemilius.	192.b
get.	52.a	Paullus L.	164.a.235.a
Nequitia.	222.a	Pauor quid sit	243.b
Nestor.	261.b	Paupertas	231.b
Nicetas Syracusius.	39.b	Peccata paria esse, Stoicis pla-	
Nicomachus.	148.a	cet.	43.a.143.b
Niobe.	233.b	Peduceius Sex.	91.a
Nosse se ipsum.	157.a.183.b	Penelope.	31.b.138.b
Notitiae.	11.b	Peregrinatio perpetua.	283.b
Novis uerbis in rebus inusita-		Perfarum magi.	168.b
tis utendum.53.a.107.b.110.a		Perfarum uictus.	281.b
Numa.	239.b	Perturbatio quid sit.	223.b
Numantinum foedus.	90.a	241.b	
Numitor.	162.a	Perturbationes utiliter a na-	
O BSCURA oratio quando		tura datæ.	43.b
reprehensione careat. 80.a		Perturbationes animi.	56.a.
Obtrectatio quid sit.	243.a	115.a	
Octavius Cn.	100.a.272.a	Perturbationes animi, morbi	
Oculorum sensus acerrimus.		a Gracis appellantur. 219.a	
89.b		Perturbationum genera.	241.b
Odiū quid sit.	244.a	Perturbationes utiliter a na-	
Oeta.	205.a	tura datas, Peripatetice di-	
Officia a naturae principiis pro-		cunt.	249.a
ficiuntur.	111.b	Perturbatio est in opinione.	
Officii fructus ipsum officium		259.a	
esse debet.	95.a	Perturbationum curationes.	
Oileus.	235.a	253.b	

INDEX

Pericles.	145.a	Philosophi nō nulli perpetuo peregrinati	283.b
Peripatetici. 36.b. 51.b. 223.a		Philosophi plerique decretis suis non parent.	203.b
248.a. 249.a		Philosophorum dissensio. 45.b	
Peripatetici duo librorum genera de summo bono ediderunt.	148.a	Philosophorum uita, commentatio mortis est.	189.a
Peripatetici in dialectica excellentes. 127. a. & in physica.	127.b	Philippus.	269.b
Peripatetici philosophiā tres in partes diuiserunt. 126. a		Phylica.	123.b
148.a		Physica quem fructum afferant Epicureis.	74.a
Peripateticorum consuetudo in contrarias partes differendi.	202.b	Pictores illustres.	46.a
Peripateticorum dicendi exercitatio duplex.	126.a	Pigritia quid sit.	243.b
Peripateticorum disciplinam Piso explicat.	147.a	Pilo Frugi.	99.b. 229.b
Peripateticorum qualis oratio.	126.a. 148.a	Piso L.	221.b
Persēs rex.	164.a	Piso M.	143.a
Perspicuum.	16.b	Plato. 9.a. 9.b. 25.b. 41.b. 45.a	
Phædrus Epicureus.	62.b	49.b. 51.a. 51.b. 52.a. 57.b. 88	
<i>phantasia</i>	56.b	b. 89.b. 99.b. 145.b. 159.a.	
Pherecides Syrus	180.a	168.a. 176.a. 177.b. 180.a 190	
Pherecrates.	176.a	a. 249.b	
Phidias.	46.a. 179.a	Platoniorum cum M. Cato-	
Philo. 8.a. 8.b. 10.b. 11.b. 45.b		ne sermo.	140.a
Philocteta. 153.b. 205.a. 208.b		Platonis auditores.	125.b
Philoctetæus clamor.	100.b	Platonis epistola	282.a
Philosophandi ratio triplex a Platone accepta.	52.a	Platonis locus.	267.b
Philosophi.	234.b	Platobis Memnon.	184.b
Philosophia. 49. b. 168.a. 171.a		Plautus.	171.b
172.b. 202.a. 203.a. 203.b 240.		Plotius C.	91.b
b. 261.a. 262.a		Poetæ.	171.b
Philosophia ab Hortensio accusata, a Cicerone defensa.	59.a	Poetæ animus hominum inoliunt.	207.a
Philosophiæ diuisio.	274.a	Poetæ latine, & græce.	50.a
Philosophia est ars uitæ. 107.a		Poetica.	256.b
Philosophiæ summa omnis ad beatæ uiuendū refertur. 98.a		Polemo. 42.a. 55.b. 86.a. 125.b	
		145.a	
		Policrates.	169.b
		Polyænus.	34.b. 63.b
		Polycletus.	46.a
		Polyphemus.	285.a
		Pompeius. 91.a. 215.b. 234.a	
		Pompeius Q.	9.a. 90.a
		Posidonius.	215.b
		Priamus.	191.a. 194.a

INDEX

Proclinitas ad uitia.	245.b	Scæuola prætor.	61.a
Promertheus.	206.b. 236.b.	Scipio.	91.a
261.b		Scipio P. consul.	44.a
Pronuntiatum.	174.b	Scipiones.	192.b
Protagoras.	45.a	Scipio, pontifex maximus.	
Prouerbum.	90.a. 102.b	251.a	
Prudentia, uiuendi ars est.	149.a	Scyron.	35.a
Ptolemeus.	281.b	Seditiosi ciues.	9.a
Pulchritudo quid sit.	246.b	Selii P. & C.	8.b
Punicum bellum.	230.a	Semele.	177.b
Puteoli.	97.b	Sensus fenestræ sunt animi.	
Pyrrho.	42.a. 86.a. 87.b. 109.a	182.a	
135.b. 192.b		Sensuum imbecillitas.	54.b
Pythagoras.	159.a. 168.a. 176.	Sensus non semper uera nun-	
2. 180.a. 185.b. 239.a. 249. b.		tiat.	27.a
261.b. 262.a		Sensuum maxima uis.	11.a
Q VAESTIO quid sit.	13.a	Sepulcrorū cæremonia.	177.b
Qualitates.	53.a	Sepultura.	196.a
R ABIRIVS	48.b	Seruiliū gemini.	21.a. 28.a
Ratio.	13.a	Sextilius Rufus P.	90.b
Ratione uis doloris opprimen-		Silanus D.	64.a
da est.	211.a	Silenus.	199.b
Rationis præstantia.	212.b	Simonides.	185.a. 196.a
Regulus.	93.a. 167.a. 168.b	Sirenes.	158.b
Romani Græcis præstatiores.		Sisyphus.	173.a
171.a		Socrates. 9.a. 9.b. 57.b. 76.b.	
Rupilius P.	248.b	99.a. 188.a. 196.a	
S ALVTARES res a primo		Socratica ratio differendi.	173.a
Sortu animantia appetunt.		Socratis, morte mulctati, apud	
110.b		iudices oratio.	194.b
Sanitas corporis, & animi.	246.a	Socratis philosophandi mos.	
Sapiens.	20.a	51.a	
Sapiens plus semper habet		Sol.	27.b
quod gaudeat, quàm quod an-		Sollicitudo quid sit.	243.b
gatur.	74.a	Solon.	98.b
Sapientes omnes beati.	73.a	Solonis uersus.	160.a
Sapientes septem.	78.a	Sophistæ.	76.b
Sapientia. 12.a. 12.b. 69.b. 86.b		Sophocles.	145.b
98.b. 112.a. 133.b. 253.a. 261.		Sophoclis uersus. 105.b. 235.a	
2. 278.a		Sorita.	30.b
Sardanapalus.	103.a	Sparriatæ pueri.	209.a
Saturninus.	9.a	Speusippus. 51.b. 55. a. 125.b.	
Scæuola P.	9.a	145.a	
Scæuola P. tribunus. pl.	90.a	Sphærus.	251.b

I N D E X

Staseas Neapolitanus .	147.a	Therinaeus Elysius.	199.b
165.b		Theseus.	74.b.251.a
Statii locus.	178.b	Thorius Balbus L.	92.b
Status caussarum.	237.b	Thyestes.	197.a
Stilbo.	26.a	Timæus.	168.a
Stoici.	33.b.44.a.60.a.85.b.	Timæus Platonis.	80.a
165.a.189.b		Timagoras Epicureus.	27.a
Stoicorum disciplinam Cato		Timo.	244.b
explicat.	110.a	Timor quid sit.	243.b
Stoicorum porticus.	26.a	Timotheus.	282.a
Stoicorū qualis oratio .	126.a	Torquatus.	94.b.250.b
Stoicorum sententiæ.	44.a	Torquatus a torque detracto	
Strato.	55.a.148.a	cognomen habuit.	64.a
Stulti omnes miseri.	73.a	Torquatus L.	62.a.64.a
Stultitia.	236.a	Torquatus, P. Sylla consularū	
Surditas.	285.a	eripuit.	92.b
Sus.	155.b	Torquatus secure filium per-	
Sus Mineruam.	51.b	cussit.	64.a
Sylla.	92.b.124.b	Torquatus T. consul cum Cn,	
Synephebi Cæcilii.	59.b.60.a	Octauio fuit.	64.a
T ABVLA Cleanthis.	94.a	Torquatus tertio cōsulatu cū	
Tantalus.	173.a.247.b	latinis apud Vexerim consi-	
Tarquinius.	124.b	xit.	64.a
Telamo.	227.b.232.a.233.a	Trabeas.	
Temeritas.	57.a	Triarius C.	62.a.64.b
Temperantia.	91.b	Triptolemus.	195.a
Tēpus ægritudinē leuat .	231.a	Trophonius.	199.a
Terētii locus.	59.b.224.b.233.	Tubero.	45.b
b.258.a		Tubulus.	90.a.144.a.162.a
Terra.	39.b	Tuditanus.	29.b.171.b
Terror quid sit.	243.b	Turtures.	104.a
Testimonium.	46.a	Tyndaridē.	177.b
Tetrilius Rogus.	8.b	Tyresias, augur.	285.a
Teucri uox .	283.b	V ALERIVS P.	9.a
Thales.	38.a	Varietas.	79.a
Themistocles.4.b.	172.a.178.b	Varius A.	92.a
249.b		Varro cur philosophiā latinis	
Theodectes.	185.a	litteris explicare nolit.	48.b
Theodorus.	196.a.285.b	Varro Academiam, ueterem se	
Theophrasti de beata uita li-		quitur.	49.a
ber.	148.a	Varronis laus .	49.b
Theophrastus .	43.a.55.a.60.a	Velocitas.	246.b
125.b.147.b		Venus.	257.b
Theramene .	194.b	Venufia.	192.b

INDEX

Veritas.	15.a	Voluntas quid sit.	242.a
Veritas in profundo	demer-	Voluptas est iucundus motus	
sa.	57.b	in sensu.	96.a
Vinolenti.	20.a	Voluptatem esse summum bo-	
Virginus L.	93.a	num, quibus rationibus pro-	
Vitiū corporis quid sit.	245.b	bet Epicurus.	65.b
Vitiorum mediocritas.	248.a	Voluptatem quam dicat Epi-	
Vitia ratione depelluntur	259.a	curus, intelligi negant Epicu-	
Virtus ex uiro appellata.	211.b	rei.	79.a
Virtus in nobis est.	16.b	Voluptates, & dolores animi	
Virtus minime dolori cedit.		oriri e corpore.	72.a
276.b		Voluptati duæ res subiectæ.	
Virtus non potest esse, nisi gra-			
tuita.	45.a	Voluptatis alia uis, alia nihil	
Virtus, perfectio naturæ.	52.b	dolendi.	78.b
Virtus quid sit.	247.a. 269.b	X ENOCRATES. 40.a. 44.a	
Virtus rerum omnium domi-		45.a. 51.b. 55.a. 56.a. 125.	
na.	86.a	b. 145.a. 176.a. 271.b. 280.a	
Virtus satis prædii affert ad		Xenophanes. 9.a. 25.b. 38.a. 39	
beate uiuendum.	262.b	b. 41.b	
Virtus semper inuicta.	271.b	Xerxes.	104.b. 264.b
Virtuti multa adiunguntur in		Z ENO. 9.b. 27.a. 43.a. 44.b	
summo bono finiendo.	137.b	80.b	
Virtuti uitiositas cōtraria est.		Zeno Citiæus.	267.b
247.a		Zeno Eleates.	213.b
Virtutes non patiuntur quen-		Zeno Epicureus.	62.b. 227.a
quam dolori succumbere.		Zenonis philosophandi ratio.	
208.b		55.b	
Virtutes omnes inter se come		Zeno princeps Stoicorum.	
xx.	222.a	42.b	
Virtutum consensus.	167.b	Zeno Stoicus, Polemonis audi	
Virtutum magna uis.	227.a	tor.	125.b. 137.b
Vitiositas quid sit.	246.a	Zeusis.	46.a
Vitis.	155.b	Zopyrus.	259.a
Vlyxes.	158.b. 159.a. 261.a		

FINIS.

SERIES CHARTARVM.

a b c d e f g h i k l m n o p q r s t u
x y z aa bb cc dd ee ff gg hh ii kk ll
mm nn oo pp qq rr ss tt

Omnes sunt quaterniones, præter, ss, qui est duernio.

005486030

fix. 211.1
acundus motus
96.1
esse summum bo-
s rationibus pro-
us. 65.b
quam dicat Epi-
logi negant Epicu-
79.2
de dolores animi
pore. 71.2
suz res fabricata.
alia uis, alia nihil
78.b
RATES. 42.2.44.4
10.55.2.56.2.125.
6.2.71.1.30.2
8.9.2.25.3.38.2.39
102.1.3.64.1
10.57.2.43.2.44.1
us. 267.3
s. 213.3
reus. 61.1.227.2
lofophandi ratio.
ps Stoicorum.
Polemonis 221
125.1.137.1
46.2
259.2
NIS.
VM.
qrstu
b ü kkll
est duernio.

